

ମାଥୂତ ଲିଖିତ ସୁସମାଚାର ମାତିୟୁ ରାଚାମାନି ନେହଁ କାବୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହଁ କାବୁ ପତିୟାଁ ବିତ୍ରାଟି ମାତିୟୁ ରାଚାମାନି ନେହଁ କାବୁ ଜୀସୁ କ୍ରୀସ୍ତ ଜୀଝୁତି କାତା ରାସ୍କି ଆହାମାନେ □ ଈ ସାରିଗଟା ପତିୟାଁକ୍ ନେହଁ କାବୁ ଇନେରି □ ଏ ପତିୟାଁ ଜୀସୁ ହାଡ଼ି ଡାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି □ ମାତିୟୁ ରାଚିତି ନେହଁ କାବୁ ଏଚେଲା ରାସ୍କି ଆହାମାନେ ଇଞ୍ଜିଁ ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ଯା ଡାୟୁ ରାସ୍କି ଆହାମାଚେ, ଅଡ଼େ ଆମିନି ଟାୟୁତା ରାସ୍କି ଆହାମାଚେ, ଆମ୍ବାଆରି ପୁଞ୍ଜାହିଲଅରି, ଈ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍କି ଆହାମାଚେ □

ଜୀସୁ ମାତିୟୁକ୍ ତାନି ସୀସୁ ଆହାଲି ହାଡ଼ିତି ନକେଏ ମାତିୟୁ ର ସିସୁ ରୀହନାସି ମାଚେସି, ଇଞ୍ଜା ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାଟି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଈ କାବୁ ରାଚାମାଚେସି □ ଜୀହୁଦିୟାଁ ଜୀସୁକ୍, ଈ ରାଜିତା ସାଲଞ୍ଜି କିନି ରାଜା ଇଞ୍ଜିଁ ଅଣ୍ପିମାଚେରି, ସାମା ମାତିୟୁ ଏ ନାମୁତି ବାଦ୍ଲି କିହାନା ରାଚାମାନେସି; ଜୀସୁ ଦାରୁତିତି ରାଜି ଆଏ, ସାମା ଲାକପୁରୁ ଜୀଝୁତି ରାଜି କାତା ଝେସିହଁ ଜାଗ୍ରାତା କିହାଁ ଝେସାମାନେସି, ମାହାପୁରୁ ଆଚିତି ଗେଲ୍ପିକିନି ରାଜା, ଆମିନି ଗାଟାଣି ତାକି ପୁଃଇ ମେରାତି ଦାମ୍ବୁ ପତିତା ମାହାପୁରୁ ବଲୁ ଝେହନାରି ଝେସାମାଚେରି, ଇଞ୍ଜିହଁ ପୁଣ୍ଡି କିହାଲି ଅଣ୍ପିମାଚେସି, ଈ ଆକୁତା ମାହାପୁରୁ ରାଜିତି କାତା ହାଚେକା ଝେସିମାନେସି □

ମାତିୟୁ ରାଚିତି ନେହଁ କାବୁ ପୁଃନି ମେରାତି ମୂଲୁ ପତି ଇଞ୍ଜିଁ ତଞ୍ଜା ଆହାମାନେ, ଇତିହଁ ପୁଃଇ ମେରାତି ମାହାପୁରୁ ବଲୁ

ହାରେକା ରାସ୍‌କି ଆହାମାନେ, ଇ ପତି ପ୍ଲୁଃଇ ମେରା ପୁଃନି ମେରା
ତଲେ ଆଣ୍ଡାମାନେ, ଝେଡ଼ା ହପୁଝାକିତି ସଗୁପୁନାରି ଝେସିମାନେରି,
ମାତିୟ ତାନି ଆକୁତା ମସାତି ମେରା ପାରିନାୟି □ ହରୁଲେକ ଜୀସୁ
ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହୀନାୟି
ଝେ ମେରା ୧୯:୩; ୨୩-୩୩ □

ପତିତା ମାନାୟି

୧ ଜୀସୁ କ୍ରୀସ୍ତତି ଜାର୍ନା ଅଡେ ତାନି ସେବା କାମା □ ୧:୧-୪:୨୫

୨ ଜୀସୁ କ୍ରୀସ୍ତତି ସେବା ଅଡେ ତାନି ଜାପୁନାୟି □ ୫:୧-୨୫:୪୭

୩ ଜୀସୁ କ୍ରୀସ୍ତ ହୀନାୟି ଅଡେ ଝେଣ୍ଡେ ନିଜିନାୟି □ ୨୬:୧-୨୮:୨୦

ଜୀସୁ କ୍ରୀସ୍ତତି ଆକୁ ଆବାୟା

(ଲୁକ ୩:୨୩-୩୮)

୧ ଅବ୍ରାହାମ ମୀର୍‌ସସି ଅଡେ ଦାଝୁଦତି ମୀର୍‌ସସି ଜୀସୁ କ୍ରୀସ୍ତତି
କୃତା □

୨ ଅବ୍ରାହାମ ମୀର୍‌ସସି ଇସାହାକ, ଇସାହାକ ମୀର୍‌ସସି ଜାକୁବ,
ଜାକୁବ ମୀର୍‌ସସି ଜୀହୁଦା ଇଞ୍ଜା ତାନି ତାୟିୟା,

୩ ଜୀହୁଦା ଅଡେ ତାମାର ମୀର୍‌ସସି ପେରସ ଅଡେ ଜେରହ,
ପେରସ ମୀର୍‌ସସି ହେସୁଶ, ହେସୁଶ ମୀର୍‌ସସି ଅରାମ,

୪ ଅରାମ ମୀର୍‌ସସି ଅମିନାଦାବ, ଅମିନାଦାବ ମୀର୍‌ସସି ନହସନ,
ନହସନ ମୀର୍‌ସସି ସଲମନ,

୫ ସଲମନ ଅଡେ ରାହାବ୍ ମୀର୍‌ସସି ବୟାଜ, ବୟାଜ ଅଡେ ରୁତ
ମୀର୍‌ସସି ଅବେଦ, ଅବେଦ ମୀର୍‌ସସି ଜିସି □

୬ ଜିସି ମୀର୍‌ସସି ଦାଝୁଦ ରାଜା, ଦାଝୁଦ ଅଡେ ଉରିୟ ଡକ୍ରିନି
ତାଶାଟି ସଲମନ ଜାର୍ନା ଆଡେସି,

୭ ସଲମନ ମୀର୍‌ସସି ରିହବୟାମ, ରିହବୟାମ ମୀର୍‌ସସି ଅବିୟ,
ଅବିୟ ମୀର୍‌ସସି ଅସା,

୮ ଅସା ମୀର୍‌ସସି ଜିହସାପାଟ୍, ଜିହସାପାଟ୍ ମୀର୍‌ସସି ଜରାମ,
ଜରାମ ମୀର୍‌ସସି ଉଜିୟ,

୯ ଉଜିୟ ମୀର୍‌ସସି ଜତମ୍, ଜତମ୍ ମୀର୍‌ସସି ଆହାଜ, ଆହାଜ
ମୀର୍‌ସସି ହିଜକିୟ,

୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ,

୧୧ ଇସ୍ରାୟେଲ୍‌ଙ୍କ ବାବିଲନ ଦେସାତା ଦସାନା ଅନି ବେଲ୍ୟାତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡେରି □

୧୨ ବାବିଲନତା ଅଢ଼ିଆଡ଼ି ଜେତ ଜିକନିୟ ସଲ୍‌ଟିୟେଲ୍‌ଙ୍କ ଜାନ କିତେସି, ସଲ୍‌ଟିୟେଲ୍ ମୀରୁଏସି ଜିରୁବାବେଲ,

୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର,

୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ,

୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ,

୧୬ ଜାକୁବ ମୀରୁଏସି ମରିୟମନି ତକ୍ରା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡେସି, ଏଞ୍ଜାଣାଙ୍କ କ୍ରୀସୁ ଇଣ୍‌ସି ଆହିମାନେ □

୧୭ ଇଲେଆହୁ ଅବ୍ରାହାମ ତାଣାଟିଏ ଦାଝୁଦ ପାତେକା ସଦ ଜାଣା ଆକୁୟା, ଅଡେ ଦାଝୁଦ ତାଣାଟିଏ ବାବିଲନ ଅଢ଼ିଆଡ଼ି ପାତେକା ସଦ ମାଣ୍‌ସି, ଇଞ୍ଜା ବାବିଲନ ଅଢ଼ିଆଡ଼ି ତାଣାଟିଏ ଜୀସୁ କ୍ରୀସୁତି ଜାର୍ନା ପାତେକା ସଦ ମାଣ୍‌ସି □

ଜୀସୁ କ୍ରୀସୁତି ଜାର୍ନା ଆନାୟି

(ଲୁକ ୧:୨୭-୩୮; ୨:୧-୭)

୧୮ ✱ଜୀସୁ କ୍ରୀସୁତି ଜାର୍ନା ଇଲେକ୍ ଆଡେ □ ତାନି ଇୟା ମରିୟମ ଅଡେ ଜସେପ ତଲେ ବୀହା ଆହାଲି ରୀସ୍‌ସି ଆହାମାତି ଜେତ, ଏଢ଼ି କାଲ୍‌ଢ଼ି ଆଆ ନକେଏ, ଏଡ଼ି ସୁଦୁଜୀଝୁ ତଲେ ପୁରାମାସା ଆହାମାନେ ଇଞ୍ଜା ପୁଣ୍‌ସି ଆଡେ □

୧୯ ଏଚେଟିଏ ତାନି ତକ୍ରା ଜସେପ ର ଦାମ୍‌ନୁ ଲକୁ ମାଚାକି, ଇଞ୍ଜା ଏଦାଣି ଲକୁ ନକିତା ଦହ ଗାଟାୟି ଇଞ୍ଜା ତହୁଆପେଏ ଇଞ୍ଜା ଏଦାନି ତକ୍ରାହାନା ପିସାଲି ତୀରି କିତେସି □

୨୦ ସାମା ଏଞ୍ଜାସି ଏଲେଇଞ୍ଜି ତୀରିକିତି ତାୟୁ, ମେହଦୁ, ମାହାପୁରୁତି ର ଦୂତୁ ଏଞ୍ଜାଣାଇଁ ହାପାନାତା ଏଲେଇଚେସି, “ଆଡେ ଦାଞ୍ଜୁଦ କୁଡାତି ଜସେପ, ମରିୟମନି ତକ୍ତି କିହାଲିତାକି ଆଜାଆନି, ଏନାଆଁତାକି ଇଚିହଁ ମାହାପୁରୁତି ସୁଦୁଜୀଞ୍ଜୁ ତଲେ ପୁରାମାସା ଆହାମାନେ □

୨୧ ☆ଏଦି ର କକାଣାଇଁ ଜାନି କିନେ, ଅଡେ ମୀରୁ ଏଞ୍ଜାଣି ଦରୁ ଜୀସୁ ଇଞ୍ଜିଁ ଇଟାଦୁ, ଇଚିହଁ ଏଞ୍ଜାସି ତାମି ଲକୁଇଁ ତାମି ବାରେ ପାପୁଚି ଗେଲପିନେସି □”

୨୨ ମାହାପୁରୁ ଅଣପୁତି ବଲୁ ଝେହନାରି ତାଣାଟି ପ୍ରବୁତି ଇ କାତା ଏନିକିଁ ପୁରା ଆନେ, ଇଦାଆଁତାକି ଇ ବାରେ ଆଡେ,

୨୩ “ମେହଦୁ ର ଡାଆ ମାଜା ପୁରାମାସା ଆହାନା ର କକାଣାଇଁ ଜାନି କିନେ, ଅଡେ ଲକୁ ଏଞ୍ଜାଣି ଦରୁ ‘ଇମାନୁୟେଲ’ ଇଚିନେରି □” ଇ ଦରୁତି ଅର୍ତ୍ତ “ମାହାପୁରୁ ମା ତଲେ ମାନେସି □”

୨୪ ଏମ୍ବାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୂତୁ ଏନିକିଁ ହୁକୁମି ହୀହାମାଚେସି, ଏଲେକିହଁଏ କିଡେସି, ଏଞ୍ଜାସି ମରିୟମଇଁ ବୀହା ଆଡେସି;

୨୫ ☆ସାମା ଏଦି କକାଣାଇଁ ଜାନି କିଆ ପାଡେକା ଏଦାଣି ତଲେ କୁଡାଆଡେସି, ଅଡେ ଏ କକାଣି ଦରୁ ଜୀସୁ ଇଚିଡେରି □

୨

ଝେଡା ହପୁଞ୍ଜାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡି ତାୟୁ, ମେହଦୁ, ଝେଡା ହପୁ ଞ୍ଜାକିତି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି,

୨ “ଆମିନି କକାସି ଜୀହୁଦିଜା ରାଜା ଆହାଲି ଜାର୍ନା ଆହାମାନାସି, ଏଞ୍ଜାସି ଆମ୍ବିୟା ? ମାମ୍ବୁଝେଡା ହପୁ ଞ୍ଜାକିତି ତାନି ହୁକା ମେସାନା ଏଞ୍ଜାଣାଇଁ ଜହରା କିହାଲି ଝାହାମାନମି □”

୩ ଇ କାତା ୱେଞ୍ଜାନା ହେରଦ ରାଜା ଅଡ଼େ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି □

୪ ଅଡ଼େ ଏଝାସି ଲକୁତି କାଜା ପୁଜେରାଜା ଇଞ୍ଜା ମେରା ପୁନାରାଇଁ କୁଡ଼ି କିହାନା, କ୍ରୀସ୍ତ ଏମ୍ବିୟା ଜାର୍ନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣ୍ପିତେସି □

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡ଼ାତା ମାହାପୁରୁ ଅଣ୍ପୁତି ବଲୁ ୱେହ୍ନାରି ତାଣାଟି ଇଲେଇଞ୍ଜା ରାସ୍କି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ,
ଜୀହୁଦାତି କାଜା ନାସ୍କା ବିତ୍ରାଟି ନୀନୁ ଉଣା ଆଏ;
ଇଚିହିଁ ଆମ୍ବାଆସି ନା ଇସ୍ରାୟେଲ ଲକୁଣି ପହି କିନେସି,
ଏଲେତି ର ସାଲଞ୍ଜି କିନାସି ନୀ ତାଣାଟି ୱାନେସି □”

୭ ତାୟୁ ହେରଦ ସଗୁ ପୁନାରାଇଁ ମେଣେଏ ହାଟାନା, ଏ ହୁକା ଏଚେଲା ତଞ୍ଜାଆଡ଼େ ଏ କାତା ଏଝାରି ତାଣାଟି ନେହିଁକିଁ ୱେଚେସି □

୮ ଇଞ୍ଜା ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି,
“ମୀରୁ ହାଜାନା ଏ କକାଣି କାତା ନେହିଁକିଁ ସିନିକିହାନା ନାଜେ
ଜିକେଏ ୱେସ୍ତାଦୁ, ଇଚିହିଁ ନାନୁ ଜିକେଏ ହାଜାନା ଜହରା କିକାଇଁ
□”

୯ ଏଚେଟିଏ ଏଝାରି ରାଜା କାତା ୱେଞ୍ଜାନା ହାଚେରି; ଅଡ଼େ ମେହ୍ଦୁ, ଏଝାରି ୱେଡ଼ା ହପୁଞ୍ଜାକି ଆମିନି ହୁକା ମେସାମାଚେରି, ଏଡ଼ି ଏଝାରି ନକି ନକିତା ହାଜାନା, ଏମ୍ବିୟା କକାସି ମାଚେସି ଏ ଲାକ ହାଜାନା ନିତେ □

୧୦ ଏ ହୁକା ମେସାନା ଏଝାରି ହାଚେକା ରାହାଁତଲେ ରାହାଁ ଆଡ଼େରି
□

୧୧ ଏଝାରି ଇଲୁ ବିତ୍ରା ହଡ଼ାନା ତାମି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୁତାନା ଜହରା କିତେରି, ଇଞ୍ଜା ତାମ୍ବୁତାଚାମାଟି ପେଡ଼ାୟାଟି ବାଂଗାରା, ଦୁପା ଦୁପାଣି ଅଡ଼େ ଗାନ୍ଦା ନିୟୁଁ ବେଟୁଁ ହାଚେରି □

୧୨ ତାମ୍ଭୁ ହେରଦ ରାଜା ତାଣା ଖେଣ୍ଡା ହାଲାଆପେରିଝା ଇଞ୍ଜି
ମାହାପୁରୁ ଏଝାରାଇଁ ହାପାନାତା ହୁକୁମି ହୀହାଲିଏ, ଏଝାରି ଅର
ଜିରୁଟି ତାମି ଦେସାତା ଖେଣ୍ଡାହାରେରି □

ମିସର ଦେସାତା ହାନାୟି

୧୩ ଏଝାରି ହାଟି ତାମ୍ଭୁ, ମେହଦୁ, ମାହାପୁରୁତି ଦୁଡୁ ଜସେପଇଁ
ହାପାନାତା ଏଲେଇରେସି, “ନିଙ୍ଗାମୁ କକାଣି ତାଲୁଇଁ ଅଡେ ତାମି
ଇୟାନି ଅହିଁ ମିସରତା ହାଲାମୁ, ନାନୁ ମିଙ୍ଗେ ଖେସ୍ତାଆ ପାତେକା
ଏମ୍ପାଆଁ ମାଞ୍ଜୁ, ଇଚିହିଁ କକାଣି ତାଲୁଇଁ ପାୟାଲି ହେରଦ
ଅଣ୍ଡିମାନେସି □”

୧୪ ଜସେପ ନିଙ୍ଗାନା କକାଣି ତାଲୁ ଇଞ୍ଜାଁ ତାମି ଇୟାନି ଆସାନା
ଲାଆଁ ଲାଆଁୟାଁ ମିସର ଦେସାତା ଅହିଁ ହାରେସି,

୧୫ ହେରଦ ହାନି ପାତେକା ଏମ୍ପାଆଁ ଏଝାରି ଡୁୟିତେରି, ଇ ବାରେ
ଗଟଞ୍ଜି ଆନାଣି ମାହାପୁରୁ ଅଣ୍ଡିପୁତି ବଲୁ ଖେହ୍ନାରି ତାଣାଟି ଇ
ମାହାପୁରୁ ଅଣ୍ଡିପୁତି ବଲୁ ପୁରା ଆନେ, “ନା ମୀରଏଣାଇଁ ନାନୁ ମିସର
ଦେସାଟି ହାଟା ତାତେସି □”

କକାରି ତାଲୁକାଣି ପାୟିନାୟି

୧୬ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଝାଣାଇଁ
ନାଡ଼ିକିହାନା ହାଜାମାନେରି ଇଞ୍ଜି ପୁଞ୍ଜାନା, ହେରଦ ହାରେକା
କପା ଆଡେସି, ହୁକାଟି ଉଜେଡ଼ି ଆମିନି ବେଲାତା ତଞ୍ଜାଆହାମାଟେ
ସଗୁପୁନାରି ତାଣାଟି ନେହିଁକିଁ ପୁଞ୍ଜାମାରେସି, ଏଦାଆଁ ପୁଞ୍ଜାନା
ବେତଲିହିମ ଅଡେ ତାନି ତାଗେ ମାଟି ନାସ୍‌କାଟି ରୀ ବାର୍ସାଟିଏ ଉଣା
କକାରାଇଁ ପାୟାଲି ତାକି ହୁକୁମି ହୀତେସି □

୧୭ ଏଟିବେଲା ମାହାପୁରୁ ଅଣ୍ଡିପୁତି ବଲୁ ଖେହ୍ନି ଜିରିମିୟ ଖେସ୍ତି
ଇ ବଲୁ ସାତା ଆଡେ,

୧୮ “ରମାତା ହାଡ଼ା ଖେଞ୍ଜିମାନେ,

ଡ଼ାକି ଅଡେ ହାରେକା ଦୁକୁଡ଼ି ଗିୟାଁ

ରାହେଲ ତାନି ମୀରକା ତାକି ଡ଼ାହିମାଟେ;

ଅଡେ ଏଝାରି ବାରେ ହାହାହାରେରି ଇଞ୍ଜିଁ,

ଏଡ଼ି ଦୁକୁ ଡ଼ୁକ୍‌ହାଲି ମନ କିହି ହିଲାଆତେ □”

ମିସରଟି ଖେଣ୍ଡାଖାନାୟି

୧୯ ହେରଦ ହାଡ଼ି ତାୟୁ, ମେହ୍ଦୁ, ପ୍ରବୁତି ର ଦୂତୁ ମିସରତା
ଜସେପଙ୍କ ହାପାନାତା ତଞ୍ଜାଆହାନା ଏଲେଇରେସି,

୨୦ “ନିଙ୍ଗାମୁ, କକାଣାଙ୍କ ଅଡ଼େ ତାମି ଇୟାନି ତଲେ ଇସ୍ରାୟେଲ
ଦେସାତା ହାଲମୁ, ଇଚିହିଁ ଆମ୍ବାଆରି କକାଣି ଜାସୁ ଅହାଲି ତାକି
ଅଶ୍ୱପିମାରେରି ଏଞ୍ଜାରି ହାହାମାନେରି □”

୨୧ ଏରେଟିଏ ଜସେପ ନିଙ୍ଗାମା କକାଣାଙ୍କ ଇଞ୍ଜା ତାମି ଇୟାନି
ଆସାନା ଇସ୍ରାୟେଲ ଦେସାତା ଖାଡ଼େସି □

୨୨ ସାମା ହେରଦ ଚାୟୁତା ତାନି ମାର୍ଏସି ଆକ୍ ଲାୟ ଜାହୁଦାତି
ରାଜା ଆହାମାନେସି ଇଞ୍ଜା ଖେଞ୍ଜାନା ଏଞ୍ଜାସି ଏମ୍ବାଆଁ ହାଜାଲି
ଆଜିତେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି
ରାଜି ଖାକି ହାରେସି,

୨୩ ✨ଇଞ୍ଜା ନାଜରିତତି ଗାଡ଼ାତା ହାଜାନା ତୁୟିତେରି, ଏନିକିହିଁ
ମାହାପୁରୁ ଅଶ୍ୱପୁତି ବଲୁ ଖେହ୍ନାରି ରାଡ଼ିତି କାତା ସାତା ଆନେ,
“ଏଞ୍ଜାସି ନାଜରିତତାସି ଇଞ୍ଜା ଖେଙ୍ଗିନେସି □”

୩

ବାପ୍ରିସ୍ତ* ହାନି ଜହନତି ଖେକ୍ନାୟି

(ମାତ୍ରି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲୀତା ବାପ୍ରିସ୍ତ† ହାନି ଜହନ ଜାହୁଦା ଦେସାତି ବାଃଲି
ବାଗାଟି ଖାହାନା ବଲୁ ଖେକ୍ନାଲି ମାଟ୍‌ହେସି □

୨ ✨“ପାପୁ ପିସାନା ମନ ଖେହ୍ନା କତାପୁ, ଇଚିହିଁ ଲାକପୁରୁ
ରାଜି ଏଗାଞ୍ଜାହିମାନେ □”

୩ ମାହାପୁରୁ ଅଶ୍ୱପୁତି ବଲୁ ଖେହ୍ନି ଜିସାୟ ତାଣାଟି ଇ ହାଡ଼ା
ଖେସ୍‌ପି ଆହାମାନେ,

ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲୀଆ ଚାୟୁତା
ଖେଙ୍ଗିମାନେ,
ପ୍ରବୁ ତାକି ଜିରୁ ତିୟି କିପୁ □”

✨ ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫ * ୩: ୩:୧ ମୁଞ୍ଜିନାୟି † ୩:୧
୩:୧ ମୁଞ୍ଜିନାୟି ✨ ୩:୨ ୩:୨ ମାତ୍ରି ୪:୧୭; ମାର୍କ ୧:୧୫

୪ ଜହନ ଉଚ୍ଚ ବାଣୀୟା ତଳେ କେପିତି ହିମ୍ବରକା ତୁରହିମାରେସି,
ଇଞ୍ଜା ତାନି ଚେତେଲିତା ର ତଳୁତି ବୁଡ଼ିଯା ମାଡ଼ା ଦସା କଡ଼଼ିତେସି,
ଗପ୍‌ଏରିକା ଅଡ଼େ ଜାଡ଼ାତି କ୍ରିୟା ଏଞ୍ଜାଣି କାଦି ମାରେ □

* ଏଚିବେଲିତା ଜିରୁସାଲମ ଗାଡ଼ା ଇଞ୍ଜା ବାରେ ଜୀହୁଦା ଦେସା
ଅଡ଼େ ଜର୍ଦନ ଦାରିତି ନାସ୍କାତି ବାରେ ଲକୁ ତାନି ତାଣା ଖାହାଲି
ମାଟ୍‌ହେରି,

୨ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାଡ଼ାତା
ବାପ୍ତିସ୍ମା‡ ଅଡ଼େରି □

୩ *ସାମା ହାରେକା ପାରୁସିୟା ଅଡ଼େ ସାଦୁକିୟା ବାପ୍ତିସ୍ମା‡
ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇଚେସି, “ଅଡ଼େ
ରାସ୍କା କୃତାତାଚେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି
କିହାକତାଲି ଆମ୍ବାଆସି ମିଙ୍ଗେ ସେଡ଼ନା ହିୟାତେସି

† ଇଦାଆଁତାକି ମନ ଖେଟ୍‌ହାମାନାଣି ନେହଁ କାମାତା ତହୁଦୁ,

୯ ଅଡ଼େ ଅବ୍ରାହାମ ମା ଆବା ଇଞ୍ଜା‡ ମୀ ମନ ବିତ୍ତା ଅଣପାଆଦୁ,
ଏନାଆଁତାକି ଇଚିହଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ
ଇ ଖାଲକାଟି ଜିକେଏ ଅବ୍ରାହାମତି ମୀରକାଣି ଗାଡ଼ି କିହାଲି
ଆଡ଼ିମାନେସି □

୧୦ ଅଡ଼େ ନୀର୍ବି ଜିକେଏ ମାରୁନୁ ତାକିତା କାଃଆଲି ଆଟାମାନେ,
ଆମିନି ମାରୁନୁ ନେହଁ ପାଡ଼େୟି ଆୟେଏ, ଏଦାନି ଚୁଣ୍ଡହାନା
ହିରୁତା ମେଡ଼ପି ଆନେ □

୧୧ ନାନୁସାଁ ମିଙ୍ଗେ ପାପୁଟି ପିସ୍‌ପି କିହାଲି ଇଞ୍ଜା ମନ ଖେଟ୍‌ପି
କିହାଲି ଏୟୁତଲେ ବାପ୍ତିସ୍ମା* ହାହିମାଞ୍ଜାଇଁ, ସାମା ନା ଡାୟୁ ରଅସି
ଖାହିମାନେସି ଏଞ୍ଜାସି ନା କିହାଁ ହାରେକା ବାଡ଼ୁୟୁ ଗାଟାସି, ଏଞ୍ଜାଣି
ସେପୁୟା ହୁକହାଲି ଜିକେଏ ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ
ସୁଦୁଜୀଖୁ ଇଞ୍ଜା ହିରୁତଲେ ବାପ୍ତିସ୍ମା† ହିୟାନେସି □

୧୨ ଏଞ୍ଜାସି ତାନି କ୍ଳାନୁତି ନେହଁ କଁ ତାସାହାଁ, ତାନି ଆର୍ନାତି
କ୍ଳସାହାଁ ଗାଦେୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ସାମା

‡ ୩:୭ ୩:୭ ମୁଞ୍ଜିନାୟି ☆ ୩:୭ ୩:୭ ମାତି ୧୨:୩୪; ୨୩:୩୩ § ୩:୭ ୩:୭ ମୁଞ୍ଜିନାୟି
☆ ୩:୯ ୩:୯ ଜହ ୮:୩୩ ☆ ୩:୧୦ ୩:୧୦ ମାତି ୭:୧୯ * ୩:୧୧ ୩:୧୧ ମୁଞ୍ଜିନାୟି
† ୩:୧୧ ୩:୧୧ ମୁଞ୍ଜିନାୟି

ଚାଟା ପଡ଼ୁଛି ଏବେଲା ଭୁମ୍ବାଆଗାଟି ହିରୁତା ହୃତା ତୁହନେସି □”

ଜୀସୁ ଏୟୁତା ବାପ୍ତିସ୍ମ‡ ଅନାୟି

(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏଚିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ମ‡ ଅହାଲି ତାକି
ଜର୍ଦନ କାତାତା ଜହନ ତାଣା ଖାଡେସି □

୧୪ ସାମା ଜହନ ଜୀସୁଇଁ କାହି କିହାଲି ଅଣ୍ଠାପାନା ଏଲେଇଚେସି,
“ନୀ ତାଣାଟି ନାନୁ ବାପ୍ତିସ୍ମ* ଅନାୟି ନା ଲଡ଼ାମାନେ, ଇଞ୍ଜା ନାନୁ ନା
ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଖାଣାଇଁ ଏଲେଇଚେସି, “ନା ହାଡ଼ା ଆହ୍ମୁ,
ଏନାଆଁତାକି ଇଚିହଁ ଇଲେ ତଲେ ମାହାପୁରୁ ଦାମ୍ଭୁତି କାମା
କିନାୟିମାନେ □” ଏଚେଟିଏ ଜହନ ମାନଞ୍ଜି ଆଡେସି □

୧୬ ଜୀସୁ ବାପ୍ତିସ୍ମ‡ ଅଡ଼ି ଦେବୁଣିଏ ଏୟୁଟି ନିଜା ଖାଡେସି □
ଏଚେଟିଏ ହାଗୁ ଦେପିଆଡେ, ଇଞ୍ଜା ମାହାପୁରୁତି ସୁଦୁଜୀଖୁ ପାରଖା
ପଟାଲେହେଁ ଜୀସୁ ଲାକ ରେଚା ଖାହିମାଚାଣି ଜହନ ମେସେସି □

୧୭ ✧ ଅଡ଼େ ମେହ୍ମୁ, ହାଗୁଟି ଇ ହାଡ଼ା ଆଡେ, “ଇଖାସି ନା ଜୀସୁତି
ମୀରଏସି ଇଖାଣି ତାଣା ନା ହାରେକା ରାହାଁ ମାନେ □”

୪

ଜୀସୁଇଁ ତାୟିପାରି କିନାୟି

(ମାର୍କ ୧:୧୨-୧୩; ଲୁକ ୪:୧-୧୩)

୧ ✧ ଏଚିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି
ସୁଦୁଜୀଖୁ ଲକୁ ହିଲାଆ ଟାୟୁତା ଅଡେ □

୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା
ଉପାସା କିହାଁ ହାକି ଆଡେସି □

‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି * ୩:୧୪ ୩:୧୪ ମୁଞ୍ଜିନାୟି

† ୩:୧୨ ୩:୧୨ ମୁଞ୍ଜିନାୟି ✧ ୩:୧୨ ୩:୧୨ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ

୯:୩୫ ✧ ୪:୧ ୪:୧ ଏବୁ ୨:୧୮; ୪:୧୫

୩ ଏଚିବେଲା ସୟତାନ ତାନି ଦାରିତା ଖାହାନା ଏଲେଇଚେ,
“ନୀନୁ ମାହାପୁରୁ ମୀରଏଣାତି ଇଚିସାରେ ଇ ଖାଲକାଣି ରୁଚି ଆହାଲି
ହୁକୁମି ହୀମୁ □”

୪ ସାମା ଜୀସୁ ଏଲେଇଚେସି, “ଦୀର୍ମୁ ସାସ୍ତେରିତା ରାସ୍ତକି
ଆହାମାନେ ମାଣସି ଖାରଇ ରୁଚି ତିଞ୍ଜାନା ନୀତଅସି, ସାମା ମାହାପୁରୁ
ଗୁଚିଚି ହଚିମାନି ବଲୁ ତଲେ ନୀତିନେସି □”

୫ ତାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା,
ମାହାପୁରୁ ଇଲୁ ତୁଡ଼ିୟା ଲାକ ନିପହାନା,

୬ ଏଲେଇଚେ, “ନୀନୁ ମାହାପୁରୁ ମୀରଏଣାତି ଇଚିହୁଁ ଇମ୍ବାଚି
ଡ଼ଇକା ଗେମ୍ବାମୁ,” ଦୀର୍ମୁ ସାସ୍ତେରିତା ରାସ୍ତକି ଆହାମାନେ,
ନିଙ୍ଗ ଜାଡ଼ନୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି
ହୀନେସି;

“ନୀ କତାୟାଁ ଏନିକଁ ଖାଲକାଣା ଆଡ଼ାଉ ଇଞ୍ଜା
ଦୁତୁୟାଁ ନିଙ୍ଗ କେସ୍ତାତଲେ ପେରହା ଆସ୍ତାନୁ □”

୭ ଜୀସୁ ଏଦାନି ଏଲେଇଚେସି, “ଦୀର୍ମୁ ସାସ୍ତେରିତା ରାସ୍ତକି
ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି □”

୮ ଅଡ଼େ ଝେଣ୍ଡେ ସୟତାନ ଜୀସୁଇଁ କାଜା ହରୁ ଲାକ ଅହାନା
ଦାରତିଚି ବାରେ ରାଜି ଅଡ଼େ ଏମ୍ବାଚି ବାରେ ଅଜୁ ଅଡ଼େ ଜୁପକା
ତସାନା ଏଲେଇଚେ,

୯ “ନୀନୁ ନାଙ୍ଗେ ମେଣ୍ଡାକୁତାନା ଜହରା କିୟାଦି ଇଚିହୁଁ ନୀନୁ
ଇ ବାରେ ନିଙ୍ଗ ହିୟାଁଇଁ □”

୧୦ ଏମ୍ବାଚିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଚି ହେକ
ହାଲାମୁ! ଦୀର୍ମୁ ସାସ୍ତେରିତା ରାସ୍ତକି ଆହାମାନେ, ‘ଖାରଇ ନୀ ପ୍ରବୁ
ମାହାପୁରୁଇଁ ଜହରା କିଦି ଅଡ଼େ ଖାରଇ ତାଙ୍ଗେଏ ସେବା କିଦି □’ ”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ
ଦୁତୁୟାଁ ଖାହାନା ଏଞ୍ଜାଣି ସେବା କିତୁ □

ଜୀସୁ ଗାଲିଲିତା ତାନି କାମା ମାଟ୍‌ନାୟି
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ☆ଜହନଙ୍କ କାୟିଦି ଇଲୁତା ଇଟିତେରି ଇଞ୍ଜିଁ ଖେଞ୍ଜାନା ଜୀସୁ ଏମ୍ବାଟିଏ ଗୁତା ଆହାନା ଗାଲିଲିତା ଖାଡେସି;

୧୩ ☆ଏଞ୍ଜାସି ନାଜରିତତା ଡୟାଆତେସି, ସାମା କପରନାହୁମତା ଡୟାଲି, ସୁବୁଲୁନ୍ ଅଡେ ନପ୍ତାଲିତା ମାନି ର ଗାଲିଲି ସାମ୍ବୁରି ଗାଟୁତା ମାନି ଗାଡ଼ାତା ହାଚେସି □

୧୪ ଏନିକିହିଁ ମାହାପୁରୁ ଅଶ୍ପୁତି ବଲୁ ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡେ ନପ୍ତାଲି ଦେସା

ସାମ୍ବୁରି ତାଗେ ଇଞ୍ଜା ଜର୍ଦନ କାତା ଆତାଲାଞ୍ଜାକିତି,
ଜୀହୁଦିଆଆତି ଗାଲିଲି!

୧୬ ଆନ୍ଦେରିତା ବାସା କିହିମାନି ଲକୁ କାଜା ଉଜେଡି ମେସ୍ତେରି

ହାକିତି ନାସ୍କା ଅଡେ ସାହଡ଼ାତା ମାନି ଲକୁତାକି

ଉଜେଡି ତଞ୍ଜାଆନେ □”

୧୭ ☆ଏ ବେଲାଟିଏ ଜୀସୁ ତାନି କାତା ଖେକହାଲି ମାଟହେସି,
“ମୀ ପାପୁ ପିସାନା ମନ ଖେଟହା କତାଦୁ, ଏନାଆଁତାକି ଇଟିହିଁ
ଲାକପୁରୁ ରାଜି ଏଗାଞ୍ଜାହିମାନେ □”

ସାରି ଜାଣା ମୀଶକା ଆହନାରାଙ୍କ ଜୀସୁ ହାଟିନାୟି

(ମାର୍କ ୧:୧୨-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ବୁରି ଗାଟୁଟି ହାଜିମାଚାଟି ସିମନ ଇନି ପିତର ଅଡେ ତାନି ତାୟି ଆହିୟ, ଇ ତାୟି ରିଆରି ସାମ୍ବୁରିତା ଜାଲା ମେଡହି ମାଚାଣି ମେସ୍ତେସି, ଏନାଆଁତାକି ଇଟିହିଁ ଏଞ୍ଜାରି ମୀଶକା ଆହନାରି ମାଚେରି □

୧୯ ଜୀସୁ ଏଞ୍ଜାରାଙ୍କ ଏଲେଇଚେସି, “ନା ଜେଚ ଖାଦୁ, ନାନୁ ମିଙ୍ଗ ଲକୁଣି ଆହନାଣି ଜାପୁହାଙ୍କ □”

୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି □

☆ ୪:୧୨ ୪:୧୨ ମାତି ୧୪:୩; ମାର୍କ ୬:୧୭; ଲୁକ ୩:୧୯,୨୦ ☆ ୪:୧୩ ୪:୧୩ ଜହ
୨:୧୨ ☆ ୪:୧୭ ୪:୧୭ ମାତି ୩:୨

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜା ଅଡ଼େ ରିଆରି ତାୟିୟା ତାମି ଆବା ଜେବଦି ତଲେ ଡଂଗତା ଜାଲା ମୁଦା କିହିମାତାଣି ମେସାନା ଏଞ୍ଜାରାଇଁ ଜିକେଏ ହାଟିତେସି □

୨୨ ଏରେଟିଏ ଏଞ୍ଜାରି ଏ ଦେବୁଣିଏ ଡଂଗ ଅଡ଼େ ତାମି ଆବାଇଁ ପିସାନା ଜୀସୁ ଜେଟ ହାରେରି □

ଜୀସୁ ସେବା କାମା ମାଟ୍ରିୟାୟି (ଲୁକ ୬:୧୭-୧୯)

୨୩ ☆ଡାୟୁ ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକୁଡି କୁଟମି ଇଲକାଣା ଜାପ୍‌ହିହିଁ, ମାହାପୁରୁ ରାଜିତି ନେହିଁ କାରୁ ଝେସିହିଁ ରଗଗାଟି ଲକୁଣି ନେହିଁ କିହାଲି ମାଟ୍‌ହେସି,

୨୪ ଅଡ଼େ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଝେଙ୍ଗାହାରେ, ଇଞ୍ଜା ଲକୁ ବୃତୁୟା ଆଲଗା ମାତାରାଇଁ, କାଟିଝେତାରାଇଁ, ଇଞ୍ଜା ଟଟ ଝାୟିତାରାଇଁ; ଇଲେତି ହାରେକା ରଗଟି କସୁ ଆହିମାନାରାଇଁ ଜୀସୁ ନକିତା ତାତେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହିଁ କିତେସି □

୨୫ ଅଡ଼େ ଗାଲିଲି, ଦସଗଟା ନାସକା,* ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାଟୁତା ମାନି ନାସକାଟି ହାରେକା ଲକୁ ଜୀସୁ ଜେଟ ହାରେରି □



ହରୁ ଲାକ ଜାପ୍‌ନାୟି

୧ ଜୀସୁ ହାରେକା ଲକୁଇଁ ମେସାନା ର ହରୁ ଲାକ ହାଜାନା କୁଟିତେସି, ଇଞ୍ଜା ସୀସୁୟା ଏଞ୍ଜାଣି ଡାଗେ ଝାଡ଼େରି □

୨ ଏମ୍ବାଟିଏ ଏଞ୍ଜାସି ଗୁଡି ଏକ୍‌ହାନା ଜାପ୍‌ହାଲି ମାଟ୍‌ହେସି □

ଆମ୍ବାଆରି ନେହାରି (ଲୁକ ୬:୨୦-୨୩)

☆ ୪:୨୩ ୪:୨୩ ମାତି ୯:୩୫; ମାର୍କ ୧:୩୯

* ୪:୨୫ ୪:୨୫ ଦେକାପଲି

- ୩ ଆତ୍ମାଆରି ଜୀବୁତା ଏନାଆଁ ହିଲାଆ ଗାଟାରାକି ନେହେଁ,
ଏନ୍ତିଇଚିହିଁ ଲାକପୁରୁ ରାଜି ଏଞ୍ଜାରି ଝାକୁଁ □
- ୪ ଆତ୍ମାଆରି ଦୁକୁତା ଡାହିମାନି ଲକୁତାକି ନେହେଁ,
ଏନାଆଁତାକି ଇଚିହିଁ ମାହାପୁରୁ ଏଞ୍ଜାରି ଦୁକୁ ତୁକ୍‌ନେସି □
- ୫ କପା ହିଲାଆ ଗାଟାରି ନେହେଁ,
ଏନାଆଁତାକି ଇଚିହିଁ ଦାର୍ତ୍ତିତା ଏଞ୍ଜାରି ଅଦିକାରା ଆନେରି
□
- ୬ ମାହାପୁରୁ ଦାମ୍ଭୁତି କାମା କିହାଲି ହାକି ଏସ୍‌କି ଗାଟାରି ଏଞ୍ଜାରାକି
ନେହେଁ,
ଏନାଆଁତାକି ଇଚିହିଁ ମାହାପୁରୁ ଏଞ୍ଜାରାକି ଲଡ଼ାମାନାଣି
ବାରେ ହାନେସି □
- ୭ ଏଟକା ଲକୁଣି କାର୍ମା ମେହ୍‌ନେରି, ଏଞ୍ଜାରାକି ନେହେଁ,
ଏନ୍ତିଇଚିହିଁ ମାହାପୁରୁ ଏଞ୍ଜାରାକି କାର୍ମା ମେହ୍‌ନେସି,
- ୮ ଆତ୍ମାଆରି ସୁଦୁ ହିୟାଁ ଗାଟାରି ଏଞ୍ଜାରାକି ନେହେଁ,
ଏନ୍ତିଇଚିହିଁ ଏଞ୍ଜାରି ମାହାପୁରୁକି ମେହ୍‌ନେରି □
- ୯ ହିଡ଼ଡ଼ି ଗାଟି ଲକୁ ନେହେଁ,
ଏନ୍ତିଇଚିହିଁ ଏଞ୍ଜାରି ମାହାପୁରୁତି ମୀରକା ଇଞ୍ଜିଁ
ଝେଙ୍ଗିନେରି □
- ୧୦ ☆ମାହାପୁରୁ ଦାମ୍ଭୁ କାତାତାକି ଦୁକୁ ବେଟାଆନାରି ଏଞ୍ଜାରାକି
ନେହେଁ,
ଏନ୍ତିଇଚିହିଁ ଲାକପୁରୁ ରାଜି ଏଞ୍ଜାରିଝାୟି □
- ୧୧ ☆ଏଚିବେଲା ଲକୁ ମିଙ୍ଗି ନା ତାକି ନିନ୍ଦା କି ଲାଜା କିନ୍ଦାନେରି,
ଅଡ଼େ ନା ତାକି ଉଜେ ଉଜେଏ ମୀ କପାଟି ମିଟି କାତା ଜଳାନେରି,
ଆତିହିଁ ମିଙ୍ଗେ ତାକି ନେହେଁ □
- ୧୨ ☆ରାହାଁ ଆହାନା ଏନାଦୁ, ଏନାଆଁତାକି ଇଚିହିଁ ଲାକପୁରୁତା
ମୀ ତାକି ହାରେକା ଦାନା ମାନେ; ଏଲେକିହିଁଏ, ମୀ ନକିତି
ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାକି ଜିକେଏ ଇଲେକିହିଁ ନିନ୍ଦା
କିହାମାଟେରି □

ହାରୁ ଅଡ଼େ ଉଜେଡ଼ି

(ମାର୍କ ୯:୫୦; ଲୁକ ୧:୩୪-୩୫)

୧୩ ✱ମୀରୁ ବାରେ ଦାର୍ତ୍ତିତି ହାରୁ ଲେହେଁ, ସାମା ହାରୁ ମୂଆଡ଼ିହେଁ, ଅଡ଼େ ଏଦାଆଁ ଏମ୍ବିୟା ଜିକେଏ ଲେମ୍ବାଲି ଆଏ, ଇଞ୍ଜା ଏଡ଼ି ଏନି କାମାତା ପାଡ଼ା ଆଏ, ଲକୁ ଏଦାଆଁ କଡ଼ା ଡ଼ଇ ଝିସା ହାନେରି □

୧୪ ✱ମୀରୁ ଦାର୍ତ୍ତିତି ଉଜେଡ଼ି ତେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଡ଼ି ଏଚେଲା ଡ଼ଗୁନା ଡ଼ୟାଲି ଆଡ଼େଏ □

୧୫ ✱ଅଡ଼େ ଦୀଝୁଁ ଡ଼ୀସାନା ଆମ୍ବାଆରି ମାଣା ପ୍ଲିକ୍‌ହାନା ଇଟଅରି, ସାମା ଏଦାନି ଦୀଝୁଁ ସଡ଼ାତା ଇଟିନେରି, ଆଡ଼ିହେଁ ଇଲୁତା ଝାନି ବାରେ ଲକୁ ଉଜେଡ଼ି ମେହନେରି □

୧୬ ✱ଏଲେକିହେଁଏ ମୀ ଉଜେଡ଼ି ଲକୁ ନକିତା ନେହେଁକେଁ ତଞ୍ଜାଆପେ, ଏନିକେଁ ଏଝାରି ମୀ ନେହେଁ କାମା ମେସାନା ଲାକପୁରୁତି ଆବାତି ଗାଝୁରମି କିନେରି □

ମେରାତି କାତା ଜାପୁନାୟି

୧୭ ନାଙ୍ଗେ ମସାତି ମେରା ଅଡ଼େ ମାହାପୁରୁ ଅଣ୍‌ପୁତି ବଲୁ ଝେହନାରି ମେରାତି ମେକ୍‌ହାଲି ଝାହାମାନେସି ଇଞ୍ଜେଁ ଅଣ୍‌ପାଆଦୁ; ନାନୁ ମେକ୍‌ହାଲି ଝାହାହିଲଅଁ ସାମା ଇ ବାରେ ପୁରା କିହାଲି ଝାହାମାଇ □

୧୮ ✱ଏନାଆଁତାକି ଇଟିହେଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାର୍ତ୍ତି ମେଣ୍‌ଜାଆ ପାତେକା ଇଞ୍ଜା ଇ ବାରେ ଆଆପାତେକା ମସା ମେରାତି ଇରାୟି ସିନା ଜିକେଏ ମେଣ୍‌ଜେଏ □

୧୯ ଏନାଆଁତାକି ଇଟିହେଁ ଆମ୍ବାଆସି ଇ ହୁକୁମିଟି ର ଉଣା ହୁକୁମି ମାନଝି ଆଅସି ଅଡ଼େ ଲକୁଇଁ ଏଲେକିହେଁଏ ଜାପୁନେସି, ଏଝାସି ଲାକପୁରୁ ରାଜିତା ଉଣା ଇଞ୍ଜେଁ ଝେଞ୍ଜିନେସି; ସାମା ଆମ୍ବାଆସି

✱ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫ ✱ ୫:୧୪ ୫:୧୪ ଜହ ୮:୧୨; ୯:୫

✱ ୫:୧୫ ୫:୧୫ ମାର୍କ ୪:୨୧; ଲୁକ ୮:୧୨; ୧୧:୩୩ ✱ ୫:୧୬ ୫:୧୬ ସେପି ୨:୧୨

✱ ୫:୧୮ ୫:୧୮ ଲୁକ ୧୨:୧୨

ମାନୁଷି ଆନେସି ଅଡ଼େ ଜାପ୍‌ନେସି ଏଞ୍ଜାସି ଲାକପୁରୁ କାଜାସି ଇଞ୍ଜି
ଝେଙ୍ଗିନେସି □

୨୦ ଏନାଆଁତାକି ଇଚିହ୍ମ ନାନୁ ମିଙ୍ଗେ ଝେସିମାଞ୍ଜାଇଁ, ମୀ ଦାମ୍‌
ମେରା ପୁନାରି ଅଡ଼େ ପାରୁସିୟାଁ ଦାମ୍‌ କିହ୍ମାଁ ମୀ ନାମୁ ହାରେକା
ଆଆତିହ୍ମ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି
□

କପା ଗାଗାଣି ଜାପ୍‌ନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲ୍ଲାତି ଲକୁଇଁ
ଝେସ୍‌ପିଆହାମାଚେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ
ପାୟିନେରି, ଏଞ୍ଜାରି ନୀହାଁୟି ପାଙ୍ଗାତା ଡ଼ଣ୍ଡୁ ବେଟା ଆନେରି □”

୨୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାମି ତାୟି
ଲାକ କପାଆନେସି, ଏଞ୍ଜାସି ନୀହାଁୟି ପିଣ୍ଡାତା ଡ଼ଣ୍ଡୁ ବେଟା ଆନେସି,
ଇଞ୍ଜା ଆମ୍ବାଆସି ତାମି ତାୟିଇଁ କାର୍‌ବିଗାଟାତି ଇଞ୍ଜି ଇନେସି,
ଏଞ୍ଜାସି ବେରଣିମାଣ୍ଡାତା ଡ଼ଣ୍ଡୁ ବେଟା ଆନେସି; ଅଡ଼େ ଆମ୍ବାଆସି
ପଲ୍ଲଆଗାଟାତି ଇଞ୍ଜି ଇନେସି, ଏଞ୍ଜାସି ହିରୁ ଗାଡ଼ୟୁତା ମେଡ଼ପି
ଆନେସି □

୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାତିମାନାଟି ମୀ ତାୟି
କପାଟି ଏନି ହାଡ଼ା ମାନେ ଇଞ୍ଜି ଏମ୍ବାଆଁ ଅଣ୍‌ପୁ ଝାନ୍‌,

୨୪ ଆତିହ୍ମ ଏଦିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାକୁ,
ଇଞ୍ଜା ମୀ ତାୟିତଲେ ଆଣ୍ଡିତି ଜେଟ ଝେଣ୍ଡା ଝାହାନା ମାହାପୁରୁ
ନକିତା ଏ ଦାନା ହେର୍‌ପାଦୁ □

୨୫ ନାନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା
ହାନିବେଲ୍ଲାତା ଜିରୁଡେଏ କାଲ୍‌ଝି ଆୟାଲି ଅଣ୍‌ପାମ୍‌, ଆଆଡ଼ି
ଏଞ୍ଜାସି ନିଙ୍ଗେ ନୀହାଁୟି କିନାଣି ତାଣା ହେର୍‌ପାନେସି, ଅଡ଼େ ନୀହାଁୟି
କିନାସି ନିଙ୍ଗେ ଜାମାନାଙ୍ଗା କେୟୁତା ହେର୍‌ପାନେସି, ଅଡ଼େ ଏଞ୍ଜାରି
କାୟିଦି ଲକୁତା ସୁଣ୍ଡାନେରି □

୨୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ ମୀ ତାକି କିଝିଆହାମାନି
ର କାନି ଜିକେଏ ହାଆ ପାଡେକା ଏମ୍ବାଟି ଏନିଜିକେଏ ହଡ଼ାଞ୍ଜାହାଲି
ଆଡ଼ଅଡ଼େରି □

ଦାରିକାମା କିଆଦୁ ଇଞ୍ଜିଁ ଜାପ୍ନାୟି

୨୭ ମୀରୁ ଖେଞ୍ଜାମାଞ୍ଜେରି, ଇଲେଇଞ୍ଜିଁ ରାସ୍ତକି ଆହାମାନେ,
ଦାରିକାମା କିଆଦୁ □

୨୮ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ର ଇୟାନି
ଲାଗେଏତି ଅଣ୍ଟୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ
ମନ ମନତା ଦାରିକାମା କିତେସିଏ □

୨୯ ✨ଅଡ଼େ ମୀ ଚିଃନି କାନୁ ମିଙ୍ଗେ ପାପୁ କିଞ୍ଜିକିୟାନେ ଇଚିହିଁ
ଏ କାନୁ ଦେଞ୍ଜା କୁତାଦୁ, ଇଚିହିଁ ମୀ ବାରେ ଆଙ୍ଗା ନକର୍ତା ରାନି
କିହ୍ନା, ଆଙ୍ଗାତି ର ବାଗା ହିଲାଆଗାଟାଇ ନେହେଁ □

୩୦ ✨ଇଞ୍ଜା ମୀ ଚିଃନି କେୟୁ ମିଙ୍ଗେ ପାପୁ କିଞ୍ଜିକିୟାନେ ଇଚିହିଁ
ଏଦାଆଁ ଜାଚାନା କୁତାଦୁ, ଇଚିହିଁ ମୀ ବାରେ ଆଙ୍ଗା ନକର୍ତା
ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ □

ତକ୍ତିନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✨ଅଡ଼େ ରାସ୍ତକି ଆହାମାନେ, ଆମ୍ବାଆସି ତାନି ତକ୍ତିନି
ପିହ୍ନେସି, ଇଚିହିଁ ଏଞ୍ଜାସି ଏଦାନାକି ପିହ୍ନି ଆକୁ ରାଚାନା
ହୀପେସି □

୩୨ ✨ସାମା ନାନୁ ମିଙ୍ଗେ ଖେସିମାଞ୍ଜାଇଁ, ଆମ୍ବାଆସି ତାନି ତକ୍ତିନି
ଦାରି କାମାତି ଦହ୍ ହିଲାଆନା ତକ୍ତିନି ପିହ୍ନେସି, ଏଞ୍ଜାସି ଏଦାନି
ଦାରେଣି କିନେସି; ଅଡ଼େ ଆମ୍ବାଆସି ପିସ୍ତି ଇୟାନି ବାହା ଆନ୍ନେସି,
ଏଞ୍ଜାସି ଜିକେଏ ଦାରେଲା ଆନ୍ନେସି □

ପାର୍ମାଣା

୩୩ ଅଡ଼େ ମୀରୁ ଖେଞ୍ଜାମାଞ୍ଜେରି, ତଲିକାଲାତି ଲକୁଣି ଖେସ୍ପି
ଆହିମାଟେ, ମୀରୁ ମିଚି ପାର୍ମାଣା କିଆଦୁ, ସାମା ପାର୍ମାଣା
କିହାମାନାଣି ଡିକ୍‌ଆଦୁ, ମାହାପୁରୁ ନକିତା ପୁରା କିଦୁ □

✨ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ✨ ୫:୩୦ ୫:୩୦ ମାତି ୧୮:୮; ମାର୍କ ୯:୪୩

✨ ୫:୩୧ ୫:୩୧ ମାତି ୧୯:୭; ମାର୍କ ୧୦:୪ ✨ ୫:୩୨ ୫:୩୨ ମାତି ୧୯:୯; ମାର୍କ
୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧

୩୪ ☆ସାମା ନାନୁ ମିଙ୍ଗେ ଖେସିମାଞ୍ଜାଇଁ ପାରମାଣା କିଝୁଏ କିଆଦୁ; ପାରମାଣା କିନି ବେଲା ଲାକପୁରୁତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି ସିଂଗାସାଣି;

୩୫ ଅଡେ ଦାରତିତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହିଁ ଏଦି ମାହାପୁରୁତି କତାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାରମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡ଼ା;

୩୬ ଇଞ୍ଜା ମୀ ତାୟୁଁତ୍ତି ପାରମାଣା କିଆଦୁ, ଇଚିହିଁ ମୀ ତାୟୁଁତ୍ତି ର. ବାଣା କାଡ଼ିୟା ଆଆତ୍ତି ଦବଲା କିହାଲିତାକି ମୀ ବାଡ଼ୁୟୁ ହିଲେଏ,

୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସ୍ପେ ଏନାଆଁ ଇଚାଣି ଆଗାଡ଼ା କାଲ୍‌ହିହିଁ ଏଦି ଲାଗେଏ ତାଣାଟି ଖାନେ □

ରୀକି ଆହ୍‌ନାୟି (ଲୁକ ୬:୨୯-୩୦)

୩୮ ମୀରୁ ଇ କାତା ଖେଞ୍ଜାମାଞ୍ଜେରି, ରାସ୍‌କି ଆହ୍‌ମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ □

୩୯ ସାମା ନାନୁ ମିଙ୍ଗେ ଖେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଥାଦୁ, ସାମା ଆମ୍ବାଆସି ନୀ ଟିଝନି ଗେଏଲାତା ସାପ୍‌ଡ଼ା ଖେତାନେସି, ଏଞ୍ଜାଣାକି ଅର ଗେଏଲା ଜିକେଏ ତହୁଦୁ □

୪୦ ଇଞ୍ଜା ଆମ୍ବାଆସି ନୀହାୟି ପାଙ୍ଗାତା ମୀ ସକା ଅହାଲି ମନ କିଚିହିଁ ଏଞ୍ଜାଣାକି ମୀ ହିମ୍ପରି ଜିକେଏ ହୀଦୁ □

୪୧ ଆମିନି ଦେସା ସାଲ୍‌ଖି କିନାସି ମିଙ୍ଗେ ବଦୁ ଡେକାନା ତାନିତଲେ ର. କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରୀ କିଲମିଟର ହାଦୁ □

୪୨ ଆମ୍ବାଆସି ମିଙ୍ଗେ ରୀସ୍ତାନେସି, ଏଞ୍ଜାଣାକି ହୀଦୁ, ଅଡେ ଆମ୍ବାଆସି ମୀ ତାଣାଟି ରୀଣା ଅହାଲି ମନ କିନେସି ଏଞ୍ଜାଣାଇଁ ଆଏ ଇନାଆଦୁ □

ସାତୁୟାଁଇଁ ଜୀବୁନଦୁ (ଲୁକ ୭:୨୭-୩୭)

୪୩ ମୀରୁ ଝେଞ୍ଜାମାଞ୍ଜେରି, ରାସକି ଆହାମାନେ, ମୀ ପାଡ଼ିତାଣାଇଁ ଜୀବୁନଦୁ ଇଞ୍ଜା ସାତୁୟାଁଣି ଅପାଆଦୁ □

୪୪ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀବୁନଦୁ, ଇଞ୍ଜା ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଞ୍ଜାରି ତାକି ପ୍ରାଡ଼ାନା କିଦୁ □

୪୫ ଏନିକିଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅଡ଼େ ଲାଗେଏ ପଲେଏଡି ବାରେ ଲକୁତାକି ଝେଡ଼ା ଉଜେଡ଼ି ହୀନାସି ଅଡ଼େ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରାକି ଜିକେଏ ପିୟୁ ହୀନେସି □

୪୬ ଇଞ୍ଜା ଆମ୍ବାଆରି ମିଙ୍ଗେ ଜୀବୁ ନୟାନେରି ଏ ଲକୁଇଁଦେଁ ଜୀବୁ ନଡ଼ିହୁଁ ଏନାୟି ମେଡ଼ାଆୟାନେ ? ସିସ୍ତୁ ରୁହୀନାରି ଜିକେଏ ଏଦାଆଁ କିଅରିକି ?

୪୭ ଅଡ଼େ ମୀରୁ ମୀ ତାୟିୟାଁଇଁ ଜହରା କିଦେରି, ଏମ୍ବାଟିଏ ଅଡ଼େ ଏନି କାମା କିଦେରି ? ଜୀହୁଦିଆଆଟାରି ଜିକେଏ ଏଦାଆଁ କିଅରିକି ?

୪୮ ଏଦାଆଁତାକି ମୀ ଲାକପୁରୁତି ଆବା ଏନିକିଁ ବାରେକିହାଁ ନେହାଁସି ମୀରୁ ଜିକେଏ ଏଲେକିଁ ନେହୁଁ ଆଦୁ □



ଦାନା ହୀନାଣି ଜାପୁନାୟି

୧ * ଲକୁ ମେସ୍ତାପେରିଝା ଇଞ୍ଜାଁ ଲକୁ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡ଼ିହୁଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ □

୨ ଏଦାଆଁତାକି ଦାନା ହୀନାଟି କୁରୁ ଗାଟାରିଲେହେଁ ଜାହାରା ନକିତା ତାଡ଼ି ଉକାଆଦୁ; ଏଞ୍ଜାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁତି କୁଟମି ଇଲୁତା* ଅଡ଼େ ମାଦି ଆଂଗେଣିତା

☆ ୭:୧ ୭:୧ ମାତି ୨୩:୫

* ୭:୨ ୭:୨ ସିନଗର

ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଈଁ ଏଞ୍ଜାରି ତାମି ଦାନା
ବେଟାଆହାମାନେରି □

୩ ସାମା ମୀରୁ ଦାନା ହୀନାଟି ମୀ ଚିଃନି କେୟୁ ଏନାଆଁ କିହିମାନେ
ମୀ ଟେବ୍ରି କେୟୁ ପୁନାଆପେ,

୪ ଏନିକିଁ ମୀ ଦାନା ହୀତାୟି ପୁନାଆରେଟୁ ଆନେ, ମୀ
ଲୀକପୁରୁତି ଆବା ଜିକେଏ ପୁନାଆରେଟୁ ମେହ୍ନାସି, ଏଞ୍ଜାସି ମିଙ୍ଗେ
ଦାନା ହିୟାନେସି □

ପ୍ରାତାନା (ଲୁକ ୧୧:୨-୪)

୫ ✽ପ୍ରାତାନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି
ଇଚିହିଁ ଏଞ୍ଜାରି ଲକୁଣି ତସାଲି ତାକି, ଜୀହୁଦି ଲକୁତି କୁଟମି
ଇଲୁତା† ଅଡେ ଡେଡା ଜିରୁତି କନତା ନିଚାନା ପ୍ରାତାନା କିହାଲି ରାହାଁ
ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଈଁ, ଏଞ୍ଜାରି ତାମି ଦାନା
ବେଟାଆହାମାନେରି □

୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିତ୍ରା ହାଜୁ, ଇଞ୍ଜା ଦାରା
ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା
ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ଡଗୁନା ମେସ୍ତାନେସି
ଏଞ୍ଜାସି ମିଙ୍ଗେ ଦାନା ହିୟାନେସି □

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ
ଉଜେଏ ପେତେପେତେ ଜଲୀଆଦୁ, ଏନାଆଁତାକି ଇଚିହିଁ ଏଞ୍ଜାରି
ଅଣ୍ପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ
ଝେଞ୍ଜାନେସି □

୮ ଏଦାଆଁତାକି ଏଞ୍ଜାରିଲେହେଁ ଆଆଦୁ, ଏନାଆଁତାକି ଇଚିହିଁ
ମିଙ୍ଗେ ଏନାୟି ଲଡାମାନେ, ରୀହୁଆ ନକେଏ ଏଦାଆଁ ମୀ ଆବା
ମାହାପୁରୁ ବାରେ ପୁଞ୍ଜାମାନେସି □

୯ ଅଡେ ମୀରୁ ଇଲେକିହିଁ ପ୍ରାତାନା କିଦୁ;
ଏ ମା ଲୀକପୁରୁତି ଆବା,
ନୀ ଦରୁ ନେହାୟି ଇଞ୍ଜାଁ ମାନଞ୍ଜି ଆପେ;

✽ ୭:୫ ୭:୫ ଲୁକ ୧୮:୧୦-୧୪ † ୭:୫ ୭:୫ ସିନଗର

୧୦ ନୀ ରାଜି ଖାପେ;
 ଲାକପୁରୁତି ଲେହେଁ ଦାରତିତା ଜିକେଏ ନୀ କାତେଏ ଆପେ,
 ୧୧ ନୀଞ୍ଜୁ ମାଙ୍ଗେ ଲତା ଆନି ରାନ୍ଦା ହିୟାମ୍,
 ୧୨ ମା କପାତଲେ ଦହ କିହାମାନି ଲକୁଣି ମାମ୍ମୁ ଧନିକିହିଁ ଦହ
 ଆହୁଅମି,
 ଏଲେକିହିଁ ମା ଦହ ବାରେ ମ୍ଲେକ୍‌ହାମ୍ମୁ □
 ୧୩ ମାଙ୍ଗେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି
 ପସପି କିୟାମ୍,
 ଏନିଇତିହିଁ ରାଜି ବାଡ଼ୁୟୁ କାଜାପାଣା କାଲ୍ଲା କାଲ୍ଲାତାକି
 ନୀଦିଏ ଆପେ □ ଆମେନ୍ □
 ୧୪ *ଇତିହିଁ ମୀରୁ ଏଟ୍‌କା ଲକୁତି ପାପୁ ବାରେ ମ୍ଲେକ୍‌ହିସାରେ,
 ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ଲେକ୍‌ହାନେସି;
 ୧୫ ସାମା ମୀରୁ ଲକୁତି ପାପୁ ମ୍ଲେକ୍‌ଆସାରେ, ମୀ ଆବା ଜିକେଏ
 ମୀ ପାପୁ ମ୍ଲେକ୍‌ହଅସି □

ଉପାସା କିନାଣି ଜାପନାୟି

୧୭ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମ୍ପୁଡ଼ି ଖାଡ଼ି କିଆଦୁ,
 ଏନାଆଁତାକି ଇତିହିଁ ଏଞ୍ଜାରି ଉପାସା କିହିମାନେରି ଇଞ୍ଜିଁ ଲକୁଣି
 ତସାଲି ତାମି ମୁମ୍ପୁ ଖାଡ଼ି କିନେରି; ନାନୁ ମିଙ୍ଗେ ସାତା ଝେସିମାଞ୍ଜାଇଁ
 ଏଞ୍ଜାରି ତାମି ଦାନା ବେଟାଆହାମାନେରି □

୧୭ ସାମା ମୀରୁ ଉପାସା କିନାଟି, ମୀ ତାୟିଁ ତୁ ନିୟୁଁ ଉହଦୁ ଅଡ଼େ
 ମୁମ୍ପୁ ନୁରହା କଡ଼ାଦୁ □

୧୮ ଏନିକିଁ ମୀରୁ ଉପାସା କିହିମାଞ୍ଜେରି ଇଞ୍ଜିଁ ଲକୁ ନକିତା
 ତଞ୍ଜା ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା
 ତଞ୍ଜା ଆଦେରି; ଅଡ଼େ ମୀ ଆବା ପୁନାଆରେଟୁ ମେସାନା ମିଙ୍ଗେ
 ଦାନା ହିୟାନେସି □

ଲାକପୁରୁତି ଦନ୍
 (ଲୁକ ୧୨:୩୩-୩୪)

୧୯ “ଏମିୟା ସୀରନେ ଇଞ୍ଜା ଲୀମ୍ବୁ ତିନେ ଅଡ଼େ ସରକା କାତି ତୁଡ଼ହାନା ସରୁ କିହା ଅନେରି, ଇଲେତି ଦାରତିତା ମିଙ୍ଗେତାକି ଦନ କୃତିକିହାଁ ଇଟାଆଦୁ □

୨୦ ସାମା ଆମିୟା ସୀରଏ ଇଞ୍ଜା ଲୀମ୍ବୁ ତିନେଏ ଅଡ଼େ ସରକା କାତି ତୁଡ଼ହାନା ମାଣ୍ଡା ଅଅରି ଇଲେତି ଲାକପୁରୁ ମିଙ୍ଗେତାକି ଦନ କୃତି କିଦୁ,

୨୧ ଇଚିହୁଁ ଆମିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ □”

ଆଜ୍ଞାତି ଉଜେଡ଼ି (ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଞ୍ଜି ଲେହେଁ, ଇଚିହୁଁ ମୀ କାନୁ ନେହୁଁ ମାନେ, ଆତିହୁଁ ମୀ ବାରେ ଆଜ୍ଞା ଉଜେଡ଼ି ଆନେ □

୨୩ ସାମା ମୀ କାନୁ ଲାଗେଏ ମାନେ, ଆତିହୁଁ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ □ ଏନାଆଁତାକି ଇଚିହୁଁ ମୀ ଆଜ୍ଞାତି ଉଜେଡ଼ି ଆନ୍ଦେରି ଆତିହୁଁ ଏ ଆନ୍ଦେରି ଏଚେକା ଆଜିନାୟି ଆନେ □

ମାହାପୁରୁ ଅଡ଼େ ଦନ (ଲୁକ ୧୨:୧୩; ୧୨:୨୨-୩୧)

୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି ତାଣା ହୁଲେଏସି ଆହାଲି ଆଡ଼ଅସି; ଏନାଆଁତାକି ଇଚିହୁଁ ଏଞ୍ଜାସି ରଅଣାଲ୍ ଜୀଞ୍ଜୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନି କିନେସି ଅଡ଼େ ରଅଣାଲ୍ ମାନଞ୍ଜି ଆଅସି, ମୀରୁ ମାହାପୁରୁ ଅଡ଼େ ଦନତି ହଲିୟାଜ୍ଞା ଆହାଲି ଆଡ଼ଅଡେରି □

୨୫ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଲ୍, ଏନାଆଁ ତିନାୟି ଏନାଆଁ ଗହନାୟି, ଏଲେକ୍ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକ୍ ମୀ ଆଜ୍ଞା ତାକି ଅଣ୍ପାଆଦୁ, ରାନ୍ଦାକିହା ଜୀଞ୍ଜୁ, ହିମ୍ବୁରିକା କିହାଁ ଆଜ୍ଞା କାଜାୟି ଆଏକି ?

୨୬ ପଗାୟାଣି ସିନିକଦୁ, ଏଞ୍ଜି ମାଗାଉ କି ଦାଉ କି ଗାଡ଼େୟିତା କୃତିକିହାଁ ଇଚାଉ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି

ତାନି ରାନ୍ଧା ହାହିମାନେସି, ଏଞ୍ଜାସିକା କିହାଁ ମୀରୁ କାଜାତେରି ଆଏକି ?

୨୭ ଅଡେ ମୀ ବିଭ୍ରାଟି ଆମ୍ବାଆସି ତାନି ଗାଡି ଅଣ୍ଠୁ ତଲେ ତାନି ଜୀଝୁତି ଆଗାଡ଼ା ପାଡିକିହାଲି ଆଡିମାନେସି ?

୨୮ ହିମ୍ବରକା ତାକି ଏନାଆଁତାକି ଅଣ୍ଠପିମାଞ୍ଜେରି ? ଜାଡ଼ାତି ପୁଞ୍ଜାଣି ସିନିକିହାଁ ଅଣ୍ଠପାନା ଜାପାଦୁ, ଏଞ୍ଜି ଏନିକି ପାତାଆନୁ; ଏଞ୍ଜି କସ୍ତୁ କିଡ କି ଲୁଲୁ ଦାଡ଼,

୨୯ ଆଡିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ରାଜା ସଲମନ ଗାଡି ଦାରାଡି ହିମ୍ବରକା ହୁଡିମାଟିହାଁ ଜିକେଏ ଏ ପୁଞ୍ଜା ବିଭ୍ରାଟି ର ପୁଞ୍ଜୁ ଲେହେଁ ଅଜା ହିଲିଆଡେସି □

୩୦ ସାମା ଗୁଡିୟାତା ଡୟିନି ଗାକି ଜାଡ଼ା ନୀଞ୍ଜୁ ମାନେ ଝିଏ ହଲୁଡା ହୁଡକିଆନେ, ଏଦାନାକି ମାହାପୁରୁ ଇଚେକା ନେହାଁ ଅଦୁ ହାଡିହାଁ, ଏ ନାମୁ ହିଲିଆଗାଟାତେରି ମିଙ୍ଗେ ହାରେକା ଗାଡି ହିମ୍ବରକା ହିୟଅସିକି ?

୩୧ ଏଦାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହାଁ ଅଣ୍ଠପାଆଦୁ □

୩୨ ଇଚିହାଁ ଜୀହୁଦିଆଆଡି ଲକୁ ଇ ବାରେ ପାରିନେରି, ଅଡେ ଇ ବାରେ ମିଙ୍ଗେ ଲଡ଼ାମାନେ ଇଞ୍ଜି ମୀ ଲାକପୁରୁତି ଆବା ପୁଞ୍ଜାମାନେସି □

୩୩ ସାମା ମୀରୁ ନକେଏ ମାହାପୁରୁତି ରାଜି ଅଡେ ଦାମୁଡି ପାରାଦୁ, ଆଡିହାଁ ମୀ ଲଡ଼ାମାନି ବାରେ ହାପକିଆନେ □

୩୪ ଇଚିହାଁ ଝିଏତାକି ଅଣ୍ଠପାଆଦୁ, ଏନାଆଁତାକି ଇଚିହାଁ ଝିଏତି ଅଣ୍ଠପୁ ଝିଏ ମୀରୁ ମିଙ୍ଗେତାକି ଅଣ୍ଠପିଦେରି, ଇଚିହାଁ ନୀଞ୍ଜୁତି କସ୍ତୁ ନୀଞ୍ଜୁତାକି ସାରି □

୭

ଏଟକା ତାରାଇଁ ନୀହାଁୟି କିନାୟି
(ଲୁକ ୭:୩୭-୩୮; ୪:୧-୪୨)

୧ ମୀରୁ ଏନିକି ନୀହାଁୟି କିଞ୍ଜି ଆଅଡେରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାଁୟି କିଆଦୁ □

୨ *ଇତିହାସ ମୀରୁ ଏନିକାଲୁ ଲକୁଣି ନୀହାୟି କିଦେରି, ଏଲେକିହାସ ଏ ମୀରୁ ଜିକେଏ ନୀହାୟି କିଞ୍ଜିଆଦେରି; ଅଡେ ଆମିନି ମାଣ୍ଡାତଲେ ଲାଡିଦେରି ଏ ମାଣ୍ଡା ତଲେ ମିଙ୍ଗେ ଲାଟା ହିୟାନେରି □

୩ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ଡିପି ହିଲଅତି କି ?

୪ ଅଡେ ନୀନୁ ଏନିକାଲୁ ମୀ ତାୟିଇଁ ଏଲେଇଞ୍ଜି ଖାମ୍ବୁ, ନୀ କାନୁତି ଲାଟା ଡେଞ୍ଜାଞ୍ଜି, ଅଡେ ମେହମୁ ନୀ କାନୁତେଏ କାଜା ଲାଟା ମାନେ!

୫ ଆଡେ କୁରୁ ଗାଗାତି ତଲିଏ ନୀ କାନୁତି ଲାଟା ଡେଞ୍ଜା କଡାମ୍ବୁ, ଆଡିହାସ ମୀ ତାୟି କାନୁତି ଲାଟା ଡେଞ୍ଜାଲି ନେହାକାଲୁ ମେସାଲି ଆଡିଦି □

୬ “ନେହାସ ଆସ୍ତିତି ନେସକାକି ହୀଆଦୁ, ଏଞ୍ଜି ଖେଣ୍ଡେ ତିରୁଞ୍ଜାହାଁ କାଟାନୁ ଇଞ୍ଜା ବାଗାରା କିହାଁ ଆଗାଡ଼ା ଦାରାଗାଟି ହୀଙ୍ଗା ପାଜିୟାଁ ନକିତା ମେଡ଼ଆଦୁ, ଏଞ୍ଜି ଏଦାନି କାଡ଼ତା ତୁଡ଼ବିନୁ □”

ରୀହଦୁ, ପାରାଦୁ ଅଡେ ଦୁଞ୍ଜେରିତା ଞ୍ଜେଦୁ
(ଲୁକ ୧୧:୯-୧୩)

୭ “ରୀହଦୁ ଆଡିହାସ ମିଙ୍ଗେ ହୀପକିଆନେ; ପାରାଦୁ ଆଡିହାସ ମିଙ୍ଗେ ମେଡ଼ାଆୟାନେ; ଦୁଞ୍ଜେରିତା ଞ୍ଜେଦୁ, ଏଚେଟିଏ ମିଙ୍ଗେତାକି ଦୁଞ୍ଜେରି ଦେପିଆନେ □

୮ ଇତିହାସ ଆମ୍ବାଆସି ରୀହନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ିକିନେସି; ଅଡେ ଆମ୍ବାଆସି ଦୁଞ୍ଜେରିତା ଞ୍ଜେନେସି ଏଞ୍ଜାଣାକି ଦାରା ଦେପିଆନେ □

୯ ଇତିହାସ ମୀ ବିତ୍ତା ଆମ୍ବାଆସି ଇଲେତି ମାଣ୍ଡିସି ମାନେସି, ତାନି ମୀରୁଏସି ରୁଟି ରୀସ୍ତିସାରେ ଏଞ୍ଜାଣାକି ଖାଲକା ହୀନେସି,

୧୦ ଅଡେ ମୀନୁ ରୀସ୍ତିସାରେ ଏଞ୍ଜାଣାକି ରାଚୁ ହୀନେସି ?

୧୧ ଏଦାଆଁତାକି ମୀରୁ ଲାଗେଏ ପଡ଼ଲଏତି ଲକୁ ଆଡିଜିକେଏ ମୀ ମୀରକା ମାସକାକି ନେହାଁଣି ହୀହିମାଞ୍ଜେରି, ଆଡିହାସ ମୀ ଲାକପୁରୁତି ଆବା ନକିତା ରୀହନି ଲକୁକି ଏଚେକା ନେହା ନେହାଁଣି ହୀଅସି!”

୧୨ ✧ “ଏଦାଆଁତାକି ଲକୁ ମିଙ୍ଗେ ତାକି ଏନିକ୍ ଲେମ୍ବାପେରି ଇଞ୍ଜି ମୀରୁ ଅଣ୍ଡିମାଞ୍ଜେରି, ମୀରୁ ଜିକେଏ ଏଞ୍ଜାରାଞ୍ଜି ଏଲେକିହି କିପୁ, ଏଦାଆଁତାକି ଇଚିହି ଇଦିଏ ମସାତି ମେରା ଅଡେ ମାହାପୁରୁ ଅଣ୍ଡପୁତି ବଲୁ ଖେହ୍ନି ଦାମ୍ବୁ ପତିତି କାତା □”

ଜାକଣି ଦୁଝେରି (ଲୁକ ୧୩:୨)

୧୩ ଜାକଣି ଦୁଝେରିଟି ହାଲୁ, ଏଦାଆଁତାକି ଇଚିହି ନର୍କତା ହାନି ଜିରୁ ଅସାରା ଅଡେ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି □

୧୪ ଅଡେ ଜୀଝୁତା ଅନି ଦୁଝେରି ଜାକଣି ଇଞ୍ଜା ଏଦାଆଁ ହାନି ଜିରୁ କସ୍ତାଗାୟି ଏ ଜିରୁଟି ହାନି ଲକୁ ହାରେକା ଉଣା □

ମାର୍ନୁ ଅଡେ ତାନି ପାଡ଼େୟି (ଲୁକ ୬:୪୩-୪୪)

୧୫ “ମାହାପୁରୁ ବଲୁ ଖେହ୍ନାତମି ଇଞ୍ଜି ଖେସାନା ମିତି କାତା ଖେହ୍ନାରି ତାଣାଟି ଜାଗ୍ରାତା; ଏଞ୍ଜାରି ମେଶ୍ଟାୟା ଖାଣା ଆସାନା ମୀ ତାଣା ଖାନେରି, ସାମା ଏଞ୍ଜାରି ହିୟାତା କାରବି ଆଡ଼ି କ୍ଲୁଠନି!

୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଞ୍ଜି ପୁଞ୍ଜାଲି ଆଡ଼ିଦେରି, ଲକୁ ହାପକା ମାର୍ନୁତା ଅଞ୍ଜୁରି ପାଡ଼େୟି ଆଆଡ଼ିହି ଅଣ୍ଜା ମାର୍ନୁତା ତୟା ପାଡ଼େୟି ଏହ୍ନେରି ?

୧୭ ଏଲେକିହି ଏ ନେହି ମାର୍ନୁତା ବାରେ ନେହି ପାଡ଼େୟି ଅଡେ ଲାଗେଏତି ମାର୍ନୁତା ବାରେ ଲାଗେଏତି ପାଡ଼େୟି ଆୟିନେ □

୧୮ ନେହି ମାର୍ନୁ ଲାଗେଏତି ପାଡ଼େୟି ଆୟାଲି ଆଡେଏ, ଅଡେ ଲାଗେଏତି ମାର୍ନୁ ନେହି ପାଡ଼େୟି ଆୟାଲି ଆଡେଏ □

୧୯ ✧ ଆନିନି ମାର୍ନୁ ନେହି ପାଡ଼େୟି ଆୟେଏ, ଏଦାନି ଚୁଣ୍ଡି ଆହାନା ହିରୁତା ମେଡ଼ପି ଆନେ □

୨୦ ☆ ଏଲେକିହି ଏ ମିତି ମାହାପୁରୁ ବଲ୍ଲୁ ଖେହନାରାଇଁ ତାମା କାମା ତଲେ ପୁଞ୍ଜାଲି ଆଡ଼ିନାୟି □”

ନାନୁ ମିଙ୍ଗେ ଏରେଲାଞ୍ଜା ପୁଞ୍ଜାମାଞ୍ଜଅଁ
(ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରବୁ, ପ୍ରବୁ’ ଇଞ୍ଜିଁ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଖେସ୍ତି କାତା ମାନଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି □

୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରବୁ ଏ ପ୍ରବୁ ମାମ୍ବୁନୀ ଦରୁତଲେ ମାହାପୁରୁ ଅଣ୍ଟପୁତି ବଲ୍ଲୁ ଖେହଆତମି କି ? ଅଡ଼େ ନୀ ଦରୁତଲେ ବୁଡୁୟାଁଇଁ ପିସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନ୍ତି କାମା କିଆତମି କି ?

୨୩ ଏତିବେଲା ନାନୁ ଏଞ୍ଜାରାଇଁ ତୀରେତଲେ ଏଲେଇଇଁ ‘ଏ ଲାଗେଏ ପଲେଏ ଗାଟାଡେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏରେଲାଞ୍ଜା ପୁଞ୍ଜାମାଞ୍ଜଅଁ □”

ରୀ ଇଲକା କେପିନାରି
(ଲୁକ ୭:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡା ଖେନେସି ଅଡ଼େ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି □

୨୫ ଗାଡ଼ି ପିୟୁ ରୀତେ ଖାରୁ ଖାଡେ ଅଡ଼େ ଗାଲି ଆଡେ, ଏ ଇଲୁତି ଗୁପିତେ, ସାମା ଏ ଇଲୁ ରିଆଡେ, ଇତିହିଁ ଏଦି ପାକାତା କାନ୍ଦା କାରୁହାନା ପୁନାଦି ଦସାମାଚାୟି □”

୨୬ “ଅଡ଼େ ଆମ୍ବାଆସି ଇ ନା ହାଡା ଖେଞ୍ଜାନା ମାନଞ୍ଜି ଆଅସି ଏଞ୍ଜାସି ବାଃଲି ଲାକ ଇଲୁ କେପା ଡ଼ୟିନି ବୁଦି ହିଲାଆଗାଟି ଲକୁ ଲେହେଁତାସି □

୨୭ ଗାଡ଼ି ପିୟୁ ରୀତେ, ଖାରୁ ଖାଡେ ଅଡ଼େ ଗାଲି ଆଡେ, ଏ ଇଲୁତି ଗୁପିତେ ଏମାଟିଏ ଇଲୁ ତରଗାହାଜା ବୁମିତା ଆଣ୍ଡିତେ □”

ଜୀସୁତି କାଜାପାଣା

୨୮ *ଜୀସୁ ଇ ବାରେ କାତା ରାପୁହି ଜେତ ତାନି କାତା ଖେଚାରି କାବା ଆଡେରି □

୨୯ ଇଚିହି ଏଞ୍ଜାସି ତାମି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜାପୁହି ମାଚେସି □



ଜୀସୁ କାଜା ରଚା ଗାଟାଣାଇଁ ନେହଁ କିନାୟି

(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଚା ଖାଡ଼ି ତାୟୁ ମାନ୍ଦା ଲକୁ ତାନି ଜେତ ହାଚେରି □

୨ ଏଚିବେଲା ର କାଜା ରଚା ଗାଟାସି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରବୁ ନୀନୁ ମନ କିଚିହି ନାଜେ ନେହଁ କିହାଲି ଆଡାଦି □”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆମୁ □” ଏ ଦେବୁଣିଏ କାଜା ରଚା ଗାଟାସି ନେହଁ ଆଡେସି □

୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହୁଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଙ୍ଗ ତସାକତାମୁ, ଅଡେ ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେରପାମୁ □”

ଜୀସୁ ର ରମିୟ କସ୍‌କା ହଲେଏଣାଇଁ ନେହଁ କିନାୟି

(ଲୁକ ୭:୧-୧୦)

୫ ଜୀସୁ କପର୍‌ନାହୁମ ଗାଡାତା ହାଜାଲିଏ ର ରମିୟ ପାସାକଡ଼ି କସ୍‌କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାତିମାଲିହି ଏଲେଇଚେସି,

୬ “ଏ ପ୍ରବୁ, ନା ହଲେଏସି ଟଟଞ୍ଜାୟାନା ହାରେକା କସ୍‌ ଆହଁ ଇଜ କାଟେଲିତା ତୁରାମାନେସି □”

୭ ଜୀସୁ ଏଞ୍ଜାଣାଙ୍କୁ ଏଲେଇରେସି, “ନାନୁ ଖାହାନା ଏଞ୍ଜାଣାଙ୍କୁ ନେହୁଁ କିଙ୍କୁଁ”

୮ ସାମା ପାସାକଡ଼ି କସ୍କା ମୁହେଁ କାଜାସି ଏଲେଇରେସି, “ଆଏ, ପ୍ରବୁ ନୀନୁ ନା ଇଜ ପାଞ୍ଜୁଲି ଇଚିଦି, ଏଲେତି ଜରେ ଆଏ; ସାମା ନୀନୁ ର ପଦୁ ଝେସା ପାଣ୍ଡାମୁ, ନା ହଲେଏସି ନେହୁଁ ଆଡେସି □

୯ ଇଚିହୁଁ ନାନୁ ରଅଣି ତାଣା କାମା କିନି ମାଣ୍ଡସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସ୍କା ମାନେରି; ନାନୁ ରଅଣାଙ୍କୁ ହାଲାମୁ ଇଚିହୁଁ ଏଞ୍ଜାସି ହାନେସି; ଅଡ଼େ ରଅଣାଙ୍କୁ ଖାମୁ ଇଚିହୁଁ ଖାଡେସି; ଅଡ଼େ ନା ହଲେଏଣାଙ୍କୁ ଇଦାଆଁ କିମୁ ଇଚିହୁଁ ଏଦାଆଁ କିନେସି □”

୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଡେସି, ଅଡ଼େ ତାନି ଜେଚ ଖାହିମାଚି ଲକୁଣି ଏଲେଇରେସି, ନାନୁ ମିଙ୍ଗେ ସାତା ଝେସିମାଞ୍ଜାଙ୍କୁ, ଇସ୍ତାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଅଁ □

୧୧ ✨ସାମା ନାନୁ ମିଙ୍ଗେ ଝେସିମାଞ୍ଜାଙ୍କୁ, ହାରେକା ଲକୁ ଝେଡ଼ା ହପୁ ଖାକିଚି ଅଡ଼େ ଝେଡ଼ା କୁଡ଼ନି ଖାକିଚି ଖାହାନା ଅବ୍ରାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି □

୧୨ ✨ସାମା ରାଜିତି ମୀରକାଣି ପାଙ୍ଗାତି ଆଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲ୍‌କା ଟୀଚି କିହୁଁ ଡୀନେରି □

୧୩ ଅଡ଼େ ଜୀସୁ ଏ କସ୍କା ମୁହେଁ କାଜାଣାଙ୍କୁ ଏଲେଇରେସି, ଇଜ ହାଲାମୁ, ଏନିକିହୁଁ ନାମାମାଞ୍ଜି ନିଙ୍ଗେତାକି ଏଲେକିହୁଁ ଆଡେ □ ଏ ଦେବୁଣିଏ ଏ ହଲେଏସି ନେହୁଁ ଆଡେସି □

ଜୀସୁ ହାରେକା ଲକୁଣି ନେହୁଁ କିନାୟି

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନଡ଼େରି ତାକି କାଚେଲିତା ତୁରାମାନାଣି ମେସ୍ତେସି □

୧୫ ଏଚେଟିଏ ଜୀସୁ ତାନି କେୟୁ ଡୀଗାଲିଏ ନଡ଼େରି ପିସ୍ତେ, ଅଡ଼େ ନିଙ୍ଗାନା ଏଞ୍ଜାଣି ସେବା କିହାଲି ମାଟ୍‌ହେ □

୧୭ ମିତ୍ରଅଲ୍ପା ଆହାଲିଏ ଲକୁ ହାରେକା ବୃତ୍ତ ଆଲ୍‌ଗାମାଟି ଲକୁଣି ଜୀସୁ ତାଣା ତାତେରି, ଏଚେଟିଏ ଜୀସୁତି ର ବଲୁ ତାକି ବୃତ୍ତୟା ଏଞ୍ଜାରି ତାଣାଟି ହରାହାରୁ, ଅଡ଼େ ହାରେକା ନମେରି ଗାଟାରାଇଁ ନେହଁ କିତେସି □

୧୭ ଏନିକିହଁ ମାହାପୁରୁ ଅଣପୁତି ବଲୁ ଖେହ୍ନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡ଼େସି ଅଡ଼େ ମା ରଗତି ଡ଼େକିତେସି □”

ଜୀସୁ ସୀସୁୟା ଆହାଲି ମନ କିନାୟି

(ଲୁକ ୯:୫୭-୬୨)

୧୮ ଜୀସୁ ତାନି ସାରିଞ୍ଜାକି ଲକୁଣି ମେସାନା, ସୀସୁୟାଙ୍କ ସାମଦୁରି ଆତାଲା ହାଜାଲି ହୁକୁମି ହୀତେସି □

୧୯ ର ମେରା ଜାପ୍‌ନାସି ଖାହାନା ଜୀସୁଙ୍କ ଏଲେଇଚେସି, “ଗୁରୁ, ନୀନୁ ଆଦିୟା ହାଜି, ନୀନୁ ଜିକେଏ ନୀ ତଲେ ଖାଙ୍କୁ □”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାକି ଡ଼ୟିନି ପାଞ୍ଜୁୟା ମାନୁ, ହାଗୁ ଲାକ ଉଦ୍‌ନି ପଟାୟାକି ବାସାଟାୟୁ ମାନେ, ସାମା ମାଣସି ମୀରଏଣାକି ତାୟୁଁ ୁନେଟ୍‌ହାଲି ବାସାଟାୟୁ ହିଲେଏ □”

୨୧ ଇଞ୍ଜା ସୀସୁୟା ବିତ୍ରାଟି ଅଡ଼େ ରଅସି ଜୀସୁଙ୍କ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଙ୍କୁ ମାହୁଣିଣା ମୁସାଲି ହେଲ ହିୟାମୁ □”

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମୁ, ହାଟାରାଇଁ ତାନି ହାଡ଼ି ଲକୁଣି ମୁସାଲି ପିହ୍‌ମୁ □”

ଜୀସୁ ଗାଲି ପିୟୁ ସାପି କିନାୟି

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ଡ଼ଂଗତା ହରାଲିଏ ସୀସୁୟା ତାନି ଜେଚ ହାଚେରି □

୨୪ ଅଡ଼େ ମେହ୍‌ଦୁ ଦେବୁଣିଏ ସାମଦୁରିତା କାଜା ଗାଲି ଆଡ଼େ, ଇଞ୍ଜା ଡ଼ଂଗ ଏୟୁତା ମୁଞ୍ଜାଲି ମାଟ୍‌ହେ, ସାମା ଜୀସୁ ଡ଼ଂଗତା ତୁରାମାଚେସି □

୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକ୍‌ହାନା ଏଲେଇଚେରି,
“ପୁରୁ, ମାଙ୍ଗ ଗେଲ୍‌ପାମୁ, ଆଥାତ୍ ମାମୁ ହାହିମାନମି □”

୨୬ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଉଣା ନାମୁ ଗାଟାତେରି,
ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଙ୍ଗାନା
ଗାଲି ଅଡେ ଖାତିମାଟି ସାମ୍‌ଦୁରିତି ଦାକା ହୀତେସି, ଇଞ୍ଜା ଦେବୁଣିଏ
ସାପିଆଡେ □

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି
ଏନିଲେହେତି ମାଣ୍‌ସି ? ଗାଲି ଅଡେ ସାମ୍‌ଦୁରି ଜିକେଏ ଇଞ୍ଜାଣି
ହାଡା ମାନଞ୍ଜି ଆହିମାନେ □”

ବୁଡୁ ଆଲ୍‌ଗାମାଟି ରିଆରାଇଁ ଜୀସୁ ନେହ୍‌କିନାୟି

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍‌ଦୁରି ଆତାଲାଞ୍ଜାକିତି ଗଦରିୟ ନାସ୍‌କାଣାଁ
ଏଗାହାଜାଲିଏ ରୀ ବୁଡୁୟାଁ ଆଲ୍‌ଗା ମାଚାରି ମାଡ଼ହା ମୁହ୍‌ନି ଟାୟୁଟି
ଞ୍ଜାହାନା ଜୀସୁଇଁ ବେଟାଆଡେରି, ଏଞ୍ଜାରି ଇଲେତି ଆଜିହ୍‌ପତି ଲକୁ
ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହିଲାଆଡେରି □

୨୯ ଇଞ୍ଜା ମେହ୍‌ଦୁ ଏଞ୍ଜାରି କିରଡିହ୍‌ ଏଲେଇଚେରି, “ଏ
ମାହାପୁରୁ ମାର୍‌ଏଶାତି! ନୀ ତଲେ ନାଜେ ଏନାୟି ମାନେ ? ମା
ବେଲା ଖାଆନେଏ ମାଜେ କସ୍ତୁ ହିୟାଲି ଇମ୍‌ଆଁ ଖାଡ଼ିକି ?”

୩୦ ଇଞ୍ଜା ଏଞ୍ଜାରି ତାଶାଟି ହେକ ର ମାନ୍‌ ପାଜିୟାଁ ମେୟି ମାତୁ
□

୩୧ ଏ ଲକୁ ବିତ୍ରାତି ବୁଡୁୟାଁ ଜୀସୁଇଁ ବାତିମାଲିହ୍‌ ଏଲେଇଚୁ,
“ମାଜେ ପେର୍‌ହାଦି ଇଚିହ୍‌, ଏ ପାଜିୟାଁ ମାନ୍‌ ବିତ୍ରା ପାଶ୍‌ମୁ □”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାଜୁ □” ବୁଡୁୟାଁ ଏ
ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍‌ ବିତ୍ରା ହଟୁ; ଏ ପାଜିୟାଁ
ହରୁ କାଡ଼ିତି ଦାବ୍‌ଡି ହଟାନା ଦାରିତି ସାମ୍‌ଦୁରିତା ମେଦାନା
ହାହାହାତୁ □

୩୩ ପାଜିୟାଁ ମେଟିମାଟି ଗଡ଼କା ହଟିହ୍‌ ହାଜାନା ଗାଡ଼ାତା ବାରେ
କାତୁ ଇଞ୍ଜା ବୁଡୁୟାଁ ଆଲ୍‌ଗା ମାଚାରି ଏନି ଆଡେରି ଏ ବାରେ ହାଡା
ଞ୍ଜେସ୍ତେରି □

୩୪ ଅଡ଼େ ନାୟକାତି ବାରେ ଲକୁ ଜୀସୁଇଁ ମେସାଲି ଖାତେରି, ଇଞ୍ଜା ଜୀସୁଇଁ ମେସାନା ତାମି ହାନ୍ଦିଟି ହାଜାଲି ବାତିମାଲିତେରି □

୯

ଜୀସୁ ର ଟଟଝାୟିତି ଲକୁଇଁ ନେହଁ କିନାୟି
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ତଂଗତା ହତାନା ସାମ୍ବୁରି ଗାଣ୍ଟରାହାଁ ତାନୁ ବାସାଆହାମାନି ଗାଡ଼ାତା ଖାତେସି □

୨ ଅଡ଼େ ମେହ୍ଦୁ କାଟେଲିତା ତୁରାମାଟି ର ଟଟଝାୟିତି ଲକୁଇଁ ଡେକାନା ତାନି ତାଣା ତାତେରି, ଇଞ୍ଜା ଏଝାରି ନାମୁ ମେସାନା ଜୀସୁ ଏ ଟଟ ଝାୟିତାଣାଇଁ ଏଲେଇଚେସି, “ଏ ମାର୍‌ଏଶା, ସାସା ଆହ୍‌ମୁ ନୀ ପାପୁ ବାରେ ମେଶ୍‌ଜାହାଚେ □”

୩ ଏଚେକା ମେରା ଜାପ୍‌ନାରି ଇ ହାଡ଼ା ଖେଞ୍ଜାନା ଏଝାରି ଖେସ୍‌ପି ଆଡେରି, “ଇ ମାଣ୍‌ସି ମାହାପୁରୁଇଁ ନିନ୍ଦା କିହିମାନେସି □”

୪ ଜୀସୁ ଏଝାରି ମନ୍‌ତି ହାଡ଼ା ପୁଞ୍ଜାନା ଏଲେଇଚେସି, “ମୀରୁ ମୀ ମନ୍‌ତା ଏନାଆଁତାକି ଇଚେକା ଲାଗେଏତି ଅଶ୍‌ପୁ ଅଶ୍‌ପିମାଞ୍ଜେରି ?

୫ ଇଚିହଁ ଏନାଆଁ ଇନାୟି ଉସାସା, ନୀ ପାପୁ ମେଶ୍‌ଜାହାଚେ, ଆଆତଁ ନିଜ୍‌ଜାନା ତାକାମୁ ?

୬ ସାମା ଦାର୍‌ତିତି ପାପୁ ମ୍ବେକ୍‌ହାଲି ତାକି ମାଣ୍‌ସି ମାର୍‌ଏଶାକି ଅଦିକାରା ମାନେ, ଇଦାଆଁ ଏନିକଁ ପୁଞ୍ଜାଲି ଆଡ଼ିନେରି,” ଏଦାଆଁତାକି ଜୀସୁ ଟଟ ଝାୟିତାଣାଇଁ ଏଲେଇଚେସି, “ନିଜ୍‌ଜାମୁ ନୀ କାଟେଲି ଡେକାନା ଇଜ ହାଲାମୁ □”

୭ ଏମ୍ବାଟିଏ ଏଝାସି ନିଜ୍‌ଜାନା ତାମି ଇଜ ହାଚେସି □

୮ ଇଦାଆଁ ମେସାନା ଲକୁ ଆଜିତେରି, ଅଡ଼େ ଆମିନି ମାହାପୁରୁ ମାଣ୍‌ସିୟାକି ଇଲେତି ଅଦିକାରା ହାହାମାନେସି ଇଞ୍ଜିହଁ ଏ ମାହାପୁରୁତି ଗାଝୁରମି କିତେରି □

ଜୀସୁ ମାତୃହୁଇଁ ହାଟିନାୟି
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହିଁ ମାତିଲୁ ଦରୁଗାଟି ର ସିସୁ ରାହନାସି ତାନି ସିସୁ ରୁାହନି ଟାଲୁତା କୁଗାମାନାଣି ମେସାନା ହାଟାନା ଏଲେଇଚେସି, “ନା ଜେଚ ଖାମୁ □”

ଏମ୍ବାଟିଏ ମାତିଲୁ ନିଜ୍ଜାନା ତାନି ଜେଚ ହାଚେସି □

୧୦ ☆ଇଞ୍ଜା ଜୀସୁ ମାତିଲୁ ଇଜ ତାନି ବେଲା ଏଚେକା ସିସୁ ରାହନାରି ଅଡେ ପାପୁଗାଟି ଲକୁ ତାନି ସୀସୁୟାଁ ତଲେ ତିଞ୍ଜାଲି କୁଗିତେରି □

୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେରି, “ମୀ ଗୁରୁ ଏନାଆଁତାକି ସିସୁ ରୁାହନାରି ଅଡେ ପାପୁ ଗାଟାରି ତଲେ ତିଞ୍ଜି ମାନେସି □”

୧୨ ସାମା ଜୀସୁ ଏଞ୍ଜାରି ହାଡା ଖେଞ୍ଜାନା ଏଲେଇଚେସି, “ନେହିଁ ଲକୁତାକି ଅସଗୁରୁ ଲଡା ହିଲେଏ, ସାମା ରଗ ଗାଟାରାକି ଲଡାମାନେ □

୧୩ ☆ଇଦାଆଁତାକି ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହିଁ ନାନୁ ଦାମ୍ବୁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ □”

**ଉପାସା କିନାଣି ଖେନାୟି
(ମାର୍କ ୨:୧୮-୨୨; ଲୁକ ୫:୩୩-୩୯)**

୧୪ ଏଚିବେଲାତା ବାପ୍ତିସ୍ତା* ହୀନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମାମୁ ଅଡେ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ତୁୟିନି ପାତେକା ବୀହା ଲକୁ ଦୁକୁ ଆଅରି, ସାମା ଦିନା ଖାଡେ, ଏଚିବେଲା ବୀହା ହନେଣାଇଁ ଅଡେରି, ଏଚିବେଲା ଏଞ୍ଜାରି ଉପାସା କିନେରି □”

୧୬ “ଆମ୍ବାଆସି ପ୍ଲାଠଇ ହିମ୍ବୁରିତା ପୁଠନି ପାସକି ତାଚଅସି, ଏନାଆଁତାକି ଇଚିହିଁ ଏ ପାସକି ପ୍ଲାଠଇ ହିମ୍ବୁରିତି ଗେସାଅଡେ, ଇଞ୍ଜା ଏଡି ହାରେକା କାଜାୟି ଆହିଁ ଗେଞ୍ଜିନେ □

☆ ୯:୧୦ ୯:୧୦ ଲୁକ ୧୫:୧,୨ ☆ ୯:୧୩ ୯:୧୩ ମାତି ୧୨:୭ * ୯:୧୪ ୯:୧୪ ମୁଞ୍ଜିନାୟି

୧୭ ଅଡ଼େ ଲକ୍ଷ୍ମୀ ପୁଅନି ଅଜ୍ଞୁରି ରାସା ପୁଅଇ ତ:କାତା† ଇଟଅରି; ଇଟିହିଁ ଏ ତ:କା ଡାୟାହାନେ ଅଜ୍ଞୁରି ରାସା ବହାହାନେ, ସାମା ପୁଅନି ଅଜ୍ଞୁରି ରାସା ପୁଅନି ତ:କାତା ଇଟିନେରି, ଆତିହିଁ ଅଜ୍ଞୁରି ରାସା ଅଡ଼େ ତ:କା ନେହିଁ ଡ଼ୟିନେ □”

ର କାଜାଣି ମାଜ୍ଞା ଅଡ଼େ ର ଇୟା ଜୀସୁ ହିମ୍ବରି କୁଜ୍ଞୁ ଡାଗାନା ନେହିଁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଟିବେଲା ଇ ବାରେ କାତା ଜୀସୁ ଏଞ୍ଜରାଇଁ ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ଡାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଜ୍ଞା ନୀଏଁ ହାହାହାଚେ, ସାମା ନୀନୁ ଖାହାନା ତାନି ଲାକ କେୟୁ ଇଟିତିହିଁ ଏଡ଼ି ନୀଡ଼ିନେ □”

୧୯ ଏମ୍ବାଟିଏ ଜୀସୁ ନିଜ୍ଞାନା ତାନି ସୀସୁୟାଁ ତଲେ ଏଞ୍ଜାଣି ଡେଟ ହାଚେରି □

୨୦ ଅଡ଼େ ମେହ୍ଦୁ ବାର ବାର୍ସା ପାତେକା ନେତେରି ଖାଜ୍ଞିନି ରଗଗାଟି ର ଇୟା ଡାୟୁଞ୍ଜାକିଟି ଖାହାନା ଜୀସୁତି ହିମ୍ବରି କୁଜ୍ଞୁ ଡାଗିତେ □

୨୧ ଇଟିହିଁ ଏ ଇୟା ମନତା ଅଣ୍ପିମାଚେ, “ଞ୍ଜରଇ ତାନି ହିମ୍ବରି ଡାଗିତିହିଁ ନାନୁ ନେହିଁ ଆଇଁ □”

୨୨ ସାମା ଜୀସୁ ଖେଣ୍ଡେ ଡାୟୁଞ୍ଜାକି ସିନିକିହାନା ଏଲେଇଚେସି, “ମାଜ୍ଞା ସାସା ଆହ୍ମ୍ବୁ ନୀ ନୀନୁ ନିଜ୍ଞେ ନେହିଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହିଁ ଆଡ଼େ □

୨୩ ଡାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଡ଼କିନାରାଇଁ ଅଡ଼େ ଡାହିଁ କାଲ୍‌ଞ୍ଜି ଆହିମାଟି ଲକ୍ଷ୍ମଣି ମେସାନା ଏଲେଇଚେସି,

୨୪ ବାରେ ଇମ୍ବାଟି ପାଜ୍ଞାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକ୍‌ହେରି □

† ୯:୧୭ ୯:୧୭ ତଲୁ ତଲେ କେପିତି ଅଜ୍ଞୁରି ରାସା ଇଟିନି ବାସା ବୁପୁ

୨୫ ସାମା ବାରେ ଲକ୍ଷ୍ମୀ ପାଞ୍ଚାତା ହାଜାଲିଏ, ଜୀସୁ ଇଜ ବିଦ୍ରା ହାଜାନା ପଦାନି କେୟୁ ଆସାନା ନିକ୍‌ହେସି ଅଡ଼େ ଏ ଦେବୁଣିଏ ନିଜ୍ଞିତେ □

୨୬ ଇଞ୍ଜା ଇ କାରୁ ଏ ଦେସାତି ସାରିଝାକି ଝେଜିତେ □

ଜୀସୁ ରିଆରି କାଣାୟାଙ୍କ ନେହୁଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲତା ରିଆରି କାଣାୟା କାଜା ରିୟାତଲେ ହାଟିହୁଁ ଏଲେଇଚେରି, “ଏ ଦାଝୁଦ ମୀରୁଏଶାତି ମାଜ୍ କାର୍ମା ମେସ୍ତାମୁ □”

୨୮ ଇଞ୍ଜା ଜୀସୁ ଇଲୁ ବିଦ୍ରା ହଡ଼ାଲିଏ ଏ କାଣାୟା ଜିକେଏ ଏଝାଣି ତାଗେ ଝାଡେରି, ଇଞ୍ଜା ଜୀସୁ ଏଝାରାଙ୍କ ଏଲେଇଚେସି, ମାଜେ ନେହୁଁ କିହାଲି ଆଡ଼ାନେସି ଇଞ୍ଜା ମୀରୁ ନାମିମାଞ୍ଜେରି ?

ଏଝାରି ଏଲେଇଚେରି “ହାଅ ପ୍ରବୁ □”

୨୯ ଏଚେଟିଏ ଜୀସୁ ଏଝାରି କାଣ୍‌କା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜେତାକି ଆପେ □”

୩୦ ଏଚେଟିଏ ଏଝାରି ମେସାଲି ଆଡ଼ିତେରି, ଅଡ଼େ ଜୀସୁ ଏଝାରାଙ୍କ ଜାଣ୍ଡେ ହୁକୁମି ହୀହାନା ଏଲେଇଚେସି, “ହେଶୁ ଇ ହାଡ଼ା ଆମ୍ବାଆରି ଜିକେଏ ପୁନଅରି □”

୩୧ ସାମା ଏଝାରି ପାଞ୍ଚାତା ହାଜାନା ଜୀସୁତି ହାଡ଼ା ଦେସାତି ସାରିଝାକି ଝେସ୍ତେରି □

ଜୀସୁ ର ଗୁଲାଇଁ ଜଲି କିତେସି

୩୨ ଏଝାରି ହଡ଼ା ହାଜିମାଟି ଲକ୍ଷ୍ମୀ ର ଜଲାଇଁ ଆଡ଼ାଆଗାଟି ବୃତୁ ଆଲଗା ମାଚାଣାଇଁ ଜୀସୁ ନକିତା ତାତେରି □

୩୩ ଜୀସୁ ବୃତୁଙ୍କ ପେରହା ପାଣ୍ଡିତି ଦେବୁଣିଏ ଏଝାସି ଜଲାଇଁ ଆଡ଼ିତେସି, ଏଚେଟିଏ ଲକ୍ଷ୍ମୀ କାବାଆହାନା ଏଲେଇଚେରି, “ଇସ୍ତାୟେଲ ଦେସାତା ମାମ୍ବୁଇଲେତି କାବାଆନି କାମା ଏଚେଲା ମେସାହିଲାଆତମି □”

୩୪ ☆ଏତିବେଳା ପାରୁଥିଲୁଁ ଖେଚେରି, ଏଞ୍ଜାରି ଏଲେଇଚେରି,
 “ଇଞ୍ଜାସି ବୃତୁୟାଁ ପିସପି କିହିମାନେସି” ଏନାଆଁତାକି ଇଚିହିଁ
 ଏଞ୍ଜାସିକାଣି ସାଲୁଞ୍ଜି କିହିମାନି ବାଲୁପେନୁ ଏଞ୍ଜାଣାକି ବାଡ଼ୁୟୁ
 ହାହିମାନେ ଲାକା ଆଡ଼ିମାନେସି □

୩୫ ☆ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକୁଡି କୁଟମି ଇଲକାଣାଃ
 ଜାପୁହିହିଁ ମାହାପୁରୁ ରାଜିତି ନେହିଁ କାରୁ ଖେସିହିଁ
 ବାରେଲେହେଁତି ରଗ ନମେରି ଦୁକାଟି ନେହିଁ କିହିହିଁ, ବାରେ
 ଗାଡ଼ାୟାଁ ଇଞ୍ଜା ନାସକାଣାଁ ରେଜାଲି ମାଟୁହେସି □

ଲକୁଡାକି ଜୀସୁତି କାର୍ମା

୩୬ ☆ଅଡେ ବାରେ ଲକୁଣି ମେସାନା ଏଞ୍ଜାସି କାର୍ମା ଆଡେସି,
 ଇଚିହିଁ ଏଞ୍ଜାରି ଗଡ଼ ହିଲିଆ ମେଣ୍ଡାୟାଁ ଲେହେଁ କାକୁଲିଟି ଇତାଲା
 ଆତାଲା ଆହିମାଚେରି □

୩୭ ☆ଏତିବେଳା ଜୀସୁ ତାମି ସୀସୁୟାଁଇଁ ଏଲେଇଚେସି, “ପାଡ଼ି
 ହାରେକା ସାମା ଦାଃଆନାରି ଉଣା ଜାଣା □

୩୮ ଏନାଆଁତାକି ପାଡ଼ି ଜାଡ଼ାଲି, ଲକୁଣି ପାଣ୍ଡାଲିତାକି ଗୁଡ଼ିୟାତି
 ସାଞ୍ଜୁକାରିଇଁ ବାଡ଼ିମାଲାଦୁ □”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାମି ବାରଜାଣା ସୀସୁୟାଁଇଁ ତାଗେ ହାଟାନା
 ବୃତୁୟାଁ ପିସପି କିହାଲି, ଇଞ୍ଜା ବାରେ ରଗ କସ୍ତଚି ନେହିଁ କିହାଲି
 ଏଞ୍ଜାରାକି ଅଦିକାରା ହାତେସି □

୨ ଏ ବାରଜାଣା ପାଣ୍ଡୁଞ୍ଜିଆଡ଼ି ସୀସୁୟାଁ ଦରକା ଆଡୁ, ସିମନ,
 ଆମ୍ବାଆରାଇଁ ପିତର ଇନେରି, ଅଡେ ତାମି ତାୟି ଆହିୟ, ଜେବଦି
 ମୀରୁଏସି ଜାକୁବ ଅଡେ ତାମି ତାୟି ଜହନ,

☆ ୯:୩୪ ୯:୩୪ ମାତ୍ରି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ☆ ୯:୩୫ ୯:୩୫
 ମାତ୍ରି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ୯:୩୫ ସିନଗର ☆ ୯:୩୬ ୯:୩୬
 ମାର୍କ ୬:୩୪ ☆ ୯:୩୭ ୯:୩୭ ଲୁକ ୧୦:୨

୩ ପିଲିପ ଅଡ଼େ ବାଉଁଲମି, ତମା ଅଡ଼େ ସିସୁରାହ୍ନି ମାତିତ୍ତ୍ୱ,
ଆଲେପି ମୀରୁଏସି ଜାକୁବ ଅଡ଼େ ତଦିୟ,

୪ ଦେସାତି ଜୀଝୁ ନନି ସିମନ ଅଡ଼େ ଇସ୍ତାରିୟତ ଜୀହୁଦା
ଆମ୍ବାଆସି ଜୀସୁଇଁ ସାଡ଼ୁ କେୟୁତା ହେରପିତେସି □

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୭:୭-୧୩; ଲୁକ ୯:୧-୭)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହୀହାଁ ଏଲେଇଚେସି,
ମୀରୁ ଜୀହୁଦିଆଆତି ଲକୁତାଣା ହାଲଆଦୁ, ଅଡ଼େ ଆମିନି ସମିରଣି
ନାସ୍କାଣାଁ ହଡ଼ୁଆଦୁ,

୬ ସାମା ଜାକ୍ସାମାନି ମେଣ୍ଡାୟାଁ ଇଚିହଁ ଇସ୍ତାୟେଲ ଲକୁତାଣା
ହାଡ଼ୁ □

୭ ଏଝାରିତାଣା ହାଡ଼ୁ ଅଡ଼େ ଝେକ୍ତୁ ଲାକପୁରୁ ରାଜି
ଏଗାଝାହିମାନେ □

୮ ଅଡ଼େ ନମେରି ଗାଟାରାଇଁ ନେହଁ କିଦୁ, ହାଡ଼ାରାଇଁ ନିକ୍ତୁ,
କାଜା ରଗା ଗାଟାରାଇଁ ନେହଁ କିଦୁ, ବୁଡ଼ୁୟାଁଇଁ ପେର୍ବୁ □ ମୀରୁ
ଉଜେଏ ବେଟା ଆହାମାଝେରି ଏଦାଆଁ ଉଜେଏ ହୀଦୁ □

୯ ମୀ ତଲେ ବାଂଗାରା ଝେଣ୍ଡି କି ଅଟଡ଼ିତା ଟାକାୟାଁ ଅଆଦୁ,

୧୦ ✽ଅଡ଼େ ହାନାଟି ଲେଟା କଡ଼ିନି ମଣା, ରୀ ଜଡ଼ୁ ସକାୟାଁ କି
ସେପୁୟାଁ କି କୁତା ବାଡ଼ୁଗା ଜିକେଏ ପାରାଆଦୁ, କାମାକିନାସି ତାନି
ରାନ୍ଦା ବେଟା ଆନେସି □

୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ବାଆଁ
ନେହଁଣାଁଇଁ ପାରାଦୁ, ଅଡ଼େ ଏମ୍ବାଟି ଝେଣ୍ଡାହାନି ପାତେକା ଏଝାଣି
ଇଜ ଡ଼ୟାଦୁ □

୧୨ ଅଡ଼େ ଇଜ ହଡ଼ନାଟି ଏଝାରାଇଁ ହିଡ଼ଡ଼ି ଜୀଝୁ ମିଜେ ଆୟାପେ
ଇଞ୍ଜୁ;

୧୩ ଏଝାରି ଇଜତାରି ନେହଁରି ଇଚିହଁ ଏଝାରିତଲେ ମୀ ହିଡ଼ଡ଼ି
ଡ଼ୟାପେ, ସାମା ଏଝାରି ନେହଁରି ଆଆଡ଼ୁଁ ମୀ ହିଡ଼ଡ଼ି ମିଜେ ଝେଣ୍ଡା
ଝାପେ □

୧୪ ☆ଅଡ଼େ ଆମିନି ଇଲୁତାକି ନାସ୍କାଣାଁ ମିଙ୍ଗ ଲକୁ ଅପଅରି, ମୀ କାତାତି ଝେନଅରି, ଏ ଇଲୁଟି କି ଏ ଗାଡ଼ାଟି ହଡ଼ାଝାନାଟି ମୀ କତାତି ଦୂଡ଼ି ହାଣହା କତାନା ଏ ଗାମୁ ପିହୁଦୁ □

୧୫ ☆ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁତି ନୀହାଁୟି ଦିନାତା ଏ ଗାଡ଼ାତି ଡଣ୍ଡ କିହାଁ ସଦମ ଅଡ଼େ ଗମରା ଦେସାତି ଡଣ୍ଡ ଡଣା କିଝିଆନେ □

ଝାହିମାନି କସ୍ତୁ ଅଡ଼େ ନିନ୍ଦା
(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ ☆ହେଶୁ ମେଣ୍ଡାୟାଁଣି କ୍ଳାଝନିୟାଁ ବିତ୍ରା ପାଣ୍ଡିନିଲେହେଁ ନାନୁ ମିଙ୍ଗେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାରୁ ଲେହେଁ ବୁଦି ଗାଟାଡେରି, ଅଡ଼େ ପାରୁଝା ପଟାଲେହେଁ କପା ହିଲାଆ ଗାଟାଡେରି ଆଦୁ □

୧୭ ☆ସାମା ମାଣସିୟାଁ ତାଣାଟି ଜାଗ୍ରାତା ଆହାନା ଡୟାଦୁ, ଏନାଆଁତାକି ଇଚିହଁ ଏଝାରି ମିଙ୍ଗେ ଆସାନା ନୀହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁତି କୁଟମି ଇଲୁକାଣା* ଏଝାରି ମିଙ୍ଗେ ସାଟୁଣି ତଲେ ଝେତାନେରି,

୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲୁଝି କିନି ଲକୁତାଣା ଅହାନା ନୀହାଁୟି କିଝିଆଦେରି; ଏଦି ଏଝାରାକି ଅଡ଼େ ଜୀହୁଦିଆଆତି ଲକୁକି ମାହାପୁରୁତି ନେହଁ କାରୁ ଝେସାଲି ସାକି ଆନେ □

୧୯ ସାମା ଏଚିବେଲା ଏଝାରି ମିଙ୍ଗେ ହେରପାନେରି, ମୀରୁ ନୀହାଁୟି ଆନିବେଲା ଏନାଆଁ ଜଲିଦେରି ଅଡ଼େ ଏନିକଁ ଜଲିଦେରି, ଏ କାତା ଅଣ୍ଡପାଆଦୁ, ଇଚିହଁ ମୀରୁ ଏନାଆଁ ଜଲିଦେରି ଏ ବେଲାତେଏ ମିଙ୍ଗେ ଝେସ୍ତାନେସି □

୨୦ □ ଇଚିହଁ ମୀରୁ ଜଲିନାତେରି ଆଏ, ଆଡ଼ା ମାହାପୁରୁତି ସୁଦୁଜୀଝୁ ମୀ ଗୁତି ହୀହାନା ହାଡ଼ା ଜଲିନେ, ଏଦି ଜଲିନାୟି □

☆ ୧୦:୧୪ ୧୦:୧୪ କାମା ୧୩:୫୧ ☆ ୧୦:୧୫ ୧୦:୧୫ ମାତି ୧୧:୨୪ ☆ ୧୦:୧୫ ୧୦:୧୫ ଲୁକ ୧୦:୪-୧୨ ☆ ୧୦:୧୬ ୧୦:୧୬ ଲୁକ ୧୦:୩ ☆ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ * ୧୦:୧୭ ୧୦:୧୭ସିନଗର

୨୧ ✨ତାୟି ତାୟିଙ୍କ ଆବା ମୀରୁଏଣାଙ୍କ ପାୟାଲି ହେର୍ପିନେସି, ମାସ୍କା, ମୀରୁକା ଏଞ୍ଜାରି ତାମି ଇୟା ଆବା କପାଟି ହତାନା, ଏଞ୍ଜାରାଙ୍କ ପାୟିନେରି □

୨୨ ✨ଅଡେ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନ୍ତି ପାତେକା ସାସା ତଲେ ମାନେସି ଏଞ୍ଜାସି ଗେଲ୍ପି ଆନେସି □

୨୩ ସାମା ଏଞ୍ଜାରି ଏଟିବେଲା ର ଗାଡ଼ାତା ମିଙ୍ଗେ ନିନ୍ଦା କିୟାନେରି, ଏଟିବେଲା ଏଟ୍ଟକା ଗାଡ଼ାତା ହାଜୁ, ଇଚିହିଁ ନାନୁ ମିଙ୍ଗେ ସାତା ଝେସିମାଞ୍ଜାଙ୍କ, ମୀରୁ ଇସ୍ତାୟେଲତି ବାରେ ଗାଡ଼ାୟିତା କାମା ରାପୁଆ ନଡେଏ ମାଣ୍ଡିସି ମୀରୁଏସି ଝାନେସି □

୨୪ ✨“ସୀସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ □

୨୫ ✨ସୀସୁ ତାନି ଗୁରୁ ଅଡେ ହଲେଏସି ତାନି ସାଞ୍ଜୁକାରି ଲେହେଁ ଆତିହିଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁତି ସାଞ୍ଜୁକାରିଙ୍କ ବାଲ୍ଲିବୁଲ୍ଲ ଇନେରି ଇଚିହିଁ ଏଞ୍ଜାଣି ଇଲୁତି ଲକୁବାକାଆଁ ହାରେକା ପଲୁଆ କାତା ଜଲିନେରି □”

ଆମ୍ବାଆରାଙ୍କ ଆଜିନାୟି ?

(ଲୁକ ୧୨:୨-୭)

୨୬ ✨“ଏଦାଆଁତାକି ଲକୁଙ୍କ ଆଜାଆଦୁ; ଇଚିହିଁ ତୁଗୁମାନାୟି ଏନାୟିଞ୍ଜା ର ଦିନା ତଞ୍ଜାଆନେ, ଏଲେକ୍ ତଞ୍ଜାଆଆନା ତୁଗୁମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଟାୟି ଇଲେକ୍ ଏନାୟି ତୁଗୁ ହିଲେଏ □

୨୭ ନାନୁ ମିଙ୍ଗ ଏନାଆଁ ଆନ୍ଦେରିତା ଝେସ୍ତାଙ୍କ ଏଦାଆଁ ଉଜେଡିତା ଝେହ୍ତୁ, ଅଡେ ଏନାଆଁ ତୁଗୁନା ଝେଞ୍ଜେରି ଏଦାଆଁ ଇଲୁ ତୁଡିୟା ଲାକ ହତାନା ଝେହ୍ତୁ □

✨ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ ✨ ୧୦:୨୨ ୧୦:୨୨ ମାତ୍ରି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତ୍ରି ୨୪:୧୩; ମାର୍କ ୧୩:୧୩ ✨ ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୭; ୧୫:୨୦ ✨ ୧୦:୨୫ ୧୦:୨୫ ମାତ୍ରି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ ✨ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭

୨୮ ଅଡ଼େ ଆତ୍ମାଆରି ୱାର୍‌ଇ ଆଙ୍ଗାତି ପାୟିନେରି, ସାମା ଜୀଝୁତି ପାୟାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ; ସାମା ଆତ୍ମାଆସି ମୀ ଜୀଝୁ ଅଡ଼େ ଆଙ୍ଗା ବାରେତି ନକିତା ନାସା କିହାଲି ଆଡ଼ିନେସି ଏଞ୍ଜାଶାଇଁ ଆଜାଦୁ □

୨୯ ରୀ ଜେତା ପଟାୟାଁ ର କାନି ତାକି ପାରପି ଆଡ଼ କି ? ଅଡ଼େ ମୀ ଲାକପୁରୁତି ଆବା ହେଲ ହୀଆତି ଏଞ୍ଜାସିକା ବିତ୍ରାଟି ରଣ୍ଡି ଜିକେଏ ଡ଼ଇ ଡ଼ରଗେଏ □

୩୦ ସାମା ମୀ ତାୟୁଁ ତୁଁ ବାରେ ବାଶାୟାଁ ଜିକେଏ ଏଜିକିଞ୍ଜି ଆହାମାନୁ □

୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଟାୟାଁ ତାଶାଟି ମୀ ଦାରା ହାରେକା □”

ଲକୁ ନକିତା ଜୀସୁଇଁ ଝେକନାୟି
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡ଼େ ଆତ୍ମାଆସି ଲକୁ ନକିତା ନାଙ୍ଗେ ଆବାନେସି, ଇଞ୍ଜାଁ ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ □

୩୩ ☆ସାମା ଆତ୍ମାଆସି ଲକୁ ନକିତା ନାଙ୍ଗେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ □”

ହିଡ଼ଡ଼ି ପିସପେ କାଶ୍ଟା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରତିତା ହିଡ଼ଡ଼ି ହୀହାଲି ୱାହାମାଇଁ ଇଞ୍ଜୁଁ ମନ କିଆଦୁ; ହିଡ଼ଡ଼ି ହୀହାଲି ୱାଆନା, କାଶ୍ଟା ହୀହାଲି ୱାହାମାଇଁ □

୩୫ ଇଚିହୁଁ ନାନୁ ଆବା କପାଟି ମୀରଏଶାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ୱାହାମାଇଁ □

୩୬ ଅଡ଼େ ମାଶ୍‌ସିତି ତାନି ଇଲୁତି ଲକୁଏ ବାରେଜାଶା ତାନି ସାତୁ ଆନେରି □”

୩୭ “ଆତ୍ମାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆତ୍ମାଆସି ନିଜେତି

ମାତ୍ରିୟ କି ମୀରଏଣାକ୍ ହାରେକା ଜୀଝୁ ନନେସି ଏଝାସି ନା ସୀସୁ
ଆୟାଲି ପାଡ଼ାଆଅସି □

୩୮ ☆ଆମ୍ବାଆସି ନିଜେତି କୁସ ଡେକାନା ନା କେଚ ଝାଅସି, ଏଝାସି
ନା ସୀସୁ ଆୟାଲି ପାଡ଼ାଆଅସି □

୩୯ ☆ଆମ୍ବାଆସି ନିଜେତି ଜୀଝୁ ନୀଟ୍‌ହା କତିନେସି ଏଝାସି ହାନେସି,
ଅଡେ ଆମ୍ବାଆସି ନା ତାକି ନିଜେତି ଜୀଝୁ ହାନେସି, ଏଝାସି
ନୀତିନେସି □”

ଦାନା ପାଣ୍ଡନାୟି

(ମାର୍କ ୯:୪୧)

୪୦ ☆“ଆମ୍ବାଆସି ମିଜେ ଆବାନେସି, ଏଝାସି ନାଜେ ଆବାନେସି;
ଆମ୍ବାଆସି ନାଜେ ଆବାନେସି, ଏଝାସି ନାଜେ ପାଣ୍ଡାତାଣାକ୍
ଆବିନେସି □

୪୧ ଆମ୍ବାଆସି ମାହାପୁରୁ ଅଣ୍‌ପୁତି ବଲୁ ଝେହନାରାକ୍, ମାହାପୁରୁ
ବଲୁ ଝେହନାରି ଇଞ୍ଜି ଆବିନେସି, ଏଝାସି ଏ ବଲୁ ଝେହନାରି ଦାନା
ବେଟା ଆନେସି, ଅଡେ ଆମ୍ବାଆସି କି ତୀରିଗାଟାରାକ୍, ତୀରିଗାଟାସି
ଇଞ୍ଜି ଆବିନେସି ଏଝାସି ତୀରିଗାଟାରି ଦାନା ବେଟା ଆନେସି □

୪୨ ଅଡେ ଆମ୍ବାଆସି ନା ସୀସୁୟା ବିତ୍ରାଟି ରଅଣାକ୍ ନା ସୀସୁ
ଇଞ୍ଜି ଗିନାତା ଏୟୁ ଗସାଲି ହାନେସି, ନାନୁ ମିଜେ ସାତା
ଝେସିମାଞ୍ଜାକ୍, ଏଝାସି ତାନି ଦାନାତି ଜାକ୍‌ଅସି □”

୧୧

ଜହନତି କାରୁ ହାନାରି

(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାକ୍ ଇ ବାରେ ହେଲ ହୀତି
ତାୟୁ ଗାଲିଲି ଦାରିତା ମାନି ନାମ୍‌କାଣା ହାଜାନା ମାହାପୁରୁତି ହାଡ଼ା
ଜାପ୍‌ହିହି ଝେସିହି ଏ ଗାୟୁତି ହାଚେସି □

☆ ୧୦:୩୮ ୧୦:୩୮ ମାତ୍ରି ୧୭:୨୪; ମାର୍କ ୮:୩୪; ଲୁକ ୯:୨୩ ☆ ୧୦:୩୯ ୧୦:୩୯ ମାତ୍ରି
୧୭:୨୫; ମାର୍କ ୮:୩୫; ଲୁକ ୯:୨୫; ୧୭:୩୩; ଜହ ୧୨:୨୫ ☆ ୧୦:୪୦ ୧୦:୪୦ ଲୁକ
୧୦:୧୨; ଜହ ୧୩:୨୦; ମାର୍କ ୯:୩୭; ଲୁକ ୯:୪୮

୨ ଏଚିବେଲା ବାପୁସ୍ତ* ହୀନି ଜହନ କାୟିଦିତା ମାଞ୍ଜାନା କ୍ରୀସ୍ତତି କାମା କିହିମାନାଣି ଖେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଣି ଜୀସୁ ତାଣା ପାଣ୍ଡିତେସି □

୩ ଏଞ୍ଜାରି ହାଜାନା ଜୀସୁଇଁ ଖେଚେରି, “ଆମିନି ଲକୁ ଖାନେସି ଇଞ୍ଜି ଜହନ ଖେସାମାଚେସି, ନୀନୁ କି ଏଞ୍ଜାତି ? କି ଅଡ଼େ, ଆମ୍ବାଆରି ତାକି କାଚାନା ତୁୟିନମି ?”

୪ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଖେଣ୍ଡା ହାଜାନା ଏନାଆଁ ଖେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଖେହୁଦୁ □

୫ କାଣାୟାଁ ମେସିମାନେରି, ସଟାୟାଁ ତାକି ମାନେରି, କାଜା ରଟା ଗାଟାରି ନେହୁଁ ଆହିମାନେରି, ବେରାୟାଁ ଖେଞ୍ଜିମାନେରି, ହାତାରି ନିଜିମାନେରି ଅଡ଼େ କାଙ୍ଗାଲା ଗାଟାରି ନେହୁଁ କାରୁ ଖେଞ୍ଜିମାନେରି;

୬ ନା ତାଣା ଆମ୍ବାଆରି ଆନାମାନା ଆଅରି ଏଞ୍ଜାରି ନେହେଁ □”

୭ ଜହନତି ସୀସୁୟାଁ ଖେଣ୍ଡାହାଜିମାତି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଙ୍ଗିନି ତାଣ୍ଡି ଆକୁ ?

୮ ଏନାଆଁ ଆଆତିହୁଁ ଏନାଆଁ ମେସାଲି ହାଜାମାଚେରି ? ନେହୁଁ ଅଜିତି ପାଡ଼ାଡ଼ା ହିମ୍ବରି ହୁଟାମାନି ର ଲକୁଇଁ ? ମେହୁଦୁ ଅଜିତି ହିମ୍ବରି ହୁଚିତି ଲକୁ ରାଜା ଗାଡ଼ାତା ତୁୟିନେରି □

୯ ଏନାଆଁ ଆଆତୁଁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ପୁତି ବଲୁ ଖେହୁନାଣାଇଁ ? ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ଅଣ୍ପୁତି ବଲୁ ଖେହୁନାରି କିହାଁ ହାରେକା କାଜାଣାଇଁ;

୧୦ ଇଚିହୁଁ ଏ ଜହନତି କାତା ରାସ୍ତକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନୀନୁ ନକେଏ ନା ଦୁତୁଇଁ ପାଣ୍ଡାଇଁ, ଏଞ୍ଜାସିଏ ଇ ମାଣ୍ଡସି □

୧୧ ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାରୁତିତା ଏଚେକା ଜାର୍ନା ଆହାମାନେରି, ଏ ବାରେଜାଣା କିହାଁ ବାପୁସ୍ତ† ହୀନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା

* ୧୧:୨ ୧୧:୨ ମୁଞ୍ଜିନାୟି † ୧୧:୧୧ ୧୧:୧୧ ମୁଞ୍ଜିନାୟି

ଆତ୍ମାଆସି ବାରେକିହାଁ ଉଣା, ଏଞ୍ଜାସି ଜହନ କିହାଁ କାଜାସି □

୧୨ ✨ବାପ୍ତିସ୍ତୁଃ ହାନି ଜହନତି କାତା ଝେହ୍ନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁୟୁ ତଲେ ପାତାଆହିମାନେ; ଇଞ୍ଜା ବାଡ଼ୁୟୁଟି ଆସାମାନାରି ଏଦାଆଁ ବେଟାଆହାଲି ଅଣ୍ପିମାନେରି □

୧୩ ଇଚିହ୍ନ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣା ଜହନତି ଝାନି ଦିନା ପାତେକା ଝେସ୍ପି ଆହାମାଚେ □

୧୪ ✨ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ ମାଚିହ୍ନ ଆମିନି ଏଲିୟ ଝାନାୟି ମାଚେ ଜହନଏ ଏଞ୍ଜାସି □

୧୫ ଆତ୍ମାଆରି କୀର୍କା ମାନୁ ଏଞ୍ଜାସି ଝେଣ୍ମାସି □”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକ୍‌ଇଁ, ଆମିନି ହାଟା ମାଦି କୁଗାନା କାହି ତୁୟିନି କକାରି ଲେହେ, ର ଗଚିତି କକାରି ଅର ଗଚିତି ଏଲେଇନେରି,

୧୭ ମାମ୍ବୁ ମୁନି ନକିତା ପୀରୁଡ଼ି ଉକିତମି, ସାମା ମୀରୁ ଏଦାଆତେରି; ମାମ୍ବୁ କୁତି ପାରୁ ପାଡ଼ିତମି ସାମା ମୀରୁ ଡ଼ାଆତେରି, ନୀଏତି ଲକୁ ଏଲେଡାରି □

୧୮ ଇଚିହ୍ନ ଜହନ ଝାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଣାଇଁ ଏଲେଇଚେରି ବୁତୁ ଆଲଗାମାନାସି □

୧୯ ସାମା ମାଣ୍ସି ମୀରୁଏସି ଝାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଞ୍ଜାସି ଟିଣ୍ଡିକାଝୁ, କାଡ଼ୁବୁତୁ, ଏଞ୍ଜାସି ସିସ୍ତୁରାହ୍ନାରି ଅଡ଼େ ପାପୁ ଗାଟାରି ତଣେଏସି; ସାମା ମାହାପୁରୁତି ବୁଦି ଏଞ୍ଜାଣି କାମାଟି ସାତା ଇଞ୍ଜୁଁ ଝେଜିନେ □”

ନାମାଆଗାଟି ଗାଡ଼ାୟି
(ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଜି ଆହାମାଚେ, ଏ ଗାଡ଼ାତି ଲକୁ, ତାମି ପାପୁଟି ତାମା ମନ ଝେବ୍‌ହା

☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ☆ ୧୧:୧୪ ୧୧:୧୪
ମାତୃ ୧୭:୧୦-୧୩; ମାର୍କ ୯:୧୧-୧୩

ହିଲୀଆତେରି, ଇଞ୍ଜା ଜୀସୁ ଏ ଗାଡ଼ାୟାତି ଲକ୍ଷ୍ମୀ ଦାକା ହାହାନା ଏଲେଇଚେସି,

୨୧ ଆୟତ୍ତା ତଣ୍ଡ ପାଣ୍ଡନି କରାଜିନ୍ ଅଡ଼େ ବେଡ଼ସାୟିଦା, ଏନାଆଁତାକି ଇଚିହିଁ ମୀ ତାଣା ଆମିନି ବାଡ଼ମୁତି କାମା କିଞ୍ଚିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଚି ଆହାମାଚିହିଁମା; ଏମ୍ବାତି ଲକ୍ଷ୍ମୀ ଆଜ୍ଞାତା ବାସ୍ତାୟା ପରହାନା ଦାରମ୍ବୁତ୍ତା କୁଗାନା ମନ ଝେର୍ହାଲି ଅଶ୍ପିତେରିମା

୨୨ ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଲ୍, ମାହାପୁରୁତି ନୀହାୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅରହିନାୟି ଆନେ □

୨୩ ଏ କପରନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଦି ? ନାନୁ ହାଡ଼ାରି ମାନି ରାଜିତା ଅଞ୍ଚିଆଦି, ନୀ ତାଣା ଆମିନି ବାଡ଼ମୁତି କାମା କିଞ୍ଚିଆହାମାନେ, ଏଦାଆଁ ସଦମତା କିଞ୍ଚିଆଡ଼ିହିଁମା, ଏ ଗାଡ଼ା ନୀଞ୍ଜୁପାତେକା ତ୍ତୟିତେମା □

୨୪ ☆ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଲ୍ “ମାହାପୁରୁତି ନୀହାୟି ଦିନାତା ମୀ ତଣ୍ଡ କିହାଁ ସଦମ ଦେସାତି ତଣ୍ଡ ଅରହିନାୟି ଆନେ □”

ନା ତାଣା ଝାହାନା ଜମାତୁ
(ଲୁକ ୧୦:୨୧-୨୨)

୨୫ ଏ ବେଲୀତା ଜୀସୁ ପ୍ରାଡ଼ାନା କିହିଁ ଏଲେଇଚେସି; “ଏ ଆବା, ଲାକପୁରୁ ଅଡ଼େ ଦାରଡ଼ିତି ପ୍ରୁ, ଇ ବାରେ ହାଡ଼ା ନାନୁ ବୁଦି ଅଡ଼େ ପୁନି ଲକ୍ଷ୍ମୀତାଣାଟି ତ୍ତଲୁହା ଇଟାନା, ଇ ବାରେ କାତା ପୁନାଆଗାଟି ଲକ୍ଷ୍ମୀତାଣା ତସିମାନାକି ନାନୁ ନିଙ୍ଗ ଜହରା କିହିମାଞ୍ଜାଲ୍ □

୨୬ ହାଅ ଆବା, ଇଦି ନୀ ନକିତା ରାହାତି କାତା ଆହିମାନେ □”

୨୭ ☆“ନା ଆବା ନାଙ୍ଗେ ବାରେ ହାହାମାଞ୍ଜାନେସି, ଆବା ପିସ୍ପେ ଆମ୍ବାଆରି ମୀରଏଣାଲ୍ ପୁନଅରି ଅଡ଼େ ମୀରଏଣା ପିସ୍ପେ ଆମ୍ବାଆରି ଆବାଲ୍ ପୁନଅରି, ମୀରଏସି ଆମ୍ବାଆରି ତାଣା ତହ୍ନେସି ଏଞ୍ଜାସି ପୁନେସି □”

☆ ୧୧:୨୪ ୧୧:୨୫ ମାତୃ ୧୦:୧୫; ଲୁକ ୧୦:୧୨ ☆ ୧୧:୨୬ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫

୨୮ “ଏ ଖାହୁ ରାତା ଗାଟି ଲକୁ, ବାରେ ନା ତାଣା ଖାଦୁ, ନାନୁ ମିଙ୍ଗେ ଜମିକିୟାଙ୍କୁ □

୨୯ ନା ଜୁଝେଡ଼ି ମୀ ବମିତା ଡେକାନା ନା ତାଣାଟି ଜାପାଦୁ, ଇତିହିଁ ନାନୁ କପା କାରବି ହିଲାଆନା ସୁଦୁ ହିୟାଁ ଗାଟାତେଏଁ, ଇଞ୍ଜା ମୀରୁ ନା ତାଣାଟି ମୀ ଜୀଝୁତା ଜମିଦେରି;

୩୦ ଇତିହିଁ ନା ଜୁଝେଡ଼ି ଉସାସା ଅଡ଼େ ବଜୁ ଉଣା ମାନେ □”

୧୨

ଜମିନି ଦିନାତି ମାନି

(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡ଼ିୟାଟି ହାଜିମାରେସି, ଇଞ୍ଜା ତାନି ସୀସୁୟାଁ ହାକି ଆହାମାଚାକି ଗହଁ ଢେକା ତାପହାନା ତିଞ୍ଜାଲି ମାଟ୍‌ହେରି □

୨ ସାମା ପାରୁସିୟାଁ ଏଦାଆଁ ମେସାନା ଜୀସୁଙ୍କୁ ଏଲେଇଚେରି, “ମେହମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି □”

୩ ସାମା ଜୀସୁ ଏଞ୍ଜାରାଙ୍କୁ ଏଲେଇଚେସି, “ର ଦିନା ଦାଝୁଦ ଅଡ଼େ ତାନି ତଣେସିଙ୍ଗା ହାକି ଆହାଲିଏ ଏନାଆଁ କିହିମାଚେରି, ମୀରୁ ସାଢ଼ସ୍ତରିତା ପଡ଼଼ି ଆହାହିଲଅତେରି ?”

୪ ଏଞ୍ଜାସି ଏନିକିଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେର୍ପାମାନି ରୁଟି ପୂଜେରାଙ୍ଗା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଝୁଦ ଅଡ଼େ ତାନି ତଣେସିଙ୍ଗା ତିନାଆଗାଟାୟି ମାଚେ, ଏଦାଆଁ ଏଞ୍ଜାରି ତିଚେରି □

୫ ଅଡ଼େ ଜମିନି ଦିନାତା ମାହାପୁରୁ ଇଲୁ ବିତ୍ରା ପୂଜେରାଙ୍ଗା ମେରା ଉରିତି ଜିକେଏ ଦହଗାଟାରି ଆଅରି, ମୀରୁ ଏନି ଏଦାଆଁ ପଡ଼଼ି ଆହାହିଲଅତେରି କି ?

୬ ସାମା ନାନୁ ମିଙ୍ଗେ ସାତା ଝେସିମାଞ୍ଜାଙ୍କୁ, ଇ ଗାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ବାଆଁ ମାନେ □

୭ ☆ “ସାଞ୍ଜେରି ଖେସିମାନେ, ସାମା ପୁଜା ହୀନାୟି ଲଡ଼ାଆଏ,
 ସାମା ଲକୁଣି କାର୍ମାମେହ୍ନାୟି ନେହେଁ, ଇଦାଣି କାତା ମୀରୁ
 ପୁଞ୍ଜାମାଚିହ୍ନି ମା ଇ ଦହ ହିଲାଆ ଗାଟାଣାକ୍ ଦହ କିଆତେରିମା;
 「ଇଚିହ୍ନି ମାଣସି ମୀରଏସି ଜମିନି ଦିନାତି ପ୍ରବୁ ଆନ୍ଦେସି □”

ଝାୟିତି କେନ୍ଦୁଗାଟାସି ନେହ୍ନି ଆନାୟି
 (ମାର୍କ ୩:୧-୭; ଲୁକ ୭:୨-୧୧)

୯ ଜୀସୁ ଏମ୍ବାଟି ହାଜାନା ଜୀସୁଦି ଲକୁତି କୁଟମି ଇଲୁତା* ହାଚେସି
 □

୧୦ ଅଡ଼େ ମେହ୍ନୁ ଏମ୍ବାଆଁ ରଅସି ମାଚେସି, ଏଝାଣି ର କେନ୍ଦୁ
 ଝାୟାହାଜାମାଚେ, ଜୀସୁକ୍ ଦହ ଆସାଲି ଏଚେକା ଲକୁ ଏମ୍ବାଆଁ
 କାଟାମାଚେରି, ଏଝାରି ଜୀସୁକ୍ ଝେଚେରି, “ଜମିନି ଦିନାତା
 ନେହ୍ନି କିନାୟି ମେରା ମାନେକି ?”

୧୧ ☆ସାମା ଜୀସୁ ଏଝାରାକ୍ ଏଲେଇଚେସି, “ମୀ ବିତ୍ରା ରଅଣାକି
 ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୁମୁତା
 ତରରିନେ, ଇଞ୍ଜା ଆମ୍ବାଆସି ଏଦାନି ନିକ୍‌ଅସି, ଇଲେତି ଲକୁ
 ଆମ୍ବାଆସି ମୀ ବିତ୍ରା ମାନେସି ?

୧୨ ଆତିହ୍ନି ର ମେଣ୍ଡାତି ଦାରା କିହ୍ନା ମାଣସିତି ଦାରା ହାଚେକା □
 ଏଦାଆଁତାକି ଜମିନି ଦିନାତା ନେହ୍ନି କାମା କିନାୟି ମେରାତି କାମା
 □”

୧୩ ଏଚିବେଲା ଏଝାସି କେନ୍ଦୁ ଝାୟିତାଣାକ୍ ଏଲେଇଚେସି,
 “କେନ୍ଦୁ ଦାହ୍ନୁ □”

ଇଞ୍ଜା ଏଝାସି ଏ କେନ୍ଦୁ ଦାସ୍ତେସି ଏମ୍ବାଟିଏ ଏ କେନ୍ଦୁ ଅର୍
 କେନ୍ଦୁଲେହେଁ ନେହ୍ନି ଆଡ଼େ □

୧୪ ସାମା ପାରୁସିୟା ପାଙ୍ଗାତା ହାଜାନା ଜୀସୁକ୍ ପାୟାଲି ଏଝାଣି
 କପାଟି ପାରୁ ପାରିତେରି □

ମାହାପୁରୁ ଆଟାମାନି ହଲେଏସି

☆ ୧୨:୭ ୧୨:୭ ମାତି ୯:୧୩ * ୧୨:୯ ୧୨:୯ ସିନଗର ☆ ୧୨:୧୧ ୧୨:୧୧ ଲୁକ
 ୧୪:୫

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଟକା ଆହାନା ହରାହାରେସି,
ଇଞ୍ଜା ହାରେକା ଲକୁ ତାନି ଦେଟ ହାରେରି, ଅଡ଼େ ଏଞ୍ଜାସି
ବାରେଜାଣାତି ରଗଟି ନେହଁ କିତେସି □

୧୬ ଇଞ୍ଜା ତାଙ୍ଗେ ଲକୁଇଁ ଝେକ୍‌ଆଦୁ ଇଞ୍ଜା ହୁକୁମି ହୀତେସି □

୧୭ ଏନିକିହଁ ମାହାପୁରୁ ଅଣ୍ଟପୁତି ବଲୁ ଝେହ୍‌ନି ଜିସାୟତି କାତା
ସାତା ଆନେ,

୧୮ “ମେହ୍‌ଦୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ;

ଏଞ୍ଜାସି ନା ଜୀଞ୍ଜୁତି ମୀର୍‌ଏସି, ଆମ୍ବାଆରିତାଣା ନା ହାରେକା
ରାହାଁ ମାନେ;

ନାନୁ ଏଞ୍ଜାଣିଲାକ ନା ସୁଦୁଜୀଞ୍ଜୁ ହୀଇଁ,

ଅଡ଼େ ଏଞ୍ଜାସି ଜୀହୁଦିଆଆତି ଲକୁତାଣା ନୀହାୟିତି କାତା
ଝେକନେସି □

୧୯ ଏଞ୍ଜାସି ଗଡ଼ହା କିଅସିକି କାଲୁଞ୍ଜି ଆଅସି,

ଇଞ୍ଜା ଆଂଗେଣିତା ଏଞ୍ଜାଣି ହାଡ଼ା ଆମ୍ବାଆରି ଝେନଅରି □

୨୦ ନୀହାୟିତା ଜୀଣା ଆଆପାତେକା,

ଏଞ୍ଜାସି ଝାୟିତି ତାଣ୍ଡିତି ଡିକ୍‌ଅସି

ବୟଁ ଆହଁ ଡ଼ାଞ୍ଜିମାନି ଦୀଞ୍ଜିତି ଦୁପ୍‌ଅସି □

୨୧ ଅଡ଼େ ଏଞ୍ଜାଣି ଦରୁତା ଜୀହୁଦିଆଆତି ଲକୁ ବାର୍ସୁ ଇଟିନେରି □”

ଜୀସୁ ଅଡ଼େ ବାଲ୍‌ଜିବୁଲ୍ ବୁଡୁ

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁଡୁ ଆଲ୍‌ଗାମାତି ର କାଣାଇଁ ତାତେରି ଏଞ୍ଜାଣାଇଁ
ବୁଡୁ ଆଲ୍‌ଗା ମାଟାକି ଗୁଲ୍‌ଆ ହାମାରେସି □ ଜୀସୁ ଏଞ୍ଜାଣାଇଁ
ନେହଁ କିତେସି; ଇଞ୍ଜା ଏଞ୍ଜାସି ମେସାଲି ଅଡ଼େ ଜଲ୍‌ଲି ଆଡ଼ିତେସି
□

୨୩ ଇଞ୍ଜା ଲକୁ ବାରେ କାବାଆହାନା ଏଲେଇରେରି, “ଇଞ୍ଜାସି
ଏନାଆଁ ଏ ଦାଞ୍ଜୁଦ କୃତାତାସି ଆଏକି ?”

୨୪ ✧ପାରୁସିୟାଁ ଇ କାତା ଝେଞ୍ଜାନା ଏଲେଇରେରି, ଇ ମାଣ୍ଡିସି
ବୁଡୁୟାଁ କିହାଁ କାଜା ବାଲ୍‌ଜିବୁଲ୍ ବୁଡୁ ହିଲାଆନା ବୁଡୁୟାଁ ପେର୍‌ଅସି
□

୨୫ ସାମା ଜୀସୁ ପାରୁସିୟାଁ ମନତି ଅଣ୍ଠୁ ପୁଞ୍ଜାନା ଏଞ୍ଜରାକ୍ ଏଲେଇଚେସି, “ର ରାଜି ତାନୁ ତାନୁଏ ଆସ୍‌ପି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତୀରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଇଲୁ କୁଟମି ତାମ୍‌ତାମ୍‌ସୁ ଆସ୍‌ପି ଆହାନା ବାଗା ଆଡ଼ିସାରେ ତୀରିତଲେ ମାଞ୍ଜାଲି ଆଡ଼େଏ □

୨୬ ଇଞ୍ଜା ସୟତାନ ସୟତାନକ୍ ପିସ୍‌ପି କିନେ ଆତିହ୍ ଏଦି ବାଗା ଆହାନା ତାନି କପାଟି ନିଜିତେୟିଏ, ଆତିହ୍ ଏଦାନି ରାଜି ଏନିକ୍ ତୀରିଆହାଁ ତୁୟିନେ ?

୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁତୁୟାଁ ବାଲଜିବୁଲ୍ ତଲେ ବୁତୁୟାଁ ପିସ୍‌ପି କିହିମାକ୍, ଆତିହ୍ ମୀ ମୀରକା ଆମ୍‌ଆରି ବାଡ଼ୁୟୁ ତଲେ ବୁତୁୟାଁ ପେରନେରି □ ଇଦାଆଁତାକି ଏଞ୍ଜାରିଏ ମୀ ନୀହାୟି କିୟାନାରି ଆନେରି □

୨୮ ସାମା ନାନୁ ମାହାପୁରୁ ଜୀଞ୍ଜୁତି ବାଡ଼ୁୟୁ ତଲେ ବୁତୁୟାଁ ପେରହି ମାକ୍, ଆତିହ୍ ମାହାପୁରୁତି ରାଜି ମୀ ତାଣା ଏଦାତେୟିଏ □”

୨୯ “ଇଞ୍ଜା ଆମ୍‌ଆସି ର ବାଡ଼ୁୟୁଗାଟି ଲକୁକ୍ ତଲିଏ ଦହ୍‌ଆନା, ଏନିକିହ୍ ଏଞ୍ଜାଣି ଇଜ ହଡ଼ାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଞ୍ଜାଣାକ୍ ତଲିଏ ଦସିହ୍ ଦେ ଏଞ୍ଜାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି □”

୩୦ ☆“ଆମ୍‌ଆସି ନା ଞ୍ଜାକିଟି ଆଆଗାଟାସି, ଏଞ୍ଜାସି ନା ସାତୁ, ଇଞ୍ଜା ଆମ୍‌ଆସି ନା ତଲେ କୃଡ଼ି କିଅସି ଏଞ୍ଜାସି ଆଲାରା କିନେସି □

୩୧ ଇଦାଆଁତାକି ନାନୁ ମିଙ୍ଗେ ଝେସିମାଞ୍ଜାକ୍, ମାଣ୍ଡସି ଲକୁକି ବାରେ ପାପୁ ଅଡ଼େ ଲାଗେଏ ପଡ଼େଏଟି ଲକୁଣି ନିନ୍ଦା କାତା ଜଲ୍‌ମାନାଣି ମେକ୍‌ହା ତୁସ୍‌ପିଆନେ, ସାମା ମାହାପୁରୁତି ସୁଦୁଜୀଞ୍ଜୁ ଦରୁତଲେ ଜଲ୍‌ନାଣା ପାପୁ ମେଣ୍ଡାକି କିଞ୍ଜିଆଏ □

୩୨ ☆ଅଡ଼େ ଆମ୍‌ଆସି ମାଣ୍ଡସି ମୀରଏଣା କପାଟି ଜଲ୍‌ନେସି, ଏଞ୍ଜାଣି ପାପୁ ମେଣ୍ଡାକି କିଞ୍ଜିଆନେ, ସାମା ଆମ୍‌ଆସି ମାହାପୁରୁତି ସୁଦୁଜୀଞ୍ଜୁଟି କପାଟି ଜଲ୍‌ନେସି, ଇ କାଲ୍‌ମାତା କି ତାୟୁ କାଲ୍‌ମାତା ଜିକେଏ ଏଞ୍ଜାଣି ପାପୁ ମେଣ୍ଡାକି କିଞ୍ଜିଆଏ □”

ମାର୍ତ୍ତ୍ୱ ଅଡ଼େ ତାନି ପାଡ଼େୟି
(ଲୁକ ୬:୪୩-୪୫)

୩୩ ☆ “ମାର୍ତ୍ତ୍ୱୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଥାତ୍ ମାର୍ତ୍ତ୍ୱୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇତିହ୍ ପାଡ଼େୟି ତଲେ ମାର୍ତ୍ତ୍ୱୁତି ପୁଣ୍ଡି ଆନେ □

୩୪ ☆ ଆଡ଼େ ରାସକା କୃତାତେରି, ମୀରୁ ପଲ୍ଲଆ ଗାଟାତେରି ଆହ୍ଣା ଏନିକ୍ ମୀରୁ ନେହ୍ ହାଡ଼ା ଝେସାଲି ଆଡ଼ିଦେରି ? ଇତିହ୍ ହିୟାତା ମାନି କାତା ଗୁତି ଜଲ୍ଲିମାନେ □

୩୫ ନେହ୍ ଲକୁ ନେହ୍ ମନ ବିତ୍ରାଟି ନେହ୍ କାତା ହପ୍ନେସି, ଇଞ୍ଜା ପଲ୍ଲଆ ଗାଟାସି ପଲ୍ଲଆ ମନ ବିତ୍ରାଟି ପଲ୍ଲଆ କାତା ହପ୍ନେସି □”

୩୬ “ସାମା ନାନୁ ମିଙ୍ଗେ ସାତା ଝେସିମାଞ୍ଜାଲ୍, ବାରେଜାଣା ତାମ୍ନୁ ଝେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ପାତି କାତା ଜଲ୍ଲିନେରି;

୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନୀହାୟି ଦିନାତା ମୀରୁ ଦହ ଗାଟାତେରି ଅଡ଼େ ଦହ୍ ହିଲାଆଗାଟାତେରି ଆଦେରି □”

ସିନା ପାରିନାୟି
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ ଏତିବେଲା ମେରା ପୁନାରି ଅଡ଼େ ପାରୁସିୟା ବିତ୍ରାଟି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମାମ୍ନୁନୀ ତାଣାଟି ର କାବାଆନି ସିନା ମେସାଲି ଅଣ୍ଡିମାନମି □”

୩୯ ☆ ସାମା ଜୀସୁ ଏଞ୍ଜାରାଲ୍ ଏଲେଇଚେସି, “ପଲ୍ଲଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟା ପାରିନେରି, ସାମା ମାହାପୁରୁ ଅଣ୍ଡିପୁତି ବଲ୍ଲୁ ଝେହ୍ନି ଜୁନସତି ସିନା ପିସ୍ପେ ଏଞ୍ଜାରାକି ଏନି ସିନା ହାପ୍ଡି ଆଏ □

☆ ୧୨:୩୩ ୧୨:୩୩ ମାତି ୭:୨୦; ଲୁକ ୬:୪୪ ☆ ୧୨:୩୪ ୧୨:୩୪ ମାତି ୩:୭; ୨୩:୩୩; ଲୁକ ୩:୭; ମାତି ୧୫:୧୮; ଲୁକ ୬:୪୫ ☆ ୧୨:୩୮ ୧୨:୩୮ ମାତି ୧୨:୧; ମାର୍କ ୮:୧୧; ଲୁକ ୧୧:୧୭ ☆ ୧୨:୩୯ ୧୨:୩୯ ମାତି ୧୨:୪; ମାର୍କ ୮:୧୨

୪୦ ଇତିହାସ ଜୁନସ ଏନିକା ତାନିଦିନା ତାନି ଲାଆଁୟା କାଜା ମୀନୁ ବାଣ୍ଡି ବିତ୍ତା ମାତେସି, ଏଲେକା ମାଣ୍ଡିସି ମୀରୁଏସି ଜିକେଏ ବୁମି ବିତ୍ତା ତାନିଦିନା ତାନି ଲାଆଁୟା ଡୟିନେସି □

୪୧ ନାହାୟି ଦିନାତା ନିନିବିତି ଲକୁ ଇ କାଲ୍ଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେରି, ଇତିହାସ ଏଞ୍ଜାରି ଜୁନସ ଝେସ୍ତୁ କାତା ଆସାନା ପାପୁଟି ମନ ଝେଟ୍‌ହା ମାତେରି, ଅଡେ ମେହ୍‌ଦୁ ଜୁନସକିହାଁ କାଜାସି ଇମ୍ପାଆଁ ମାନେସି □

୪୨ ନାହାୟି ଦିନାତା ସିବା ଦେସାତି ରାଣି ଇ କାଲ୍ଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେ, ଇତିହାସ ସଲମନତି ବୁଦିତିକାତା ଝେଞ୍ଜାଲି ଦାର୍‌ତିତି ହେକ ଦେସାତି ଝାହାମାତେ, ଇଞ୍ଜା ମେହ୍‌ଦୁ ସଲମନକିହାଁ କାଜା କାତା ଇମ୍ପାଆଁ ମାନେ □”

ଲାଗେଏ ପଲେଏତି ବୁତୁ ଝେଣ୍ଡାଞ୍ଜାନାୟି (ଲୁକ ୧୧:୨୪-୨୬)

୪୩ “ର ପଲ୍‌ଆ ବୁତୁ ର ମାଣ୍ଡିସି ତାଣାଟି ହଡା ହାଜାନା ଏୟୁ ହିଲାଆ ଟାୟୁ ବାରେ ରେଜିହାଁ ଜମାଲି ଟାୟୁ ପାରିତେ, ଇଞ୍ଜା ଏଦାଆଁ ପ୍ଲାଞ୍ଜାଆତେ,

୪୪ ଏଚେଟିଏ ଏଦି ଏଲେଇନେ, ନାନୁ ଆମିନି ଇଲୁଟି ହଡା ଝାହାମାଇଁ, ନା ଏ ଇଲୁତା ଝେଣ୍ଡେ ହାଇଁ; ଇଞ୍ଜା ଝେଣ୍ଡା ଝାହାନା ଝାରୁଆଣି ଇଞ୍ଜା ଅକିତାଣି ମେହ୍‌ନେ □

୪୫ ଏଚିବେଲା ଏଦି ହାଜାନା ତାନିକିହାଁ ଆଗାଡା ପଲ୍‌ଆଗାଟି ସାଡାଗଗା ଜୀଞ୍ଜୁୟା ଆସାନା ଝାଡେନ, ଇଞ୍ଜା ଏଞ୍ଜି ବାରେ ଏମ୍ପାଆଁ ହଡାନା ବାସା କିନୁ, ଅଡେ ଏ ଲକୁତି ତଲିତି କସ୍ତୁ କିହାଁ ତାୟୁତି କସ୍ତୁ ହାରେକା ଆଡେନ, ଇ କାଲ୍ଲାତି ପଲ୍‌ଆ ଗାଟାରାକି ଜିକେଏ ଏଲେଆହାଁଏ ଆଡେନ □”

ଜୀସୁତି ଇୟା ଅଡେ ତାୟିୟା (ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡା ଆହିମାଗାଟି ତାନି ଇୟା ଅଡେ ତାୟିୟା ପାଞ୍ଜାତା ନିଚାନା ହାଡା ଆହାଲି ମନ କିହିମାତୁ □

୪୭ ଏତେଟିଏ ରଥସି ଖାହାନା ଜୀସୁଇଁ ଏଲେଇଚେସି, “ମେହ୍ନୁ, ମୀ ଇୟା ଅଡେ ନୀ ତାୟିୟାଁ ପାଙ୍ଗାତା ନିଚାନା ହାଡ଼ା ଆହାଲି ମନ କହିମାନେରି □”

୪୮ ସାମା ଇ କାତା ଝେସ୍ତାଣାଇଁ ଜୀସୁ ଏଲେଇଚେସି, “ଆମ୍ବାଆୟି ନା ଇୟା ଇଞ୍ଜା ଆମ୍ବାଆରି ନା ତାୟିୟାଁ ?”

୪୯ ଅଡେ ସୀସୁୟାଁ ଖାକି କେୟୁ ଦାସାନା ଏଲେଇଚେସି, “ମେହ୍ନୁ ମାୟା ଇଞ୍ଜା ମା ତାୟିୟାଁ,

୫୦ ଇଚିହିଁ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହ୍ନେସି ଏଝାସି ନା ତାୟି ଏଦି ନା ତାଙ୍ଗି ଅଡେ ମା ଇୟା □”

୧୩

ବିଚା ମାଟିନାଣି ପୁଣ୍ଠିକିନି କାତା

(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଟା ହାଜାନା ସାମ୍ବୁରି ଡାକିତା ଲକୁଇଁ ଜାପୁହାଲି କୁଗିତେସି □

୨ *ଏତେଟିଏ ହାରେକା ଲକୁ କୁଡ଼ା ଆହାଲିଏ, ଏଝାସି ହାଜାନା ର ଡଂଗତା କୁଗିତେସି, ଇଞ୍ଜା ଲକୁ ବାରେ ସାମ୍ବୁରି ଗାଟୁତା ନିଚାମାଚେରି □

୩ ଅଡେ ଜୀସୁ ପୁଣ୍ଠିକିନି କାତା ହାରେକା ଝେସ୍ତେସି, ଏଝାସି ଏଲେଇଚେସି □ “ମେହ୍ନୁ ର ବିଚା ମାଟିନାସି ମାଗାଲି ହଡେସି □

୪ ଏଝାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଚାୟାଁ ଖାହାନା ଏ ପାଡେୟି ପେରହା ତିରୁ □

୫ ଅଡେ କଚେକା ବିଚା ଖାଲକାତି ପାଡ଼ାଡ଼ା ବୁମିତା ରୀତେ, ଇଞ୍ଜା ଇରଥା ଗାଡି ହିଲାଆତାକି ପାଡେୟି ତବେ ଗଜା ଆଡେ □

୬ ସାମା ଝେଡ଼ା ହଟାଲିଏ, ଗଜା ଆହାମାଚାୟି ଝେହା ହାଚେ, ଇଞ୍ଜା ତାନି ହୀରୁ ଗାଡି ଡ଼ଇକା ହାଲାଆତାକି ଖାୟାହାଚେ □

୭ ଅଡେ କଚେକା ବିଚା ହାପକା ବୁଟା ଡ଼ଇ ରୀତେ, ଇଞ୍ଜା ହାପକା ବୁଟାୟାଁ ବାରେ ପାଡ଼ାଆହାନା ଆର୍ନା ଡାକିତି ପୁକ୍‌ହାଡୁସ୍ତେ □

୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜା କାମ୍ବାନା
ର ପାଡ଼େୟିଟିଏ ପାସାକଡ଼ି, ତାନିକଡ଼ି ଇଞ୍ଜା କଡ଼େଦସ ପାଡ଼େୟିକା
କାମ୍ବିତୁ □”

୯ “ଆମ୍ବାଆରାକି କୀର୍କା ମାନୁ ଏଞ୍ଜାସି ଝେଣ୍ଡାସି □”

ପୁସପନି ପୁଣ୍ଡିକିନାୟି

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା ଝାହାନା ଝେଚେରି, “ଲକୁଣି
ଜାପୁନାଟି ନୀନୁ ଏନାଆଁତାକି ପୁଣ୍ଡିକିନି କାତାୟାଁ ଝେସିହୁଁ
ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହୁଁ ଲାକପୁରୁ
ରାଜିତି ବାରେ ତୁରୁମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୁରୁ ହାପୁକି
ଆହାମାଞ୍ଜାନେ, ସାମା ଏଞ୍ଜାରାକି ହାପୁକି ଆହା ହିଲେଏ □

୧୨ ☆ଇଞ୍ଜା ଏମ୍ବାଆରାକି ମାନେ, ଏଞ୍ଜାରାକି ହାପୁକିଆଡ଼େନ ଅଡ଼େ
ଏଞ୍ଜାଣାକି ଗାଡ଼ିଆଡ଼େନ; ସାମା ଆମ୍ବାଆରାକି ହିଲେଏ ତାନିତାଣା
ଏନାୟି ମାନେ, ଏଦାଆଁ ଜିକେଏ ଅଞ୍ଜିଆଡ଼େନ □”

୧୩ ଏଞ୍ଜାରି ମେସି ମେସିହୁଁ ମେସାଲି ଆଡ଼ଅରି, ଅଡ଼େ
ଝେଞ୍ଜିଝେଞ୍ଜି ଝେନଅରି କି ପୁନଅରି; ଏଦାଆଁତାକି ନାନୁ ଏଞ୍ଜାରାକି
ପୁଣ୍ଡିକିନି କାତାତଲେ ଝେସିମାଞ୍ଜି □

୧୪ ଅଡ଼େ ମାହାପୁରୁ ବଲୁ ଝେହୁନି ଜିସାୟତି ଇ କାତା ଏଞ୍ଜାରାକି
ସାତା ଆଡ଼େନ □

ଇ ଲକୁ ଝେଞ୍ଜିଝେଞ୍ଜିହୁଁ ଝେନେରି, ଏନାଆଁ ତେଲୁହଅରି,
ମେସି ମେସିହୁଁ ମେହୁନେରି ସାମା ଏନାଆଁ ପୁନଅରି;

୧୫ ଇଚିହୁଁ ଇ ଲକୁତି ହିୟାଁ ଅଣ୍ଡାଲି ଆଡ଼ାଆ ଗାଟାୟି,

ଏଞ୍ଜାରି କସ୍ତୁଟି କୀର୍କା ତଲେ ଝେଚେରି,

ଇଞ୍ଜା ତାମି କାଣ୍ଡା ପଟିତେରି,

ଏନିକିଁ ଏଞ୍ଜାରି କାଣ୍ଡା ତଲେ ମେହୁଅରି,

ଅଡ଼େ କୀର୍କା ତଲେ ଝେନଅରି,

ଅଡ଼େ ହିୟାଁ ତଲେ ତେଲୁହଅରି

ଇଞ୍ଜା ଏଞ୍ଜାରି ନା ତାଣା ଖେଣ୍ଡା ଖାଅରି,
ଅଡ଼େ ନାନୁ ଏଞ୍ଜାରାଇଁ ନେହିଁ କିଅଁ □

୧୭ ✧ “ସାମା ନେହେଁ ମୀ କାଣ୍‌କା ଇଚିହିଁ ଏଞ୍ଜି ମେସି ମାନୁ,
ନେହେଁ ମୀ କାକା ଇଚିହିଁ ଏଞ୍ଜି ଖେଞ୍ଜିମାନୁ □

୧୮ ଇଚିହିଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଏନା
ଏନାଆଁ ମେସିମାଞ୍ଜେରି, ଏ ବାରେ ହାରେକା ମାହାପୁରୁ ଅଣପୁତି
ବଲୁ ଖେହ୍‌ନାରି ଇଞ୍ଜା ତାରିଗାଟାରି ମେସାଲି ମନ କିତେରି, ସାମା
ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି,
ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି, ସାମା ଖେଞ୍ଜାଲି
ଆଡ଼ାଆତେରି □”

ଜୀସୁ ବିଚା ମାଟିନି କାତା ପୁଣ୍ଡିକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହିଁ ମୀରୁ ବିଚା ମାଟିନି ପୁଣ୍ଡିକିନି କାତା ଖେଞ୍ଜୁ □

୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଟାସି,
ଏଞ୍ଜାଣି ହିୟାତା ଖେସାମାନି ମାହାପୁରୁ ବଲୁ ସୟତାନ ଖାହାନା ମୀଞ୍ଜା
ଅନେସି, ଏଞ୍ଜାସି ଜିରୁ ଦାରି ମାଟାମାନି ବିଚା ଲେହେଁତାସି □

୨୦ ଅଡ଼େ ଆମ୍ବାଆସି ଖାଲ୍‌କା ବୁମିତା ମାଟିତି ବିଚା ଏଞ୍ଜାସି
ଇଲେତାସି, ଆମ୍ବାଆସି ମାହାପୁରୁତି କାତା ଖେଞ୍ଜାନା ରାହାଁତଲେ
ନାମିନେସି,

୨୧ ସାମା ଏଞ୍ଜାଣି ତାଣା ହୀରୁ ଜୀଆତାକି ଗାଡ଼େକେଏ
ତାରିଆହାନା ମାନେସି, ତାନ୍ତୁ ମାହାପୁରୁ କାତାତାକି ବାଦା ଅଡ଼େ
ନିନ୍ଦା ବେଟାଆଡ଼ିସାରେ ଏ ବାରେ ପିସାତୁହ୍‌ନେସି, ଏଞ୍ଜାସି ଖାଲ୍‌କା
ବୁମିତା ରିତି ବିଚା ଲେହେଁତାସି □

୨୨ ଆମ୍ବାଆସି ମାହାପୁରୁତି କାତା ଖେନେସି, ଇଞ୍ଜା ଦାର୍‌ତିତି
ଅଣ୍‌ପୁ ଦନତି ଜୁପକା ଏଞ୍ଜାସି ଖେଞ୍ଜାମାନି କାତାତି ପୁକ୍‌ହା ତୁସାଲିଏ,
ତାନି ଜୀଞ୍ଜୁତା ପାଡ଼େୟି କାମ୍ବାଆତେ, ଏଞ୍ଜାସି ହାପକା ବୁଟା ଢଲ ରିତି
ବିଚା ଲେହେଁତାସି □

୨୩ ସାମା ଆମିନିଗାଟାସି କାତାତି ଖେନେସି ଇଞ୍ଜା ନେହଁକଁ ପୁନେସି, ଅଡ଼େ ନେହଁ ପାଡ଼େୟି କାନ୍ଦିନେସି, ଆମ୍ବାଆସି ପାସାକଡ଼ି, ଆମ୍ବାଆସି ତାନିକଡ଼ି, ଆମ୍ବାଆସି କଡ଼େଦସ ପାଡ଼େୟିକା, ଏଞ୍ଜାସି ନେହଁ ବୁମିତା ରିତି ବିଚା ଲେହେଁତାସି □

ଚଲି ଜାଡ଼ାତି ପୁଣ୍ଡିକିନି କାତା

୨୪ ଜାମୁ ଏଞ୍ଜାରାଇଁ ଅଡ଼େ ର ପୁଣ୍ଡିକିନି କାତା ଖେସେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହଁ ବିଚା ମାଟାମାନି ମାଣସିଲେହେଁ;

୨୫ ସାମା ଲକୁ ତୁରାମାନାଟି ତାନି ସାତୁ ଖାହାନା ଏ ଗହଁୟାଁ ବିତ୍ରା ଚଲି ଜାଡ଼ାତି ବିଚା ମାଟାମା ହାଚେସି □

୨୬ ଏଟିବେଲା ଗହଁୟାଁ ପାଡ଼ାଆହାନା ଜେକା ଆନିବେଲା ଚଲି ଜାଡ଼ା ଜିକେଏ ତଞ୍ଜାଆଡ଼େ □

୨୭ ଏଚେଟିଏ ସାଞ୍ଜୁକାରତି ହଲିୟାଜା ତାନି ତାଣା ଖାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡ଼ିୟାତା ନେହଁ ବିଚା ମାଟା ହିଲାଆତି ? ସାମା ଇ ଚଲି ଜାଡ଼ା ବାରେ ଏମ୍ବିଟି ଖାଡ଼େ ?

୨୮ ଏଞ୍ଜାସି ଏଞ୍ଜାରାଇଁ ଏଲେଇଚେସି, ର ସାତୁ ଇଦାଆଁ କିହାମାନେସି □ ଅଡ଼େ ହଲିୟାଜା ଏଞ୍ଜାଣାଇଁ ଏଲେଇଚେରି, ନୀ ମନ ଏନାୟି, ମାମ୍ବୁ ହାଜାନା ଚଲି ରେଜାନା କୁଡ଼ି କିନମି,

୨୯ ସାମା ଏଞ୍ଜାସି ଏଲେଇଚେସି, ଆଏ ଏଚେତା ମୀରୁ ଚଲି ଜାଡ଼ା ରେଜି ରେଜିହଁ ଗହଁୟାଁ ଜିକେଏ ରେଜେରି □

୩୦ ଗହଁ ଦାଃନି ପାଡ଼େକା ଗହଁ ଅଡ଼େ ଚଲି ଜାଡ଼ା ରହେଁଏ ପାଡ଼ାଆପୁ, ଅଡ଼େ ଆନା ଦାଃନି ବେଲାତା ଦାଃଆନାରାଇଁ ନାନୁ ଏଲେଇଇ, ତଲିଏ ଚଲି ଜାଡ଼ା ଦାଚାନା ହୁଡ଼ାଲିତାକି ପେଣ୍ଡାୟା ଏଟକା କିଦୁ, ସାମା ଗହଁୟାଁ କୁଡ଼ି କିହାନା ନା ଗାଡ଼େୟିତା ଇଟାଦୁ □

ହାର୍ସୁ ପାଡ଼େୟିତି ପୁଣ୍ଡିକିନାୟି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଝାରାଇଁ ଅଡ଼େ ର ପୁଣ୍ଡିକିନି କାତା ୱେସ୍ତେସି, ଲାକପୁରୁ ରାଜି ର ହାସ୍ତ ପାଡ଼େୟି ଲେହେଁତାୟି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି □

୩୨ ଏ ପାଡ଼େୟି ବାରେ ପାଡ଼େୟିକା କିହାଁ ଉଣା, ସାମା ଏଡ଼ି ପାତା ଆଡ଼ିସାରେ ବାରେ କୁଟା କିହାଁ କାଜାୟି ଆହାଁ ଇଲେତି ମାରୁନୁ ଆନେ, ଇଞ୍ଜା ହାଗୁତା ଉଦ୍ଦିମାନି ପଟାୟାଁ ୱାହାନା ଏଦାନି କମାତା ବଣ କିହାନା ବାସା କିନୁ □

ପୁଲା ଏୟୁତି ପୁଣ୍ଡିକିନାୟି

(ମାର୍କ ୧୩:୨୦-୨୧)

୩୩ ଜୀସୁ ଏଝାରାଇଁ ଅଡ଼େ ର ପୁଣ୍ଡିକିନି କାତା ୱେସ୍ତେସି, ଲାକପୁରୁ ରାଜି ର ପୁଲା ଏୟୁଲେହେଁତାୟି; ର ଇୟା ଗହଁୟାଁ ଗୁଣ୍ଡାତା ପୁଲାଏୟୁ କାଲହାନା ଇଟିତେ, ଏଚେଟିଏ ଏ ଗୁଣ୍ଡା ପକ୍ଷାନା ବାରେ ପୁଲା ଆଡ଼େ □

ଜୀସୁ ପୁଣ୍ଡିକିନି କାତାତି ଅର୍ଡ଼ ୱେହ୍ନାୟି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ ଲକୁଣି ୱେସ୍ତେସି, ଇଞ୍ଜା ପୁଣ୍ଡିକିନି କାତା ଆର୍ଆନା ଏନାଆଁଝା ଲକୁଣି ୱେସି ହିଲାଆତେସି,

୩୫ ଏନିକିଁ ମାହାପୁରୁ ଅଣ୍ଡପୁତି ବଲୁ ୱେହ୍ନାଣି ତାଣାଟି ଇ କାତା ସାତା ଆନେ,

“ନାନୁ ନା ଗୁତି ଏକହାନା ପୁଣ୍ଡିକିନି କାତାତଲେ ୱେହ୍ନାୟି;

ଦାରତି ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ ୱେହ୍ନାୟି
□”

ଜୀସୁ ଟଲି ଜାଡ଼ାତି ପୁଣ୍ଡିକିନି କାତାତି ଅର୍ଡ଼ ୱେହ୍ନାୟି

୩୬ ତାୟୁ ଜୀସୁ ମାନ୍ଦା ଲକୁଣି ପିସାନା ଇଲୁ ବିତ୍ରା ହାଚେସି, ଇଞ୍ଜା ତାନି ସାସୁୟାଁ ତାଗେ ୱାହାନା ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ଡି କିନି କାତା ମାଜେ ନେହ୍ନାୟି ୱେସ୍ତାମୁ □”

୩୭ ଜୀସୁ ଏଲେଇଚେସି, “ନେହ୍ନାୟି ବିଚା ମାଟିନାସି ଏଝାସି ମାଣ୍ଡସି ମୀରଏସି;

୩୮ ଇ ଦାର୍ତ୍ତି ଆହିମାନେ ଗୁଡ଼ିୟା, ନେହଁ ବିଚା ମାହାପୁରୁ
ରାଜିତି ମୀରକା ମାସ୍ତା; ଟଲି ଜାଡ଼ା ସୟତାନତି ମୀରକା ମାସ୍ତା;
୩୯ ଆମିନି ସାତୁ ଏଦାଆଁ ମାଟିତେସି ଏଝାସି ସୟତାନ; ଆର୍ନା
ଦାଝିନି ଦିନା ଇଚିହଁ ଜୁଗୁ ରାନ୍ତି ଦିନା, ଇଞ୍ଜା ଆର୍ନା ଦାଝିଆନାରି
ମାହାପୁରୁତି ଦୁଡୁୟାଁ □

୪୦ ଇଚିହଁ ଟଲି ଜାଡ଼ାତି ଏନିକଁ ରତାଣା କୁଡ଼ି କିହାନା ହିରୁତା
ହୁଡିନାୟି, ଜୁଗୁ ରାନ୍ତି ଦିନାତା ଜିକେଏ ଏଲେକିହଁ ଆନେ □

୪୧ ମାଣ୍ଡସି ମୀରଏସି ତାନି ଦୁଡୁୟାଁଣି ପାଣ୍ଡିନେସି, ଇଞ୍ଜା ଏଝାରି
ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡେ ପାପୁ
ଗାଟାରାଇଁ ରୁଣ୍ଡା କିନେରି □

୪୨ ଅଡେ ଏଝାରାଇଁ ହିରୁ ଗାଡ଼ୁୟୁତା ମେଡନେରି, ଏମ୍ବାଆଁ ଏଝାରି
ଡ଼ାହଁ ପାଲକା ଟୀଟି କିନେରି □

୪୩ ଏଚିବେଲା ଡାରିଗାଟାରି ତାନି ଆବା ରାଜିତା ଝେଡାଲେହେଁ
ଡ଼ାଞ୍ଜିହଁ ତଞ୍ଜାଆନେରି □ ଆମ୍ବାଆରାକି କୀକା ମାନୁ ଏଝାରି
ଝେଣ୍ଡାରି □”

ଡଗୁମାନି ଦନ ପୁଣ୍ଡିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡଗୁମାନି ଦନ ଲେହେଁତାୟି,
ରଅସି ଏଦାଆଁ ମେସାନା ଡକୁହା ଇଚିତେସି, ଅଡେ ରାହାଁଟି ହାଜାନା
ତାନି ଇସିତାସି ଆସ୍ତି ପାରଚାନା ଝେଣ୍ଡେ ହାଜାନା ଏ ଗୁଡ଼ିୟାତି
କତିତେସି □”

ଦାରାଗାଟି ଅପ୍ପନି ଝାଲିତି ପୁଣ୍ଡିକିନି କାତା

୪୫ “ଅଡେ ଲାକପୁରୁ ରାଜି ନେହଁ ଅପ୍ପନି ଝାଲି ପାରିମାନି ର
ବେବାରା କିନାଣିଲେହେଁ □

୪୬ ର ଦାରାଗାଟି ଅପ୍ପନି ଝାଲି ମେସାନା ଏଝାସି ହାଜାନା ତାନି
ଇସିତାସି ଆସ୍ତି ପାରଚାନା ଏ ଅପ୍ପନି ଝାଲିତି କତିତେସି □”

ମୀଣ୍ଡକା ଆହ୍ନି ଜାଲ୍ଲାତି ପୁଣ୍ଡିକିନି କାତା

୪୭ “ଅଡେ ଜିକେଏ ଲାକପୁରୁ ରାଜି ସାମ୍ପୁରିତା ବାରେ କୁଡ଼ାତି
ମୀଣ୍ଡକା ଆସାଲି ମେଡନି ଜାଲ୍ଲା ଲେହେଁତାୟି □

୪୮ ଏ ଜାଳା ନେଞ୍ଜାଲିଏ ମୀଶକା ଆହନାରି ଏଦାଆଁ ସାମ୍ବୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହାଁଆଁ ବାରେ ରୁଣ୍ଡା କିହାନା ତିରିତା ଇଟିନେରି, ସାମା ଲାଗେଏ ପଢେଏ ଗାଟାଆଁ ବାରେ କୁତା ତୁହନେରି □

୪୯ କୁଗୁ ରାନ୍ତି ଦିନାତା ଏଲେକିହୁଁ ଆନେ; ଦୃତୁୟାଁ ହଟାଞ୍ଜାହାନା ତୀରିଗାଟାରି ତାଣାଟିଏ ଲାଗେଏ ପଢେଏତାରାଇ ଏଟକା କିନେରି □

୫୦ ଅଡେ ଏଞ୍ଜାରାଇଁ ହିରୁ ଗାଡୁମୁତା ମେଡହା ତୁହନେରି, ଏମ୍ବାଆଁ ତୀନାୟି ଅଡେ ପାଲକା ଟୀଟି କିନାୟି ଆନେ □”

ପୁଃଆଣି ଅଡେ ପୁଃନାଣି ଜାପ୍ନାୟି

୫୧ ଜୀସୁ ସୀସୁୟାଁଇଁ ଝେରେସି, “ମୀରୁ ଇ ବାରେ କାତା ପୁରେରି ?”

ଏଞ୍ଜାରି ଏଲେଇଚେରି, “ହାଅ ପ୍ରବୁ □”

୫୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡିହୁଁ ଆମିନି ଇଲୁଗାଟାସି ତାନି ଇଲୁଟି ପୁଃନାଣି ପୁଃଆଣି ହପ୍ନେସି, ଲାକପୁର ରାଜିତି ସୀସୁ ଆହାମାନି ବାରେ ମେରା ପୁନାରି ଏଞ୍ଜାଣି ଲେହେତାରି □”

ଜୀସୁଇଁ ନାଜରିତତା ଅପାଆଗାଟାୟି

(ମାର୍କ ୭:୧-୭; ଲୁକ ୪:୧୭-୩୦)

୫୩ ଜୀସୁ ଇ ବାରେ ପୁଣ୍ଡିକିନି କାତା ଝେସାଲି ଆଡାଲିଏ, ତାମୁ ଏମ୍ବାଟିଏ ହାରେସି □

୫୪ ଇଞ୍ଜା ଏଞ୍ଜାସି ତାନୁ ପାତାଆଡି ନାୟୁଁତା ଝାହାନା ଲକୁଣି ତାନି ଜୀହୁଦି ଲକୁଡି କୁଟମି ଇଲୁତା* ଇଲେକିହୁଁ ଜାପ୍ନେସି, ଇଞ୍ଜା ଏଞ୍ଜାରି କାବାଆହାନା ଏଲେଇଚେରି, “ଇଞ୍ଜାଣାକି ଇଲେତି ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ବିଟି ବାଡୁମୁ ବେଟାଆଡେସି ?

* ୧୩:୫୪ ୧୩:୫୪ ସିନଗର

୫୫ ଇସ୍ରାଏଲୀ ଏ ବାତୀୟାତି ମୀରଏସି ଆଏକି ? ଇସ୍ରାଏଲୀ ଇୟା ମରିୟମ ଆଏ ? ଅଡ଼େ ଇସ୍ରାଏଲୀ ତାୟିୟା ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ?

୫୬ ଅଡ଼େ ଇସ୍ରାଏଲୀ ତାଜିୟା ମା ତଲେ ହିଲାଉ ? ଇଞ୍ଜାହାଁ ଇସ୍ରାଏଲୀ ଏ ବାରେ ଆମ୍ବିଟି ମେଡ଼ାଆଡ଼େସି ?”

୫୭ ✨ଇଞ୍ଜା ଏଞ୍ଜାରି ଜୀସୁଇଁ ଅପାଆତେରି □ ସାମା ଜୀସୁ ଏଞ୍ଜାରାଇଁ ଏଲେଇରେସି, “ମାହାପୁରୁ ଅଣ୍ଟପୁତି ବଲୁ ଖେହନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପ୍ଲାଃଅରି □”

୫୮ ଅଡ଼େ ଏଞ୍ଜାରି ନାମାଆତାକି ଏଞ୍ଜାସି ଏମ୍ପାଆଁ ହାରେକା କାବାଆନି କାମା କିଆତେସି □

୧୪

ବାପ୍ତିସ୍ମା* ହାନି ଜହନ ହାନାୟି

(ମାର୍କ ୬:୧୪-୨୯; ଲୁକ ୯:୭-୯)

୧ ଏତିବେଲୀତା ଗାଲିଲିତି ସାଲୁଞ୍ଜି କିନି ରାଜା ହେରଦ ଜୀସୁତି କାରୁ ଖେଚେସି,

୨ ଅଡ଼େ ତାନି ହଲିୟାଜାଣି ଏଲେଇରେସି, “ଇସ୍ରାଏଲୀ ବାପ୍ତିସ୍ମା* ହାନି ଜହନ ଏଞ୍ଜାସି ହାଡ଼ାରି ତାଣାଟି ନିଜାମାନେସି, ଏଡ଼ାଆଁତାକି ଇ ବାରେ ବାଡ଼ୁୟୁ ଏଞ୍ଜାଣି ତାଣା କାମା କିହିମାନେ □”

୩ ✨ଇଚିହଁ ତଲି ହେରଦ ତାନି ତାୟି ପିଲିପ ଡକ୍ତି ହେରଦିୟାନି ତାକି ଜହନଇଁ ଦସପା ତାଚାନା କାୟିଦି ଇଲୁତା ଇଟାମାରେସି □

୪ ଇଚିହଁ ଜହନ ତାଜା ଏଲେଇଞ୍ଜିମାରେସି, ହେରଦିୟାନି ଇଚିନାୟି ନୀ ମେରା ହିଲେଏ □

୫ ଅଡ଼େ ହେରଦ ଏଞ୍ଜାଣାଇଁ ପାୟାଲି ମନ କିତି ଜିକେଏ ଲକୁଣି ଆଜିମାରେସି, ଏନାଆଁତାକି ଇଚିହଁ ଏଞ୍ଜାଣାଇଁ ର ମାହାପୁରୁ ଅଣ୍ଟପୁତି ବଲୁ ଖେହନାସି ଇଞ୍ଜା ମାନି କିହିମାରେରି □

☆ ୧୩:୫୭ ୧୩:୫୭ ଜହ ୪:୪୪ * ୧୪: ୧୪:୧ ମୁଞ୍ଜିନାୟି † ୧୪:୭ ୧୪:୭ ମୁଞ୍ଜିନାୟି

☆ ୧୪:୩ ୧୪:୩ ଲୁକ ୩:୧୯,୨୦

୬ ସାମା ହେଉଦତି ଜାର୍ନା ଦିନା ଖାହାଲିଏ, ହେଉଦିୟାତି ମାଳ୍ମା
ରୁଣ୍ଡା ଆହାମାତି ଲକୁ ନକିତା ଏନ୍ଦାନା ହେଉଦଇଁ ରାହାଁ କିଝିକିତେ
□

୭ ଏଚେଟିଏ ଏଞ୍ଜାସି ପାରମାଣା କିହାନା ଆଞ୍ଜିତେସି, ନୀନୁ ନାଙ୍ଗେ
ଏନାଆଁ ରୀସ୍ତାତିହଁ ଏଦି ନିଙ୍ଗ ହୀପକିଆନେ □

୮ ଇଞ୍ଜା ଏଦି ତାନି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ତୁଃ
ହୀନି ଜହନତି ତାୟଁ ନୁଏଁ ଇମ୍ପାଆଁ ର ସାଡ଼ଝାତା ନାଙ୍ଗେ ହିୟାମୁ
□”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହଁ ଜିକେଏ ତାନୁ
ପାରମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବଢ଼ିତା
କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହୀହାଲି
ହୁକୁମି ହୀତେସି □

୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟଁ
ଦାପିକିତେସି,

୧୧ ଅଡ଼େ ଏଞ୍ଜାଣି ତାୟଁ ର ସାଡ଼ଝାତା ତାଚାନା ଏ ପଦାକି
ହୀତେରି, ଇଞ୍ଜା ଏଦି ଅହାନା ତାନି ଇୟାନି ତାଣା ଅଡ଼େ □

୧୨ ଏଚେଟିଏ ଜହନତି ସୀସୁୟାଁ ଖାହାନା ମାଡ଼ହା ଅହାନା ମୁସ୍ତେରି,
ଅଡ଼େ ହାଜାନା ଜୀସୁଇଁ ଖେସ୍ତେରି □

ଜୀସୁ ପାସାମାଣା ଲକୁକି ତିଞ୍ଜାଲି ହୀନାୟି

(ମାର୍କ ୭:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାରୁ ଖେଞ୍ଜାନା, ଜୀସୁ ର ଡ଼ଗତା କୁଗାନା ଲକୁ
ହିଲାଆ ଚାୟୁତା ହାଚେସି, ଲକୁ ଇ କାତା ଖେଞ୍ଜାନା ଗାଡ଼ାୟାତି
ଖାହାନା ତାକି ତାକିହଁ ଏଞ୍ଜାଣି ଜେଚ ହାଚେରି;

୧୪ ଅଡ଼େ ଏଞ୍ଜାସି ଡ଼ଗତି ରେଚାନା ମାନ୍ଦା ଲକୁଣି ମେସାନା କାର୍ମା
ଆହାନା ଏଞ୍ଜାରି ରଗ ଗାଟାରାଇଁ ନେହଁ କିତେସି □

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଖାହାନା
ଏଲେଇଚେରି, “ଇ ଚାୟୁ ଲକୁ ହିଲାଆ ଚାୟୁ ଇଞ୍ଜା ଆନ୍ଦେରି
ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକଁ ନାସକାଣାଁ

ହାଜାନା ତାମ୍ବୋ ତାକି ଲହଡ଼ି ପାରିନେରି, ଏଦାଆଁତାକି ଏଝାରାଈଁ ହାଜାଲି ହେଲ ହୀମୁ □”

୧୭ ସାମା ଜୀସୁ ଏଝାରାଈଁ ଏଲେଇଚେସି, “ଏଝାରି ହାନି ଲଡ଼ା ଆଏ, ମୀରୁ ଏଝାରାକି ତିଞ୍ଜାଲି ହୀଦୁ □”

୧୮ ଏଝାରି ଏଝାଣାଈଁ ଏଲେଇଚେରି, “ମାଙ୍ଗେ ଇମ୍ପାଆଁ ପାସାଗଟା ରୁଟି ଇଞ୍ଜା ରୀ ମୀଣ୍ଟକା ମୀଦୁ □”

୧୯ ଜୀସୁ ଏଝାରାଈଁ ଏଲେଇଚେସି, “ଏଝାଆଁ ଇମ୍ପାଆଁ ନା ତାଣା ତାଦୁ □”

୨୦ ଅଡ଼େ ଏଝାସି ଲକୁଣି ଗାକି ଜାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣ୍ଟକାଣି ଅହାନା ଲାକପୁରୁ ଝାକି ସିନିକିହାନା ମାହାପୁରୁଈଁ ଜହରା କିତେସି, ଇଞ୍ଜା ରୁଟି ଡ଼ିକିହାନା ତାମି ସୀସୁୟାଁକି ହୀତେସି, ଏଚେଟିଏ ସୀସୁୟାଁ ବାରେ ଲକୁକି ହୀତେରି □

୨୧ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସୀସୁୟାଁ ହାରାମାଟି ରୁଟି ଗାଣ୍ଡାୟାଁ କୁଡ଼ି କିହାନା ବାରଗଟା ତାଲିତା ନେଞ୍ଜିକିତେରି □

୨୨ ରାନ୍ଦା ତିଟି ଲକୁ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି □

ଜୀସୁ ଏୟୁ ଲାକ ତାକିନାୟି

(ମାର୍କ ୭:୪୫-୫୨; ଜହ ୭:୧୫-୨୧)

୨୩ ଏ ଦେବୁଣିଏ ଜୀସୁ ତାନି ସୀସୁୟାଁଣି ଡ଼ଂଗତା ଏକହାନା ସାମ୍ବୁରି ଆତାଲାଝାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକୁଣି ହାଜାଲି ହେଲ ହୀତେସି □

୨୪ ଜୀସୁ ଲକୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲ୍ଲା ଆହାଲିଏ ଏଝାସି ଏମ୍ପାଆଁ ରଅସିଏ ମାଚେସି □

୨୫ ସାମା ଏଚିବେଲା ଡ଼ଂଗ ସାମ୍ବୁରି ଗାରୁଟିଏ ହାଚ୍ଚେକା ହେକ ମାଚେ, ଇଞ୍ଜା ସାମ୍ବୁରିତା ଗାଲି ଝେଚାଲିଏ ଏ ଡ଼ଂଗ ଝୀଡ଼ିମାଚେ □

୨୫ ସାମା ଝେୟା ନେକେରି ଜୀସୁ ଏୟୁ ଲାକ ତାକି ତାକିହିଁ
ସୀସୁୟାଁ ତାଗେ ହାରେସି □

୨୬ ଅଡେ ସୀସୁୟାଁ ଏଞ୍ଜାଣାକ୍ ଏୟୁ ଲାକ ତାକି ମାନାଣି ମେସାନା
ଆଜାହାରେରି, ଇଞ୍ଜା ଏଲେଇରେରି, “ଇଦି ର. ବୁଡୁ!” ଇଞ୍ଜା
ଆଜିତାକି କିର୍ଡିତେରି □

୨୭ ସାମା ଜୀସୁ ଦେବୁଣିଏ ଏଞ୍ଜାରାକ୍ ଏଲେଇରେସି, “ସାସା
ଆହୁଦୁ ଆଜାଆଦୁ ନାନୁ ଜୀସୁତେଏଁ □”

୨୮ ଏରେଟିଏ ପିତର ଏଲେଇରେସି, “ଏ ପ୍ରବୁ ସାତେଏ ନୀନୁ
ଇତିହିଁ ଏୟୁଲାକଟି ତାକିହିଁ ନୀପ ଖାହାଲି ହୁକୁମି ହିୟାମୁ □”

୨୯ ଜୀସୁ ଏଲେଇରେସି “ଞ୍ଜାମୁ!” ଏରେଟିଏ ପିତର ତଂଗଟି
ରେତାନା ଜୀସୁ ତାଣା ଏୟୁଲାକଟି ତାକିହିଁ ହାରେସି □

୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣାଁ ମୁଞ୍ଜିହିଁ
ଏଲେଇରେସି, “ଏ ପ୍ରବୁ ନାଞ୍ଜେ ଗେଲ୍‌ପାମୁ □”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରକ୍ ଆସାନା
ଏଲେଇରେସି, “ଏ ଉଣା ନାମୁ ଗାଟାଡି! ଏନାଆଁ ତାକି ଆନାମାନା
ଆଡି ?”

୩୨ ଅଡେ ଏଞ୍ଜାରି ତଂଗତା ହଟାଲିଏ ଗାଲି ତୁଞ୍ଜିତେ □

୩୩ ଏରେଟିଏ ତଂଗତା ମାଟି ସୀସୁୟାଁ ଜୀସୁକ୍ ଜହରା କିହାନା
ଏଲେଇରେରି, “ନୀନୁ ସାତେଏ ମାହାପୁରୁ ମୀରଏଣାତି □”

ଗେନେସର ରାଜିତା ଜୀସୁ ରଗ ଗାଟାରାକ୍ ନେହିଁ କିନାୟି

(ମାର୍କ ୬:୫୩-୫୬)

୩୪ ଏଞ୍ଜାରି ସାମ୍ବୁରି ଗାଣ୍ଟାନା ଗେନେସର ରାଜିତା ଏତେରି □

୩୫ ଅଡେ ଏମ୍ବାଡି ଲକୁ ଜୀସୁକ୍ ପୁଞ୍ଜାନା ସାରିଞ୍ଜାକି ମାନି ବାରେ
ରାଜିତା କାରୁ ପାଣ୍ଡିତେରି, ଇଞ୍ଜା ଲକୁ ବାରେ ରଗ ଗାଟାରାକ୍ ଜୀସୁ
ତାଣା ତାତେରି;

୩୬ ଅଡେ ରଗ ଗାଟାରି ଜୀସୁତି ହିମ୍ବରି କୁଞ୍ଜୁ ତୀଗିନେରି,
ଏଦାଆଁତାକି ଜୀସୁକ୍ ବାଡିମାଲିତେରି, ଇଞ୍ଜା ଏରେକା ଲକୁ
ତୀଗିତେରି ବାରେ ନେହିଁ ଆଡେରି □

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏତିବେଲାତା ଜିରୁସାଲମଟି ପାରୁସିୟାଁ ଇଞ୍ଜାଁ ମେରାପୁନାରି ଜୀସୁ ତାଣା ଖାହାନା ଏଲେଇଚେରି,

୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିହିଲଅରି ? ଇତିହିଁ ରାନ୍ଦା ତିନାଟି କେସ୍ତା ନରଅରି □”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାରୁ ମେରାତାକି ମାହାପୁରୁତି ହୁକୁମି ମାନୁଞ୍ଜି ଆହି ହିଲଅଚେରି ?”

୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜାଁ ଆମ୍ବାଆସି ଇୟା କି ଆବାଇଁ ବାକା ଇତିନେସି ଏଞ୍ଜାସି ହାନ୍ତି ତଣ୍ଡ ବେଟା ଆନେସି □

୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାନି ଇୟା କି ଆବାଇଁ ଏଲେଇନେସି, ନା ତାଣାଟି ମିଙ୍ଗେ ଏନାଆଁ ହିୟାତିହିଁ ନେହେଁ ଆଡେମା, ଏ ବାରେ ମାହାପୁରୁକି ହେରପି ଆହାମାନେ,

୬ ଏଞ୍ଜାସି ସାଡେଏ ତାନି ଇୟା ଆବାଇଁ ମାନି କିଅସି □ ଇଲେକିହିଁ ମୀରୁ ମୀ ପାଣାପାରୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି □

୭ ଆଡେ କୁରୁ ଗାଟାଚେରି, ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ମିଙ୍ଗେତାକି ନେହିଁକିଁ ଇ କାତା ଖେସାମାନେସି □

୮ ଇ କୃତାତାରି ଖାରଇ ଗୁତି ତଲେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟି ହେକ ତୁୟିନେ □

୯ ଏଞ୍ଜାରି ମାଣ୍ଡସି କେପିତି ପାଣା ପାରୁତି ଦାମୁତି ନେହିଁ କାତା ଇଞ୍ଜାଁ ଜାପୁହାନା,

ଉଜେଏ ନାଙ୍ଗେ ସେବା କିହିମାଞ୍ଜାନେରି □

ମାଣ୍ଡସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅତେ ଜୀସୁ ଲକ୍ଷ୍ମଣି ତାଗେ ହାଟାନା ଏଝାରାଇଁ ଏଲେଇଚେସି,
“ଝେଞ୍ଜୁ ଇଞ୍ଜା ପୁଞ୍ଜୁ □”

୧୧ ମାଣ୍ଡସି ଗୁଡି ବିତ୍ରା ଏନାୟି ହଡ଼ନେ ଏଡି ଏଝାଣାଇଁ ଲାଗେଏ
କିଏ, ସାମା ଗୁଡି ବିତ୍ରାଟି ଏନାୟି ହଡ଼ନେ ଏଡି ମାଣ୍ଡସିଇଁ ଲାଗେଏ
କିନେ □

୧୨ ଏଚିବେଲା ସୀସୁୟାଁ ଜୀସୁ ତାଣା ଝାହାନା ଏଲେଇଚେରି,
ପାରୁସିୟାଁ ଇ କାତା ଝେଞ୍ଜାନା କସ୍ତ୍ର ବେଟାଆହି ମାନେରି ଇଦାଆଁ
ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି
ମାରୁନୁ ଉହା ହିଲଅସି ଏ ବାରେ ରେଝି ଆନୁ □”

୧୪ *ପାରୁସିୟାଁ କାତା ଝେନାଆଦୁ, ଏଝାରି କାଣାୟାଁ ଆହାନା
କାଣାୟାଁଇଁ ଜିରୁ ତହୁନେରି, ଇଞ୍ଜା କାଣା ଅର କାଣାଇଁ ଜିରୁ ତସିହି
ରିଆରି ଜିକେଏ ଗାଡ଼ୟୁତା ତରଗିନେରି □

୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଙ୍ଗେ ଝେସ୍ତାମୁ
□”

୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ
ଗାଟାତେରି ?”

୧୭ ଏନାୟି ଗୁଡିଟି ହଡ଼ନେ ଏଡି ବାଣ୍ଡିତା ହାଜାନା ଏଡି
ବାଣ୍ଡିହାନିଲେହେଁ ହଟା ହାନେ, ଇଦାଆଁ ପୁଞ୍ଜି ହିଲଅତେରି ?

୧୮ *ସାମା ଗୁଡିଟି ଏନାୟି ହଡ଼ିମାନେ ଏଡି ହିୟାଟି ହଡ଼ିମାନେ
ଏଡିଏ ମାଣ୍ଡସିଇଁ ଲାଗେଏ କିହିମାନେ □

୧୯ ଇଚିହିଁ ହିୟାଟି ଲାଗେଏତି ଅଣ୍ଡୁ ହଡ଼ନେ, ଇଚିହିଁ ଲକ୍ଷ୍ମଣି
ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି,
ସରୁ କାମା କିହାଲି, ମିତି ସାକି ହୀହାଲି ଇଞ୍ଜା ନିୟା କାତା ଜଲ୍ଲାଲି;

୨୦ ଇ ବାରେ କାମା ମାଣ୍ଡସିଇଁ ଲାଗେଏ କିନେ, ସାମା କେୟୁ
ନରୁଆନା ତିନାୟି ମାଣ୍ଡସିଇଁ ଲାଗେଏ କିଏ □

ର ଇୟାନି ନାମୁ
(ମାର୍କ ୭:୨୪-୩୦)

୨୧ ଜୀସୁ ଏ ଟାୟୁ ପିସାନା ସର ଅଡ଼େ ସିଦନ ରାଜିତା ହାରେସି □

୨୨ ଅଡ଼େ ମେହ୍‌ଦୁ ଏ ହାନ୍ଦିଟି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇରେ, “ଏ ପ୍ରବୁ ଦାଝୁଦ ମୀରଏଶାତି ନାଜେ କାର୍ମା ମେସ୍ତାମୁ ଇଚିହିଁ ନା ମାଜ୍ଜାନି ହାରେକା ଆଜିହ୍‌ପେତି ବୃତୁ ଆସାନା କସ୍ତୁ ଆହିମାନେ □”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆତେସି □ ଇଞ୍ଜା ତାନି ସୀସୁୟା ଖାହାନା ଏଞ୍ଜାଶାଇ ଏଲେଇରେରି, “ଇଦାନି ହେଲ ହୀହାନା ପାଶ୍ଟାତୁହ୍‌ମୁ, ଏନାଆଁତାକି ଇଚିହିଁ ଇଦି ମା ଜେତ କାଲ୍‌ଝି ଆହିମାନେ □”

୨୪ ସାମା ଜୀସୁ ଏଲେଇରେସି, “ନାନ୍ତୁ ଇସ୍ତାୟେଲ କୃତାତା ଜାଜ୍ଜାମାନି ମେଶ୍ଟାୟା ପିସ୍‌ପେ ଅଡ଼େ ଆମ୍ବାଆରି ତାଶା ପାଶ୍ଟା ଆହାହିଲଅଁ □”

୨୫ ଏ ଇୟା ଖାହାନା ଜହରା କିହାନା ଏଲେଇରେ, “ଏ ପ୍ରବୁ ନାଜେ କାର୍ମା ମେସ୍ତାମୁ □”

୨୬ ସାମା ଜୀସୁ ଏଲେଇରେସି, “ମୀରକା ମାସ୍‌କା କାଦି ଅହାନା ନେସ୍‌କା ତାଗେ ମେଡ୍‌ନାୟି ନେହେଁ ଆଏ □”

୨୭ ଏ ଇୟା ଏଲେଇରେ, “ହାଅ ପ୍ରବୁ ଇଚିହିଁ ନେସ୍‌କା ତାନି ସାଝୁକାରିୟା ତାଶାତି ତରଗାମାନି ଜୁଟା ରାନ୍ଦା ପେର୍‌ହା ତିନ୍ତୁ □”

୨୮ ଏରେଟିଏ ଜୀସୁ ଏ ଇୟାନି ଏଲେଇରେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଜ୍ଜ ଆୟାପେ □” ଏ ଦେବୁଣିଏ ତାନି ମାଜ୍ଜା ନେହେଁ ଆଡ଼େ □

ଜୀସୁ ହାରେକା ଲକୁଣି ନେହିଁ କିନାୟି

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍‌ଦୁରି ତାଗେ ଖାଡ଼େସି, ଅଡ଼େ ହରୁ ଲାକ ହାଜାନା କୁରିତେସି □

୩୦ ଅଡ଼େ ହାରେକା ଲକୁ ସଟାୟା, ଟୁଡୁଝାୟା, କାଶାୟା, ଗୁଲ୍‌ୟା, ହାରେକା ଲକୁଇଁ ତାମିତଲେ ତାରାନା ଜୀସୁ କତାଁ ଡ଼ଇ ଇଚିତେରି, ଅଡ଼େ ଏଞ୍ଜାସି ଏଞ୍ଜାରାଇଁ ନେହିଁ କିତେସି □

୩୧ ଇଲେକିହିଁ ଦେର୍‌ଡାୟା ଜଲିମାନେରି, ଟୁଡୁଝାୟା ନେହିଁ ଆହିମାନେରି, ସଟାୟା ତାକି ମାନେରି ଅଡ଼େ କାଶାୟା

ମେସିମାନେରି; ଇ ବାରେ ମେସାନା ଲକୁ କାବା ଆଡେରି, ଇଞ୍ଜା
ଇସ୍ରାୟେଲତି ମାହାପୁରୁଇଁ ଜହରା କିତେରି □

ଜୀସୁ ସାରି ମାଣା ଲକୁଣି ତୀସେସି

(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଇଁ ତାଗେ ହାଟାନା ଏଲେଇଚେସି,
“ଇ ବାରେ ଲକୁତାକି ନାଙ୍ଗେ କାର୍ମା ହଟିମାଞ୍ଜାନେ, ଏନାଆଁତାକି
ଇତିହଁ ଇଞ୍ଜାରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି,
ଅଡେ ଇଞ୍ଜାରି ତାଣା ଏନାୟିଞ୍ଜା ତିଞ୍ଜାଲି ହିଲେଏ; ଇଞ୍ଜାରି ହାନାଟି
ଜୀସୁ ହଟା ହାଡିଲେହେଁ ଜିରୁତା ତରଗିନେରି, ଏନାଆଁତାକି ହାକିଟି
ପାଣ୍ଡାଲି ନା ମନ ହିଲେଏ □”

୩୩ ସୀସୁୟାଁ ଏଞ୍ଜାଣାଁ ଏଲେଇଚେରି, “ଇଚେକା ଲକୁତାକି ବାଣ୍ଡି
ପାଞ୍ଜିକିହାଲି ଇ ଏନାଆଁ ହିଲିଆ ଟାୟୁତା ଏଦିଟି ରୁଟି ପାଣ୍ଡନାୟି □”

୩୪ ଜୀସୁ ଏଞ୍ଜାରାଁ ଝେଚେସି, “ମୀ ତାଣା ଏଚରଗଟା ରୁଟି ମାନୁ
?”

ଏଞ୍ଜାରି ଏଲେଇଚେରି, “ସାଡାଗଟା ଇଞ୍ଜା ଏଚରଗଟା ଉଣା
ମୀଣ୍ଟକା ମାନୁ □”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀଡେସି,

୩୬ ଅଡେ ଜୀସୁ ଏ ସାଡାଗଟା ରୁଟି ଇଞ୍ଜା ମୀଣ୍ଟକାଣି ମାହାପୁରୁ
ତାଣା ଜହରା କିହାନା ସୀସୁୟାଁକି ହୀଡେସି; ଏଞ୍ଜାରି ଲକୁତାକି
ହୀଡେରି □

୩୭ ଅଡେ ଲକୁ ତିଞ୍ଜାନା ପାଞ୍ଜିତି ତାୟୁ, ତୀଗିତି ରୁଟି ସାଡା ତାଲି
ହାରିତାଣି କୁଡ଼ି କିତେରି □

୩୮ ରୁଟି ତିଟି ଲକୁ ଇୟସିକା ଅଡେ ଉଣା କକାରି ପଦାଁଣି ପିସାନା
ସାରି ମାଣା ଆବାୟା ମାଚେରି □

୩୯ ଏଚେଟିଏ ଏଞ୍ଜାସି ଲକୁଣି ହେଲ ହୀହାନା ତଂଗତା ହଟାନା
ମଗଦାନ ହାନ୍ଦିତା ଝାଡେସି □

୧୭

କାବାଆନ୍ତି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ☆ଏବେକା ପାରୁସି ଅଡ଼େ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସ୍ତାମୁ ଇଞ୍ଜି ବାତିମାଲିତେରି □

୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମିଡ଼ଅଲ୍ଲା ବେଲା ଏଲେଇଞ୍ଜେରି, ଝିଏ କାରା ଆନେ, ଇଚିହଁ ହାଗୁ ଗାଦ୍‌ଗା ଆହାମାନେ □”

୩ ଅଡ଼େ ଲାଇ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହଁ ହାଗୁ ଗାଦ୍‌ଗା ଅଡ଼େ ଦୁନ୍ଦା ମୁଚାମାନେ □ ମୀରୁ ହାଗୁଡ଼ି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀଏତି କାତା ଅଡ଼େ ସିନାୟାଁ ପୁଞ୍ଜି ହିଲଅତେରି □

୪ ☆ପଲ୍‌ଆ ଗାଟାରି ଇଞ୍ଜା ମାହାପୁରୁଇଁ ଅଣ୍‌ପାଆଗାଟି କୃତାତାରି ସିନାୟାଁ ପାରିନେରି, ସାମା ଜୁନସତି ସିନା ପିସ୍‌ପେ ଅଡ଼େ ଏଟକାତି ସିନା ଏଞ୍ଜାରାକି ହୀପକି ଆଏ, ଇଞ୍ଜା ଏଞ୍ଜାସି ଏଞ୍ଜାରାଇଁ ପିସାନା ହାଚେସି □

ପାରୁସିୟାଁ ଅଡ଼େ ସାଦୁକିୟାଁ ତାଣାଟି ଜାଗ୍ରାତା

(ମାର୍କ ୮:୧୪-୨୧)

୫ ସୀସୁୟାଁ ସାମ୍‌ଦୁରି ଆତାଲା ହାଜାନା ସିନିକିତେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି □

୬ ☆ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ସାଦୁକିୟାଁ ପୁଲ୍ଲା ଏୟୁଟି ଜାଗ୍ରାତା ଆହାଁ ମାଞ୍ଜୁ □”

୭ ଏମ୍‌ାଟିଏ ଏଞ୍ଜାରି ତାମ୍‌ୁତାମ୍‌ୁସୁ ଜଲ୍‌କି ଆହାଲି ମାଟ୍‌ହେରି, “ମାର ରୁଟି ତାଗା ହିଲାଆୟି ଇଞ୍ଜି ଏଞ୍ଜାସି ଏଲେଇଞ୍ଜିମାଞ୍ଜାନେସି □”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଟାତେରି, ମୀ ବିତ୍ରା ରୁଟି ହିଲେଏ ଇଞ୍ଜି ଏଦାଆଁତାକି ଝେସ୍‌ପି ଆହିମାଞ୍ଜେରି ?

☆ ୧୭:୧ ୧୭:୧ ମାତି ୧୭:୩୮; ଲୁକ ୧୧:୧୭

☆ ୧୭:୪ ୧୭:୪ ମାତି ୧୭:୩୯; ଲୁକ

୧୧:୨୯ ☆ ୧୭:୭ ୧୭:୭ ଲୁକ ୧୭:୧

୯ ✧ ମୀରୁ ନୀର୍ବ ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷ୍ମି ପାସାଗଟା ରୁଟି ଡିକ୍‌ହାନା ହୀହା ମାଚେର୍ବ, ଇଞ୍ଜା ମୀରୁ ଏଚର ଡାଲି ହାରିତାଣି କୁଡ଼ି କିତେରି,

୧୦ ✧ ଇଞ୍ଜା ଏ ସାରି ମାଣା ଲକ୍ଷ୍ମି ସାତା ଗଟା ରୁଟି, ଇଞ୍ଜା ଏଚର ଡାଲି ହାରିତାଣି କୁଡ଼ି କିତେରି, ଏ ବାରେ ମିଙ୍ଗେ ଅଣ୍‌ପୁ ହିଲେଏ ?

୧୧ ନାନୁ ମିଙ୍ଗେ ରୁଟି କାତା ୱେସାମାଞ୍ଜାଆତେର୍ବ, ଇଦାଆଁ ଏନିକ୍ ପୁଞ୍ଜି ହିଲଅତେରି ? ସାମା ପାରୁସିୟାଁ ଅଡ଼େ ସାଦୁକିୟାଁ ପୁଲ୍ଲା ଏମୁଟି ଜାଗ୍ରାତା ଆହାନା ମାଞ୍ଜୁ □”

୧୨ ଏଞ୍ଜାସି ରୁଟି ତାକି ଲଡ଼ାମାନି ପୁଲ୍ଲା ଏମୁତାକି ଜାଗ୍ରାତା ଆହାନା ମାଞ୍ଜାଲି ୱେହ୍‌ଆନା, ପାରୁସିୟାଁ ଅଡ଼େ ସାଦୁକିୟାଁ ଜାପ୍‌ନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜାରାକ୍ ୱେସାମାଚେସି, ଏଦାଆଁ ଏଞ୍ଜାରି ଏରିବେଲା ପୁଚେରି □

ଜୀସୁକ୍ ପିତର ସାତା ଇଞ୍ଜାଁ ୱେହ୍‌ନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀସୁ କାୟିସରିୟା ପିଲିପି ରାଜିତା ୱାହାନା ତାନି ସୀସୁୟାକ୍ ୱେଚେସି, “ମାଣ୍‌ସି ମୀର୍‌ଏସି ଆମ୍ବାଆସି ଇଞ୍ଜାଁ ଲକ୍ଷ୍ମି ୱେସିମାନେରି ?”

୧୪ ✧ ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବା ଆମ୍ବାଆରି ବାପ୍‌ସୁ* ହୀନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆତ୍ ମାହାପୁରୁ ଅଣ୍‌ପୁଟି ବକ୍ଷୁ ୱେହ୍‌ନାରି ତାଣାଟି ରଅସି □”

୧୫ ଜୀସୁ ଏଞ୍ଜାରାକ୍ ୱେଚେସି, “ସାମା ନାନୁ ଆମ୍ବାଆତେର୍ବ ଇଞ୍ଜାଁ ମୀରୁ ୱେସିମାଞ୍ଜେରି ?”

୧୬ ✧ ସିମନ ପିତର ଏଲେଇଚେସି, “ନାନୁ କ୍ରୀସୁ, ଜୀଞ୍ଜାଗାଟି ମାହାପୁରୁ ମୀର୍‌ଏଣାଟି □”

✧ ୧୭:୯ ୧୭:୯ ମାତୃ ୧୪:୧୭-୨୧ ✧ ୧୭:୧୦ ୧୭:୧୦ ମାତୃ ୧୫:୩୪-୩୮ ✧ ୧୭:୧୪ ୧୭:୧୪ ମାତୃ ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮ * ୧୭:୧୪ ୧୭:୧୪ ମୁଞ୍ଜିନାୟି ✧ ୧୭:୧୭ ୧୭:୧୭ ଜହ ୭:୨୮,୨୯

୧୭ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏ ଜୁନସ ମୀରଏଣାତି ସିମନ, ନୀନୁ ନେହେଁ, ଇଚିହୁଁ ମାଣ୍ଡସି ନୀ ତାଣାଟି ଇଦାଆଁ ଝେକ୍‌ହାମାଞ୍ଜଅସି, ସାମା ନା ଲାକପୁରୁତି ଆବା ଝେକ୍‌ହାମାଞ୍ଜାନେସି □

୧୮ ଅଡେ ନାନୁ ଜିକେଏ ନିଜେ ଝେସିମାଞ୍ଜାଇଁ, ନୀନୁ ପିତରତି†, ଇଞ୍ଜା ଇ ଝାଲି ଲାକ ନାନୁ ନା କୁଲମିତି କେପିଇଁ, ଅଡେ ହାକିତି ବାଡ଼ୁୟୁ ଏଦାଆଁ ମ୍ଲେକ୍‌ହାଲି ଆଡେଏ □

୧୯ ☆ନାନୁ ନିଜା ଲାକପୁରୁତି କୁଚିକାଡ଼ି ହିୟାଇଁ, ଅଡେ ନୀନୁ ଦାରତିତା ଏନାଆଁ ସୁଣ୍ଡି, ଏଡ଼ି ଲାକପୁରୁ ରାଜି ଜିକେଏ ସୁଣ୍ଡକ ଆନେ, ଅଡେ ଦାରତିତା ଏନାଆଁ ଦେଏଦି ଏଡ଼ି ଲାକପୁରୁ ଜିକେଏ ଦେପି ଆନେ □”

୨୦ ଏଚିବେଲା ଏଞ୍ଜାସିଏ କ୍ରୀସ୍ତ ଇଞ୍ଜୁଁ ଆମ୍ବାଆରାଇଁ ଝେହୁଆଦୁ ଇଞ୍ଜୁଁ ଏଞ୍ଜାସି ତାମି ସୀସୁୟାଣି ଜାଣେ କିହୁଁ ହୁକୁମି ହୀତେସି □

ଜୀସୁ ତାନି ଦୁକୁ ବେଟାଆନାଣି ଅଡେ ହାନାଣି ଝେହୁନାୟି

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଚିବେଲାଟିଏ ଜୀସୁ ତାନି ସୀସୁୟାଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜା ପ୍ରାଚିନାଙ୍ଗା, କାଜା ପୂଜେରାଙ୍ଗା ଅଡେ ମେରାପୁନାରି ତାଣାଟି ହାଡ଼େକା ଦୁକୁ ବେଟାଆହାନା ହାନାୟି ମାନେ, ଇଞ୍ଜା ତାନି ଦିନାଟିଏ ଝେଣ୍ଡେ ନିଜାମାୟି ମାନେ □

୨୨ ଏଚେଟିଏ ପିତର ଏଞ୍ଜାଣାଇଁ ଅରୁଝାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଜା କାର୍ମା ଆୟାପେସି, ଇଲେତାୟି ନିଜେ ଏଚେଲାଞ୍ଜା ଆୟାଆପେ □”

୨୩ ସାମା ଜୀସୁ ଡାୟୁଝାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାତୁ ଲେହେଁ, ଇଚିହୁଁ ନୀନୁ ମାହାପୁରୁ କାତା ଅଣ୍‌ପାଆନା ମାଣ୍ଡସିତି କାତା ଅଣ୍‌ପିମାଞ୍ଜି □”

† ୧୭:୧୮ ୧୭:୧୮ ପିତର ଇଚିହୁଁ ଝାଲି ☆ ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩

୨୪ ☆ଏଚିବେଲା ଜୀସୁ ତାନି ସୀସୁୟାଣି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ କିତିହୁଁ, ଏଞ୍ଜସି ତାନୁଏ ତାଜେ ଅପାକତାଆନା ତାନି କୁସ ଡେକାନାହାଁ ନା ଜେଚ ତାକାପେସି □

୨୫ ☆ଇଚିହୁଁ ଆମ୍ବାଆସି ତାନି ଜୀସୁ ନୀଟୁହା କଡାଲି ମନ କିନେସି, ଏଞ୍ଜସି ହାଞ୍ଜି କିନେସି; ସାମା ଆମ୍ବାଆସି ନା ତାକି ତାନି ଜୀସୁ ହୀନେସି ଏଞ୍ଜସି ନୀଟୁହା କଡିନେସି □

୨୬ ଅଡେ ମାଣସି ଈ ଦାର୍ତତିତା ମାନାଣି ବାରେ ମେଡି କିହାନା ତାନି ଜୀସୁତି ହାଞ୍ଜି କିନେସି, ଆତିହୁଁ ଏଞ୍ଜାଣାକି ଏନି ଲାବା, ଇଞ୍ଜା ମାଣସି ତାନି ଜୀସୁତି ବାଦୁଲି ଏନାଆଁ ହୀନେସି ?

୨୭ ☆ଇଞ୍ଜା ମାଣସି ମୀରଏସି ତାନି ଆବାତି ଗାଞ୍ଜୁରମିଟି ତାନି ଦୁଡୁୟା ତଲେ ଖାନ୍ନେସି, ଏଚିବେଲା ଏଞ୍ଜସି ବାରେ ଲକୁକି ତାନି କାମାତି ଲେକା ତଲେ ପାଡେଡୁୟି ହୀନେସି □

୨୮ ନାନୁ ମିଜେ ସାତା ଖେସିମାଞ୍ଜାଇଁ, ମାଣସି ମୀରଏସି ତାନି ରାଜିତା ରାଜାଆହାଁ ଖାନାଣି ମେହୁଆ ପାତେକା ଇମ୍ବାଆଁ ମାନି ଲକୁ ବିତ୍ରାଟି ଏଚରଜାଣା ହାଅରି □”

୧୭

ଜୀସୁ ଅର ଖାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀସୁ ସ ଦିନା ଡାୟୁ ପିତର, ଜାକୁବ, ଅଡେ ତାନି ତାୟି ଜହନଇଁ ଏଟକା କିହାନା ଏଞ୍ଜରାଇଁ ର ପାତାଆଡି ହରୁ ଲାକ ଅଡେସି □

୨ ଅଡେ ଏଞ୍ଜସି ଏଞ୍ଜାରି ନକିତା ତାନି ଖାଣା ବାଦଲଞ୍ଜି ଆହାନା ତାନି ମୁମୁଖେଡାଲେହେଁ ଉଜେଡି ଇଞ୍ଜା ତାନି ହିମ୍ବୁରି ଉଜେଡି ଲେହେଁ ଦବଲା ଆଡେ □

୩ ଇଞ୍ଜା ମେହୁଦୁ ମସା ଅଡେ ଏଲିୟ ଜୀସୁତଲେ କାତା ଆହିମାଚାଣି ମେସ୍ତୁରି □

☆ ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ ☆ ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ☆ ୧୭:୨୬ ୧୭:୨୬ ମାତି ୨୫:୩୧; ରମି ୨:୨

୪ ଏମ୍ବାଟିଏ ପିତର ଜୀସୁଙ୍କୁ ଏଲେଇରେସି, “ଏ ପ୍ରଭୁ ମାରୁ
ଇ ଚାୟୁତା ମାନାୟି ନେହେ; ନୀ ମନ ଆତିହୁଁ ନାନୁ ଇମ୍ବାଆଁ
ତାନିଗଟା ଗୁଡ଼ାୟାଁ କେପିଇଁ, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ
ଇଞ୍ଜା ଏଲିୟକି ରଣ୍ଡାଆଁ □”

୫ ✠✠ଇ କାତା ୱେସ୍ପନିଏ ମେହ୍ଦୁ ଇଚାୟି ହାଗୁ ୱାହାନା
ଏଞ୍ଜାରାଇଁ ପୁକ୍‌ହେ, ଇଞ୍ଜା ଏ ହାଗୁଟି ଇ ହାଡ଼ା ୱେଙ୍ଗିତେ, “ଇଞ୍ଜାସି
ନା ଜୀସୁଟି ମୀରୁଏସି ଇଞ୍ଜାଣି ତାଟେଏ ନା ରାହାଁ ମାନେ, ଇଞ୍ଜାଣି
ବଲୁ ୱେଞ୍ଜୁ □”

୬ ଇ ହାଡ଼ା ୱେଞ୍ଜାହାଁ ସୀସୁୟାଁ ମୁନୁ କୁତିହୁଁ ରିତେରି ଇଞ୍ଜା
ହାରେକା ଆଜିତେରି □

୭ ଏମ୍ବାଟିଏ ଜୀସୁ ୱାହାନା ଏଞ୍ଜାରାଇଁ ତୀଗାନା ଏଲେଇରେସି,
“ନିଙ୍ଗାଦୁ ମୀରୁ ଆଜାଆଦୁ □”

୮ ଇଞ୍ଜା ଏଞ୍ଜାରି ଲାକ ସିନିକିହାଲିଏ ଜୀସୁ ପିସ୍‌ପେ ଆମ୍ବାଆରାଇଁ
ମେହ୍‌ଆତେରି □

୯ ଏଞ୍ଜାରି ହରୁ ଲାକଟି ରେଟା ୱାହିମାଟାଟି ଜୀସୁ ଏଞ୍ଜାରାଇଁ ହୁକୁମି
ହୀହାନା ଏଲେଇରେସି, “ମାଣ୍ଡସି ମୀରୁଏସି ହାଡ଼ାରି ତାଣାଟି ନିଙ୍ଗାଆ
ପାତେକା ଇ ମେସାମାନି କାତା ଆମ୍ବାଆରାଇଁ ୱେହ୍‌ଅତେରି □”

୧୦ ଏଦାଆଁତାକି ସୀସୁୟାଁ ଏଞ୍ଜାଣାଇଁ ୱେରେରି, “ଆତିହୁଁ
ନକେଏ ଏଲିୟ ୱାନ୍‌ୟାୟି ମାନେ ଇଞ୍ଜୁଁ ମୋରାପୁନାରି ଏନ୍‌ଆଁତାକି
ଞ୍ଜେସିମାନେରି ?”

୧୧ ଏଞ୍ଜାସି ଏଲେଇରେସି, “ଏଲିୟ ୱାହାନା ବାରେ ଅଡ଼େ ୱେଣ୍ଡେ
ଇଟିନାୟି ସାତା”

୧୨ ✠ସାମା ନାନୁ ମିଙ୍ଗେ ୱେସିମାଞ୍ଜାଇଁ, “ଏଲିୟ ୱାହା ରାଡ଼େସିଏ,
ସାମା ଲକୁ ଏଞ୍ଜାଣାଇଁ ପୁନାଆନା ଏନିକିହାଲି ମନ ଏଲେକିତେରି
□ ଏଲେକିହୁଁ ଏ ମାଣ୍ଡସି ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ
ବେଟାଆହାଲି ହାଜିମାନେସି □”

୧୩ ଏଚିବେଲା ଏଞ୍ଜାରାଇଁ ବାପ୍ତିସ୍ମା* ହାନି ଜହନତି କାତା
ଞ୍ଜେସିମାନେସି, ଏଚିବେଲା ସୀସୁୟାଁ ପୁରେରି □

✠ ୧୭:୫ ୧୭:୫ ମାତୃ ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ ✠ ୧୭:୫ ୧୭:୫
୨ପିତ ୧:୧୭,୧୮ ✠ ୧୭:୧୨ ୧୭:୧୨ ମାତୃ ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି

ଜୀସୁ ବୃତ୍ତ ଆଲଗାମାଟି କକାଣାଇଁ ନେହଁ କିନାୟି
(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାମ୍ଭୁ ଏଞ୍ଜାରି ଲକ୍ଷ୍ମତାଣା ଖାହାଲିଏ, ରଅସି ଜୀସୁ ତାଣା ଖାହଁ
ମେଣ୍ଟାକୁତାନା ଏଲେଇରେସି,

୧୫ “ପ୍ରବୁ ନା କକାଣାଇଁ କାର୍ମା ମେହ୍ମୁ, ଇତିହଁ ଏଞ୍ଜାସି
କାଟିଞ୍ଜେନି ନଫେରି ତାକି ହାରେକା କସ୍ତୁ ଆହିମାନେସି, ଏଞ୍ଜାସି
ଏଚର ପାଲି ହିରୁତା ଅଡ଼େ ଏୟୁଣାଁ ତରଗା ହାଜିମାନେସି □

୧୬ ନାନୁ ମୀ ସୀୟୁୟାଁ ତାଣା ଏଞ୍ଜାଣାଇଁ ତାତାମାଚେସି, ସାମା
ଏଞ୍ଜାରି ଏଞ୍ଜାଣାଇଁ ନେହଁ କିହାଲି ଆଡ଼ାଆତେରି □”

୧୭ ଜୀସୁ ଏଲେଇରେସି, “ଆଡ଼େ ନାମାଆଗାଟି ଲାଗେଏ ପଲେଏ
କାମା କିନି କୃତାତାତେରି, ଏଚର କାଲା ପାତେକା ନାନୁ ମୀ ତଲେ
ଡ଼ୟିଇଁ ? ଏଚର କାଲା ମୀ ଲେମ୍ବାନାଣି ଅରୁହିଇଁ ? କକାଣାଇଁ
ଇମ୍ବୀଆଁ ନା ତାଣା ତାବୁ □”

୧୮ ଅଡ଼େ ଜୀସୁ ବୃତ୍ତଇଁ ଦାକା ହାହାଲିଏ, ବୃତ୍ତ ଏଞ୍ଜାଣାଇଁ ପିସା
ହାତୁସ୍ତେ, ଏ ଦେବୁଣିଏ କକାସି ନେହଁ ଆଡ଼େସି □

୧୯ ଏଚେଟିଏ ସୀୟୁୟାଁ ମେଣେଏ ଜୀସୁ ତାଣା ଖାହାନା
ଏଲେଇରେସି, “ମାମ୍ବୁ ଏନାଆଁତାକି ଏ ବୃତ୍ତ ପିସ୍ପି କିହାଲି
ଆଡ଼ାଆତମି ?”

୨୦ ☆ଏଞ୍ଜାସି ଏଞ୍ଜାରାଇଁ ଏଲେଇରେସି, “ମୀ ଉଣା ନାମୁ ତାକି,
ଇତିହଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ର ହାସୁଁ ପାଡ଼େୟି
ସମାନା ମୀ ନାମୁ ମାଟିହଁ, ଇ ହରୁତି ଇମ୍ବୀଟି ଏମ୍ବୀଆଁ ଗୁରାଆମୁ
ଇତିହଁ, ଏଡ଼ି ଗୁରାଆଚେନ, ଅଡ଼େ ଏନାୟି ଜିକେଏ ଆଆଗାଟାୟି
ହିଲେଏ □

୨୧ ସାମା ପ୍ରାତାନା ଅଡ଼େ ଉପାସା ପିସ୍ପିଏ ଅଡ଼େ ଏଡ଼ି ଉପେୟିଟି
ଇଲେଟି ବୃତ୍ତ ହଡ଼ା ହାଲେଏ □”

ଜୀସୁ ତାନି ହାନି କାତାଟି ଅଡ଼େ ଖେଣ୍ଡେ ଖେହ୍ନାୟି
(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅତେ ଏଝାରି ଗାଲିଲିତା ରୁଣ୍ଡା ଆଡ଼ି ବେଲୀତା ଜୀସୁ ଏଝାରାଈଁ
ଝେସ୍ତେସି, “ମାଣ୍ଡସି ମୀରୁଏସି ମାଣ୍ଡସିୟାଁ କେୟୁତା ହେରୁପି ଆହାଲି
ହାଜିମାନେସି,

୨୩ ଇଞ୍ଜାଁ ଏଝାରି ଏଝାଣାଈଁ ପାୟିନେରି; ଅତେ ତୀନି ଦିନାଟିଏ
ଏଝାସି ଝେଣ୍ଡେ ନିଜିନେସି □”

ଏଚେଟିଏ ଏଝାରି ହାରେକା ଦୁକୁ ଆଡେରି □

ମାହାପୁରୁ ଇଲୁତାକି ସିସୁ ହୁନାୟି

୨୪ ଏମ୍ବାଟିଏ ଏଝାରି କପରନାହୁମତା ଝାହାଲିଏ ମାହାପୁରୁ ଇଲୁତି
ସିସୁ ରୁହନାରି ପିତରଈଁ ଝାହାନା ଝେଚେରି, “ମୀ ଗୁରୁ ମାହାପୁରୁ
ଇଲୁତାକି ସିସୁ ହୁଅସିକି ?”

୨୫ ପିତର ଏଲେଇଚେସି, “ହାଅ ହୁନେସି □”

ଅତେ ଏଝାସି ଇଜ ଝାହାଲିଏ ଜୀସୁ ନକେଏ ଏଝାଣାଈଁ
ଏଲେଇଚେସି, “ସିମନ ନୀ ଅଣ୍ଡୁ ଏନାୟି, ଦାର୍ତ୍ତିତି ରାଜାୟାଁ
ଆମ୍ବାଆରି ତାଣାଟି ସିସୁ ରୁହନେରି, ଏଝାରି ମୀରୁକା ତାଣାଟି କି
ଏଟକା ଦେସାତି ଲକୁ ତାଣାଟି ?”

୨୬ ଏଝାସି ଏଟକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ
ଏଝାଣାଈଁ ଏଲେଇଚେସି, “ଆତିହିଁ ମୀରୁକା ହିୟାଲି ଲଡ଼ାଆଏ
□”

୨୭ ସାମା ମାର ଏନିକିଁ ଏଝାରାକି ବାଡ଼ା ହୁନାତାୟି ଆଆୟି,
ଏଡ଼ାଆଁତାକି ସାମ୍ବୁରିତା ହାଜାନା କାଟା ମେଡ଼ମ୍, ଇଞ୍ଜାଁ ତଲିଏ
ଆମିନି ମୀନୁ ଆହୁଦି, ଏଡ଼ାଣି ଆସାନା ତାନି ଗୁତି ଏକ୍‌ହିସାରେ ର
ଝେଣ୍ଡି ଟାକା ବେଟାଆଡ଼ି; ଏଡ଼ାଆଁ ଅହାନା ନାଜେ ଅତେ ନିଜେତାକି
ଏଝାରାକି ହାମୁ □

୧୮

ଲକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ ☆ଏଚିବେଲୀ ସୀସୁୟାଁ ଜୀସୁ ତାଣା ଝାହାନା ଝେଚେରି,
“ଆତିହିଁ ଲକପୁରୁ ରାଜି ଆମ୍ବାଆସି କାଜାସି ?”

୨ ଏଞ୍ଜେଲ୍ ର ଉଶା କକାଣାଙ୍କୁ ତାଗେ ହାତୀହାଁ ନିପ୍ତହାନା ଏଲେଇଚେସି,

୩ ✨ “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଖେଶ୍ତେ ର ଉଶା କକାଣି ଲେହେଁ ଆଆତିହେଁ, ଏନିଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅତେରି □

୪ ଇଦାଆଁତାକି ଆମ୍ବାଆସି ଇ ଉଶା କକାଣି ଲେହେଁ ତାଙ୍ଗେତାକି ଉଶା କିହାକଡ଼ିନେସି, ଏଞ୍ଜେଲ୍ ଲାକପୁରୁ ରାଜିତା କାଜାସି □

୫ ଅଡ଼େ ଆମ୍ବାଆସି ଜିକେଏ ନା ଦରୁଟି ଇ ଉଶା କକାଣାଙ୍କୁ ଆବିନେସି, ଏଞ୍ଜେଲ୍ ନାଙ୍ଗେ ଆବାନେସି □”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଶାୟାଁ ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଞ୍ଜି କିନେସି, ଏଞ୍ଜେଲ୍ ହେରକିତା ର କାଜା ଜେତାଞ୍ଜାଲି ଦସାନା ସାମଦୁରିତି କୁଡ଼ିନି ଏୟୁଣାଁ ମେଡ଼ହେଁ ଏଞ୍ଜେଲ୍ ନେହେଁ ଆଡ଼େମା □

୭ ଆୟଡ଼ା, ଦାରୁଡ଼ିତି ଲାଗେଏ କିନାକି ତଣ୍ଡ ବେଟା ଆନାଡେରି; ଲାଗେଏ ଆନାୟି ସାତେଏ ଆନେ, ଆୟଡ଼ା ଆମିନି ଲକୁ ତାଣାଟି ଲାଗେଏ ଆନେ ଏଞ୍ଜେଲ୍ ତଣ୍ଡ ବେଟା ଆନେସି □”

୮ ✨ “ମୀ କେୟୁ କି କତା ମିଙ୍ଗେ ପାପୁ କିଞ୍ଜିକିୟାନେ, ଇଚିହେଁ ଏଦାଆଁ ରାଡ଼ହାନା କୁତାଦୁ, ରୀ କେୟା ଅଡ଼େ ରୀ କତାୟାଁ ଆସାନା କାଲ୍ଲାକାଲ୍ଲା ତୀଞ୍ଜିମାନି ହିରୁତା ହଡ଼ିନି କିହାଁ କଲ୍ଲା ଅଡ଼େ ସଟା ଆହାନା କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ □

୯ ✨ ଅଡ଼େ ମୀ କାନୁ ମିଙ୍ଗେ ଲାଗେଏ କିଞ୍ଜିକିୟାତିହେଁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣ୍ଡକା ଆସାନା କାଲେଏ ତୀଞ୍ଜିମାନି ହିରୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ □”

ଜାଜ୍ଞାତି ଦୋଷ୍ଟାତି ପୁଣ୍ଡିକିନାୟି (ଲୁକ ୧୫:୩-୭)

୧୦ ✧ “ହେଣୁ ଇ ଉଣା କକାରି ବିଦ୍ରାତି ରଥଣାକ୍ ଜିକେଏ ହାଣି ମେହ୍‌ଆଦୁ, ଇତିହ୍ ନାନୁ ମିଙ୍ଗେ ସାତା ଝେସିମାଞ୍ଜାକ୍, ଲାକପୁରୁ ମାନି ଏଞ୍ଜାରି ଦୁତୁୟାଁ ବାରେଦିନା ଲାକପୁରୁତି ମା ଆବାତି ମୁମ୍ ମେସେ ମାନୁ □

୧୧ ଇତିହ୍ ଏନାୟି ଜାଜ୍ଞାମାନେ ଏଦାଆଁ ପାରାନା ଗେଲ୍‌ପାଲି ମାଣ୍‌ସି ମୀରଏସି ଝାହାମାନେସି □”

୧୨ “ମୀରୁ ଏନାଆଁ ଅଣ୍‌ପିମାଞ୍ଜେରି ? ରଥଣାକି ପାସାକଡ଼ି ଦୋଷ୍ଟାୟାଁ ମାତିହ୍, ଏଞ୍ଜାସିକା ବିଦ୍ରାତି ରଣ୍ଡି ଜାଜ୍ଞାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ଦୋଷ୍ଟାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଜ୍ଞାମାନି ଦୋଷ୍ଟାତି ପାରଅସି ?

୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଝେସିମାଞ୍ଜାକ୍, ଜାଜ୍ଞା ହିଲ୍‌ଆଗାଟି ରଣ୍ଡି ଉଣା ପାସାକଡ଼ି ଦୋଷ୍ଟାୟାଁ କିହାଁ ଜାଜ୍ଞାମାତି ର ଦୋଷ୍ଟା ତାକି ହାରେକା ରାହାଁ କିନେସି □

୧୪ ଏଲେକିହ୍ ଏ ଇ ଉଣାୟାଁ ବିଦ୍ରାତି ରଣ୍ଡି ଜିକେଏ ନସ୍ତୁ ଆଆପେ ଇଞ୍ଜାଁ ମୀ ଲାକପୁରୁତି ଆବାତି ମନ □”

ପାପୁ କିତି ର ତାୟି

୧୫ ✧ “ନୀ ତାୟି ପାପୁ କିତିହ୍, ନୀନୁ ଏଞ୍ଜାଣାକ୍ ଦୋଶେଏ ଏଲେକିଆନି ଇଞ୍ଜାଁ ଝେସାନା ତାନି ପାପୁ ତହ୍‌ମୁ; ଏଞ୍ଜାସି ନୀ କାତା ଆସିହ୍ ନୀନୁ ଏଞ୍ଜାଣାକ୍ ନୀ ତାୟିଲେହେଁ ଝେଣ୍ଡେ ବେଟାଆଡ଼ି □

୧୬ ସାମା ଏଞ୍ଜାସି ନୀ କାତା ଝେନାଆତିହ୍, ନୀ ତଲେ ରଥଣାକ୍ କି ରିଆରାକ୍ ଅହିହ୍ ହାଲାନୁ, ଏନିକିହ୍ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତୀରି ଆନେ □

୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହ୍‌ଆତିହ୍ କୁଲମିତି ଝେହ୍‌ମୁ, ଅଡ଼େ ଜିକେଏ କୁଲମି କାତା ଝେନଅସି, ଆତିହ୍ ଏଞ୍ଜାସି ମୀ କାନୁତା ଜୀହୁଦିଆଆତାରି କି ସିସ୍ତୁ ରୁହ୍‌ନାରି ଲେହେଁ ଆପେସି □”

ଅଦିକାରୀ ହୀନାୟି

୧୮ ☆ “ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମୀରୁ ଦାର୍ତ୍ତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡୁକିଆନେ, ଅଡ଼େ ଦାର୍ତ୍ତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ □”

୧୯ “ଅଡ଼େ ମିଙ୍ଗେ ସାତା ୱେସିମାଞ୍ଜାଇଁ, ଦାର୍ତ୍ତିତା ମୀ ବିତ୍ରାତି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରାସ୍ତିହଁ ଏଡ଼ି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ □

୨୦ ଇଚିହଁ ଏମ୍ବିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ବାଆଁ ନାନୁ ଏଞ୍ଜାରିତଲେ ମାଇଁ □”

କାର୍ମା ମେହ୍‌ଆ ହଲେଏଣି କାତା ପୁଣ୍ଡିକିନାୟି

୨୧ ☆ଏଚିବେଲା ପିତର ଜୀସୁ ତାଗେ ୱାହାନା ୱେଚେସି, “ଏ ପ୍ରୁ ନା ତାୟି ଏଚର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ବେକ୍‌କ୍‌କ୍‌ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାଇଁ ଏଲେଇଚେସି, ୱାରୁଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ବେକ୍‌କ୍‌ନାୟି ମାନେ □

୨୩ ଇଚିହଁ ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି □

୨୪ ଏଞ୍ଜାସି ଲେକା କିହାଲି ମାରୁହାଲିଏ, ତାନି ଗାରୁହା ଦସ ମାଣା ଟାକାୟି ରୀଣା ଆହାମାନି ର ହଲେଏଣାଇଁ ଏଞ୍ଜାଣି ତାଣା ତାତେରି □

୨୫ ସାମା ଏ ବାରେ ତିକ୍‌ହାଲି ଏଞ୍ଜାଣି ତାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାଇଁ ଅଡ଼େ ତାନି ତକ୍‌ନି ଇଞ୍ଜା ତାନି କକାରି ପଦାଣି ଇଞ୍ଜା ତାନି ଇଲୁତି ଆସ୍ତି ପାରତାନା ରୀଣା ତିକ୍‌ହାଲି ହୁକୁମି ହୀତେସି □

୨୭ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାଡ଼ାମୁ, ନାନୁ ନିଙ୍ଗେ ବାରେ ଡିକହା ତୁସ୍ତାଇଁ □

୨୮ ଏଚେଟିଏ ସାଞ୍ଜୁକାରି ଏ ହଲେଏଶାଇଁ କାର୍ମାମେସାନା ତାନି ରୀଶା ପିସ୍ପି କିଞ୍ଜିଆଡେ ଇଞ୍ଜା ତାନି ରୀଶା ମେଣ୍ଡାହାଚେ □

୨୯ ସାମା ଏ ହଲେଏସି ଏମ୍ବାଟି ପାଙ୍ଗାତା ହାଜାନା ତାନିତାଶାଟି ରୀ କଡ଼ି ଦସପକା ରୀଶା ଅହାମାନି ତାନି ତଲେତି ର ହଲେଏଶାଇଁ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଶା ଡିକହା ତୁସ୍ତାମୁ □

୩୦ ଏଚେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହଁ ଏଲେଇଚେସି, ନୀନୁ ନାଙ୍ଗେ କାର୍ମାମେସାନା କାଡ଼ାମୁ ନାନୁ ନିଙ୍ଗେ ବାରେ ଡିକହାଇଁ

୩୧ ସାମା ଏଞ୍ଜାସି ରାକି ଆଆଡେସି, ଇଞ୍ଜା ରୀଶା ଡିକଆ ପାଡେକା ଏଞ୍ଜାଶାଇଁ କାୟିଦି ଇଲୁତା ସୁଣ୍ଡିତେସି □

୩୨ ଇଞ୍ଜା ତାନି ତଲେତି ହଲିୟାଙ୍ଗା ଏଡ଼ାଆଁ ମେସାନା ହାରେକା ଦୁକୁ କିଡେରି ଅଡେ ହାଜାନା ସାଞ୍ଜୁକାରିଇଁ ବାରେ କାତା ଖେସ୍ତେରି □

୩୩ ଏମ୍ବାଟିଏ ସାଞ୍ଜୁକାରି ଏଞ୍ଜାଶାଇଁ ତାଗେ ହାଡ଼ାନା ଏଲେଇଚେସି, ଆଡେ କାମାତା ଖାଆଗାଟି ହଲେଏଶାଟି ନୀନୁ ନାଙ୍ଗେ ବାଡିମାଲାଇଏ ନାନୁ ନୀ ବାରେ ରୀଶା ପିସ୍ତାଡେଏଁ;

୩୪ ନାନୁ ଏନିକଁ ନିଙ୍ଗେ କାର୍ମା ଆୟାଡେଏଁ, ଏଲେକିହଁଏ ନୀନୁ ଜିକେଏ ନୀ ତଲେତି ହଲେଏଶାଇଁ କାର୍ମାମେହନାୟି ମାଚେ □

୩୫ ଅଡେ ତାନି ପ୍ରୁ ହାରେକା କପା ଆହାନା ବାରେ ରୀଶା ଡିକଆ ପାଡେକା ଏ ହଲେଏଶାଇଁ କସ୍ତ ହାନି ଲକୁ କେୟୁତା ହେରପିଡେସି □

୩୬ ମୀରୁ ବାରେଡେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମେକ୍‌ଆତିହଁ ଲାକପୁରୁତି ମୀ ଆଡ଼ା ଜିକେଏ ମିଙ୍ଗେ ଏଲେ କିୟାନେସି □

ଜୀସୁ ଡକ୍ରିନି ପିହ୍ନାଣି ଜାପ୍ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଝେସାଲି ରାପ୍‌ହି ତାୟୁ ଗାଲିଲି ରାଜି ପିସାନା ଜର୍ବନ କାତା ଆତାଲାତି ଜୀହୁଦା ରାଜିତି ହାନ୍ଦିତା ଏତେସି
□

୨ ଇଞ୍ଜା ହାରେକା ଲକୁ ତାନି ଜେତ ହାଚେରି, ଅଡେ ଏଝାସି ଏମ୍ବାଆଁ ଏଝାରି ରଗଟି ନେହୁଁ କିତେସି □

୩ ଏମ୍ବାଟିଏ ପାରୁସିୟାଁ ଏଝାଣି ତାଣା ଝାହାନା ଏଝାଣାଈଁ ତାୟିପାରିକିହୁଁ ଝେଚେରି, “ରଅସି ଜାହାରା ଡକ୍ରିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମୀରୁ ପଡ଼ଝି ଆହାହିଲଅତେରି ? ଗାଡ଼ି କିନାସି ନକେଏଟିଏ ଏଝାରାଈଁ ଆୟା ଅଡେ ଆବା କିହୁଁ ଗାଡ଼ିକିତେସି,

୫ ଅଡେ ଏଦାଆଁତାକି ଡକ୍ତା ତାଲି ତାଞ୍ଜିଈଁ ପିସାନା ତାନି ଡକ୍ତି ତଲେ ଆଣ୍ଡିନେସି, ଅଡେ ଏଝାରି ରଣ୍ଡିଏ ଆଙ୍ଗା ଆନେରି,

୬ ଏଦାଆଁତାକି ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି
□ ଇଞ୍ଜା ମାହାପୁରୁ ଏନାଆଁ ଆଣ୍ଡଝି କିହାମାନେସି, ମାଣ୍ଡସି ଏଦାଆଁ ଏଟକା କିଆପେସି □”

୭ ☆ପାରୁସିୟାଁ ଏଝାଣାଈଁ ଝେଚେରି, “ଆଡିହୁଁ ମସା ଏନାଆଁତାକି ପିହ୍ନି ଆକୁ ରାଚାନା ଡକ୍ରିନି ପିସାଲି ହେଲ ହାହାମାନେସି ?”

୮ ଜୀସୁ ଏଝାରାଈଁ ଏଲେଇଚେସି, “ଇଚିହୁଁ ମୀ ଆଟ୍‌ଝା ହିୟାତି ମେସାନା ମସା ମିଙ୍ଗେ ମୀ ଡକ୍ରିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହୁଁ ହିଲାଆଡେ □

୯ ☆ସାମା ନାନୁ ମିଙ୍ଗେ ଝେସିମାଞ୍ଜାଈଁ, ଆମ୍ବାଆସି ତାନି ଡକ୍ରିନି ଦାରି ଦହ ହିଲାଆନା ଏନି କାତାତାକି ପିସାନା ଅର ଡକ୍ରିନି ତାଡିହୁଁ, ଏଝାସି ଦାରିକାମା କିନେସି □”

୧୦ ସୀସୁୟାଁ ଏଝାଣାଈଁ ଏଲେଇଚେରି, “ଡକ୍ରିନି ତଲେ ମାଣ୍ଡସିକି ଇଲେତାୟି ମାଡିହୁଁ, ଏଝାସି ବୀହା ଆଆଡିହୁଁ ନେହେଁ ଆଡେମା
□”

୧୧ ଜୀସୁ ଏଞ୍ଜରାଲ୍ ଏଲେଇଚେସି, “ବାରେଜାଣା ଇ କାତାତି ଆସାଲି ଆଡ଼ଅରି, ଇଚିହିଁ ଆମ୍ବାଆରାକି ମାହାପୁରୁ ବାଡ଼ୁଛୁ ହୀହାମାନେସି, ଝାରଇ ଏଞ୍ଜରିଦେହେଁ ଆସାଲି ଆଡ଼ିନେରି □

୧୨ ଇଚିହିଁ ଆମ୍ବା ଆମ୍ବାଆରି ଇୟାନି ବାଣ୍ଡିଟିଏ ବାହା ଆହାଲି ଆଡ଼ାଆରେଟୁ ଜାନୀ ଆହାମାନେରି; ଇଞ୍ଜା ଆମ୍ବା ଆମ୍ବାଆରି ଲକୁ ତାଣାଟି ଏଲେକିଝି ଆହାମାନେରି, ଅଡ଼େ ଆମ୍ବା ଆମ୍ବାଆରି ଲକପୁରୁ ରାଜିତାକି ତାମ୍ବୁ ତାମ୍ବୁସୁ ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡ଼ିନାସି ଆସପାସି □”

ଜୀସୁ କକାରି ପଦାଁକି ବର ହାନାୟି

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଚିବେଲା ଜୀସୁ କକାରି ପଦାୟା ମୁହେଁ କେୟୁ ଇଟାନା ପ୍ରାତାନା କିନେସି, ଏଦାଆଁତାକି ଲକୁ ଏଞ୍ଜରାଲ୍ ତାନି ତାଣା ତାତେରି, ସାମା ସାମ୍ବୁୟା ତାଟିମାଟି ଲକୁଣି ଦାକା ହାତେରି □

୧୪ ସାମା ଜୀସୁ ଏଲେଇଚେସି, “କକାରି ପଦାଁଣି ନା ତାଣା ଝାହାଲି ହୀଦୁ, ଏଞ୍ଜରାଲ୍ ଆଂଗାଆଦୁ, ଏନାଆଁତାକି ଇଚିହିଁ ଲକପୁରୁ ରାଜି ଏଲେତାରାଝାୟି □”

୧୫ ଅଡ଼େ ଏଞ୍ଜାସି ଏଞ୍ଜାରି ଲକ କେୟୁ ଇଟାନା ଏମ୍ବାଟି ହାଚେସି □

ର ଦନଗାଟି ଦାଂଗ୍‌ଶେଏସି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡ଼େ ମେହଦୁ ରଅସି ଜୀସୁ ତାଣା ଝାହାନା ଝେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହିଁ କାମା କିଇ ?”

୧୭ ଜୀସୁ ଏଞ୍ଜାଣାଲ୍ ଏଲେଇଚେସି, “ନେହାୟି ଇନି କାତାତି ନାଞ୍ଜେ ଏନାଆଁତାକି ଝେଞ୍ଜିମାଞ୍ଜାଦି ? ଝାରଇ ରଅସିଏ ନେହାସି; ସାମା ନାନୁ ଜୀସୁ ବେଟାଆହାଲି ମନ କିତିହିଁ, ବାରେ ହୁକୁମି ମାନଝି ଆମ୍ବୁ □”

୧୮ ଏଞ୍ଜାସି ଜୀସୁଲ୍ ଏଲେଇଚେସି, “ଏନିଲେହେଁଟି ହୁକୁମି ?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହୀଆନି,

୧୯ ତାଲି ତାଞ୍ଜି କାତା ଆହମ୍ବୁ, ନୀ ପାଡ଼ିତି ଲକ୍ଷ୍ମଣି ନୀ ଜୀଝୁ ଲେହେଁ ଜୀଝୁ ନମ୍ବୁ □”

୨୦ ଏ ଦାଂଗ୍‌ଶେଏସି ଜୀଝୁଇଁ ଏଲେଇଚେସି, “ନାନୁ ଇ ବାରେ ମାନଝି ଆହାମାଇଁ, ନାଜେ ଅଡ଼େ ଏନଝା ଉଣା ମାନେ ?”

୨୧ ଜୀଝୁ ଏଝାଣାଇଁ ଏଲେଇଚେସି, “ନାନୁ ନେହାଁତି ଆହାଲି ମନ କିତିହଁ, ହାଜାନାହାଁ ନୀ ବାରେ ଦନ ପାରତାନାହାଁ ହିଲାଆ ଗାଟାରାକି ଦାନା ହାମ୍ବୁ, ଇଞ୍ଜା ନା ଜେଚ ଝାମ୍ବୁ, ଏଚେଟିଏ ଲାକପୁରୁ ନାନୁ ଦନ ବେଟାଆଦି □”

୨୨ ଇ କାତା ଝେଞ୍ଜାନା ଦାଂଗ୍‌ଶେଏସି ଦୁକୁ ଆହାନା ହାଚେସି, ଇତିହଁ ଏଝାଣାକି ହାରେକା ଦନ ମାଚେ □

୨୩ ଏଚେଟିଏ ଜୀଝୁ ତାନି ସୀସୁୟାଁଇଁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ଦନ ଗାଟାରି ଲାକପୁରୁ ରାଜିତା ହଡ଼ାଲି ହାରେକା କସ୍ତୁ ଆନେ □

୨୪ ଅଡ଼େ ଝେଶ୍ଟେ ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉଚୁ ସୂଜା କାଣିଟି ହଡ଼ା ହାନାୟି ଉସାସା ଆନେ □”

୨୫ ସୀସୁୟାଁ ଇ କାତା ଝେଞ୍ଜାନା କାବାଆହାନା ଏଲେଇଚେରି, “ଆତିହଁ ଆମ୍ବାଆସି ଗେଲ୍‌ପି ଆହାଲି ଆଡ଼ିନେସି ?”

୨୬ ଜୀଝୁ ଏଝାରାଇଁ ସିନିକିହାନା ଏଲେଇଚେସି, “ଇଦି ମାଣସିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆନେ □”

୨୭ ଏଚେଟିଏ ପିତର ଏଲେଇଚେସି, “ମେହୁମ୍ବୁ ମାମ୍ବୁ ବାରେ ପିସାନା ନୀ ଜେଚ ଝାହାମାନମି; ଆତିହଁ ମାମ୍ବୁ ଏନାଆଁ ବେଟାଆନମି ?”

୨୮ ☆ଜୀଝୁ ଏଝାରାଇଁ ଏଲେଇଚେସି, ନାନୁ ମିଜେ ସାତା ଝେସିମାଞ୍ଜାଇଁ, ପୁଝନି ଜୁଗୁ ଆନାଟି ଏଚେତା ମାଣସି ମୀରଏସି ତାନି ଗାଝୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଚ ଝାହାମାନାଚେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସ୍ରାୟେଲତି ବାର କୁଡ଼ାତି ସାଲଝି କିଦେରି □

୨୯ ଇଞ୍ଜା ଆତ୍ମାଆସି ନା ଦରୁ ତାକି ଇଲୁ କାଶ୍ତା, କି ତାୟି ତାଙ୍ଗିସ୍ତା, ତାଲି ତାଞ୍ଜି, କକାରି ପଦାୟା, ଇଞ୍ଜା ବୁମି ବାଡ଼ା ପିସାମାନେସି, ଏଞ୍ଜାସି ଏ ବାରେକିହାଁ ହାରେକା ଗାଡ଼ି ବେଟା ଆନେସି, ଇଞ୍ଜା କାଲାକାଲାତି ଜୀଞ୍ଜୁତି ବେଟା ଆନେସି □

୩୦ ☆ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆନେରି □

୨୦

ଅଞ୍ଜୁରି ବାଡ଼ାତା କାମାକିନାରି

୧ ଇଚିହୁଁ ଲାକପୁରୁ ରାଜି ଇଲେତି ର ସାଞ୍ଜୁକାରି ଲେହେଁତାୟି, ଲାଈ ଝେୟାଲିଏ ତାନି ଅଞ୍ଜୁରି ବାଡ଼ାତା କୁଲି କାମା କିଞ୍ଜିକିହାଲି ହାଚେସି □

୨ ଅଡ଼େ ଏଞ୍ଜାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜୁଁ ଏଞ୍ଜାରାଇଁ ତାନି ଅଞ୍ଜୁରି ବାଡ଼ାତା ପାଣ୍ଡିତେସି □

୩ ଅଡ଼େ ନ ଗଂଟା ବେଲାତା ଏଞ୍ଜାସି ପାଞ୍ଜାତା ହାଜାନା ଏଟକାତାରି କାମା ପ୍ଲାଞ୍ଜାଆନା ନିଚାମାଚାଣି ମେସାନା ଏଞ୍ଜାରାଇଁ ଜିକେଏ ଏଲେଇଚେସି,

୪ ମୀରୁ ଜିକେଏ ଅଞ୍ଜୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକିଁ ତୀରି ଆହାମାନେ, ଏଲେକିହୁଁ ମିଙ୍ଗେ ହିୟାଇ; ଇଞ୍ଜା ଏଞ୍ଜାରି ହାଚେରି □

୫ ଅଡ଼େ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲାତା ପାଞ୍ଜାତା ହାଜାନା ଏଲେକିତେସି □

୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲାତା ପାଞ୍ଜାତା ହାଜାନା ଏଚରଜାଣା ନିଚାମାନାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାଡୁମ୍ବେ କାମା କିଆନା ଉଜେଏ ନିଚାମାଞ୍ଜେରି ?

୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, ଆତ୍ମାଆରି ମାଙ୍ଗେ କାମା ହେରପା ମାଞ୍ଜଅରି □ ଏଞ୍ଜାସି ଏଞ୍ଜାରାଇଁ ଏଲେଇଚେସି ମୀରୁ ଜିକେଏ ଅଞ୍ଜୁରି ବାଡ଼ାତା ହାଜୁ □

୮ ତାମ୍ଭୁ ମିତ୍ରଅଲ୍ଲା ଆହାଲିଏ, ଅଜ୍ଞୁରି ବାଡ଼ାତି ସାଞ୍ଜୁକାରି ତାନି ଗୁମ୍ଫୁୟାଈ ଏଲେଇଚେସି, କୂଲି ଗାଟାରାଇଁ ହାଟାନା ତାମ୍ଭୁ ଖାଡ଼ି ଲକୁ ତାଣ୍ଡାଟିଏ ମାଟୁହାନା ନକିତା ଖାଡ଼ି ଲକୁ ପାତେକା କୂଲି ହୀମୁ ।

୯ ଏଚେଟିଏ ଆମିନି ଗାଟାରି ପାସା ଗଂଟା ବେଲ୍ଲାତା କାମାତା ପାଣ୍ଡୁଞ୍ଜି ଆହାମାଚେରି, ଏଞ୍ଜାରି ଖାହାନା ର ଖେଣ୍ଡି ଟାକା ଲାକା ବେଟାଆଡ଼େରି ।

୧୦ ଇଞ୍ଜା ନକେଏ କାମାତା ପାଣ୍ଡୁଞ୍ଜି ଆହାମାନାରି ଖାହାନା ଗାତି ବେଟାଆନେରି ଇଞ୍ଜା ଅଣ୍ଡପିତେରି; ସାମା ଏଞ୍ଜାରି ଜିକେଏ ଏ ର ଖେଣ୍ଡି ଟାକା ଲାକା ବେଟାଆଡ଼େରି ।

୧୧ ସାମା ଏଲେକି ବେଟାଆହାନା ଏଞ୍ଜାରି ସାଞ୍ଜୁକାରିଈଁ କପା ଆହାନା ଲାଗିତେରି ।

୧୨ ଈ ତାମ୍ଭୁତି ଲକୁ ଖାରଇ ର ଗଂଟା କାମା କିତେରି, ଇଞ୍ଜା ମାମ୍ଭୁ ଖେଡ଼ା ତୁମ୍ବେ ଖାହୁ ଆହୁଁ କାରା ଖେହୁଁ କାମା କିତିହୁଁ ଜିକେଏ ନୀନୁ ଏଞ୍ଜାରାକି ମା ସମାନା କିତି ।

୧୩ ଏଞ୍ଜାରି ବିତ୍ରାଟି ରଅଣାଇଁ ସାଞ୍ଜୁକାରି ଏଲେଇଚେସି ଏ ତଣ୍ଡେ, ଖେନାମ୍ଭୁ, ନାନୁ ନିଙ୍ଗେ ନାଡ଼ି କିହିମାଞ୍ଜୁଅଁ; ନୀନୁ ନା ତଲେ ର ଖେଣ୍ଡି ଟାକା ତାକି ରାଜି ଆହାହିଲ୍ଲାଆତି କି ?

୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାତୁହମ୍ଭୁ, ସାମା ଈ ତାମ୍ଭୁତି ଲକୁକି ଜିକେଏ ନୀ ଲେହେଁକି ହିୟାଲି ନା ମନ ।

୧୫ ନା ଦନତି ନା ମନ ଲେହେଁ ଲେମ୍ବାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ ☆ଏଲେକିହୁଁଏ ତାମ୍ଭୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାମ୍ଭୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଖେହ୍ନାୟି
(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଚାଟି ବାରଜାଣାଟି ସୀସୁୟାଁଇଁ ଏଟ୍‌କା କିହାନା, ଜିରୁତା ଏଞ୍ଜାରାଇଁ ଏଲେଇଚେସି,

୧୮ ମେହ୍‌ଦୁ ମାର ଜିରୁସାଲମତା ହାଜିମାନାୟି, ମାଣ୍‌ସି ମୀର୍‌ଏସି କାଜା ପୂଜେରାଜା ଅଡ଼େ ମେରାପୁନାରି କେୟୁତା ହେର୍‌ପିଆନେସି,

୧୯ ଅଡ଼େ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡ ହୀହାନା ଏଟ୍‌କା କୁଡ଼ାତାରି କେୟୁତା ହେର୍‌ପିନେରି, ଏଚେଟିଏ ଏଞ୍ଜାରି ଏଞ୍ଜାଣାଇଁ କିଜି କିନେରି, ସାଟ୍‌ଣି ତ:ରିତଲେ ଖେନେରି, ଅଡ଼େ ପାସି ମୁଣ୍ଡାତା ଏକ୍‌ହାନା ପାୟିନେରି, ଇଞ୍ଜା ତୀନି ଦିନାଟିଏ ହାକିଟି ଖେଣ୍ଡେ ନିଜିନେସି □

ର ଇୟାନି ବାତିମାଲିନାୟି

(ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ତକ୍ତି ତାନି ରୀ ମୀର୍‌କା ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି ତାଣା ବାତିମାଲିହ୍ଁ ଏଲେଇଚେ □

୨୧ ଏଚେଟିଏ ଜୀସୁ ଏଦାନି ଖେଚେସି, “ନୀନୁ ଏଦାଆଁ ମନ୍ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀର୍‌କା ବିତ୍ରାଟି ରଅସି ନୀ ଚିଃନିଖାକି ଅଡ଼େ ରଅସି ନୀ ଚେବ୍‌ଖାକି କୁଗିନେରି ଇଞ୍ଜାଁ ହୁକୁମି ହୀମୁ □”

୨୨ ସାମା ଜୀସୁ ଏଲେଇଚେସି, “ମୀରୁ ଏଦାଆଁ ରୀସିମାଞ୍ଜେରି ଏଦାଆଁ ପୁଞ୍ଜିହିଲଅଚେରି □ ନାନୁ ଆମିନି ସଲାତା ଗସାଲି ହାଜିମାଇଁ, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଆଡ଼ିନମି □”

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନା ସଲାତା ଗହ୍‌ଦେରି ସାତା, ସାମା ନା ଚିଃନି କି ଚେବ୍‌ଖାକି କୁଗାଲି ହାନି ନା ଅଦିକାରାଟି କାତା ଆଏ, ଇଚିହ୍ଁ ଆମିନି ଗାଗାରାକି ନା ଆବା ତାଣାଟି ଚାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି □”

୨୪ ଏଟ୍‌କାଟି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଇଁ କପା ଆଡ଼େରି □

୨୫ ☆ସାମା ଜୀସୁ ଏଞ୍ଜରାଈଁ ତାଗେ ହାଟାନା ଏଲେଇଚେସି,
“ଏଟକା କୁଡାତାରି ସାଲୁଞ୍ଜି କିନାରି କାଜା ବାଡୁଈ ତଲେ ତାନି
କାଜାପାଣା ତହୁନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୬ ☆ମୀ ବିତ୍ରା ଏଲେକିହିଁ ଆଏ, ସାମା ମୀ ବିତ୍ରା ଆମ୍ବାଆସି
କାଜାସି ଆହାଲି ଅଣ୍ପିନେସି, ଏଞ୍ଜାସି ମୀ ସେବା କିନାସି ଆପେସି;

୨୭ ଅଡେ ଆମ୍ବାଆସି କାଜାପାଣା ବେଟାଆହାଲି ମନ କିନାସି
ଏଞ୍ଜାସି ମୀ ହଲେଏସି ଆପେସି,

୨୮ ଏନିକିଁ ମାଣ୍ଡସି ମୀରଏସି ଜିକେଏ ସେବା ବେଟାଆହାଲି
ଞ୍ଜାହାଲିଅସି, ସାମା ସେବା କିହାଲି ଅଡେ ହାଡେରକା ଲକୁଣି
ଗେଲପାଲି ଜୀସୁ ହାହାଲି ଞ୍ଜାହାମାନେସି □”

ରୀ କାଣାୟାଣି ମେସାଲି ହାନାୟି

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡେ ତାନି ସୀସୁୟାଁ ଜିରିହଟି ହାଜିମାତାଟି ହାଡେରକା
ମାଦା ଲକୁ ତାନି ଜେଟ ହାଚେରି □

୩୦ ଅଡେ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି
ହାଜିମାନେସି ଇଞ୍ଜିଁ ଞ୍ଜେଞ୍ଜାନା, କାଜା ଗିୟାତଲେ ଏଲେଇଚେରି,
“ଏ ପ୍ରବୁ ଦାସୁଦ ମୀରଏଶାତି! ମାଞ୍ଜେ କାର୍ମା ମେସ୍ତାମୁ □”

୩୧ ସାମା ଲକୁ ଏଞ୍ଜରାଈଁ ପାଲେଏ ଆହାଲି ଦାକା ହାଡେରି, ସାମା
ଏଞ୍ଜାରି ଅଡେ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସୁଦ
ମୀରଏଶାତି! ମାଞ୍ଜେ କାର୍ମା ମେସ୍ତାମୁ □”

୩୨ ଏମ୍ବାଟିଏ ଜୀସୁ ନିଟାନା ଏଞ୍ଜରାଈଁ ହାଟାନା ଞ୍ଜେଚେସି, “ନାନୁ
ମିଞ୍ଜେତାକି ଏନାଆଁ କିଇଁ ଇଞ୍ଜିଁ ମୀରୁ ଅଣ୍ପିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଈଁ ଏଲେଇଚେରି, “ଏ ପ୍ରବୁ ଏନିକିଁ ମା
କାଣକା ଦେପି ଆନୁ □”

୩୪ ଅଡେ ଜୀସୁ କାର୍ମା ଆହାନା ଏଞ୍ଜାରି କାଣକା ଡାଗିଡେସି, ଇଞ୍ଜା
ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି ଜେଟ ହାଚେରି □

☆ ୨୦:୨୫ ୨୦:୨୫ ଲୁକ ୨୨:୨୫,୨୬ ☆ ୨୦:୨୭ ୨୦:୨୭ ମାତୃ ୨୩:୧୧; ମାର୍କ ୯:୩୫;
ଲୁକ ୨୨:୨୭

୨୧

ଜିରୁସାଲମତା ଜୀସୁ ରାହାଁଟି ହଡ଼ନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡ଼େ ତାନି ସୀସୁୟାଁ ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାଗି ଏଜାଲିଏ ଏଚିବେଲା ଜୀସୁ ତାନି ରୀ ସୀସୁୟାଁଣି ଏଲେଇଞ୍ଜା ପାଣ୍ଡିତେସି □

୨ “ମୀରୁ ନକିତା ମାନି ନାୟୁଁତା ହାକୁ, ଇଞ୍ଜା ହାଲୁଞ୍ଜିଏ ଦସାମାନି ର ଗାଡ଼ଦେ ଇଞ୍ଜା ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ □

୩ ଅଡ଼େ ଆମ୍ବାଆରି ଏନାଆଁ ଇଞ୍ଜାତିହୁଁ, ଝେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନ୍ଦେସି □”

୪ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି କାତା ଏନିକଁ ସାତା ଆନ୍ଦେ, ଏଦାଆଁତାକି ଇ ବାରେ ଆଡ଼େ;

୫ “ସିୟନତି ଗାଡ଼ାଲୁଁ ଝେହ୍‌ଦୁ

ମେହ୍‌ମୁ ନୀ ରାଜା ନୀ ତାଣା ଝାହିମାନେସି,
ଏଞ୍ଜାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି
ଇଚିହୁଁ ଗାଡ଼ଦେ ତାଲୁ ଲାକ କୁଗାମାନେସି □”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଝେସ୍ତ୍ରିଲେହେଁ କାମା କିଡେରି,

୭ ଅଡ଼େ ଗାଡ଼ଦେ ଇଞ୍ଜା ତାଲୁତି ତାଚାନା ଏଞ୍ଜାସିକା ଲାକ ହିମ୍ବୁରିକା ପାସ୍ତେରି, ଇଞ୍ଜା ଜୀସୁଲୁଁ କୁଗିକିଡେରି □

୮ ଅଡ଼େ ହାଡ଼େକା ଲକୁ ତାନି ହିମ୍ବୁରିକା ଜିରୁତା ପାସ୍ତେରି, ଅଡ଼େ ଏଚେକା ଲକୁ ମାର୍କାତି ଗଚାୟାଁ ତାଚାନା ଜିରୁତା ପାସ୍ତେରି □

୯ ଅଡ଼େ ଜୀସୁତି ତାୟୁତା ନକିତା ହାଜିମାଟି ଲକୁ ବାରେ କାଜା ଗିୟାତଲେ ଏଲେଇଚେରି, “ହସାନା ଦାଞ୍ଜୁଦ ମୀରୁଏସି! ମାହାପୁରୁ ଦରୁଟି ଝାହିମାନେସି ନେହାଁସି! ମାହାପୁରୁ ଏଞ୍ଜାଣାଲୁଁ ବର ହାପାସି, ଲାକପୁରୁ ହସାନା □”

୧୦ ଅଡ଼େ ଏଞ୍ଜାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଞ୍ଜାସି ଆମ୍ବାଆସି ?” ଇଞ୍ଜା କାବାଆହାନା ଏଲେଇଚେରି □

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାକ୍‌ରିତତି ମାହାପୁରୁ ଅଣ୍ଟପୁତି ବଲୁ ଝେହ୍‌ନି ଜୀସୁ □”

ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡାନା ଏ ଗାୟୁତା ଏମ୍‌ଆଁ ଆସି ମାସ୍‌କି ମାଗରାୟି ବାରେତି ପାଙ୍ଗାତା ପେର୍‌ହା ପାଣ୍ଡିତେସି, ଇଞ୍ଜା ଟାକାୟାଁ ବେବାରା ଗାଗାରି କୁଚ୍‌ୟାଁ ଅଡେ ପାର୍‌ଝା ପଟାୟାଁ ବେବାରା ଗାଗାରି ଜମ୍‌ୟାଁ ତିରିମ୍‌ପୁହେସି,

୧୩ ଅଡେ ଏଝାସି ଏଝାରାୟି ଏଲେଇଚେସି, ମାହାପୁରୁ ଦାମ୍‌ପତିତା ରାସ୍‌କି ଆହାମାନେ, “ନା ଇଲୁ ପ୍ରାଡାନା ଇଲୁ ଇଞ୍ଜିଁ ଝେଙ୍ଗିନେ, ସାମା ମୀରୁ ଏଦାଆଁ ଡଂଗାୟାଁ ପାଝୁ ମ୍‌ପୁହା ମାଞ୍ଜେରି □”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଝାଡେରି ଇଞ୍ଜା ଏଝାରାୟି ନେହ୍‌ କିଡେସି □

୧୫ ସାମା କାଜା ପୂଜେରାଙ୍ଗା ଅଡେ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡେ “ମାହାପୁରୁ ଇଲୁତା ହସାନା ଦାଝୁଦ ମୀର୍‌ସସି” ଇଞ୍ଜିଁ କାଜା ଗିୟାତଲେ କକାରି ଜଲିମାନାଣି ଝେଞ୍ଜାନା କପା ଆଡେରି □

୧୬ ଏଝାରି ଜୀସୁୟି ଝେଚେରି, “ଇଝାରି ଏନାଆଁ ଇଞ୍ଜିଁ ମାନେରି, ନୀନୁ ଏଦାଆଁ ଝେଞ୍ଜିମାଞ୍ଜି ?”

ଜୀସୁ ଏଝାରାୟି ଏଲେଇଚେସି, “ହାଅ, ଝେଞ୍ଜିମାୟି, ମୀରୁ କକାରି ଇଞ୍ଜା ପାଲୁ ଗହ୍‌ନରାୟି ନିଙ୍ଗ ଜହରା ପାରୁ ପାଡାଲି ଜାପୁହାମାଞ୍ଜି, ଦାମ୍‌ ପତିତି ଇ କାତାତି ମୀରୁ ଏଚେଲା ପଡ଼ଝି ଆହାହିଲଅଡେରି ?”

୧୭ ଅଡେ ଏଝାସି ଏଝାରାୟି ପିସାନା ଗାଡାଟି ହଡାନା ବେତନିୟାତା ହାଜାନା ଏମ୍‌ଆଁ ଲାଆଁୟାଁ ତ୍ୱୟିଡେସି □

ଜୀସୁ ତୟା ମୀର୍‌ନୁୟି ବାକା ଇଟିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡାତା ଝେଣ୍ଡା ହାଜିମାଗାଟି ହାକି ଆଡେସି,

୧୯ ଅଡ଼େ ଜିରୁ ଦାରିତା ର ତୟା ମାର୍ନୁ ମେସାନା ଦାରିତା ହାଚେସି, ଇଞ୍ଜା ଖାରଇ ଆକା ପିସ୍‌ପେ ଏମ୍‌ଆଁ ଏନାଆଁ ମେହ୍‌ଆଚେସି ଇଞ୍ଜା ଏଦାନି ବାକା ଇଚାନା ଏଲେଇଚେସି, “ନୀ ତାଶା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାର୍ନୁ ଖାୟାହାଚେ □

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାର୍ନୁ ଏନିକ୍ ଏ ଦେବୁଣିଏ ଖାୟା ହାଚେ □”

୨୧ ☆ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇ, ମୀ ନାମୁ ମାତିହିଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାର୍ନୁତି ଏନି କିଝିଆହାମାନେ, ଏଲେକିହିଁଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନୀନୁ ନିଜାନା ସାମଦୁରିତା ତରଗାମୁ’ ଇଞ୍ଜେରି, ଆତିହିଁ ଏଦି ଆନେ □

୨୨ ଇଞ୍ଜା ନାମୁତଲେ ପ୍ରାତାନାତା ଏନାଆଁ ରାହ୍‌ଦେରି ଏ ବାରେ ମିଙ୍ଗେ ମେଡ଼ାଆୟାନେ □”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଜାପୁହି ମାଚାଟି, କାଜା ପୁଜେରାଙ୍ଗା ଅଡ଼େ ଲକୁତି କାଜାରି ଏଝାଣି ତାଶା ଖାହାନା ଝେଚେରି, “ନୀନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାଚେସି ?”

୨୪ ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ମିଙ୍ଗେ ର କାତା ଝେଞ୍ଜାଇଁ, ମୀରୁ ଏଦାଆଁ ଝେଣ୍ଡେ ଝେସ୍ତାତିହିଁ, ନାନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନାନୁ ଜିକେଏ ମିଙ୍ଗେ ଝେସ୍ତାଇଁ □

୨୫ ଜହନ ବାପ୍ତିସ୍ତା* ହୀହାଲି ଆମ୍ବାଆରି ତାଶାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଶାଟି ?”

☆ ୨୧:୨୧ ୨୧:୨୧ ମାତି ୧୭:୨୦; ୧କର ୧୩:୨

* ୨୧:୨୫ ୨୧:୨୫ ମୁଞ୍ଜିନାୟି

ଏବେଟିଏ ଏଞ୍ଜରୀ ତାମ୍ବୁତାମ୍ବୁ ଜଲ୍ଲକି ଆଡେରି, “ମାହାପୁରୁ ତାଣାଟି ଇଞ୍ଜିଁ ଖେସ୍ତିହ୍, ଏଞ୍ଜାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଞ୍ଜାଣାଇଁ ନାମାଆଡେରି ?’

୨୭ ସାମା ମାଣ୍ଠସିୟାଁ ତାଣାଟି ଇନାୟି, ଲକୁତାକି ଆଜି, ଇଟିହ୍ ବାରେ ଲକୁ ଜହନଇଁ ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଇଞ୍ଜିହ୍ ମାନଞ୍ଜି ଆହିମାନେରି □”

୨୭ ଏଦାଆଁତାକି ଏଞ୍ଜରୀ ଜୀସୁଇଁ ଏଲେଇଚେରି, “ମାମ୍ବୁ ପୁଞ୍ଜାହିଲଅମି □”

ଏଞ୍ଜାସି ଜିକେଏ ଏଞ୍ଜରାଇଁ ଏଲେଇଚେସି, “ଆତିହ୍ ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଙ୍ଗେ ଖେସ୍ତିହ୍ □”

ରୀ ମୀରକାତି ପୁଣ୍ଠିକିନି କାତା

୨୮ ମୀରୁ ଏନାଆଁ ଅଣ୍ଟପିମାଞ୍ଜେରି ? ରଅଣାକି ରୀ ମୀରକା ମାଚେରି, ଏଞ୍ଜାସି କାଜା ମୀରଏଣି ତାଣା ଖାହାନା ଏଲେଇଚେସି, “ମୀରଏଣା ନୀଞ୍ଜୁ ଅଞ୍ଜୁରି ବାଡାତା ହାଜାନା କାମା କିମୁ □”

୨୯ ଏଞ୍ଜାସି ଏଲେଇଚେସି, “ନାଙ୍ଗେ କାମା କିହାଲି ମନ ହିଲେଏ” ସାମା ତାମ୍ବୁ ଏଞ୍ଜାସି ଅଣ୍ଟପାନା କାମା କିହାଲି ହାଚେସି □

୩୦ ଇଞ୍ଜା ଉଣା ମୀରଏଣା ତାଣା ଖାହାନା ଏଲେଇଞ୍ଜି ଖେସ୍ତିସି, ଏଞ୍ଜାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଞ୍ଜାସି ହାଲାଆଡେସି □

୩୧ ଇ ରିଆରି ବିତୁଟି ଆମ୍ବାଆସି ଆବା ମନ ଲେହେଁ କିଡେସି ?”

ଏଞ୍ଜରୀ ଏଲେଇଚେରି “କାଜାସି □”

ଜୀସୁ ଏଞ୍ଜରାଇଁ ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ସିସ୍ତୁ ରୀହ୍ନାରି ଇଞ୍ଜା ଦାରେଣିସିକା ମୀ ନକେଏ ମାହାପୁରୁ ରାଜିତା ହଡ଼ନ୍ତି □

୩୨ ✨ବାପ୍ତିସ୍ତାଁ ହାନି ଜହନ ଖାହାନା ମୀ ତାଣା ଦାମ୍ପୁତି ଜିରୁ ତସ୍ତାଡେସି, ଅଡେ ମୀରୁ ଏଞ୍ଜାଣାଇଁ ନାମାଆଡେରି, ସାମା ସିସ୍ତୁ ରୀହ୍ନାରି ଇଞ୍ଜା ଦାରେଣିସିକା ଏଞ୍ଜାଣାଇଁ ନାମିତୁ, ସାମା ମୀରୁ

ଏନିକି ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦଲି କିଆତେରି □

ଅଜ୍ଞୁରି ବାଡ଼ାତା କାମାକିନାରି ପୁଣ୍ଡିକିନି କାତା
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣ୍ଡିକିନି କାତା ଝେଞ୍ଜୁ, ର ବୁମି ଗାଟାସି ମାଚେସି, ଏଝାସି ର ଅଜ୍ଞୁରି ବାଡ଼ା କିହାନା ସାରିଝାକି ବେୟିଁ ଗୁରୁତେସି, ଇଞ୍ଜା ଅଜ୍ଞୁରି ପାଡ଼େୟି ପୀତାଲି ର ଗାଡ଼ୟୁ କାରହାନା ର ଗାଣା ହଲୁଲେହେଁ କିତେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହୀହାନା ହେକ ଦେସାତା ହାଚେସି □

୩୪ ତାୟୁ ପାଡ଼େୟି କାମ୍ବିନି ବେଲା ଆୟାଲିଏ, ଏଝାସି ତାନି ପାଡ଼େୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିତେସି □

୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାକ୍ ଝେତେରି ଇଞ୍ଜା ଅର ରଅଣାକ୍ ପାୟିତେରି, ଅଡ଼େ ରଅଣାକ୍ ଝାଲକା ଝେଚାନା ପାୟାଁ କୁତାତୁସ୍ତେରି □

୩୬ ଅଡ଼େ ଏଝାସି ତଲିତି କିହାଁ ହାରେକା ଜାଣା ହଲିୟାଙ୍ଗାଣି ପାଣ୍ଡିତେସି, ଅଡ଼େ ଏଝାରି ଏଝାରାକ୍ ଜିକେଏ ଏଲେକିତେରି □

୩୭ ସାମା ନା ମୀରଏଣାକ୍ ଏଝାରି ମାନି କିନେରି ଇଞ୍ଜା ଅଶ୍ଵାନା, ଏଝାସି ତାୟୁ ତାନି ମୀରଏଣାକ୍ ଏଝାରିତାଣା ପାଣ୍ଡିତେସି □

୩୮ ସାମା ଏ କାମାକିନାରି ମୀରଏଣାକ୍ ମେସାନା ତାମ୍ବୁତାମ୍ବୁ ଝେସ୍ପି ଆଡେରି, ଇଝାସିତ ବାଡ଼ାତି ଅଦିକାରା ଗାଟାସି; ଝାତୁ ଇଝାଣାକ୍ ପାୟାନା ଅଜ୍ଞୁରି ବାଡ଼ାତି ଅଦିକାରା କିହାକତିନ □

୩୯ ଇଞ୍ଜା ଏଝାରି ଏଝାଣାକ୍ ଅଜ୍ଞୁରି ବାଡ଼ା ଆତାଲା ମେଡ଼ହାନା ପାୟିତେରି □

୪୦ ଜୀସୁ ଏଝାରାକ୍ ଝେଚେସି, “ଇଚିହଁ ଏଚିବେଲା ଏ ଅଜ୍ଞୁରି ବାଡ଼ାତି ସାଝୁକାରି ଝାଚେସି, ଏଚିବେଲା ଏ କାମା କିନାରାକ୍ ଏନାଆଁ କିନେସି □”

୪୧ ଏଝାରି ଏଝାଣାକ୍ ଏଲେଇଚେରି, “ଏ ଲାଗେଏ ପଲେଏତି କାମା କିନାରାକ୍ କସ୍ତ ହୀହଁ ପାୟିନେସି, ଇଞ୍ଜା ଏଝାଣାକି

କାମ୍ବିନିସାରି ବାଗା ହାନି ଏବଂକାତି କାମା କିନାରାକି ଅଛୁରି ବାଡ଼ାତି
ହେଉପିନେସି □”

୪୨ ଜୀସୁ ଏଝାରାଇଁ ଏଲେଇରେସି, “ମୀରୁ ଦାମ୍ବୁ ପତିତି ଇ କାତା
ଏରେଲାଝା ପଡ଼ଝି ଆହାହିଲଅତେରି କି ?”

ଇଲୁ ଦହନାରି ଆମିନି ଝାଲିତି ମିଶ୍‌ଏ ଇଞ୍ଜି କୂତେରି,

ଏଦିଏ ଇଲୁ କନତି ମୂଲୁ ଝାଲି ଆଡେ;

ମାହାପୁରୁ ତାଣାଟି ଇଦି ଆଡେ,

ଇଞ୍ଜା ଏଦି ମା କାନୁତାକି କାବା ଆନାୟି □

୪୩ “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁତି ରାଜି
ମୀ ତାଣାଟି ମୀଞ୍ଜା ଅଝିଆନେ, ଇଞ୍ଜା ଆମିନି ଜାଡ଼ିତି ଲକୁ ନେହ
ପାଡ଼େୟି କାମ୍ବି କିନେରି ଏଝାରାକି ହୀନେସି □

୪୪ ଅଡ଼େ ଆମ୍ବାଆସି ଇ ଝାଲି ଲାକ ରିନେସି ଏଝାସି କାଣ୍ଡାମୁକା
ଆନେସି, ଇଞ୍ଜା ଇ ଝାଲି ଆମ୍ବାଆରି ଲାକ ରିନେ ଏଦି ଏଝାଣାଇଁ
ନାସାକିନେ □”

୪୫ କାଜା ପୁଜେରାଙ୍ଗା ଅଡ଼େ ପାରୁସିୟାଁ ଇଝାଣି ଇ ବାରେ
ପୁଣ୍ଡିକିନି କାତା ଝେଞ୍ଜାନା, ଏଝାସି ଏଝାରି କାତା ଝେସିମାନେସି
ଇଞ୍ଜି ପୁରେରି,

୪୬ ଇଞ୍ଜା ଏଝାରି ଏଝାଣାଇଁ ଆସାଲି ଅଣ୍ପିମାଚେରି, ସାମା ଲକୁଇଁ
ଆଜିତେରି, ଏନାଆଁତାକି ଇଚିହଁ ଏଝାଣାଇଁ ର ମାହାପୁରୁ ଅଣ୍ପୁତି
ବଲୁ ଝେହନାସି ଇଞ୍ଜି ମାନି କିହିମାଚେରି □

୨୨

ବୀହା ବଜିତି ପୁଣ୍ଡିକିନି କାତା

(ଲୁକ ୧୪:୧୫-୨୪)

୧ ଅଡ଼େ ଝେଣ୍ଡେ ଜୀସୁ ପୁଣ୍ଡିକିନି କାତାତଲେ ଏଲେଇରେସି,

୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଝାସି ତାନି
ମୀର୍‌ଏଣା ବୀହା ବଜି କିତେସି,

୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା ଝାପେରିଝା
ଇଞ୍ଜି ତାନି ହଲିୟାଙ୍ଗାଣି ପାଣ୍ଡିତେସି, ସାମା ଏଝାରି ଝାହାଲି ମନ
କିଆତେରି □

୪ ଅଡ଼େ ଖେଣ୍ଡେ ଏଟକାତି ହଲିୟାଙ୍ଗାଣି ପାଣ୍ଡାନା ଏଲେଇଚେସି, ହାଡ଼ି କିହାମାନି ଲକୁଣି ଖେହ୍ଦୁ, ମେହ୍ଦୁ ନାନୁ ନା ବଜି ଖାଜା ମାଜ୍, ଆଙ୍ଗା ଆଡ଼ି କଡ଼ିୟା ପାୟୁଡ଼ି ଆହାମାନୁ, ବାରେ ରାନ୍ଦା ଆଡେୟିଏ, ମୀରୁ ବୀହା ବଜିତା ଖାଦୁ □

୫ ସାମା ଏଞ୍ଜାରି ଏଦାଆଁ ଅଣ୍ଡାଆନା ଆମ୍ବାଆରି ତାମି ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାମି ବେବାରା କିୟାଲି ହାଚେରି,

୬ ଅଡ଼େ ଏଚରଜାଣା ଲକୁ ତାନି ହଲିୟାଙ୍ଗାଣି ଆସାନା ପାୟିତେରି □

୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଇଁ ପାୟି କିତେସି ଇଞ୍ଜା ଏଞ୍ଜାରି ନାସକା ମ୍ଲେକ୍‌ହା ତୁସ୍ତେରି □

୮ ଏମ୍ବାଟିଏ ଏଞ୍ଜାସି ତାନି ହଲିୟାଙ୍ଗାଣି ଏଲେଇଚେସି, ବୀହା ବଜି ଆହାମାନେ, ସାମା ହାଟକି ଆହାମାନି ଲକୁ ପାଡ଼ା ଆଆତାରି,

୯ ଏଦାଆଁତାକି ନୀର୍ବ ମୀରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏଚରଜାଣାତି ମେହ୍ଦେରି, ଏଞ୍ଜାରାଇଁ ବୀହା ବଜିତା ହାଟା ତାଦୁ □

୧୦ ଏମ୍ବାଟିଏ ଏ ହଲିୟାଙ୍ଗା କାଜା ତାଣ୍ଡେଣାଁ ହାଜାନା ଲାଗେଏ ପଲେଏତାରାଇଁ ଇଞ୍ଜା ଏଚେକା ନେହାଁରାଇଁ ମେସ୍ତେରି, ଏ ବାରେତି ରୁଣ୍ଡି କିହାନା ବୀହା ଇଲୁତା ତାତେରି, ଇଞ୍ଜା ଖାହାମାନି ଲକୁ ବୀହା ଇଲୁତା ନେଞ୍ଜିତେରି □

୧୧ ସାମା ରାଜା ବୀହା ବଜିତା ଖାହାମାନି ଲକୁଣି ସିନିକିହାଲି ବିତ୍ରା ଖାହାନା ଏମ୍ବାଆଁ ବୀହା ହିମ୍ବୁରି ହୁତାଆନା କୁଗାମାନି ରଅଣାଇଁ ମେସାନା ଏଞ୍ଜାଣାଇଁ ଏଲେଇଚେସି,

୧୨ ଏ ତରେ, ନୀନୁ ବୀହା ହିମ୍ବୁରି ହୁତାଆନା ଏନିକ୍ ଇମ୍ବାଆଁ ଖାଡ଼ି ? ସାମା ଏଞ୍ଜାସି ଏନି ହାଡ଼ା ଆଆନା ଡ଼ୟିତେସି □

୧୩ ☆ଏମ୍ବାଟିଏ ରାଜା ଏମ୍ବାଆଁ ହଲିୟାଙ୍ଗାଲ୍ ଏଲେଇଚେସି, ଇଞ୍ଜାଣି କେସ୍ଲା କଡାୟା ଦସାନା ପାଙ୍ଗାତି ଆନ୍ଦେରିତା ମେଡ଼ହା ତୁହ୍ଦୁ, ଏମ୍ବାଆଁ ଡ଼ାହ୍ ଚାଲକା ଟୀଟି କିନେସି □

୧୪ ଇତିହାସ ହାଟ୍‌କି ଆଡ଼ି ଲକ୍ଷ୍ମୀ ହାଟ୍‌ରେକା ଜାଣା ସାମା ଆଡ଼ିତି ଲକ୍ଷ୍ମୀ ହାଟ୍‌ରେକା ଉଣା ଜାଣା □

ସିସ୍ତ୍ର ହୁନାଣି ଝେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏତିବେଲା ପାରୁସିୟା ହାଜାନା ଜୀସୁଇଁ ତାନି ଝେସ୍ତ୍ର କାତାଟି ଦହ ଦସାଲି ପାରୁ ପାରିତେରି □

୧୬ ଇଞ୍ଜା ଏଝାରି ହେରଦ ଗତି ବିଦ୍ରାଟି ଏଚେକା ଲକ୍ଷ୍ମୀତଲେ ତାନି ସୀସୁୟାଈଁ ଜୀସୁ ତାଣା ଝେସା ପାଣ୍ଡିତେରି, “ଏ ଗୁରୁ ମାମ୍ମୁ ପୁଞ୍ଜାମାନମି ନୀନୁ ସାତା ଝେହନାତି ଇଞ୍ଜା ସାତା କିହଁ ମାହାପୁରୁତି ଜିରୁ ଜାପ୍‌ନାତି, ଇଞ୍ଜା ଆମ୍ବାଆରାଇଁ ଆଜଅତି ଅଡ଼େ ଆମ୍ବାଆରି ପାର୍ଡ଼ା ବାଟିକିହଁ ଜଲିନାତି ଆଏ □

୧୭ ଇଦାଆଁତାକି ନୀନୁ ମାଜେ ଝେସ୍ତ୍ରାମ୍ମୁ, ନୀ ଅଣ୍ଡୁପୁତା ଏନାୟି ମାନେ ? କାୟିସରକି ସିସ୍ତ୍ର ହୁନାୟି ମେରା କି ଆଏ ?”

୧୮ ସାମା ଜୀସୁ ଏଝାରି କାରବି ପୁଞ୍ଜାନା ଏଲେଇଚେସି, “ଆଡ଼େ କୁରୁ ଗାଟାତେରି ନାଜେ ଏନାଆଁତାକି ତାୟିପାରି କିହିମାଞ୍ଜାଦେରି ?

୧୯ ଏ ସିସ୍ତ୍ର ହୁନି ଟାକା ନାଜେ ହିୟାଦୁ □” ଏମ୍ବାଟିଏ ଏଝାଣି ତାଣା ର ଟାକା ଆଦ୍‌ଲି ହୀତେରି □

୨୦ ଜୀସୁ ଏଝାରାଇଁ ଝେଚେସି, “ଇ ଆଦ୍‌ଲି ଲାକ ଆମ୍ବାଆରି ଦରୁ ଅଡ଼େ ତାୟିଁ ରୁମା ମାନେ ?”

୨୧ ଏଝାରି ଏଲେଇଚେରି, “କାୟିସରଝାୟି □”

ଜୀସୁ ଏଝାରାଇଁ ଏଲେଇଚେସି, “ଆଡ଼ିହଁ ଆମିନାୟି କାୟିସରଝାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଝାୟି ଏଦାଆଁ ମାହାପୁରୁକି ହୀଦୁ □”

୨୨ ଏଝାରି ଏଦାଆଁ ଝେଞ୍ଜାନା କାବାଆହାନା ଏଝାଣାଇଁ ପିସାଁ ହାଜାତୁସ୍ତେରି □

ହାକିଟି ଝେଣ୍ଡେ ନିଜାନ୍‌ନି କାତା

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ✠ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏତରଜାଣା ସାଦୁକିୟାଁ ଏ ଦିନା ଜାସୁ ତାଣା ଖାହାନା ଖେତେରି □

୨୪ “ଏ ଗୁରୁ ମସା ଖେସାମାଞ୍ଜାନେସି, ରଅସି ପଦି ପଦା ଆଆନା ହାଡ଼ିହିଁ ତାନି ତାୟି ତାନି ତକ୍ଜିନି ଇଚାନା ଏ ହାଡ଼ାଣି କୂଡ଼ା ଏପାକିନେସି □

୨୫ ମେହ୍ମୁ ମା ତାଣା ସାଡ଼ା ଜାଣା ତାୟିୟାଁ ମାଚେରି; ତଲି ମୁଲୁ ତାସି ବାହା ଆହାନା ହାହାହାଚେସି, ଇଞ୍ଜା କକାରି ପଦାୟାଁ ହିଲଆତାକି ଏଞ୍ଜାସି ତାନି ତକ୍ଜିନି ତାନି ତାୟିକ ପସାହାଚେସି;

୨୬ ଏଞ୍ଜାଣି ଜେଚତାସି ଅଡ଼େ ଏଞ୍ଜାଣି ଜେଚତାସି ଏଲେକିହିଁ ସାଡ଼ା ଜାଣା ଜିକେଏ ହାଡ଼େରି □

୨୭ ବାରେଡ଼ି ତାୟୁ ଏ ଇୟାଟି ଜିକେଏ ହାଡ଼େ □

୨୮ ଆଡ଼ିହିଁ ଖେଣ୍ଡେ ନିଜିନାଟି ଏ ସାଡ଼ା ଜାଣା ବିତ୍ରା ଆମ୍ବାଆରି ତକ୍ଜି ଆନେ ? ଇଡ଼ିହିଁ ବାରେଜାଣା ଏଦାନି ବାହା ଆହାମାଚେରି □”

୨୯ ଜାସୁ ଏଞ୍ଜାରାଇଁ ଏଲେଇଚେସି, “ମୀରୁ ଦାମ୍ବୁ ସାଢ଼ସ୍ତରି ଅଡ଼େ ମାହାପୁରୁତି ବାଡ଼ୁଲୁ ପୁନାଆନା ନାଡ଼ି ଆହିମାଞ୍ଜେରି □

୩୦ ଇଡ଼ିହିଁ ହାହାନା ଖେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହାଅରି, ସାମା ଲାକପୁରୁତି ଦୁଡ଼ୁୟାଲେହେ ଆନେରି □

୩୧ ସାମା ହାଡ଼ାରି ଖେଣ୍ଡେ ନିଜିନି କାତା ମାହାପୁରୁ ମିଙ୍ଗେ ଏନାଆଁ ଖେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅଚେରି ?

୩୨ ନାନୁ ଅବାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ, ଏଞ୍ଜାସି ହାଡ଼ି ଲକୁତି ମାହାପୁରୁ ଆଏ ସାମା ଜାଞ୍ଜୁଗାଗାରି ମାହାପୁରୁ □”

୩୩ ଲକୁ ବାରେ ଏଞ୍ଜାଣି ଜାପନାଣି ଖେଞ୍ଜାନା କାବା ଆହାହାଚେରି □

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜାସୁଇଁ ସାଦୁକିୟାଁ ଖେଣ୍ଡେ ଖେସାଲି ଆଡ଼ି ହିଲଅରି ଇଞ୍ଜା ପୁଞ୍ଜାନା ପାରୁସିୟାଁ ବିତ୍ରାଟି ରୁଣ୍ଡା ଆଡ଼େରି,

୩୫ ଅଡ଼େ ଏଞ୍ଜାରି ବିଦ୍ରାଟି ଦେରା ପୁନାସି ରଅସି ଜୀସୁଇଁ
ତାୟିପାରିକିହିଁ ଝେଚେସି,

୩୬ “ଗୁରୁ ବାରେ ହୁକୁମିକା ବିଦ୍ରାଟି ଆମିନି ହୁକୁମି କାଜାୟି ?”

୩୭ ଜୀସୁ ଏଞ୍ଜାଣାଇଁ ଏଲେଇଚେସି, ନୀନୁ ନୀ ବାରେ ହିୟାଁ, ନୀ
ବାରେ ଜୀସୁ ବାରେ ଅଣ୍ଟପୁ ତଲେ ପ୍ରବୁ ନୀ ମାହାପୁରୁଇଁ ଜୀସୁ ନମୁ
□

୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି □

୩୯ ଏଦାଣି ଜେଚତି ହୁକୁମି ଜିକେଏ ଏଲେକିହିଁଏ, ନୀନୁ ନୀ
ପାଡ଼ିତି ଲକୁଣି ନୀ ଜୀସୁତି ଜୀସୁ ନହାଁ କଡିନି ଲେହେଁ ଜୀସୁ ନମୁ □

୪୦ ☆ଇ ରୀ ହୁକୁମିତା ମସାତି ବାରେ ଦେରା, ଅଡ଼େ ମାହାପୁରୁ
ଅଣ୍ଟପୁତି ବଲୁ ଝେହନାରି କାତା ମାଞ୍ଜାମାନେ □

କ୍ରୀସ୍ତୁ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଚାଟି ଜୀସୁ ଏଞ୍ଜାରାଇଁ ଝେଚେସି,

୪୨ “କ୍ରୀସ୍ତୁଇଁ ମୀରୁ ଆମ୍ବାଆସି ଇଞ୍ଜାଁ ମୀରୁ ଅଣ୍ଟପିମାଞ୍ଜେରି ?
ଏଞ୍ଜାସି ଆମ୍ବାଆସି ମୀରୁଏସି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି
“ଦାଝୁଦ ମୀରୁଏସି □”

୪୩ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହିଁ ଦାଝୁଦ ଏନିକିଁ
ସୁଦୁଜୀସୁ ତଲେ ଏଞ୍ଜାଣାଇଁ ପ୍ରବୁ ଇଞ୍ଜାଁ ମାଚେସି ?” ଦାଝୁଦ
ଏଲେଇଚେସି,

୪୪ “ପ୍ରବୁ ନା ପ୍ରବୁଇଁ ଝେସ୍ତେସି,

ନୀନୁ ନୀ ସାତୁୟାଁଣି ନୀ କଡାୟାଁ ତଲ ଇଚାଆ ପାତେକା

ନା ଚିଃନି ଚଟତା କୁଗାମାନାମୁ □

୪୫ ଇଚିହିଁ ଦାଝୁଦ ତାନୁଏ ଏଞ୍ଜାଣାଇଁ ପ୍ରବୁ ଇଚିହିଁ, କ୍ରୀସ୍ତୁ
ଏନିକିଁ ଦାଝୁଦ ମୀରୁଏସି ଆନେସି ?”

୪୬ ଏମାଟି ଆମ୍ବାଆସି ଜିକେଏ ଏଞ୍ଜାଣାଇଁ ଝେଣ୍ଡେ ଝେସାଲି
ଆଡାଆତେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜୀସୁଇଁ ଏନି
କାତା ଝେଞ୍ଜାଲି ସାସା କିଆତେରି □

୨୩

ମେରାପୁନାରି ଇଞ୍ଜା ପାରୁସିୟା ତାଣାଟି ଜାଗ୍ରାତା ଆନାୟି
(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଚିବେଲତା ଜୀସୁ ବାରେ ଲକୁଇଁ ଇଞ୍ଜା ତାନି ସୀସୁୟାଁଇଁ
ଏଲେଇଚେସି,

୨ ମେରାପୁନାରି ଅଡେ ପାରୁସିୟା ମସାତି ମେରା ଜାପୁହାଲି ପାଣା
ବେଟାଆହାମାନେରି □

୩ ଏଦାଆଁତାକି ଏଞ୍ଜାରି ମିଜେ ଏନାଆଁ ଖେସ୍ତାତିହିଁ ଏଦାଆଁ
ମାନୁଞ୍ଜି ଆଦୁ, ଅଡେ ଏଞ୍ଜାରି ଖେସ୍ତାଲେହେଁ କିଦୁ, ସାମା ଏଞ୍ଜାରି କାମା
କିନିଲେହେଁ କାମା କିଆଦୁ, ଇଚିହିଁ ଏଞ୍ଜାରି ଏନାଆଁ କିନାୟିମାନେ
ଇଞ୍ଜାଁ ଖେହ୍ନେରି ସାମା ଏଞ୍ଜାରି କିଅରି □

୪ ଏଞ୍ଜାରି ବଜୁଗାଟି କାସ୍‌କା ଦସାନା ଲକୁ ବମିତା ଏକ୍‌ନେରି ସାମା
ତାମୁତାମି ର ଖାଞ୍ଜୁ ତଲେ ଜିକେଏ ପେରହାଲି ମନ କିଅରି □

୫ ଏଞ୍ଜାରି ଲକୁଣି ତସାଲି ତାମି କିନି କାମା ବାରେ କିନେରି,
ଇଚିହିଁ ଏଞ୍ଜାରି ପାଟାୟାଣା ଦାମୁ ପତିତି କାତା ରାଟାନା ମପା ଅଡେ
ମୁଞ୍ଜୁତା ଦସା କଡିନେରି, ଇଞ୍ଜା ତାମି ହିମ୍ବରକାତି ପୁରଡେୟାଁ କାଜା
କାଜାଆଁ କିନେରି,

୬ ଅଡେ ବଜିତା ନେହିଁ ଟାୟୁ ଇଞ୍ଜା ଜୀହୁଦି ଲକୁତି କୁଟମି
ଇଲୁତା* ନେହିଁ କାଜା ଟାୟୁ ପାରିନେରି,

୭ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡେ ଲକୁ
ତାଣାଟି ଗୁରୁ ଇଞ୍ଜାଁ ମାନ୍ତି ବେଟାଆହାଲି ନେହାୟି ଇଞ୍ଜାଁ
ଅଣ୍‌ପିନେରି □

୮ ସାମା ମାରୁ ଗୁରୁ ଇଞ୍ଜାଁ ମାନ୍ତି ବେଟାଆହାଲି ଅଣ୍‌ପାଆଦୁ,
ଇଚିହିଁ ମୀ ଗୁରୁ ରଅସି ମାନେସି, ଇଞ୍ଜା ମାରୁ ବାରେତାୟି
ତାୟିୟାତେରି □

୯ ଅଡେ ଦାରୁତିତା ଆମ୍ବାଆରାଇଁ ଜିକେଏ ଆଟା ଇଞ୍ଜାଁ ମାନ୍ତି
କିଆଦୁ, ଇଚିହିଁ ମୀ ଆଟା ରଅସିଏ ଲାକପୁରୁ ମାନେସି □

☆ ୨୩:୫ ୨୩:୫ ମାତ୍ରି ୬:୧

*

୨୩:୭ ୨୩:୭ ସିନଗଗ

୧୦ ଅଡ଼େ ମୀରୁ ସାଲୁଝି କିନାତମି ଇଞ୍ଜି ମାନି ପୁଃଆଦୁ,
ଇଚିହିଁ ମିଙ୍ଗେ ସାଲୁଝି କିୟାନାସି ରଅସିଏ ଏଞ୍ଜାସି କ୍ରାସ୍ତୁ □

୧୧ ☆ସାମା ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ମୀ ସେବା କିନାସି
ଆନେସି □

୧୨ ☆ଅଡ଼େ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଜି ଇଞ୍ଜା
କଡ଼ିନେସି, ଏଞ୍ଜାଣାଇ ଉଣା କିଝିଆନେ, ଇଞ୍ଜା ଆମ୍ବାଆସି ତାଙ୍ଗେ
ଉଣା କିହାକଡ଼ିନେସି, ଏଞ୍ଜାଣାଇ କାଜାସି କିଝିଆନେ □

ପାରୁସିୟାଁ ଅଡ଼େ ମେରା ପୁନାରାଇଁ ଦହ ଦହନାୟି

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟତା ଡଣ୍ଡ ପାଣ୍ଡି କୁଟୁଗାଟି ପାରୁସିୟାଁ ଅଡ଼େ ମେରା
ପୁନାତେରି, ଇଚିହିଁ ମୀରୁ ଲକୁତାକି ଲାକପୁରୁ ରାଜିତି ଦାରା
ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡ଼ି ହିଲଅତେରି, ଇଞ୍ଜା ହଡ଼ାଲି
ମନ ଗାଟି ଲକୁଣି ଜିକେଏ ହଡ଼ାଲି ହାହି ହିଲଅତେରି □

୧୪ ଆୟତା ଡଣ୍ଡ ପାଣ୍ଡି କୁଟୁଗାଟି ମେରା ପୁନାତେରି ଅଡ଼େ
ପାରୁସିୟାଁତେରି, ଇଚିହିଁ ମୀରୁ ଉଜେ ଉଜେଏ ଲାମ୍ବା ପ୍ରାଡ଼ାନା
କିହାନା ରାଣ୍ଡେଣିସିକା ଇଲକା ସେନିନାତେରି; ଏଦାଆଁତାକି ମୀରୁ
ହାରେକା ଡଣ୍ଡ ବେଟାଆଦେରି □

୧୫ ଆୟତା ଡଣ୍ଡ ପାଣ୍ଡି କୁଟୁଗାଟି ପାରୁସିୟାଁ ଅଡ଼େ ମେରା
ପୁନାତେରି, ଇଚିହିଁ ମୀରୁ ରଅଣାଇଁ ଜୀହୁଦି ଦାମ୍ଭୁତା ଆବହାଲି
ସାମ୍ଭୁଦୁରି ଆତାଲା ଗାଣ୍ଡାନା ଦେସା ରେଜେରି, ଇଞ୍ଜା ଏଚିବେଲା
ଏଞ୍ଜାସି ଆଣ୍ଡାନେସି, ଏଚିବେଲାତା ମୀରୁ ଏଞ୍ଜାଣାଇଁ ମୀ କିହାଁ
ହାରେକା ଆଗାଡ଼ା ନକଡ଼ା ମେଡ଼ପି ଆନାସି କିହାନା ଲାଗେଏ
କିଦେରି □

୧୬ ଆୟତା ଡଣ୍ଡ ବେଟା ଆନାତେରି କାଣ୍ଡାୟାଁଇଁ ଜିରୁ
ଡହନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ
ଇଲୁଡ଼ି ପାରମାଣା କିଚିହିଁ ଏନାୟି ହିଲେଏ, ସାମା ଆମ୍ବାଆସି

☆ ୨୩:୧୧ ୨୩:୧୧ ମାତୃ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭

☆ ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪

ଇଲୁତି ବାଂଗାରାତି ପାର୍‌ମାଣା କିତିହୁଁ ଏଝାସି ପାର୍‌ମାଣା
କିତିଲେହେଁ ତାପାଆନା କାମା କିନାୟିମାନେ □

୧୭ ଆଡେ କାଣାୟାଁ ଅଡେ ବୁଦି ହିଲାଆଗାଟାତେରି ବାଂଗାରା କି
ଏ ବାଂଗାରାତି ସୁଦୁ କିହାମାନି ଦେଝୁଡ଼ି, ଈ ରୀ ବିତ୍ରାଟି ଆମିନାୟି
କାଜାୟି ?

୧୮ ଅଡେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ
ପିଣ୍ଡାତି ପାର୍‌ମାଣା କିତିହୁଁ ଏନାୟି ଆଏ, ସାମା ଆମ୍ବାଆସି
ପୂଜାପିଣ୍ଡା ଲାକ ମାନି ଦାନାତି ପାର୍‌ମାଣା କିତିହୁଁ, ପାର୍‌ମାଣା
କିତିଲେହେଁ ତାପାଆନା କାମା କିନାୟିମାନେ □

୧୯ ଆଡେ କାଣାୟାଁତେରି, ଦାନା କି ଏ ଦାନାତି ସୁଦୁ କିହିମାନି
ମାହାପୁରୁ ଇଲୁତି ପୂଜାପିଣ୍ଡା, ଈ ରୀ ବିତ୍ରାଟି ଆମିନାୟି କାଜାୟି ?

୨୦ ଏଦାଆତାକି ଆମ୍ବାଆସି ଦାନାହାନି ପିଣ୍ଡାତି ପାର୍‌ମାଣା
କିନେସି, ଏଝାସି ଏ ପିଣ୍ଡା ଅଡେ ପିଣ୍ଡାତା ମାନି ଦାନାତି ପାର୍‌ମାଣା
କିହିମାନେସି;

୨୧ ଅଡେ ଆମ୍ବାଆସି ମାହାପୁରୁ ଇଲୁତି ପାର୍‌ମାଣା କିନେସି,
ଏଝାସି ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି ମାହାପୁରୁଇଁ
ପାର୍‌ମାଣା କିନେସି;

୨୨ ଅଡେ ଆମ୍ବାଆସି ଲାକପୁରୁତି ପାର୍‌ମାଣା କିନେସି, ଏଝାସି
ମାହାପୁରୁତି ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁଇଁ
ପାର୍‌ମାଣା କିନେସି □

୨୩ ଆୟଡା ଡଣ୍ଡ ପାଣ୍ଡି କୁଚୁଗାଟି ମେରା ପୁନାତେରି ଇଞ୍ଜା
ପାରୁସିୟାଁ, ଇତିହୁଁ ମୀରୁ କୁମ୍ବୁ କୁଟା, ରାୟି, ଜିରା ଇନି ଡଣା
ତାସା ବିତ୍ରାଟି ଜିକେଏ ଦସ ବାଗାଟି ର ବାଗା ହୀହିମାଞ୍ଜେରି, ଅଡେ
ମସା ମେରାତି କାଜା କାତାୟାଁ ଇତିହୁଁ ସାତା ନୀହାୟି କିନାୟି,
କାର୍ମା ତହୁନାୟି, ଇଞ୍ଜା ନାମ୍ବୁ, ଈ ବାରେ ପିସାମାଞ୍ଜେରି; ସାମା ଈ
ବାରେ ମାନଝି ଆହାନା ଅଡେ ଏ ବାରେ ପିହୁଆୟି ମାନେ □

୨୪ ଆଡେ କାଣାୟାଁ ଜିରୁ ତହୁନାତେରି, ମୀରୁ ଝୀହାଁତି ହାଣି
କିଦେରି ସାମା ଡଚୁଇଁ ଗୁହୁଦେରି □

୨୫ “ଆୟତ୍ତା ତଣ୍ଡ ପାଣ୍ଡନି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟାତେରି, ଇଚିହଁ ମୀରୁ ଗିନା ଅଡ଼େ ସାଡ଼଼଼ାତି ପାଙ୍ଗାତା ନରହି ମାଞ୍ଜେରି, ସାମା ଏ ବିତ୍ରା ଜୁପକା ଆହଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି □

୨୬ ଆଡ଼େ କାଣକା ମେହୁଆଗାଟି ପାରୁସିୟା, ନକେଏ ଗିନାତି ବିତ୍ରାତାଣି ନରଦୁ, ଏନିକଁ ପାଙ୍ଗାତା ଜିକେଏ ନରଞ୍ଜି ଆନେ □”

୨୭ *ଆୟତ୍ତା ତଣ୍ଡ ପାଣ୍ଡନି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟା, ଏନାଆଁତାକି ଇଚିହଁ ମୀରୁ ହୁନୁ ଉସପିତି ମାଡ଼ହା ମୁହନି ଟାୟୁଲେହେଁ ତାତେରି □ ଏଡ଼ି ପାଙ୍ଗାତା ଅଜିକଁ ତଞ୍ଜାଆନେ, ସାମା ବିତ୍ରା ହାଡ଼ାରି ପେଣକା ଇଞ୍ଜା ସୀରତାୟି ନେଞ୍ଜାମାନେ;

୨୮ ଏଲେକିହଁଏ ମୀରୁ ଜିକେଏ ପାଙ୍ଗାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟା ବିତ୍ରା କୁରୁ ଅଡ଼େ ପାପୁ ନେଞ୍ଜାମାନେ □

ଜୀସୁ ଏଞ୍ଜାରାଈଁ ତଣ୍ଡ ପାଣ୍ଡନି କାତା ୱେହନାୟି (ଲୁକ ୧୧:୪୭-୫୧)

୨୯ ଆୟତ୍ତା ତଣ୍ଡ ପାଣ୍ଡନି କୁରୁଗାଟି ମେରା ପୁନାତେରି ଇଞ୍ଜା ପାରୁସିୟା, ଇଚିହଁ ମୀରୁ ମାହାପୁରୁ ଅଣ୍ଟପୁତି ବଲୁ ୱେହନାରି ମାଡ଼ହା ମୁହନି ଟାୟୁ କେପାନା, ଦାମ୍ବୁଗାଟାରି ମାଡ଼ହା ମୁହନି ଟାୟୁତି ମୁଣ୍ଡା ଅଜିକଁ କିହାନା ଏଲେଇଞ୍ଜିମାଞ୍ଜେରି;

୩୦ ମାୟୁମା ଆକୁ ଆବାୟା ବେଲାତା ମାଚିହଁମା, ମାହାପୁରୁ ଅଣ୍ଟପୁତି ବଲୁ ୱେହନାରାଈଁ ପାୟାଲି ଆଣ୍ଡାଆତମିମା □

୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଟପୁତି ବଲୁ ୱେହନାରାଈଁ ପାୟାମାନି ଲକୁତି ମୀରକାତେରି, ଏ କାତାତାକି ମୀରୁଏ ମିଙ୍ଗେ ସାକି ହାହା କଡ଼ିମାଞ୍ଜେରି □

୩୨ ମୀରୁ ହାଜାନା ମୀ ଆକୁ ଆବାୟା କିତି କାମା ରାପଦୁ □

୩୩ ☆ଆଡ଼େ ରାସ୍‌କାତେରି, ଇଞ୍ଜା ବାସା ଗାଟି ରାସ୍‌କା କୁଡ଼ାତି ମୀରକାତେରି, ମୀରୁ ବିଚାରା ଦିନାତା ଏନିକ୍ ହିରୁ ଗୁଦ୍‌ଝାତି ଡଣ୍ଡି ପିସ୍‌ପି ଆଦେରି ?

୩୪ ଏଦାଆଁତାକି ମେହ୍‌ମୁ ନାନୁ ମୀ ତାଣା ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଝାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକ୍‌ହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜୀହୁଦି ଲକୁତି କୁଟି ଇଲୁତା† ସାଟ୍‌ଣି ତ:ରିତଲେ ଝେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି □

୩୫ ଏନିକ୍ ଦାମ୍‌ଗାଟି ହେବଲାଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରଏସି ଜିକରିୟାଇଁ ପାୟିତି ପାତେକା, ଦାରତିତା ଏତେକା ନେହ୍‌ରାଇଁ ପାୟିମାଞ୍ଜେରି, ଏ ବାରେ କାମାତି ଡଣ୍ଡି ମୀ ମୁହେଁ ଝାନ୍‌ନେ □

୩୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ କାଲ୍‌ତି ଲକୁ ମୁହେଁ ଇ ବାରେ ଡଣ୍ଡି ରିନେ □

ଜିରୁସାଲମତି ଜୀସୁ ଜୀଝୁନନାୟି (ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ! ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଇଁ ପାୟିନାତି ନୀ ତାଣା ପାଣ୍ଡି ଆଡ଼ାରାଇଁ ଝାଲ୍‌କାତଲେ ଝେନାତି, କୟୁ ଏନିକ୍ ତାନି ହୀପାୟାଣି କୁଡ଼ି କିହାନା ମାରାୟା ଡ଼ଇ ପୁକ୍‌ହାନା ଜଳିନେ, ନାନୁ ନୀ ଲକୁଇଁ ଏତର ପାଲି ଏଲେକ୍ କୁଡ଼ିକିହାଲି ମନ କିତେଏଁ, ସାମା ଏଝାରି ମନ ହୀଆତେରି □

୩୮ ଅଡ଼େ ମେହ୍‌ମୁ ମୀ ମାହାପୁରୁ ଇଲୁ ମୀ କେୟୁତା ହୀପକି ଆହାମାଞ୍ଜାନେ □

୩୯ ଇତିହ୍ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ଦରୁତି ଆମ୍ବାଆସି ଝାହିମାନେସି, ଏଝାସି ନେହ୍‌ସି, ମୀରୁ ଏ କାତା ଜଲ୍‌ଆ ପାତେକା ନୀଞ୍ଜୁଟିଏ ନାଙ୍ଗେ ଅଡ଼େ ମେସୁଅତେରି □

☆ ୨୩:୩୩ ୨୩:୩୩ ମାତୃ ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗର

୨୪

ମାହାପୁରୁ ଇଲୁ ନସ୍ତୁ ଆନି କାତା
(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହଡ଼ା ହାଜିମାଚାଟି ତାନି ସୀସୁୟାଁ ମାହାପୁରୁ ଇଲୁତି ବାରେ ଇଲକାଣି ତସାଲି ତାନି ତାଣା ଖାଡ଼େରି,
୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ବାରେ ମେସି ହିଲଅଚେରି ? ନାନୁ ମିଙ୍ଗେ ସାତା ଖେସିମାଞ୍ଜାଇ, ଇମ୍ପାଆଁ ମାନି ର ଖାଲି ଅର ଖାଲି ଲାକ ଡ଼ୟେଏ, ଇ ବାରେଏ ମେଣ୍ଡାହାନୁ □”

କସ୍ତୁ ଅଡ଼େ ନିନ୍ଦା ଖାନି କାତା
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟାଁ ମେଣେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ଅଡ଼େ ନୀନୁ ଖାନାୟି ଇଞ୍ଜା ଦୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ଖେସ୍ତାମୁ □”

୪ ଏମ୍ପାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଏନିକ୍ ଆମ୍ପାଆରି ମିଙ୍ଗେ ନାଡ଼ି କିୟଅରି □

୫ ଇଚିହ୍ ହାଡ଼େକା ନା ଦରୁଟି ଖାହାନା ନାନୁ କ୍ରୀସ୍ତଚେଏଁ ଇଞ୍ଜା ଖେସାନା ହାଡ଼େକା ଲକୁଇଁ ନାଡ଼ି କିନେରି □

୬ ଅଡ଼େ ମୀରୁ ଦୁଦୁତି କାତା ଇଞ୍ଜା ଦୁଦୁତା କାଲୁଝି ଆହିମାନି ଲକୁତି ହାଡ଼ା ଖେଞ୍ଜେରି; ଜାଗ୍ରାତା କିଲିବିଲି ଆଆଦୁ □ ଏନାଆଁତାକି ଇଚିହ୍ ଇ ବାରେ ଆନାୟି ମାନେ, ସାମା ଏ କାଲା ଦୁଗୁ ରାନାୟି ଆଏ □

୭ ଇଚିହ୍ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଙ୍ଗନେ, ଇଞ୍ଜା ଆମ୍ପି ଆମ୍ପିୟା କାରୁଝୁ ଆନେ, ଅଡ଼େ ବୁନି ଖୀଡ଼ିନେ □

୮ ସାମା ଇ ବାରେ କକାରି ପଦାୟାଁ ବେଟାଆନାଟି ତଲିଏ ଲୁଞ୍ଜିନି ବୀସାଲେହେଁତାୟି □”

୯ ☆ “ଏଚିବେଲୀତା ଲକୁ ମିଙ୍ଗେ କସ୍ତ ହିୟାଲି ହେରପାନେରି,
ଇଞ୍ଜା ମିଙ୍ଗେ ପାୟାନେରି, ଇଞ୍ଜା ନା ଦରୁ ତାକି ମୀରୁ ବାରେ କୃତାତି
ଲକୁ ତାଣା ଅପାଆ ଗାଟାତେରି ଆଡ଼େରି □

୧୦ ଏଚିବେଲୀ ହାରେକା ଲକୁ ତାମି ନାମୁତି ପିହ୍ନେରି, ଅଡ଼େ
ରଅସି ରଅଣାଇଁ ଆସ୍ତ କିଞ୍ଜି କିନେରି, ଅଡ଼େ ରଅସି ରଅଣାଇଁ
ଅପ୍ତୁ ଆଅରି,

୧୧ ଅଡ଼େ ହାରେକା ମାହାପୁରୁତି ମିଚି ବଲୁ ଝେହ୍ନାରି ନିଙ୍ଗାନା
ହାରେକା ଲକୁଇଁ ନାଡ଼ି କିନେରି,

୧୨ ଅଡ଼େ ଲାଗେଏ ପଲେଏ କାମା ଗାତି ଆଡ଼ିସାରେ, ହାରେକା
ଲକୁତି ତାମି ଜୀଞ୍ଜନନାୟି ଉଣା ଆନେ □

୧୩ ☆ସାମା ଆମ୍ବାଆସି ରାନ୍ତି ପାତେକା ସାସା ଆସାନା ଡ଼ୟିନେସି
ଏଞ୍ଜାସି ଗେଲ୍ପି ଆନେସି □

୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ
ରାଜିତି ଇ ନେହ୍ କାରୁ ବାରେ ଦାର୍ତ୍ତିତା ଝେପ୍ଲିଆନେ, ତାୟୁ
ଦୁଗୁ ରାନେ □”

ନାସାକିନି ଅପାଆଗାଟି କାତା

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲୀ ମାହାପୁରୁ ଅଣ୍ପୁତି ବଲୁ
ଝେହ୍ନି ଦାନିୟେଲ ଝେସ୍ତି କାତାଲେହେଁ ନାସାକିନି ଅପାଆଗାଟି
ଆସ୍ତିସ୍ତି ସୁରୁ ଗାୟୁତା ଇଗାମାନାଣି ମେହ୍ଦେରି” ପଡ଼ୁ ଆନାସି
ଜାଗ୍ରାତା ଆହାନା ପୁଣ୍ଡେସି

୧୬ ଏଚିବେଲୀ ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି
ହରକା ଲାକ ହଣ୍ପାରି;

୧୭ ☆ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ତି
ତାକାହାଜାଲି ରେଚା ଝାଆପେସି;

୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ବୁରି
ଅହାଲି ଝେଣ୍ଡେ ହାଲାଆପେସି □

୧୯ ଏତିବେଲାତା ପୂରାମାସା ଆହାମାନାଇ ଇଞ୍ଜା ପାଲୁ
ଉତ୍ତୁହିମାନାଇ ଆୟତା ଏଞ୍ଜି ଉଣେଏ କସ୍ତ ପାଶ୍ଟୁ,

୨୦ ସାମା ମୀ ହଶନାୟି ପେନି ବେଲାତା କି ଜମିନି ଦିନାତା
ଆଆପେ, ଏଦାଆଁତାକି ପ୍ରାତାନା କିଦୁ □

୨୧ ☆ଇଚିହିଁ ଏତିବେଲାତା ଇଲେତି କସ୍ତ ଆନେ, ମାହାପୁରୁ
ଦାରତିତି ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକିଁ ଆହା
ହିଲେଏ, ଇଞ୍ଜା ଏଲେକିଁ ଏଚେଲାଞ୍ଜା ଆଏ □

୨୨ ଅଡେ ମାହାପୁରୁ ଏ ବେଲାତି ଉଣା କିହା ହିଲାଆତିହିଁମା;
ଦାରତିତା ଆମ୍ବାଆସି ଜିକେଏ ଗେଲ୍ପି ଆଆତେସିମା, ସାମା ତାନି
ଆଡ଼ିତି ଲକୁତାକି ଏ କସ୍ତ ଉଣା କିନେସି □

୨୩ “ଏତିବେଲା, ‘ମେହ୍ତୁ କ୍ରୀସ୍ତ ଇମ୍ବାଆଁ ମାନେସି ଆଆତିଁ
ଏମ୍ବାଆଁ ମାନେସି’ ଇଞ୍ଜିଁ ଆମ୍ବାଆସି ମିଜେ ଏଲେକିହିଁ
ଝେସ୍ତାନେସି ଇଚିହିଁ ଏଦାଆଁ ନାମାଆଦୁ □

୨୪ ଇଚିହିଁ ନାଡ଼ିକିନି କ୍ରୀସ୍ତୟାଁ ଅଡେ ମାହାପୁରୁ ବଲୁ ମିତି
ଝେହ୍ନାରି ନିଜ୍ଜାନା ହାଚେକା କାଜା ସିନା ଅଡେ କାବାଆନି କାମାୟାଁ
ତହ୍ନେରି, ଆଡ଼ିତିହିଁ ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି
□

୨୫ ମେହ୍ତୁ ନାନ୍ତୁ ମିଜେ ତଲିଏ ଝେସାମାଞ୍ଜାଇଁ □”

୨୬ ☆“ଇଦାଆଁତାକି ‘ମେହ୍ତୁ ଏଞ୍ଜାସି ବାଟାତା ମାନେସି’ ଇଞ୍ଜିଁ
ଲକୁ ଝେସ୍ତାତିହିଁ ହାଲାଆଦୁ; ‘ମେହ୍ତୁ ବିତ୍ରା ବାକ୍ରାତା ମାନେସି’
ଇଞ୍ଜିଁ ଝେସ୍ତାତିହିଁ ଏଦାଆଁ ନାମାଆଦୁ □

୨୭ ଇଚିହିଁ ହାଗୁ ମିହ୍ନି ବେଲାତି ଉଜେଡ଼ି ଏନିକିଁ ଝେଡ଼ା ହପୁ
ଞ୍ଜାକିତି ହଚାନା ଝେଡ଼ା କୁଡ଼ିନି ପାତେକା ତଞ୍ଜାଆନେ, ଏଲେଆହିଁଏ
ମାଶ୍ସି ମୀରଏସି ଞ୍ଜାନେସି □”

୨୮ ☆ଏମ୍ବିୟା ମାଡ଼ହା ରିହାମାନେ ଏମ୍ବାଆଁ ରାମ୍ପାୟାଁ ରୁଣ୍ଡା ଆଦୁ
□

ମାଶ୍ସି ମୀରଏସି ଞ୍ଜାନାୟି

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

☆ ୨୪:୨୧ ୨୪:୨୧ ଝେ ବଲୁ ୭:୧୪

☆ ୨୪:୨୭ ୨୪:୨୭ ଲୁକ ୧୭:୨୩,୨୪

☆ ୨୪:୨୮ ୨୪:୨୮ ଲୁକ ୧୭:୩୭

୨୯ ☆ “ସାମା ଏଚିବେଲାତି କସ୍ତୁ ତାୟୁ ଦେବୁଣିଏ ଝେଡ଼ା ଆନ୍ଦେରି ଆନ୍ଦେ, ଅଡ଼େ ଲେଞ୍ଜୁ ଉଜେଡ଼ି ହାଏ, ଅଡ଼େ ହାଗୁଚି ହୁକାୟାଁ ତରଗିନୁ, ଇଞ୍ଜା ହାଗୁ ଲାକତି ବାଡ଼ୟୁ ବାରେ ଝୀତିନେ □

୩୦ ☆ ଏଚିବେଲା ହାଗୁ ଲାକତି ମାଣ୍ଠିସି ମୀରୁଏଣି ସିନା ତଞ୍ଜାଆନ୍ଦେ, ଇଞ୍ଜା ମାଣ୍ଠିସି ମୀରୁଏଣାଇଁ କାଜା ବାଡ଼ୟୁ ଅଡ଼େ ଗାଞ୍ଜୁରମିଗାଚି ଉଜେଡ଼ି ତଲେ ହାଗୁଚି ଦୁୟାଚି ଝାନାଣି ମେସାନା ଦାରତିତି ବାରେ କୁଡ଼ାତି ଲକୁ ହାରେକା ଦୁକୁତଲେ ଡୀନେରି □

୩୧ ଅଡ଼େ ଏଝାସି ତୀତ୍ରି ମହୁରି ହାଡ଼ାତଲେ ତାନି ଦୁଡୁୟାଣି ପାଣ୍ଡିନେସି ଇଞ୍ଜା ଏଝାରି ଦାରତି ମୁଟପେତି ହାନ୍ଦିଟିଏ ହାଗୁଲାକତି ମୁଟପେ ହାନ୍ଦି ପାତେକା ସାରିଝାକିତି ତାନି ଆଡ଼ାମାନି ଲକୁଣି ରୁଣ୍ଡା କିନେରି □”

ତୟା ମାରନ୍ତୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାରନ୍ତୁ ପୁଣ୍ଡି କିନି କାତାଚି ଜାପାଦୁ; ଏଚିବେଲା କମାତା ଆକା ଗାଲ୍‌ନାଣି ମେସିହୁଁ କାରାୟାଁ ଝେଡ଼ା ଝାଡ଼େ ଇଞ୍ଜୁଁ ପୁଞ୍ଜେରି □

୩୩ ଏଲେକିହୁଁଏ ମୀରୁ ଜିକେଏ ଇ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜୁଁ ପୁଞ୍ଜେରି □

୩୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ ବାରେ ଗଟଞ୍ଜି ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡାଅରି □

୩୫ ହାଗୁପାକା ଦାରତି ବାରେ ମେଣ୍ଡାଜିନେ, ସାମା ନା ବଲୁ ଏଚେଲାଝା ମେଣ୍ଡାଜେଏ □”

ଝାନି ଦିନା ଅଡ଼େ ତଣ୍ଡୁତି ଆମ୍ବାଆସି ପୁନଅସି

(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡୁତି କାତା ଆମ୍ବାଆସି ପୁନଅସି, ଲାକପୁରୁତି ଦୁଡୁୟାଁ କି ମୀରୁଏସି ଜିକେଏ ପୁନଅସି, ଝାରଇ ଆଡ଼ାଦେ ପୁନେସି □

☆ ୨୪:୨୯ ୨୪:୨୯ ଝେ ବଲୁ ୬:୧୨; ଝେ ବଲୁ ୬:୧୩ ☆ ୨୪:୩୦ ୨୪:୩୦ ଝେ ବଲୁ ୧:୭

୩୭ ଅଡ଼େ ନହ ବେଲାତା ଏନିକି ଆହାମାତେ, ମାଣ୍ଡି ମୀରୁଏସି
ଝାନି ବେଲାତା ଏଲେକି ଆନେ □

୩୮ ଇଚିହିଁ ଝାରୁ କୁପ୍‌ନି ନକେଏ, ନହ ତଂଗତା ହଡ଼ନି ଦିନା
ପାତେକା ଲକୁ ଏନିକି ତିଞ୍ଜି ଉଣ୍ଡିହିଁ, ବୀହା କିୟାଲି ବୀହା
ହିୟାଲି ହେରାମାଚେରି,

୩୯ ଇଞ୍ଜା କାଜା ପିୟୁତଲେ ଝାରୁ ଝାହାନା କୁପ୍‌ହା ଅନି ପାତେକା
ଏନିକି ଏଝାରି ପୁଞ୍ଜାହିଲାଆତେରି, ମାଣ୍ଡି ମୀରୁଏଶା ଝାନାୟି
ଜିକେଏ ଏଲେଆହିଏ ଆନେ □

୪୦ ଏଚିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଝିଆନେସି
ରଅସି ଏମ୍‌ଆଁ ତୁୟିନେସି □

୪୧ ରୀ ଇୟାସିକା ଜେତାତା ନୂୟିମାନୁ ରଣ୍ଡି ଅଝିଆନେ ଅଡ଼େ
ରଣ୍ଡି ଏମ୍‌ଆଁ ତୁୟିନେ □

୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇଚିହିଁ
ମୀ ପ୍ରୁ ଆମିନି ଦିନା ଝାନେସି, ଏଦାଆଁ ମୀରୁ ପୁଞ୍ଜାହିଲଅତେରି □

୪୩ ☆ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ
ଝାନେସି, ଏଦାଆଁ ସାଝୁକାରି ପୁଞ୍ଜାମାଚିହିଁମା, ଜାଗ୍ରାତା ଆହାନା
ତାନି ଇଲୁତି କାଚି ତୁଡ଼ହାଲି ହୀଆତେସିମା □

୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇଚିହିଁ ଆମିନି
ବେଲାତା ମୀରୁ ଅଣ୍‌ପା ହିଲଅତେରି, ଏ ବେଲାତା ମାଣ୍ଡି ମୀରୁଏସି
ଝାନେସି □

ଟିକାଣା ଗାଟାସି ଅଡ଼େ ଟିକାଣା ହିଲାଆଗାଟି ହଲେଏସି
(ଲୁକ ୧୨:୪୧-୪୮)

୪୫ ସାଝୁକାରି, ତାନି ଇଲୁତି ଲକୁତାକି, ରାନ୍ଦା କାରୁତା ରାନ୍ଦା
ହୀହାଲି, ତାନି ଗୁମୁସ୍ତା ପାଣା ଆମ୍‌ଆରାକି ହୀହାମାନେସି, ଇଲେତି
ନାମୁ ଅଡ଼େ ବୁଦିଗାଟି ଗୁମୁସ୍ତା ଆମ୍‌ଆସି,

୪୬ ପ୍ରୁ ଝାହାନା ତାନି ଆମିନି ହଲେଏଶାଇଁ ଏଲେକିହିଁ
ମାନାଶାଇଁ ମେହନେସି, ଏଝାସି ନେହାସି □

୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଞ୍ଜାସି ଏଞ୍ଜାଶାଇଁ ତାନି
ବାରେ ଦନତି ମୁହେଁ ଗୁମୁସ୍ତା କିନେସି □

୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା
ସାଞ୍ଜୁକାରି ଖାନାୟି ମାନେୟିଏ ଇଞ୍ଜିଁ ତାନି ମନତା ଅଣ୍ପାନା,

୪୯ ଏଞ୍ଜାସି ତାନି ତଲେତି ହଲିୟାଙ୍ଗାଣି ଝେଟିହୁଁ, କାଡ଼ ଗୁହନାରି
ତଲେ ଡିଞ୍ଜିହୁଁ ଗସିହୁଁ ମାନେସି,

୫୦ ଆତିହୁଁ ଆମିନି ନେରୁ ହଲେଏସି କାଡ଼ାହିଲଅସି ଅଡ଼େ ଏମିନି
ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରବୁ ଖାନେସି □

୫୧ ଇଞ୍ଜା ଏଞ୍ଜାଶାଇଁ ରୀ ବାଗା କିହୁଁ ଦାତାନା କୁରୁ ଗାଟାରି
ତଲେ ତାନି ବାଗା କିନେସି; ଏମ୍ବାଆଁ ଡାନାୟି ଅଡ଼େ ପାଲକା ଟାଟି
କିନାୟିମାନେ □

୨୫

ଦସ ଜାଣା ଡାଆ ପଦାୟିତି ପୁଣ୍ଡିକିନି କାତା

୧ ☆ଏଟିବେଲା ଲାକପୁରୁତି ରାଜି ଦସ ଜାଣା ଡାଆ ପଦାୟି
ଲେହେଁ ଆନେ; ଏଞ୍ଜି ତାନି ଦୀଞ୍ଜିୟା ଆସାନା ବାହା ହନେଏଶାଇଁ
ବେଟାଆହାଲି ହାରୁ □

୨ ଏଞ୍ଜାସିକା ବିଡ଼ା ପାସା ଜାଣା ବୁଦି ହିଲାଆଗାଟାଇ ଇଞ୍ଜା ପାସା
ଜାଣା ବୁଦି ଗାଟାଇ ମାରୁ □

୩ ବୁଦି ହିଲାଆଗାଟାଇ ତାନି ଦୀଞ୍ଜିୟା ଅତୁ ସାମା ଏଟକା ନିୟୁଁ
ଅଆଡୁ,

୪ ସାମା ବୁଦି ଗାଟାଇ ତାନି ଦୀଞ୍ଜିୟା ତଲେ ଗାଜୁତା ନିୟୁଁ ଅହୁଁ
ହାରୁ □

୫ ବାହା ହନେଏସି ଖାନାୟି ଝେଡ଼ା ଆୟାଲିଏ, ବାରେଜାଣା କଟଣି
ହଡ଼ିହୁଁ ତୁରାତୁସ୍ତୁ □

୬ ସାମା ମାଦି ଲାଆୟି ମେହ୍ତୁ ବାହା ଦାଂଗ୍‌ଶେଏସି
ଞ୍ଜାହିମାନେସି, ବେଟାଆହାଲି ଖାଦୁ ଇଞ୍ଜିଁ ରକାଜା ହାଡ଼ା ଆଡେ □

୭ ଏମ୍ବାଟିଏ ଡାଆସିକା ନିଙ୍ଗାନା ତାନି ଦୀଞ୍ଜିୟା ପ୍ରଡ଼ୁ □

୮ ସାମା ବୁଦି ହିଲୀଆଗାଟାଇ ବୁଦିଗାଟି ଡାଆସିକାଣି ଏଲେଇରୁ, ମୀ ନିୟୁଁ ଇଚାଣି ଲାକା ମାଙ୍ଗେ ହିୟାବୁ, ଇଚିହିଁ ମା ଦାଝିୟା ତୁମ୍ବାହାଜିମାନୁ □

୯ ସାମା ବୁଦିଗାଟାଇ ଏଲେଇରୁ, ଆଏ ମିଙ୍ଗେ ଅଡେ ମାଙ୍ଗେତାକି ନିୟୁଁ ଏଦେଏ, ବାଜାରାତା ହାଜାନା ମିଙ୍ଗେତାକି ନିୟୁଁ କତା ତାବୁ □

୧୦ ସାମା ଏଝି ନିୟୁଁ କତାଲି ହାଜିମାଚାଟି ହନେଏସି ଝାଡେସି; ଇଞ୍ଜା ଆମିନି ଗାଟାଇ ତିୟାରା ଆହାନା କାଚାମାରୁ, ଏଝି ହନେଏଣା ତଲେ ବାହା ବଜି ଇଲୁତା ହରୁ, ଅଡେ ଦାରା ସୁଣ୍ଡିତେରି □

୧୧ ✱ଏଚେଟିଏ ଡାୟୁ ଅର ଡାଆ ପଦାୟା ଜିକେଏ ଝାହାନା ଏଲେଇରୁ, ଏ ପ୍ରବୁ ଏ ପ୍ରବୁ ମାଙ୍ଗେତାକି ଦାରା ଦେତାମୁ ଇଞ୍ଜା ହାଟିତୁ □

୧୨ ଏଚେଟିଏ ବାହା ହନେଏସି ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନାନୁ ମିଙ୍ଗେ ପୁଞ୍ଜାମାଞ୍ଜଅଁ □”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି □

ତାନି ଜାଣା ହଲିୟାଙ୍ଗାତି ପୁଣ୍ଡିକିନି କାତା (ଲୁକ ୧୯:୧୧-୨୭)

୧୪ ✱ଲାକପୁରୁ ରାଜି ଇଲେତାୟି, ଇଚିହିଁ ହେକ ରାଜି ହାଜିମାନି ର ମାଣ୍ଡସି, ଏଝାସି ତାନି ହଲିୟାଙ୍ଗାଣି ହାଚାନା ତାନି ଦନ୍ତତି ହେରପିଡେସି □

୧୫ ଏଝାସି ରଅଣାକି ପାସାମାଣା, ଅଡେ ରଅଣାକି ରୀ ମାଣା, ଇଞ୍ଜା ଅଡେ ରଅଣାକି ର ମାଣା ଇଲେକିହିଁ ବାରେତାକି ତାନି ଆଡିନି ବାଡୁୟୁ ତଲେ ହାହାନା ହେକ ରାଜିତା ହାଚେସି □

୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଝାସି ଏଝାଆଁ ଅହାନା ବେବାରା କିହାନା ଅଡେ ପାସାମାଣା ଲାବା କିଡେସି □

୧୭ ଏଲେକିହିଁ ଏ ଆମିନିଗାଟାସି ରୀ ମାଣା ବେଟା ଆହାମାଚାସି ଏଝାସି ଜିକେଏ, ଅଡେ ରୀ ମାଣା ଲାବା କିଡେସି □

୧୮ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଝାସି ହାଜାନା ବୁମି କାରହାନା ତାନି ସାଝୁକାରି ଟାକାୟାଣି ମୁସାନା ଡୁକୁହା ଇଚିତେସି □

୧୯ ହାରେକା ଦିନା ହାଚି ତାୟୁ ଏ ହଲିୟାଙ୍ଗାତି ସାଝୁକାରି ଝାହାନା, ଏଝାରିତଲେ ଲେକା କିତେସି □

୨୦ ଅଡେ ଆମିନିଗାଟାସି ପାସାମାଣା ବେଟା ଆହାମାଚେସି, ଏଝାସି ଅଡେ ପାସାମାଣା ତାତାନା ଏଲେଇଚେସି, ପ୍ରବୁ ନୀନୁ ନାଙ୍ଗେ ପାସାମାଣା ହାହାମାଞ୍ଜାତି; ମେହ୍ମୁ ନୀନୁ ଅଡେ ପାସାମାଣା ଲାବା କିହାମାଇଁ □

୨୧ ତାନି ସାଝୁକାରି ତାଙ୍ଗେ ଏଲେଇଚେସି, ଆୟାଲେତା ନେହ୍ ଟିକାଣାଗାଟି ହଲେଏଣାତି, ନୀନୁ ଉଣା କାମାତା ନୀନୁ ଗାଟାତି ଆହାମାଞ୍ଜି, ନୀନୁ ନିଙ୍ଗ ହାରେକା କାଜା କାମାତା ହେରପାଇଁ, ନୀନୁ ନା ତଲେ ରାହାଁ କିହାଲି ଝାମୁ □

୨୨ ଅଡେ ଆମିନିଗାଟାସି ରୀ ମାଣା ବେଟା ଆହାମାଚେସି, ଏଝାସି ଜିକେଏ ଝାହାନା ଏଲେଇଚେସି, ଏ ପ୍ରବୁ ନୀନୁ ନାଙ୍ଗେ ରୀ ମାଣା ହାହାମାଞ୍ଜାତି; ମେହ୍ମୁ ନୀନୁ ଅଡେ ରୀ ମାଣା ଲାବା କିହାମାଇଁ □

୨୩ ତାନି ସାଝୁକାରି ଏଝାଣାଇଁ ଜିକେଏ ଏଲେଇଚେସି, ଆୟାଲେତା ନେହ୍ ଇଞ୍ଜା ଟିକାଣାଗାଟି ହଲେଏଣାତି, ନୀନୁ ଉଣା କାମାତା ନୀନୁ ଗାଟାତି ଆହାମାଞ୍ଜି, ନୀନୁ ନିଙ୍ଗ ହାରେକା କାଜା କାମାତା ହେରପାଇଁ, ନୀନୁ ନା ତଲେ ରାହାଁ କିହାଲି ଝାମୁ □

୨୪ ତାୟୁ ର ମାଣା ଟାକାୟାଁ ଅହାମାଚି ହଲେଏସି ଏଲେଇଚେସି, ସାଝୁକାରି, ନୀନୁ ପୁଞ୍ଜାମାଇଁ, ନୀନୁ ର ଆଟ୍‌ଝା ହିୟାଁ ଗାଟାତି □ ମାଟାଆତି ବୁମିତା ନୀନୁ ଦାଝାଆନାତି □ ବିଚା ମାଟାଆନା ଆନାଁ କୁଡ଼ି କିନାତି □

୨୫ ଏଦାଆଁତାକି ଆଜାହାଁ ନୀନୁ ନୀ ଟାକାୟାଁଣି ବୁମିତା ମୁସାନା ଡୁକୁହା ଇଚିତେସି; ମେହ୍ମୁ ନୀ ଦନ ନୀନୁ ବେଟାଆଡ଼ି □

୨୬ ସାମା ତାନି ସାଝୁକାରି ଏଝାଣାଇଁ ଏଲେଇଚେସି, ଆଡେ ଲାଗେଏ ଅଡେ ନିସୁଗାଟି ହଲେଏଣାତି, ନୀନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଝାଆନାତେସି, ଇଞ୍ଜା ଆମ୍ବିୟା ଆନାଁ ଉପହା ହିଲଅଁ ଏମ୍ବାଆଁ କୁଡ଼ି କିନାତେସି, ଇଦାଆଁ ନୀନୁ ପୁଞ୍ଜାମାଚି ?

୨୭ ଆତିହୁଁ ବେବାରା କିନାରି ତାଣା ନା ଟାକାୟାଁ ନୀନୁ
ଇଚିନାୟି ମାତେ; ଆତିହୁଁ ନାନୁ ଖାହାନା ଅତିତଲେ ନା ଦନ ନାନୁ
ବେଟାଆତେର୍ସମା □

୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟାଁ ଅହାନା ଆମିନି
ଗାଟାଣାକି ଦସ ମାଣା ମାନୁ ଏଞ୍ଜାଣାକି ହୀଦୁ □

୨୯ ଇଚିହୁଁ ଆମ୍ବାଆରାକି ମାନୁ, ଏଞ୍ଜାଣାକି ହୀଦକିଆନେ, ଇଞ୍ଜା
ଏଞ୍ଜାଣିଞ୍ଜାୟି ହାରେକା ଗାଡିଆନେ; ସାମା ଆମ୍ବାଆରି ତାଣା ହିଲେଏ,
ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି
ଅଞ୍ଜିଆନେ □

୩୦ ☆ଅଡେ ମୀରୁ ଇ କାମା କିଆଗାଟି ହଲେଏଣାଲ୍ ପାଙ୍ଗାତି
ଆନ୍ଦେରିତା ମେଡହା ତୁହୁଦୁ, ଏମ୍ବାଆଁ ଡ଼ାହୁଁ ପାଲ୍‌କା ଟୀଟି କିନେସି
□

ରାନି ବେଲାତି ନୀହାୟି

୩୧ ☆ମାଣସି ମୀରୁଏସି ଏଚିବେଲା ବାରେ ଦୁଡୁୟାଁ ତଲେ ତାନି
କାଜାପାଣାଟି ଖାନ୍ଦେସି, ଏଚିବେଲା ଏଞ୍ଜାସି ତାନି ଗାଞ୍ଜୁରମିଗାଟି
ସିଂଗାସାଣିତା କୁଗିନେସି,

୩୨ ଇଞ୍ଜା ତାନି ନକିତା ବାରେ କୁଡ଼ାତି ଲକୁଣି କୁଡ଼ି କିଞ୍ଜିଆନେ,
ଇଞ୍ଜା ମେଣ୍ଡାୟାଁ ଗଡ଼ ଏନିକ୍ ଗରିୟାଁ ତାଣାଟି ମେଣ୍ଡାୟାଁଣି ଏଟ୍‌କା
କିନେସି, ଏଲେକିହୁଁ ଏଞ୍ଜାସି ଏଞ୍ଜାରାଲ୍ ଏଟ୍‌କା କିହାନା,

୩୩ ମେଣ୍ଡାୟାଁଣି ତାନି ଚିଃନି ଟଟତା ଇଞ୍ଜା ଗରିୟାଁଣି ତାନି ଚେବୁ
ଟଟତା ଇଚିନେସି □

୩୪ ଏଚିବେଲା ରାଜା ତାନି ଚିଃନି ଟଟତି ଲକୁଣି ଏଲେଇନେସି,
ଞ୍ଜାଦୁ ନା ଆବାତି ବର ବେଟା ଆନାତେରି, ମିଙ୍ଗେତାକି ଦାରୁତି ଗାଡ଼ି
ଆଡ଼ି ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ ଏମ୍ବାତି ଅଦିକାରା
ଆଦୁ □

୩୫ ଇଚିହୁଁ ନାନୁ ହାକିଟି ମାଚେର୍ସ, ମୀରୁ ନାଙ୍ଗେ ତିଞ୍ଜାଲି
ହିୟାତେରି; ଏସ୍‌କିଟି ମାଚେର୍ସ, ନାଙ୍ଗେ ଗସାଲି ଏୟୁ ହିୟାତେରି;
ଏଟ୍‌କା ମାଚେର୍ସ ନାଙ୍ଗେ ଆଟ୍‌ହାତେରି;

☆ ୨୫:୩୦ ୨୫:୩୦ ମାତୃ ୮:୧୨; ୨୨:୧୩; ଲୁକ ୧୩:୨୮ ☆ ୨୫:୩୧ ୨୫:୩୧ ମାତୃ
୧୭:୨୭; ମାତୃ ୧୯:୨୮

୩୬ ନାଗ୍ରଡ଼ାଟି ମାଚେଏଁ ନାଙ୍ଗେ ହିମ୍ବରି ହୁଟି କିୟାତେରି; ନଫେରି ମାଚେଏଁ ନାଙ୍ଗେ କେରହାତେରି; କାୟିଦିତା ମାଚେଏଁ ନାଙ୍ଗେ ବେଟି ଖାଡ଼ତେରି □

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଣାଇଁ ଏଲେଇନେରି, ଏ ପ୍ରବୁ ଏଚେଲା ହାକିଟି ମାନାଣି ମେସାନା ନିଙ୍ଗେ ତିଞ୍ଜାଲି ହିୟାତମି ? ଏଚେଲା ଏସ୍‌କି ଆଡ଼ାଣି ମେସାନା ଏୟୁ ହିୟାତମି ?

୩୮ ଅଡ଼େ ଏଚେଲା ଏଟ୍‌କା ମାଚାଣି ମେସାନା ଆଟ୍‌ହାତମି ? ଏଚେଲା ନାଗ୍ରଡ଼ା ମେସାନା ହିମ୍ବରି ହୁଟି କିୟାତମି ?

୩୯ ଅଡ଼େ ଏଚେଲା ନଫେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଡ଼ମି ?

୪୦ ଇଞ୍ଜା ରାଜା ଏଞ୍ଜାରାଇଁ ଏଲେଇନେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ନା ଇ ଡ଼ଣା ତାୟିୟାଁଇଁ ରଥଣାଇଁ ଏନାଆଁ କିହାମାଞ୍ଜେରି ଏ ବାରେ ନାଙ୍ଗେତାକି କିହାମାଞ୍ଜାଦେରି □

୪୧ ଏମ୍ବାଟିଏ ତାନି ଟେବୁ ଦାରିତି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୁତୁୟାଁକି କିହାମାନି କାଲାକାଲା ଡ଼ାଞ୍ଜିମାନି ହିରୁ ଗାଡ଼ୟୁତା ହାଜୁ □

୪୨ ଇଟିହିଁ ନାନୁ ହାକିଟି ମାଚେଏଁ ନାଙ୍ଗେ ତିଞ୍ଜାଲି ହିୟାଆତେରି; ଏସ୍‌କିଟି ମାଚେଏଁ ନାଙ୍ଗେ ଗସାଲି ଏୟୁ ହିୟାଆତେରି;

୪୩ ଏଟ୍‌କା ମାଚାଟି ନାଙ୍ଗେ ଆଟ୍‌ହାଆତେରି; ନାଗ୍ରଡ଼ା ମାଚାଟି ନାଙ୍ଗେ ହିମ୍ବରି ହୁଟି କିୟାଆତେରି; ନଫେରି ଇଞ୍ଜା କାୟିଦିତା ମାଚାଟି ନାଙ୍ଗେ କେରହାଆତେରି □

୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାମୁ ନିଙ୍ଗେ ହାକି କି ଏସ୍‌କି, ଏଟ୍‌କା କି ନାଗ୍ରଡ଼ା, ନଫେରି କି କାୟିଦିତା ମାନାଣି ମେସାନା ନିଙ୍ଗେ ସେବା କିୟାଆତମି ?

୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇନେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା ଇ ଡ଼ଣା ଲକୁ ବିତ୍ରାଟି ରଥଣାଇଁ କିହାହିଲିଆକି ନାଙ୍ଗେ କିହାମାଞ୍ଜାତେରି □

୪୬ ଅଡ଼େ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତାରିଗାଟାରି କାଲାକାଲାତି ଜୀଝୁ ବେଟାଆନେରି □”

୨୭

ଜୀସୁ କପାଟି ପାରୁ ପାରିନାହି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

^୧ ଜୀସୁ ଈ ବାରେ କାତା ରାପ୍ତହାନା ତାନି ସୀସୁୟାଁଇଁ ଏଲେଇଚେସି,

^୨ “ରୀଇନି ଜେଚ ପିସପିଆନି ପାରୁଁ ଆନେ, ଈଦାଆଁ ମୀରୁ ପୁଞ୍ଜାମାଞ୍ଜେରି, ଈଞ୍ଜା ମାଣ୍ଠିସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି □”

^୩ ଏଚିବେଲ୍ଲାତା କାଜା ପୁଜେରାଜା ଅଡ଼େ ଲକୁଡି କାଜାରି କୟାପା ଦରୁଗାଟି କାଜା ପୁଜେରା ଆଂଗେଣିତା ରୁଣ୍ଡା ଆଡ଼େରି,

^୪ ଅଡ଼େ ଜୀସୁଇଁ ଆସାନା ପାୟାଲି ପାରୁ ପାରିଚେରି;

^୫ ସାମା ଏଞ୍ଜାରି ଏଲେଇଚେରି, “ପାରୁଁ ବେଲ୍ଲାତା ଆଏ ଈଚିହିଁ ଏଚେତା ଲକୁ ଗଡ଼ହା କିନେରି □”

ବେତନିୟାଁତା ଜୀସୁ ତାୟଁତୁ ନିୟୁଁ ଖାକ୍ନାହି

(ମାର୍କ ୧୪:୩-୯; ଜହ ୧୨:୧୮)

^୬ ଜୀସୁ ବେତନିୟାଁତା କାଜା ରଗଗାଟି ସିମନ ଈଜ ତିଞ୍ଜାଲି କୁଗାମାଗାଟି,

^୭ *ର ଈୟା ର ଗାଜୁତା ହାରେକା ଦାରାଗାଟି ଗାନ୍ଧା ନିୟୁଁ ତାତାନା ଜୀସୁ ତାୟଁତୁ ଖାକ୍ନେହି □

^୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁଁ ?

^୯ ଈଦାଆଁ ହାରେକା ଟାକାୟାଁତାକି ପାରପି ଆହାନା କାକୁଲି ଗାଗରାକି ହିୟାଲି ଆଡ଼େମା □”

^{୧୦} ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଈୟାନି ଏନାଆଁତାକି କସ୍ତ ହାହିମାଞ୍ଜେରି ? ଏଡ଼ି ନାଜେତାକି ହାରେକା ନେହିଁ କାମା କିହାମାନେ □

^{୧୧} କାକୁଲି ଗାଗାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ □

* ୨୭:୭ ୨୭:୭ ଲୁକ ୭:୩୭,୩୮

୧୭ ଇଞ୍ଜା ଏଦି ନା ଆଙ୍ଗାତା ନକେଏ ନିହୁଁ ଖାକ୍‌ହାନା ମୁସାଲି ତାକି ନକେଏ ତିୟାରା କିହିମାନେ □

୧୩ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେ ଦାର୍‌ତିତା ଆମିନି ଟାୟୁତା ଇ ନେହଁ କାରୁ ଝେପ୍‌କି ଆନେ, ଏମ୍‌ଆଁ ଏ ଇୟାନି ଅଣ୍‌ପାଲି ଏଦାନି ଇ କାମା ଜିକେଏ ଝେସ୍‌ପି ଆନେ □”

ଜୀହୁଦା ଜୀସୁଇଁ ଆସ୍‌ପି କିହାଲି ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏତିବେଲା ବାରଜାଣା ବିତ୍ରାଟି ଇସ୍‌ପାରିୟତ ଜୀହୁଦା ଦରୁଗାଟାସି କାଜା ପୁଜେରାଙ୍ଗା ତାଣା ହାଜାନା ଏଲେଇଚେସି,

୧୫ “ନାଙ୍ଗେ ଏନାଆଁ ହିୟାଦେରି ଝେସ୍‌ପାଦୁ ? ନାନୁ ଜୀସୁଇଁ ଆସ୍‌ପି କିୟାଇଁ □” ଏମ୍‌ପାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଟାକାୟାଁ ଏଜିକିହାନା ହାତେରି □

୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେର୍‌ପାଲି ତାକି ପାରୁ ପାରାଲି ମାଟ୍‌ହେସି □

ଜୀସୁ ଅଡେ ସୀସୁୟାଁ ପିସ୍‌ପିଆନି ପାରୁଁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି ତିନି ପାରୁଁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଝେଚେରି, “ମାମ୍‌ଆମିନି ଟାୟୁତା ନିଙ୍ଗେତାକି ପିସ୍‌ପିଆନି ପାରୁଁତି ବଜି କିନମି ଇଞ୍ଜଁ ନାନୁ ଅଣ୍‌ପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଝେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍‌ପିଆନି ପାରୁଁତି ବଜି କିନମି □”

୧୯ ଏମ୍‌ପାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସ୍‌ପିଆନି ପାରୁଁତି ବଜି କିତେରି □

୨୦ ତାୟୁ ମିଡ଼ଅଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁଗିତେସି □

୨୧ ଏଞ୍ଜେଲ ତିଞ୍ଜିମାଟି ବେଲାତା ଜୀସୁ ଏଲେଇରେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେର୍ପାନେସି □”

୨୨ ଏମ୍ବାଟିଏ ଏଞ୍ଜେଲ ହାରେକା ଦୁକୁ ଆହାନା ରଅ ରଅସି ଜୀସୁଇଁ ଖେରେରି, “ଏ ପ୍ରବୁ ଏଞ୍ଜେଲେଏଁ ନାନୁ କି ?”

୨୩ ଜୀସୁ ଏଲେଇରେସି, “ନା ତଲେ ଆମ୍ବାଆସି ସାତୁଞ୍ଜାତା କେୟୁ ପାରୁକି ମାନେସି, ଏଞ୍ଜେଲ ନାଙ୍ଗେ ସାତୁୟାଁ କେୟୁତା ହେର୍ପାନେସି □

୨୪ ମାଣ୍ଡସି ମୀରୁଏଣି କାତା ଏନିକିଁ ରାସୁକି ଆହାମାନେ ଏଲେକିଁ କିହିମାନେସି ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେର୍ପି ଆହିମାନେସି, ଆୟତା ଏରେକା ଡଣ୍ଡ ବେଟା ଆନେସି; ଏଞ୍ଜେଲ ଜାର୍ନା ଆହାହିଲାଆତିହିଁ ଏଞ୍ଜେଲାକି ନେହେଁ ଆଡେମା □”

୨୫ ଏରେଟିଏ ଆମିନି ଜୀହୁଦା, ସାତୁୟାଁ କେୟୁତା ହେର୍ପିତେସି, ଏଞ୍ଜେଲ ଏଲେଇଞ୍ଜି ଇରେସି, “ଏ ଗୁରୁ ଏଞ୍ଜେଲେଏଁ ନାନୁ କି ?”

ଜୀସୁ ଏଞ୍ଜେଲାଇଁ ଏଲେଇରେସି, “ନୀନୁତ ଏଲେ ଇଞ୍ଜିମାଞ୍ଜି □”

ପ୍ରବୁତି ବକ୍ତି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡେ ଏଞ୍ଜେଲ ତିଞ୍ଜିମାଟି ବେଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ତ୍ରିକହାନା ସୀସୁୟାଁକି ହୀହାନା ଏଲେଇରେସି, “ଇଦାଆଁ ଅଦୁ ଇଞ୍ଜା ତିଞ୍ଜୁ ଇଦି ନା ଆଙ୍ଗା □”

୨୭ ଅଡେ ଏଞ୍ଜେଲ ଗହୁନି ସଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସୀସୁୟାଁକି ହୀହାନା ଏଲେଇରେସି; “ଇଦାଆଁ ବାରେତେରି ଗହଦୁ”

୨୮ “ଇତିହିଁ ଆମିନି ନେତେରିତି ରାଜିମାନା ହାରେକା ଲକୁତାକି ପାପୁତି ମେକ୍‌ହାଲି ଖାକ୍‌ହାମାନି ଇଦି ଏ ନା ନେତେରି □

୨୯ ସାମା ନାନୁ ନିଜେ ଝେସିମାଞ୍ଜାଇଁ, ଆମିନି ଦିନା ନା ଆବାତି ରାଜିତା ମୀ ତଲେ ପୁଃନି ଅଜୁରି ରାସା ଗହଆ ପାତେକା ନୀଞ୍ଜୁଟିଏ ଏଚେଲାଞ୍ଜା ଅଜୁରି ରାସା ଗହଅଁ □”

୩୦ ଅଡ଼େ ଏଞ୍ଜାରି ଜହରା ପାରୁ ପାଟିତି ତାୟୁ ଜୀତ ହରୁତା ହଡ଼ା ହାଚେରି □

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଝେହ୍ନାୟି
(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏଚିଚେଲା ଜୀସୁ ଏଞ୍ଜାରାଇଁ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେଚେରି ନାଜେ ପିସାନା ହାଜାଦେରି, ଇଚିହ୍ନି ରାସ୍‌କି ଆହାମାନେ, ନାନୁ ମେଣ୍ଡାୟାଁ ଗଡ଼ୁଁ ଝେଇଁ ଅଡ଼େ ମାନ୍ଦାତି ମେଣ୍ଡାୟାଁ ଆଲାରା ଆହାହାନୁ □

୩୨ ☆ସାମା ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଇଁ □”

୩୩ ସାମା ପିତର ଜୀସୁଇଁ ଏଲେଇଚେସି, “ବାରେଜାଣା ନିଜେ ପିସାତିହ୍ନି ଜିକେଏ, ନାନୁ କଡ଼େ ନିଜେ ଏଚେଲାଞ୍ଜା ପିସୁଅଁ □”

୩୪ ଜୀସୁ ପିତରଇଁ ଏଲେଇଚେସି, “ନାନୁ ନିଜେ ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଶାଆ ନକେଏ ନାନୁ ନାଜେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜିଁ ଝେହ୍ନି □”

୩୫ ପିତର ଏଞ୍ଜାଣାଇଁ ଏଲେଇଚେସି, “ନାନୁ ନୀ ତଲେ ହାହାଲି ଆତି ଜିକେଏ ନାନୁ ନିଜେ ଏଚେଲା ପୁଞ୍ଜାହିଲଅଁ ଇଞ୍ଜିଁ ଇନଅଁ!” ଇଞ୍ଜା ବାରେ ସୀସୁୟାଁ ଜିକେଏ ଏଲେଇଚେରି □

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଗାୟୁତା ହାଜାନା ଏଞ୍ଜାରାଇଁ ଏଲେଇଚେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ □”

୩୭ ଅଡ଼େ ଏଝାସି ପିତର ଇଞ୍ଜା ଜେବଦିତି ରୀ ମୀରକାଣି ଅହାନା ହିୟାତା କିଲିବିଲି ଆଡ଼େସି,

୩୮ ଇଞ୍ଜା ଏଚିବେଲା ଏଝାରାଇଁ ଏଲେଇଚେସି, “ନା ଜୀଝୁ ହାନିଲେହେଁ ହାରେକା କିଲିବିଲି ହଚି ମାଞ୍ଜାନେ, ମୀରୁ ଇମ୍ପାଆଁ ତୁୟାନା ନା ତଲେ କାଚିହୁଁ ମାଞ୍ଜୁ □”

୩୯ ଇଞ୍ଜା ଏଝାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହୁଁ ଏଲେଇଚେସି, “ଏ ନା ଆବା ଆତିହୁଁ ଇ ନା ଦୁକୁ କସ୍ତଗାଟି ସଲୀତି ହେକ କିମୁ; ସାମା ନା ମନ କଡ଼େ ଆଏ ନୀ କାତେଏ ଆପେ □”

୪୦ ଅଡ଼େ ଏଝାସି ସୀସୁୟାତାଣା ଝାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇଚେସି, “ମୀରୁ ନା ତଲେ ଗାଡ଼େକା ଜିକେଏ କାଚାଲି ଆଡ଼ାଆତେରି ?

୪୧ ପାନ୍ଦାତା ଏନିକିଁ ହେରଅଡ଼େରି, ଏଦାଆଁତାକି କାଚାହାଁ ପ୍ରାତାନା କିହିହୁଁ ମାଞ୍ଜୁ; ଇଚିହୁଁ ମନ ମାନେ ସାମା ଆଙ୍ଗାତା ବାଡ଼ୁୟା ହିଲେଏ □”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହୁଁ ଏଲେଇଚେସି, “ଏ ନା ଆବା ଇ ନା ଦୁକୁ କସ୍ତଗାଟି ସଲୀ ନା ତାଣାଟି ହେକ ଆହାଲି ଆଡ଼ାଆତି, ନାନୁ ଏଦାଆଁ ଗହୁଁ ନା ମନ କଡ଼େ ଆଏ ନୀ କାତେଏ ଆପେ □”

୪୩ ଅଡ଼େ ଏଝାସି ଝାହାନା ଏଝାରାଇଁ ଇଦା କିହାମାନାଣି ମେସ୍ତେସି; ଇଚିହୁଁ ଏଝାରି କଟଣି ହଚି ମାଚେରି □

୪୪ ଏମ୍ପାଟିଏ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ହାଜାନା ଅଡ଼େ ଏ ପ୍ରାତାନା ତାନିପାଲି ତାକି କିଡେସି □

୪୫ ତାୟୁ ସୀସୁୟା ତାଣା ଝାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହୁଁ ମାଣ୍ଡି ମୀରଏସି ପାପୁ ଗାଟାରି ତାଣା ହେରପି ଆନିବେଲା ଏଦାତେୟିଏ □

୪୬ ନିଙ୍ଗାଦୁ ମାର ହାନ, ଇଞ୍ଜା ମେହ୍ତୁ ଆମ୍ପାଆସି ନାଜେ ସାତୁୟା କେୟୁତା ହେରପାନେସି, ଏଝାସି ତାଗେ ଝାଡ଼େସିଏ □”

ଜୀସୁଇଁ ସାତୁୟା କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ୱେସିମାଟି ଦେଲାତା, ମେହ୍ଦୁ, ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଝାଣିତଲେ କାଜା ପୂଜେରାଜା ଅଡେ ଲକୁଡି କାଜାରି ତାଣାଟି ପାଣ୍ଡୁଝିଆହାମାନି ହାରେକା ଲକୁ କାଣ୍ଡାୟାଁ ଅଡେ ବାଡ଼ଗାୟାଁ ଆସାନା ୱାଡେରି □

୪୮ ଜୀସୁଇଁ ସାତୁୟାଁ କେୟୁତା ହେର୍ପିନାସି ଏଝାରାଇଁ ଇ ସିନା ୱେସାମାରେସି, “ନାନୁ ଆମ୍ବାଆରାଇଁ ନଶ୍ଟିଇଁ ଏଝାସିଏ ଏଝାସି, ଏଝାଣାଇଁ ଆହ୍‌ଦେରି □”

୪୯ ଇଞ୍ଜା ଏଝାସି ଏ ଦେବୁଣିଏ ଜୀସୁ ତାଣା ୱାହାନା, “ଏ ଗୁରୁ ଜହରା ଇରେସି” ଅଡେ ଏଝାଣାଇଁ ହାରେକା ନଶ୍ଟିଡେସି □

୫୦ ସାମା ଜୀସୁ ଏଝାଣାଇଁ ଏଲେଇରେସି, “ଏ ତଡ଼ଣ ଏନାଆଁ କିହାଲି ୱାହାମାଞ୍ଜି ଏନାଆଁ କିମୁ □”

ଏମ୍ବାଟିଏ ଏଝାରି ତାଗେ ୱାହାନା ଜୀସୁଇଁ ଆସ୍ତେରି □

୫୧ ଅଡେ ମେହ୍ଦୁ, ଜୀସୁତଲେ ମାତାରି ବିତ୍ରାଟି ରଅସି କାଣ୍ଡା ହପ୍‌ହେସି ଇଞ୍ଜା କାଜା ପୂଜେରା ହଲେଏଣାଇଁ କିୟୁଁ ରାଡ଼ହେସି □

୫୨ ଏମ୍ବାଟିଏ ଜୀସୁ ଏଝାଣାଇଁ ଏଲେଇରେସି, “ନୀ କାଣ୍ଡା ୱେଣ୍ଡେ ନୀ ପାଡ଼କାତା ଇଟାମ୍, ଇତିହଁ ଆମ୍ବାଆରି କାଣ୍ଡା ଆହ୍‌ନେରି ଏଝାରି କାଣ୍ଡା ତଲେଏ ହାନେରି □

୫୩ ନାନୁ ଏନାଆଁ ଅଣ୍ଡିମାଞ୍ଜି, ନାନୁ ନା ଆବାଇଁ ବାଡ଼ିମାଲିଡିହଁ ଇ ଦେବୁଣିଏ ବାର ଗଟି ରିଜାରି କସ୍କା କିହଁ ହାରେକା ଦୂତୁୟାଁଇଁ ପାଣ୍ଡୁଅସି ?”

୫୪ ଇତିହଁ ଇଲେକଁ ସାତେଏ ଆନେ ଇଞ୍ଜାମାନି ଦାମ୍‌ ପଡ଼ିଡି କାତା ଏନିକଁ ସାତା ଆନେ ?

୫୫ ☆ଏରେଟିଏ ଜୀସୁ ମାନ୍ଦା ଲକୁଣି ଏଲେଇରେସି, ତଂଗା ଗାଟାରାଇଁ ଆହ୍‌ନିଲେହେଁ କାଣ୍ଡାୟାଁ ଅଡେ ଟେଙ୍ଗାୟାଁ ଆସାନା ମୀରୁ ନାଜେ ଆସାଲି ୱାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପ୍‌ହି ମାରେଏଁ, ସାମା ମୀରୁ ନାଜେ ଆସ୍ତାଆତେରି □

୫୬ ସାମା ମାହାପୁରୁ ଅଣ୍ଟପୁଡ଼ି ବଲୁ ଖେହନାରି ରାଡ଼ିତି ସାସ୍ତେରି କାତା ଏନିକି ସାତା ଆନେ, ଏଦାଆଁତାକି ଇ ବାରେ ଆହିମାନେ □ ଏଚିବେଲା ବାରେଜାଣା ସୀସୁୟାଁ ଏଞ୍ଜାଣାଇଁ ପିସାନା ହଟାତୁସ୍ତେରି □

ବେରଣିମାଣ୍ଡାତା ଜୀସୁତି ନୀହାଁୟି

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୭୧; ଜହ ୧୮:୧୩-୧୪, ୧୯-୨୪)

୫୭ ତାୟୁ ଏନିନିଗାଗାରି ଜୀସୁଇଁ ଆସାମାଚେରି, ଏଞ୍ଜାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡେରି; ଏ ଗାୟୁତା ମେରାପୁନାରି ଅଡେ ଲକୁଡ଼ି କାଜାରି ରୁଣ୍ଡା ଆହାମାଚେରି □

୫୮ ସାମା ପିତର ହେକ ଡୟାନା କାଜା ପୂଜେରା ଆଂଗେଣି ପାତେକା ଏଞ୍ଜାରି ଜେଟ ହାଚେସି, ଇଞ୍ଜା ତାୟୁ ଏନି ଆନେ, ଏଦାଆଁ ସିନିକିହାଲି ଏଞ୍ଜାସି ବିତ୍ରା ହାଜାନା ଜାମାନାଙ୍ଗା ତଲେ କୁଗାମାଚେସି □

୫୯ ଏମ୍ବାଟିଏ କାଜା ପୂଜେରାଙ୍ଗା ଅଡେ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଞ୍ଜାଣି କପାଟି ମିତି ସାକିୟାଁ ପାରିତେରି,

୬୦ ଇଞ୍ଜା ହାଚେକା ସାକିୟାଁ ଖେସ୍ତି ଜିକେଏ, ଏଞ୍ଜାଣି ଏନି ଦହ ପୁଃଆଚେରି □ ଇଞ୍ଜା ତାୟୁ ରିଆରି ନିଚାନା ଖେସ୍ତେରି,

୬୧ ☆ଇଞ୍ଜାସି ଏଲେଇଞ୍ଜାମାଚେସି, “ନାନୁ ମାହାପୁରୁଡ଼ି ଇଲୁ ଡିକହାନା ତାନି ଦିନାଟିଏ କେପାଲି ଆଡ଼ିଇଁ □”

୬୨ ଏମ୍ବାଟିଏ କାଜା ପୂଜେରା ନିଙ୍ଗାନା ଏଲେଇଚେସି, “ନୀ କପାଟି ଜଲିମାନାରାକି ଖେଣ୍ଡେ ଖେସାଲି ନୀ ଏନି କାତା ହିଲେଏ କି ?”

୬୩ ସାମା ଜୀସୁ ପାଲେଏ ଆହାନା ଡୟିତେସି □ ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇଚେସି, “ନାନୁ ଜୀସୁତି ମାହାପୁରୁ ଦରୁତଲେ ପାରମାଣା କିଞ୍ଜି କିହାନା ଖେଞ୍ଜିମାଞ୍ଜାଇଁ, ନାଜେ ଖେସ୍ତାମୁ, ନୀନୁ ସାତେଏ ମାହାପୁରୁ ମୀର୍ଏଣାତି କ୍ରୀସ୍ତତିକି ?”

୬୪ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁତ ଖେସିମାଞ୍ଜି; ଅଡେ ନାନୁ ନିଜେ ଖେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣ୍ଡି ମୀର୍ଏଣାଇଁ

ବାଡ଼ିଯିବାର ମାହାପୁରୁ ଚିନ୍ତାଧାରୀ ନିରାମାନାଣି ଅଡ଼େ ହାଗୁ ଦୁହାଟି
ଖାନାଣି ମେହଦେରି □”

୨୫ ଏମ୍ବାଟିଏ କାଜା ପୂଜେରା ତାନି ହିମ୍ବରି ଗେସାନା ଏଲେଇଚେସି,
“ଇଖାସି ମାହାପୁରୁ ନିନ୍ଦା କିହିମାନେସି, ଇଞ୍ଜା ମାଲେ ଅଡ଼େ ଏନି
ସାକିୟା ଲଡ଼ାମାନେ ? ମେହଦୁ ନୀଏଁ ଜିକେଏ ମାହାପୁରୁ ନିନ୍ଦା
କିତାଣି ଖେଚେରି,

୨୬ ମୀ ଅଣପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି
ଏଲେଇଚେରି ଏଞ୍ଜାସି ହାନ୍ତି ଡଣ୍ଡ ପାଣ୍ଡନାୟି ମାନେ □

୨୭ ଏଚିବେଲା ଏଞ୍ଜାରି ଏଞ୍ଜାଣି ମୁମୁତ୍ତା ହୁପିଚେରି, ବିଦା ଖେଚେରି;
ଇଞ୍ଜା ଆମ୍ବା ଆମ୍ବାଆରି ସାପୁଡ଼ା ଖେଚାନା ଏଲେଇଚେରି,

୨୮ “ଏ କ୍ରୀସ୍ତ ନୀନୁସାଁ ମାହାପୁରୁ ଅଣପୁତି ବଲୁ ଖେହନାତି,
ମାଲେ ଖେସ୍ତାମୁ ନିଜ ଆମ୍ବାଆସି ଖେତାଚେସି □”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୨୬-୨୭; ଲୁକ ୨୨:୫୬-୬୨; ଜହ ୧୮:୧୫-୧୮, ୨୫-
୨୬)

୨୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜା
ର ହଲେଣି ପିତର ତାଗେ ଖାହାନା ଏଲେଇଚେ, “ନୀନୁ ଜିକେଏ
ଗାଲିଲିତି ଜୀସୁତଲେ ମାଟି □”

୩୦ ସାମା ଏଞ୍ଜାସି ବାରେତି ନକିତା “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ
ନୀନୁ ଏନାଆଁ ଖେସିମାଞ୍ଜି ନୀନୁ ପୁଞ୍ଜାହିଲଅଁ □”

୩୧ ଅଡ଼େ ପିତର ଆଂଗେଣି ଦୁଝେରିତା ହାଜାଲିଏ ଅଡ଼େ ର
ହଲେଣି ଏଞ୍ଜାଣାଇଁ ମେସାନା ଏ ଗାମୁତି ଲକୁଣି ଏଲେଇଚେ,
“ଇଖାସି ନାଜିରିତ ଜୀସୁତଲେ ମାଚେସି □”

୩୨ ପିତର ପାରମାଣା କିହାନା ଅଡ଼େ ଏଲେଇଚେସି, “ନୀନୁ
ଏଞ୍ଜାଣାଇଁ ପୁଞ୍ଜାହିଲଅଁ □”

୩୩ ଅଡ଼େ ର ଗାଡ଼େକା ହାଜାଲିଏ ଦାରିତା ନିରାମାଚାରି ପିତର
ତାଗେ ଖାହାନା ଏଞ୍ଜାଣାଇଁ ଏଲେଇଚେରି, “ନୀନୁ ଜିକେଏ ସାଚେଏ
ଏଞ୍ଜାରି ବିତ୍ରାଟି ରଅତି, ଇଚିହିଁ ନୀ ହାଡ଼ାଟି ପୁଣ୍ଡି ଆହିମାନେ □”

୭୪ ଏମ୍ବାଟିଏ ପିତର ପାରମାଣା ଅଡ଼େ ବାକା ଇଟିହିଁ
ଏଲେଇଚେସି, “ନାନୁ ଏଝାଣାଇଁ ପୁଞ୍ଜାହିଲଅଁ □”

ଏ ଦେବୁଣିଏ କୟୁ କେଶ୍‌ତେ □

୭୫ ଏଚେଟିଏ “କୟୁ କେଶ୍‌ଆ ନକେଏ ନାଙ୍ଗେ ତାନି ପାଲି
ପୁଞ୍ଜାହିଲଅଁ ଇଞ୍ଜାଦି” ଇଞ୍ଜିଁ ଜୀସୁ ଖେସ୍ତି ଇ କାତା ପିତର ଅଣ୍‌ପୁତା
ଝାଡ଼େ, ଇଞ୍ଜାଁ ଏଝାସି ପାଙ୍ଗାତା ହାଜାନା ହାରେକା କିଲିବିଲି
ଦୁକୁଆହିଁ ତୀଡ଼େସି □

୨୭

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଇଁ ଖେୟାଲିଏ ବାରେ କାଜା ପୂଜେରାଙ୍ଗା, ଇଞ୍ଜାଁ ଲକ୍ଷୁତି
କାଜାରି ଜୀସୁଇଁ ପାୟାଲି ଏଝାଣି କପାଟି କାତା ଆଡ଼େରି,

୨ ଇଞ୍ଜାଁ ଏଝାରି ଏଝାଣାଇଁ ଦସା ଅହାନା ପିଲାତ ଇନି ସାଲ୍‌ଝି
କିନାଣି ତାଣା ହେର୍‌ପିତେରି □

ଇସ୍ପାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ ☆ଏଚିବେଲା ଜୀସୁଇଁ ସାତୁ କେୟୁତା ହେର୍‌ପିତି ଜୀହୁଦା, ଜୀସୁ
ହାନି ତଣ୍ଡ ବେଟା ଆହାମାନେସି ଇଞ୍ଜିଁ ପୁଞ୍ଜାନା, ଜୀହୁତା ଅଣ୍‌ପାନା
କାଜା ପୂଜେରାଙ୍ଗା ଅଡ଼େ ଲକ୍ଷୁତି କାଜାରି ତାଣା ଏ କଡ଼େଦସ ଟାକା
ଖେଣ୍ଡେ ତାଚାନା ଏଲେଇଚେସି,

୪ “ନାନୁ ଦହ ହିଲଆଗାଟାଣି ନେତେରି ହେର୍‌ପାନା ପାପୁ
କିହାମାଇଁ □”

ସାମା ଏଝାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ?
ଏଦାଆଁ ନାନୁ ଅଣ୍‌ପାମୁ □”

୫ ଏମ୍ବାଟିଏ ଏଝାସି ଟାକାୟାଁଣି ମାହାପୁରୁ ଇଲୁ ବିତ୍ରା କୁତାତୁସାନା
ହାଚେସି, ଇଞ୍ଜାଁ ହାଜାନା ହେର୍‌କି ଲେଜା ହାଡ଼େସି □

☆ ୨୭:୩ ୨୭:୩ କାମା ୧:୧୮,୧୯

୬ ସାମା କାଜା ପୂଜେରାଜା ଏ ଟାକାୟାଁ ଅହାନା ଏଲେଇଚେରି,
 “ଇଝାଆଁ ମାହାପୁରୁ ଇକୁତି ଦନ ତଲେ ଇଚିନାୟି ମେରା ହିଲେଏ,
 ଇଚିହଁ ଇଝି ନେତେରିତି ଟାକାୟାଁ □”

୭ ଇଞ୍ଜା ଏଝାରି କାତା ଆହାନା ଏଟକା ଦେସାତି ଲକୁତି ମାଡ଼ହା
 ମୁହ୍ନି ଟାୟୁ ତାକି ଏ ଟାକାୟାଁ ହାହାନା ର କୁମ୍ପେ_ଏଣା ବୁମି
 କଡିତେରି □

୮ ଏଦାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜି
 ଇନେରି □

୯ ଏମ୍ପାଟିଏ ମାହାପୁରୁ ଅଣ୍ପୁତି ବଲୁ ଝେହ୍ନି ଜିରିମିୟ ତାଣାଟି
 ରାଡିତି ଇ କାତା ସାତା ଆତେ, ଇସାୟେଲ ମୀରକା ଆମ୍ପାଆରି ତାକି
 ଏଚେକା ଲେକା ହାନାୟି ମାନେ, ଏଝାଣି ଲେକାତଲେ ଏ କଡେଦସ
 ଟାକା ଅହାନା,

୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ପେ_ଏଣା ବୁମି ତାକି
 ହୀତେରି □

ପିଲାତ ଜୀସୁଇଁ ଝେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ପାଟିଏ ସାଲୁଝି କିନାଣି ନକିତା ଜୀସୁଇଁ ନିପ୍ତହେରି, ଇଞ୍ଜା
 ସାଲୁଝି କିନାସି ଏଝାଣାଇଁ ଝେଚେସି, “ନୀନୁ ଜୀହୁଦି ଲକୁତି ରାଜାତି
 ?”

ଜୀସୁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି □”

୧୨ ସାମା କାଜା ପୂଜେରାଜା ଇଞ୍ଜା ଲକୁତି କାଜାରି ଏଝାଣି କପାଟି
 ଝେସାଲିଏ, ଜୀସୁ ଏଦାଆଁ ଇନାଆତେସି □

୧୩ ଏଚେଟିଏ ପିଲାତ ଏଝାଣାଇଁ ଏଲେଇଚେସି, “ଇଝାରି ନୀ
 କପାଟି ହାରେକା କାତା ଝେସିମାନେରି, ଏଦାଆଁ ଝେଞ୍ଜି ହିଲଅତି କି
 ?”

୧୪ ସାମା ଏଝାସି ର କାତା ଜିକେଏ ଏଝାଣାଇଁ ଜଲ୍ଲାଆତେସି,
 ଏମ୍ପାଟିଏ ସାଲୁଝି କିନାସି ହାରେକା କାବା ଆତେସି □

ଜୀସୁତି ହାନ୍ତି ତଣ୍ଡ

(ମାର୍କ ୧୫:୨-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୧୫ ପିତୃପିତାମହୀ ପାର୍ବୁ ବେଲତା ଲକ୍ଷ୍ମୀ, ଆମିନି କାୟିଦିତା
ଇଟାମାନାରାଇଁ ରାସିମାଚେରି ଏଞ୍ଜାଣାଇଁ ପିସାଲି ସାଲୁଝି କିନାଣି
ମୋରା ମାଚେ □

୧୬ ଏଚିବେଲ୍ଲା ଏଞ୍ଜାରି ବାରବା ଦରୁଗାଟି ର କାଜା ଝେଲ୍ଲିତି
କାୟିଦି ଗାଟାସି ମାଚେସି □

୧୭ ଏନାଆଁତାକି ଏଞ୍ଜାରି ରୁଣ୍ଡା ଆହାମାନି ବେଲତା ପିଲତ
ଏଞ୍ଜାରିଲ୍ଲି ଝେଚେସି, ନାନୁ ମିଲ୍ଲେତାକି ଆମ୍ବାଆରାଇଁ ପିସାହିୟାଇଁ
ଇଞ୍ଜିଁ ମୀରୁ ମନ କିହିମାଞ୍ଜେରି ? ବାରବାଲ୍ଲି କି ଆମ୍ବାଆରାଇଁ କ୍ରୀସ୍ତ
ଇଞ୍ଜିଁ ମାଞ୍ଜେରି ଏ ଜୀସୁଇଁ ?

୧୮ ଇଚିହିଁ ଏଞ୍ଜାରି ଏଞ୍ଜାଣାଇଁ କପାଟି ହେରପା ମାନେରି ଇଞ୍ଜିଁ
ପିଲତ ପୁଞ୍ଜାମାଚେସି □

୧୯ ଇଞ୍ଜା ପିଲତ ନୀହାୟି କିନି ଚାୟୁତା କୁଗାମାଚାଟି ତାନି ଡକ୍ତି
ତାନି ତାଣା ଝେସା ପାଣ୍ଡିତେ, “ଏ ଦାମ୍ବୁଗାଟି ମାଣ୍ଡିସିଲ୍ଲି ଏନାଆଁ
କିଆନି, ଇଚିହିଁ ଏଞ୍ଜାଣି ତାକି ନୀଞ୍ଜୁ ଲାଆୟାଁ ହାପାନାତା ହାରେକା
କସ୍ତୁ ଆହାମାଇଁ □”

୨୦ ସାମା କାଜା ପୂଜେରାଜା ଅଡେ ଲକ୍ଷ୍ମି କାଜାରି, ବାରବାଲ୍ଲି
ରାସାଲି ଇଞ୍ଜା ଜୀସୁଇଁ ନାସା କିହାଲି ଲକ୍ଷ୍ମି ଜାପ୍‌ହେରି □

୨୧ ସାମା ପିଲତ ଏଞ୍ଜାରିଲ୍ଲି ଏଲେଇଚେସି, “ନାନୁ ଇ ରିଆରି
ବିତ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜିଁ ମୀରୁ ମନ କିହିମାଞ୍ଜେରି
?”

ଏଞ୍ଜାରି ଏଲେଇଚେରି, “ବାରବାଲ୍ଲି □”

୨୨ ପିଲତ ଏଞ୍ଜାରିଲ୍ଲି ଝେଚେସି, ଆଚିହିଁ ଆମ୍ବାଆରାଇଁ କ୍ରୀସ୍ତ
ଇନେରି ଏ ଜୀସୁଇଁ ନାନୁ ଏନାଆଁ କିଲ୍ ?

ଏଞ୍ଜାରି ବାରେଜାଣା ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା
ଏକ୍‌ଦୁ □”

୨୩ ସାମା ପିଲତ ଝେଚେସି, “ଏନାଆଁତାକି, ଏଞ୍ଜାସି ଏନି ଦହ
କିହାମାନେସି ?”

ସାମା ଏଞ୍ଜାରି ହାରେକା କାଲୁଝି ଆହିଁ ଏଲେଇଚେରି,
“ଏଞ୍ଜାଣାଇଁ ପାସି ମୁଣ୍ଡାତା ଏକ୍‌ଦୁ □”

୨୪ ଏଚିବେଲ୍ଲା ପିଲତ ଏନାଆଁ କିହାଲି ଆଡିହିଲଅସି, ଇଞ୍ଜା
ହାରେକା ଗଡ଼ହା ଆହିମାନାଣି ମେସାନା, ଏଚିବେଲ୍ଲା ଲକ୍ଷ୍ମି ନକିତା

ଏୟ ଅହାନା କେୟା ନରହାଁ ଏଲେଇଚେସି, “ଇଝାଣି ପାୟିନି ତାଣା ନା ଦହ୍ ହିଲେଏ, ମୀରୁ ଏଦାଆଁ ପୁଞ୍ଜୁ □”

୨୫ ଏମ୍ବାଟିଏ ବାରେ ଲକୁ ଏଲେଇଚେରି, “ଏଝାଣି ନେତେରିତି ଡଣ୍ଡୁ ମା ଲାକ ଇଞ୍ଜା ମା ମୀରକା ମୁହେଁ ଖାଡ଼େ □”

୨୬ ଏମ୍ବାଟିଏ ପିଲାତ ଏଝାରାକି ବାରବାଇଁ ପିସା ହୀତେସି, ଇଞ୍ଜା ଜୀସୁଇଁ ସାଟ୍‌ଣି ଝେଚାନା ପାସି ମୁଣ୍ଡାତା ଏକହାଲି ହେରପିତେସି □

କସକା ଜୀସୁଇଁ ନିୟାକିହଁ କାକନାୟି

(ମାର୍କ ୧୫:୧୬-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲୁଝି କିନାଣି କସକା ଜୀସୁଇଁ ମେଡ଼ା ଇଲୁ ବିତ୍ରା ଅହାନା ବାରେ କସକା ଏଝାଣି ନକିତା କୁଡ଼ା ଆଡେରି □

୨୮ ଇଞ୍ଜା ଏଝାରି ଏଝାଣି ହିମ୍ବରି ହୁକହାନା ଏଝାଣାଇଁ ହେୟାଁ ଝାଣାଗାଟି ହିମ୍ବରି ହୁଟିକିତେରି,

୨୯ ଇଞ୍ଜା ହାପକା ଚପେରି ଆଲାନା ଏଝାଣି ତାୟଁ ତୁ ଇଟିତେରି ଅଡେ ଏଝାଣି ଚିଝିନି କେୟୁତା ର ବାଡ଼ଗା ଆସପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁଡ଼ହଁ “ଏ ଜୀହୁଦି ଲକୁଡି ରାଜା ଜହରା” ଇଞ୍ଜା ଲାଜାକିହଁ କାକହେରି □

୩୦ ଅଡେ ଏଝାଣିଲାକ ହୁପିତେରି, ଅଡେ ଏ ବାଡ଼ଗା ଆସାନା ଏଝାଣି ତାୟଁ ତୁ ଝେତେରି □

୩୧ ଅଡେ ଏଝାରି ଏଝାଣାଇଁ ଲାଜାକିହଁ କାକହି ତାୟୁ, ଏ ହିମ୍ବରି ହୁକହା ଅହାନା ତାନି ହିମ୍ବରି ହୁଟିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡେରି □

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଟାଟି ସିମନ ଦରୁଗାଟି ର କୁରିଣି ଦେସାତି ଲକୁଇଁ ମେସାନା ଜୀସୁଟି ପାସିମୁଣ୍ଡା ଡେକାଲି ଏଝାଣାଇଁ ବାଲାମାତମି କିତେରି □

୩୩ ଇଞ୍ଜା ଏଝାରି ଗଲଗତା ଇନି ଟାୟୁତା ଇଟିହଁ ଏମିନାଣି ତାୟଁ ରୁପା ଇନେରି ଏମ୍ବାଆଁ ଅଡେରି □

୩୪ ଏମ୍ମାଆଁ ଏଝାରି ଏଝାଣାକି କାମ୍ବେଲି ଏୟୁ ଆବ୍‌ହି ଅଜୁରି ରାସା
ଗସାଲି ହୀତେରି, ସାମା ଏଝାସି ଏଝାଆଁ ଝାଣ୍ଡାନା ଗସାଲି ମନ
କିଆତେସି □

୩୫ ତାୟୁ ଏଝାରି ଏଝାଣାଇଁ ପାସି ମୁଣ୍ଡାତା ଏକ୍‌ହାନା ତାନି ହିମ୍ବୁରିକା
ପାଦି କିହାନା ତାନି ବିତ୍ତା ବାଟି କିହା ଅଡେରି,

୩୬ ଇଞ୍ଜା ଏମ୍ମାଆଁ କୁଗାନା ଏଝାଣାଇଁ କାଟିମାଚେରି □

୩୭ ଇଞ୍ଜା ଏଝାରି ଏଝାଣି ତାୟୁଁ ଲାକଟି ଇଲେଇଞ୍ଜୁଁ ରାଟାନା
ଲେତେରି, “ଇଝାସି ଜୀହୁଦି ଲକୁଡି ରାଜା ଜୀସୁ □”

୩୮ ଏତିବେଲା ତାନି ଚିଃନିଝାକି ରଅସି ଇଞ୍ଜା ତାନି ଚେବିଝାକି
ରଅସି ଇଲେକିହଁ ରୀ ସରକାଣି ତାନିତଲେ ପାସି ମୁଣ୍ଡାତା
ଏକ୍‌ହେରି □

୩୯ ଇଞ୍ଜା ଏ ଜିରୁଟି ହାଜିମାନି ଲକୁ ତାନି ତାର୍କା ଗୁଟକିକିହଁ
ଏଝାଣାଇଁ ନିନ୍ଦାକିହଁ ଏଲେଇଚେରି,

୪୦ ☆ “ଆଡେ ମାହାପୁରୁ ଇଲୁ ତିକନାତି ଇଞ୍ଜା ତାନି ଦିନାଟିଏ
ଏଦାଆଁ ଝେଣ୍ଡେ କେପିନାତି, ନୀନୁ ମାହାପୁରୁ ମୀରଏଣାତି ଇଚିହଁ,
ନୀନୁ ନିଙ୍ଗେ ଗେଲ୍‌ପା କତାନା ପାସି ମୁଣ୍ଡାଟି ରେଟା ଝାମୁ □”

୪୧ କାଜା ପୂଜେରାଜା ଜିକେଏ ଏଲେକିହଁ ଏ ମେରାପୁନାରି
ଇଞ୍ଜା ଲକୁଡି କାଜାରି ତଲେ କିଜଝିକିହଁ କାକ୍‌ହିହଁ
ଏଲେଇଚେରି,

୪୨ “ଏଝାସି ଏଟ୍‌କା ଲକୁଣି ପିସ୍‌ପି କିତେସି ତାଙ୍ଗେ ଗେଲ୍‌ପାଲି
ଆଡିହିଲଅସି □ ଏଝାସିତ ଇସ୍‌ପାୟେଲତି ରାଜା, ଏଝାସି ଦେବୁଣିଏ
ପାସି ମୁଣ୍ଡାଟି ରେଟା ଝାପେସି, ଆଡିହଁ ମାର ଏଝାଣି ତାଣା ନାମିନ
□

୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ
ଏଝାଣାଇଁ ଜୀଝୁ ନହା ମାନେସି, ଆଡିହଁ ଏ ଦେବୁଣିଏ
ଏଝାଣାଇଁ ଗେଲ୍‌ପାପେସି, ଏଝାସି ଝେସାମାଚେସି ନୀନୁ ମାହାପୁରୁ
ମୀରଏଣାତେସି □”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକ୍‌ହା
ମାଚେରି, ଏଝାରି ଜିକେଏ ଏଲେକିହଁ ନିନ୍ଦା କିହାଲି ମାଟ୍‌ହେରି □

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଗାଟିଏ ତାନି ଗଂଗା ପାତେକା ଦେସା ବାରେ ଆନ୍ଦେରି ଆହାହାରେ □

୪୬ ମିଡ଼ଅଲ୍ଲା ତାନି ଗଂଗା ବେଲ୍ଲାତା ଜୀସୁ କାଜା ଗିୟାତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକ୍ତାନି ?” ଇଚିହୁଁ “ଏ. ନା. ମାହାପୁରୁ ଏ. ନା. ମାହାପୁରୁ ନୀନୁ ନାଙ୍ଗେ ଏନାଆଁତାକି ପିସ୍ତାତି ?”

୪୭ ଇ ହାଡ଼ା ଖେଞ୍ଜାନା ଦାରିତା ନିଗାମାଟି ଲକୁ ଏଲେଇଚେରି, “ଇଖାସି ଏଲିୟଇଁ ହାଟି ମାନେସି □”

୪୮ ଅଡ଼େ ଏ ଦେବୁଣିଏ ରଅସି ଏଞ୍ଜାରି ବିତ୍ରାଟି ହଚିହୁଁ ହାଜାନା ର. ଡ୍ରାଃଆଲି ପୁଲ୍ଲା ଅଜୁରି ରାସାତା ମୁସାନା ଏଦାଆଁ ର. ବାଡ଼ଗାତା ଦସାନା ଜୀସୁକି ଗସାଲି ହାତେସି □

୪୯ ସାମା ଏଚେକା ଲକୁ ଏଲେଇଚେରି, “ହେଣ୍ଡୁ, ଏଲିୟ ଇଖାଣାଇଁ ଗେଲ୍ପାଲି ଖାହିମାନେସି କି ଆଏ ସିନିକିନ □”

୫୦ ସାମା ଜୀସୁ ଅଡ଼େ ଖେଣ୍ଡେ କାଜା ଗିୟାତଲେ ହାଟାନା ହାଡ଼େସି □

୫୧ ଇଞ୍ଜା ମେହ୍ଦୁ ମାହାପୁରୁ ଇଲୁତା ଲେଗାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଟା ଆଡ଼େ, ଇଞ୍ଜା ବୁମି ବାରେ ଖୀଡ଼ିତେ ଅଡ଼େ ଖାଲ୍ଲକା ଅୟାହାଟୁ,

୫୨ ଇଞ୍ଜା ମାଡ଼ହା ମୁହ୍ନି ଟାମ୍ଲା ବାରେ ଦେପିଆଡୁ, ଅଡ଼େ ହାହାମାଟି ହାଡ଼େକା ସୁଦୁ ଲକୁତି ଆଙ୍ଗା ମାଡ଼ହା ମୁହ୍ନି ଟାୟୁଟି ନିଙ୍ଗାନା ଖାଡ଼େରି,

୫୩ ଇଞ୍ଜା ଜୀସୁ ଖେଣ୍ଡେ ନିଙ୍ଗିତି ତାୟୁ ଏଞ୍ଜାରି ମାଡ଼ହା ମୁହ୍ନି ଟାୟୁଟି ହଟାନା ସୁଦୁ ଗାଡ଼ାତା ହାଜାନା ହାଡ଼େକା ଜାଣାତି ତଞ୍ଜାଆଡ଼େସି □

୫୪ ପାସାକଡ଼ି କସ୍ତକା ମୁହ୍ନେ କାଜାସି ଇଞ୍ଜା ତାନିତଲେ ଜୀସୁଇଁ କାଟାମାଟାରି, ଏଞ୍ଜାରି ବୁମି ଖୀଡ଼ିତାଣି ଅଡ଼େ ଏମ୍ବାଆଁ ଗଟଞ୍ଜି ଆଡ଼ାଣି ମେସାନା ହାଡ଼େକା ଆଜାନା ଏଲେଇଚେରି, “ସାତେଏ ଇଖାସି ମାହାପୁରୁ ମୀରଏସି ମାଚେସି □”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍ବାଆଁ ମାଞ୍ଜାନା ହେକଟି ସିନିକିହିମାତୁ; ଏଞ୍ଜି ଜୀସୁତି ସେବା କିହିଁ ଗାଲିଲିଟି ଏଞ୍ଜାଣିତଲେ ଖାହାମାତୁ;

୫୬ ଏଞ୍ଜାସିକା ବିତ୍ରାଟି ମଗ୍ଦଲିନି ମରିୟମ, ଜାକୁବ ଅଡ଼େ ଜସେପ ତାମି ଇୟା ମରିୟମ, ଅଡ଼େ ଜେବଦି ତାମି ଇୟା ମାତୁ □

ଜୀସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଗାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଗାସି ଖାଡ଼େସି, ଏଞ୍ଜାସି ଜିକେଏ ଜୀସୁତି ର ସୀସୁ ଆହାମାଗେସି □

୫୮ ଏଞ୍ଜାସି ପିଲାତ ତାଣା ହାଜାନା ଜୀସୁତି ଆଙ୍ଗା ରୀସେସି, ପିଲାତ ଜୀସୁତି ମାଡ଼ହା ଏଞ୍ଜାଣାକି ହେରପାଲି ହୁକୁମି ହୀତେସି □

୫୯ ଜସେପ ମାଡ଼ହା ଆଙ୍ଗାତି ଅହାନା ନେହିଁ ପୁଠନି ପାଡ଼ାଡ଼ା ଦବଲା ହିମ୍ବରି ରୁପିତେସି,

୬୦ ଇଞ୍ଜାଁ ତାନୁ ତାଙ୍ଗେତାକି ହରୁତା କାରୁଞ୍ଜି କିହାମାନି ମାଡ଼ହା ମୁହନି ପୁଠନି ଟାୟୁତା ମାଡ଼ହାତି ଇଟିତେସି, ଇଞ୍ଜାଁ ମାଡ଼ହାତି ମୁହନି ଟାୟୁତି ଦୁଖେରିତା ର କାଜା ଖାଲି ପ୍ରିକ୍‌ହାନା ହାଜାତୁସେସି □

୬୧ ମଗ୍ଦଲିନି ମରିୟମ ଅଡ଼େ ଏବ୍‌କାତି ମରିୟମ ଏ ମାଡ଼ହା ମୁହନି ଟାୟୁତା କୁଗା ଡ଼ୟିତୁ □

ମାହଣି ମାଣ୍ଡାତା କସକା

୬୨ ତାନି ଅର ଦିନା, ଇଟିହିଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଙ୍ଗା ଅଡ଼େ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇତେରି,

୬୩ ☆ “ବାରୁ, ଏ ନାଡ଼ି କିନାସି ଜୀସୁତା ମାଗାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଙ୍ଗିଇଁ’ ଇଞ୍ଜାଁ ଖେସାମାଗାଣି ନୀଏଁ ମାମ୍ବୁ ଅଣ୍ଡିମାନମି □

☆ ୨୭:୨୩ ୨୭:୨୩ ମାତି ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

୨୪ ଏଦାଆଁତାକି ତାନିଦିନା ପାତେକା ଏ ମାତୃହା ମୁହନି ଚାୟୁତା କାଚାଲି ତାକି ହୁକୁମି ହାମୁ, ଆଆତ୍ ତାନି ସୀସୁୟାଁ ଖାହାନା ମାତୃହାତି ତଂଗା ଆହାଁ ଏଝାସି ହାକିଟି ନିଜାମାନେସି ଇଞ୍ଜି ଲକୁଣି ଝେହ୍ନେରି; ଆତିହ୍ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୨୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ମୀ ଆଡ଼ିନି ପାତେକା କାଃଆଦୁ ।”

୨୬ ଏଦାଆଁତାକି ଏଝାରି ହାଜାନା କାଃଆନାରି ତଲେ ଏ ଝାଲି ଗୁଚା ଆଆପେଝା ଇଞ୍ଜି ଝାଲିତି ଜାଣି କିହ୍ ସୀଲି ଝେଚାନା ମାତୃହା ମୁହନି ଚାୟୁତା କାଃନାରାଇଁ କାପି କିତେରି ।

୨୮

ଜୀସୁ ଝେଣ୍ଡେ ନିଜିନାୟି

(ମାର୍ଚ୍ଚ ୧୨:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜନିନି ଦିନା ରାଡ଼ି ତାୟୁ ଝାରାତି ତଲିତି ଦିନାତା ଲାଇ ଲାଇସିଏ ମଗ୍ଦଲିନି ମରିୟମ ଅଡ଼େ ଏବକାତି ମରିୟମ ମାତୃହା ମୁହନି ଚାୟୁତି ସିନିକିହାଲି ହାଚୁ ।

୨ ଅଡ଼େ ମେହ୍ଦୁ ଏ ଦେବୁଣିଏ ବୁମି ଝୀତିତେ, ଇଚିହ୍ ମାହାପୁରୁତି ର ଦୁତୁ ଲାକପୁରୁତି ରେଚାଝାହାନା ଏ ଝାଲିତି ଗୁଚି କିହାନା ଏଦାଣି ଲାକ କୁରିତେସି ।

୩ ତାନି ଝାଣା ମିଶସିମାନି ହାଗୁଲେହେଁ ମାଚେ ଅଡ଼େ ତାନି ହିମ୍ବରି ପେଣ୍ଡିଲେହେଁ ଦବ୍‌ଲା ମାଚେ ।

୪ ଇଞ୍ଜାଁ କାଃଆନାରି ଆଜିତାକି ତୀରଗିହ୍ ହାଡ଼ିଲେହେଁ ଆଡ଼େରି ।

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇଚିହ୍ ମୀରୁ ପାସି ମୁଣ୍ଡାତା ହାଡ଼ି ଜୀସୁଙ୍କ ପାରିମାଞ୍ଜେରି, ଏଦାଆଁ ନାନ୍ତୁ ପୁଞ୍ଜିମାଇଁ ।”

୬ ଏଝାସି ଇମ୍ପାଆଁ ହିଲଅସି; ଇଚିହ୍ ଏଝାସି ଏନିକିଁ ଝେସାମାଚେସି, ଏଲେକିହ୍ ଏ ନିଜାମାନେସି, ଝାଦୁ ଏଝାସି ଆମିନି ଚାୟୁତା ତୁରାମାଚେସି ଏ ଚାୟୁତି ସିନିକିଦୁ ।

୭ ଅତେ ମୀରୁ ତବେ ହାଜାନା ତାନି ସୀସୁୟାଣି ଝେହ୍‌ଦୁ, ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଅତେ ମେହ୍‌ଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍‌ଆଁ ମୀରୁ ଏଝାଣାଲ୍ ମେହ୍‌ଦେରି; ନାନୁ ଝେସ୍‌ତାଣି ଅଶ୍‌ପାଦୁ □

୮ ଏମ୍‌ଟିଏ ଆଜି ଅତେ ରାହ୍‌ଟି ମାହ୍‌ଣି ମାଣ୍ଡାଟି ତବେ ହାଜାନା ତାନି ସୀସୁୟାଣି ଝେସାଲି ଦାବ୍‌ଡି ହରୁ □

୯ ଅତେ ମେହ୍‌ଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିଡ଼ଡି ଆୟାପେ” ଏମ୍‌ଟିଏ ଏଝି ତାଗେ ଝାହାନା ଏଝାଣି କତାୟା ଆସାନା ଏଝାଣାଲ୍ ଜହରା କିତୁ □

୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟାୟାଲ୍ ଝେହ୍‌ଦୁ, ଏଝାରି ଗାଲିଲିତା ହାଲାପେରି; ଏମ୍‌ଆଁ ଏଝାରି ନାଙ୍ଗେ ମେସ୍‌ତାନେରି □”

ମାହ୍‌ଣି ମାଣ୍ଡା କାଃଆନାରି

୧୧ ଆୟାସିକା ହାଜିମାତାଟି, କାପୁ କାଟାମାଟି କସ୍‌କା ବିତାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟ୍‌ଝି ଆଡ଼ାଣି କାଜା ପୂଜେରାଙ୍ଗାଣି ଝେସ୍‌ସେରି □

୧୨ ଏଝାରି ଲକୁଡି କାଜାରି ତଲେ ରୁଣ୍ଡା ଆହାନା ଅଶ୍‌ପିହ୍‌ କାତା ତୀରିକିତି ତାୟୁ, ଏ କସ୍‌କାକି ହାରେକା ଟାକାୟା ହୀହାନା ଏଲେଇଚେରି,

୧୩ “ମୀରୁ ଏଲେଇଞ୍ଜୁ, ମାମ୍‌ ତୁରାମାଟି ବେଲାତା ତାନି ସୀସୁୟା ଲାଆଁୟା ଝାହାନା ଏଝାଣାଲ୍ ସରୁ ଆହାନା ଅତେରି □

୧୪ ଅତେ ଇ କାତା ସାଲ୍‌ଝି କିନାଣି କିୟ୍‌ ତୁା ହାଟିହ୍‌, ମାମ୍‌ ଏଝାଣାଲ୍ ନେହ୍‌ କ୍‌ ଝେସାନା ମୀ ଅଶ୍‌ପୁଟି ପସ୍‌ପି କିୟାନମି □”

୧୫ ଏଝାରି ଟାକାୟା ଅହାନା ଏନିକ୍‌ ହୁକୁମି ବେଟାଆହା ମାଚେରି, ଏଲେକିହ୍‌ କିତେରି □ ଏଦାଆଁତାକି ଇ କାତା ଜୀହୁଦି ଲକୁଡାଣା ଝେଙ୍ଗା ହାଜାନା ନୀଏଁ ପାତେକା ମାନେ □

ଜୀସୁ ତାନି ସୀସୁୟାଲ୍ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

୧୭ ☆ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଞ୍ଜରାୟାଁ ଖେସାମାରେସି, ଏ ହରୁତା ହାରେରି
□

୧୭ ଅଡେ ଏଞ୍ଜରି ଏଞ୍ଜରାୟାଁ ମେସାନା ଜହରା କିତେରି, ସାମା ଆମ୍ବା ଆମ୍ବାଆରି ନାମାଆତେରି □

୧୮ ଇଞ୍ଜା ଜୀସୁ ଏଞ୍ଜରି ତାଗେ ଖାହାନା ଏଲେଇରେସି, “ଲୀକପୁରୁ ଅଡେ ଦାରତିତି ଅଦିକାରା ନାଞ୍ଜେ ମେଡା ଆହାମାଞ୍ଜାନେ □

୧୯ ☆ଏଦାଆଁତାକି ମୀରୁ ହାଜାନା ବାରେ କୁଡାତି ଲକୁଣି ଆବା, ମୀରୁଏସି ଅଡେ ସୁଦୁଜୀଞ୍ଜୁ ଦରୁଟି ବାପ୍ତିସ୍ମ* ହାହାନା,

୨୦ ନାନୁ ମିଞ୍ଜେ ହାହାମାଞ୍ଜାନି ହୁକୁମି ବାରେ ମାନୁଞ୍ଜି ଆହାଲି ଜାପୁହାନା ଏଞ୍ଜରାୟାଁ ନା ସୀସୁୟାଁ କିଦୁ; ମେହୁଦୁ ଜୁଗୁ ରାନି ପାତେକା ନାନୁ ବାରେରେଲା ମୀ ତଲେ ମାଞ୍ଜେ ମାଞ୍ଜାଇ □”

☆ ୨୮:୧୭ ୨୮:୧୭ ମାତ୍ରି ୨୭:୩୨; ମାର୍କ ୧୪:୨୮ ☆ ୨୮:୧୯ ୨୮:୧୯ କାମା ୧:୮

* ୨୮:୧୯ ୨୮:୧୯ ମୁଞ୍ଜିନାୟି

CXXV

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20